


Book of Worship

Church Of Melanesia
Temotu Diocese
Natqgu Language
Santa Cruz

Translated by the Natqgu Translation Project
Printed June 2000
2000 Copies

Buk Ngr Nzangiongr

**Ngr Makxtr Ngr Melanisiz
Trmctu Daesis
Szntz Krus**



Kx Yr Mrlx Kcng Wztrng Mz Natqgu
Nzwzng Mz Jun 2000
Nzkqlu-krde Krlzbzle 2000

Da Kx Ycpxm Mz Buk Lc

Mzli r Nzodutr-lxblnrg Badr Gct

Nzkrka'ngr Mz Nourla Kc Kai	1
Nzkrka'ngr Mz Nourla Kxtpwz	10
Nzkrka'ngr Mz Nourla	14
Nzoliqtingr Nabz Mz Nzmungrkxtr #1	20
Nzoliqtingr Nabz Mz Nzmungrkxtr #2	22
Nzmungrkxtr	23
Nzkrka'ngr Milzpq	30
Nzkrka'ngr Mz Nrlekxbq	37
Nzawingr Mznibr Nzrmikangr	42

Nzkrka'ngr

Nzkrka'ngr x Nzawingr	44
Natq Kxtpwzng Kx Narlwx Zvz	
Mz Mzli Rde Mz Yiz Kxtr	57
Nzkrka'ngr Kcng Tzvz-nqblqlr Yiz Kxtr	60
Nzrlxngr Da Kxkqlu	101
Nzawingr Kxkqlu	106
Nzetqkr Drtq Kxkqlu	108
Nzkrka'ngr Kxnmnc-mrbrng Kxkqlu	111

Sam 115

Nabz Kxtrng 1

<u>A. Nabz Ngr Zbq Kang Kqlu</u>	2
1	Nabz Kcng Kai 2
2	Kxrmnr-ngrbz 4
3	Nourla 4
4	Milzp 6
5	Zbq Sc Kxetu 8
6	Nrpakxmrz 10
7	Nzrkangr 15
8	Nzmungrkxtr 15
9	Nzawingr 27
10	Nzglqpxngr 31
11	Nzamqngitr-lzbq-mou-ngrpwz 53

12	Nabz Neng Doa Kxnztopwzng	61
<u>B. Nabz Kx Nangrngr Mz Zbq Kxetu (<i>The Church Year</i>)</u> 63		
13	Nzvz-ngrm (<i>Advent</i>)	63
14	Krismas	66
15	Nzyrlqbzlr Drtq Jiszs	77
16	Nzaelwapx-ngrbz Jiszs Badr Leplz Kcng Trngiu Lr Jiu (<i>Epiphany</i>)	77
17	Nzwrkxtrkr Jiszs	79
18	Jiszs Nzprmitr Makxtrdau	79
19	Nzoliqtingr Nabz Leplz (<i>Lent</i>)	80
20	Nzaprlztqkr Enjrl Gebrel Mxri	83
21	Sade Kx Nzaya-glqngr Nabx Nzlu (<i>Palm Sunday</i>)	83
22	Zbq Krapwx Kxtr	84
23	Zbq Kranzlvqn Kxmrlz	85
24	Nztulz-moukr Kraes	87
25	Nzvzdzkr Jiszs Heven Mz Nzngini-krde King	90
26	Nzvzo-krm Mqngkrtr	95
27	Tqtrbz (<i>Trinity</i>)	98
28	Nrkrdrdq Jiszs Tekqtr-lzbq	101
29	Kros Kxtr	102
<u>C. Nabz Ngr Zbq Sc Kxnztr Kcng Pnz'</u> 103		
30	Nabz Kx Nangr-rgr Mz Zbq Kxtr Lcng Amrlx	103
<u>D. Nqmq Ngr Nzrkangr Zmrlzkxmyalz Badr Leplz</u>		
<i>(Rites)</i> 121		
31	Nzawrkxtrngr	121
32	Nzlolvzongr Nar Nekeng Nzplzpxlr Nzrlxngiti-krdr	121
33	Nzyrlzng	121
34	Nzlolvzongr Nar Nznginingr Dikon E Mama	122
35	Nzamlzng	123
36	Mzli Kx Nzbzng	124
<u>E. Kzdung Kz Dzbe Nabz</u> 124		
Me Naobqtrngr Dzbe Nabz (<i>Index by Subject</i>) 126		
Me Naobqtrngr Nabz Mz Natqgu (<i>Index of Natqgu Titles</i>) 143		
Me Naobqtrngr Nabz Mz Englis (<i>Index of English Titles</i>) 153		

Nzkrka'ngr Mz Nourla Kc Kai

† Mz drtq Gct Trte, Gct Mrlxde, x Gct Mqngrkxtr. Eu.

Nabz

*Natq kxtpowzng kx narlwx zvz mz mzli rde mz Yiz Kxtr namcng mz leu rdeng 57-59,
ycmi Nzkrka'ngr Kcng Tzvz-nqblqlr Yiz Kxtr.
Naabzoku nzkrka'ngr mrlc.*

Kxetu okatrp nigr.

Murde naglqlzkr nim.

Gct vz-anim mz nzarlapx-krm nigr.

Kxetu rnekim mz nzokatr-krm nigr.

Glxkr zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmle mzluka,
x kxnamu-zvzpele lc. Tqyc, tqyc. Eu.**

Glqpxku Yawe!

Naglqpxku drtqde!

Sam Ngr Mzbqka

Nzryrngrkxtr Kc Kai X Krali

Krlc natq Gct.

Naawi-ngrbzku bade.

*Nzmnc-Irpingr
Rlwx dq naesz' mz Natq Kxtpowz lcnng rpwxmz.*

1. Gct, Glqpxkr Nim

1. Gct, glqpxkr nim x glxkr kx nim Kxetu rgr.
2. Trte kc tqmnc zvz, lr nrlc atwrngr nzangiokr nim.
3. Enjrl amrlx nzangrlvzlr nim, nidr badr lr Heven,
x lr zmatqng amrlx mrla.
4. Enjrl kxnztu-ngalelvzlr tron nyz'm nzrpi-zvzbzlr bam kx,
5. “Yawe Gct kxrnr, drtqm tr-esz'ngr.
6. Heven x nrlc esz'ngr zluli rm.”
7. Kzteng aposol kxnzmyalz nzglqpxlr nim.
8. Dzbe propet kxmrlz nzglqpx-kzlr nim.

9. Ami kc tznibqng mz nzlxngiti-krdr Jiszs,
tzkqng lrpz kxprki nzglqpx-kzlr nim.
10. X leplz kxtr nemqng amrlx mz nrlc nzglqpx-kzlr nim.
11. Murde nim Trte x rngiscm zmatq x zluli kc tqyc, tqyc.
12. X takitrde nzangio-krgr nimu ncdr mrlxm angidr kc
esz'txu,
13. X Mqngrkxtr kc tqokatrle nigr.
14. Kraes, rngiscm zluli x nim King r Heven.
15. Nim mrlx Trte, x nim kc tqlu zvv.
16. Trpx-wrn nelz olvz kxmnc-kamelr, a' mzp nzmc nginim
leplz, murde naarlapxq leplz.
17. X lvxpxbzme naonrx ngr Heven, badr kxnzrlxngiting
amrlx, mz nzaovxio-krm zmatq ngr nzbzng.
18. Nim kc tqwxbuom me matq mz nrlar Gct kxrte,
mz zluli r Trtem Heven.
19. Lxngitkr kx sa navzme mz nzjzs-krm nigr.
20. Rlxtibzkr bam kx naokatrq nigr kxnzvwz nemqng keng
tqarlapxq mz mepyr ngrm.
21. Murde namnc-zvzkr badr kxnztr nemqng mz zluli rm
Heven.
22. Kxetu, arlapx x amrlz nigr keng tzngi leplz nemqng.
23. X aolve nigr x atulz nigr murde naptrkr mz nzlung
kxboi.
24. X mz zbz kang kqlu naglqlz-zvzkr nim.
25. X naangio-krgr nim tqvzpe tqvzpe.
26. Kxetu rgr, okatr nigr murde bzkq rtrngzbzkr alwx
mzbqka.
27. Kxetu, naye mz drtwrm nigr, eu naye mz drtwrm nigr.
28. X okatr nigr, murde abtrpzkr drtwrgr bam.
29. X ninge kz kx abtrpzle drtwrde bam.
Bzkq rlr-ngrme bange nzmya'kr drtqng. ***Eu***.

2. Naglqpxku *Luk 1:68-79*

1. Naglqpxku Yawe, Gct ngr Israel!
**Murde vzpem mz nzarlapx-krde leplz nedeng
mz zmatq sc enqmi rdr.**

2. Atwzlrpemele bagu kxarlapx kxxplr,
**Mz neidu lr King Devet, neblo kc tqawz Gct
tqmrlytipxbz.**
3. Gct esalz-ngrde dalcde seng.
Pibzle mz propet nede kcng mzlike bqnc.
4. Gct rpile naarlaxbzle nigu
mz zmatq sc enqmi rgu kcng tztrkalr-ngrdr nigu.
5. Alele dalc mz nzaelwapx-krde nzyckr drtwrde
melrmqung, vz-nqblqle ncnrpe' ke tqpipxle.
**Ncnrpe' ke tqycpxm mz natqde kcng tqtr,
tzrpibz 'Kavnzn'.**
6. Krlc tqesalz-kai-ngrbzle mz melrmqgu Ebraam,
mz nzarlaxp-krbzle nigu lr Jiu mz zmatq sc enqmi
rgu.
**Murde mzli kx angio-ngrgu nide x wztr-ngrbzku
bade, bzkq mwx'lrtiku enqmi rgung. A' natubqku
x natrku mz nzmnetr-krbzku mz Gct, mz zbq kang
kqlu.**
7. Zbz Sakaraia ke tqycmnetrpe-ngrde mrlxde Jon, rpile kx,
“Nim, kx mrlxng, nangi nim propet ne Gct
ke tqmyatxlz-esz'ngr.
**Nim kx nartwayz-kaipz mz Gct, mz nzpi-krbzme mz
leplz naoliqti-lzbqng mz nzvz-krmlle.**
8. Napibzme mz leplz nedeng kx sa narlapxng,
murde naipqpxbzle alwx ngrdrng.
9. Murde Gct ngrgu ryc-katongr drtwr, x sa naatwzlo-
ngrmlle Kraes bagu,
naapule zyzlr kx naaelwapxle da kx ngi daangidr.
10. X naaelwapx-kzle lrpzki r nzarlaxpngr mz krkeng
mqngrdr tqbz, naapule zyzlr nzaopx-krbzle lrpzki mz
krkeng tzmncng mz nzlo.
**X namailzbzle nigu murde namnc-nrwx-ngrgu badr
Gct.”**
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

**3. Nabz Ne Sadrak, Misak, X Abednego
Nzngr-ngrmlr Mz Nrlc**

Nigu amrlx kcng tqwzng Kxetu, naglqlzku nide.
Naangrlvzku x naangioku nide tqyc tqyc.
Nimu enjrl ne Yawe, naglqlzamu nide.
Naangrlvzamu x naangioamu nide tqyc tqyc.
Nimu lr Heven x nigr lr nrlc, naglqlzku Kxetu rgu.
Naangrlvzku x naangioku nide tqyc tqyc.
Nigu leplz naglqlzku Yawe.
Naangrlvzku x naangioku nide tqyc tqyc.
Nigu doa neng Gct, naglqlzku nide.
Naangrlvzku x naangioku nide tqyc tqyc.
Nimu pris neng Yawe, naglqlzamu nide.
Naangrlvzamu x naangioamu nide tqyc tqyc.
Nigu kxnzwtztrpzng mz Kxetu, naglqlzku nide.
Naangrlvzku x naangioku nide tqyc tqyc.
Nigu kxnztubqzbng mz mz Yawe, naglqlzku nide mz
nabzgu.
Naangrlvzku x naangioku nide tqyc tqyc.
Naglqlzku leplz kcng tq mz Gct kc esz'txu.
Naangrlvzku x naangioku nide tqyc tqyc.
Kxetu, Gct r melrqmqgrng, naglqlzkr nim,
X naangrlvzkr x naangiokr nim tqyc tqyc. Eu.

**4. Nabz Ne Sadrak, Misak, x Abednego
Nzngr-ngrbzlr mz Yawe**

Obla lcng tq nzmncpxmqng mz nabz ma-kxpq
nzaxvctr-lzbqng,
Mz nzangrlvzng x nzangiongr Gct.
Kxetu, Gct r melrqmqgrng, naglqlzkr nim,
X naangrlvzkr x naangiokr nim tqyc tqyc.
Naglqlzkr drtqm kxmyalz x tr,
X naangrlvzkr x naangiokr nim tqyc tqyc.

Naglqlzkr nim mz zluli rm,
X naangrlvzkr x naangiokr nim tqyc tqyc.
Naglqlzkr nim ke tqlvemi Nar-enjrl nemqng
mz nzobqplxti-krm me boongr prla,
X naangrlvzkr x naangiokr nim tqyc tqyc.
Naglqlzkr nim mz nzngini-krm King
ke tqwxbuom mz tron,
X naangrlvzkr x naangiokr nim tqyc tqyc.
Naglqlzkr nim mz nzmnc-krm Heven ke tqyctxlz,
X naangrlvzkr x naangiokr nim tqyc tqyc. Eu.

5. Nzangrlvznggr Gct Heven

Nzaetwapxnggr 4:8, 11 & 5:9-10, 12-13

Yawe Gct kxrnir, drtqm tr-esz'ngr,
Kc tqmnc mzlika, x tqmnc zvz, x sa navzm.
Yawe, nipem Gct rgr. X takitrde nim
Nzrglqlznggr, nzangionggr, x nzrglxnggr zmatq ngrm.
Murde wz-ngrn da amrlx mz nrlc.
Nzmnc-krdr x nzyc-krdr,
vz-nqblqle me pnz' drtwrm.
Kxetu Jiszs, Nim Nei-sip,
Kx rtwayz x kxrmnr-ngrbz.
Nim kx rvzmimqng leplz leng amrlx,
Nidr kxnzprpxmqng mz nou, natq, neidu,
x drtqbr amrlx.
Murde nangini-ngdrdr pris neng Gct rgu
mz nzwztr-krbzlr bade.
X nidr kx naaolve-atwrnrngng mz nrlc tulvzo.
Nim Nei-sip ke tznibq. X takitrde nim
Nzrglqlznggr, nzangionggr, nzrglqpxnggr,
x nzrglxnggr zmatq ngrm,
Nzyrplapx-krm, nzxplr-krm, x kx nim angidr bcnyr.
Nim ke tqngi Nei-sip,
x nim Trte ke tqwxbuom mz tron,
Naglqpxkr nimu, naamatqkr nimu, naawi-ngrbzkr bamu,
X naglx-nggrgr zmatq ngrmu, tqvzpe tqvzpe! Eu!

6. Nzavzo-lzbqkr Kraes *Pilipae 2:5-11*

Nzao-krmu drtwrmu naapule Kraes Jiszs.
**Murde Kraes esz'krde apule Gct mz da amrlx
x nzesaklrng ncdr Gct.**
Kxmule-esz' a' yrlqtxole nzesaklr-krdr ncdr Gct.
**X rlaszmle me matq,
x vzm mz nzngini-krde ncblo txne.**
Nzmika apule leplz,
X vzm apule kxnzawz-nrbalq.
Avzo lzbq, x vz-nqblq-zvzle Gct,
**krlzbzle mzli r nzbz-krde,
mz nztqlvztr-krdr nide mz kros.**
Mz nzm-krde lcde,
Gct kabzle bade me matq esz'ngr Heven,
X aprtzbzle bade drtq kx myaszlzle drtq amrlx.
Murde da amrlx Heven x mz nrlc,
narweong zpr mz nzangio-krdr drtq Jiszs.
**X leplz amrlx naglqpxlr Gct Trtegu mz nzpipx-krdr
kx Jiszs Kraes nide Lod.**

7. Nzangiongr Gct *Nzaelwapxngr 15:3-4*

Yawe, Gct kc tqrninr, King nepnz'me mzlikc bqnc,
Nzwz-krmqng myapx-esz'ngr x kctipxkrng.
Nqm q krmqng daangidr x tubq-esz'ngr.
Leplz nzmya'titrlr nim. Nim txpwz kxtr-esz'ngr,
Lr nrlc amrlx sa navzmqng mz nzangio-krdr nim.
Murde aelwapxpe-ngrn nqm q krmqng kxtubq.
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

8. Kxarlapx r Lr Nrlc

Jiszs Kraes, nim kc tqarlapxle lr nrlc,
Rlxtibzkr bam, axplr nigr.
Kxarlapx rgr, xpepeq nigr mz nzyrleo-krm
mepyr ngrm mz kros.

Rlxtibzkr bam, okatrp nigr.

Mevalu rgr, mz mzli r nzbzngr,
vzmipeq kxnvz-nqblqlr nim Heven.

Rlxtibzkr bam, arlapx kz nigr.

Me rlakitrkr, naye mz drtwrm nigr.

Rlxtibzkr bam, ipqpxbz alwx rgrng.

Butqbr ke bqnc, aelwa-ngrm bagr nzxplr-krm
mz nzarlapx-krm nigr.

Rlxtibzkr bam, murde naglqlzkr nim.

Lod rgr, vzm mz nzngini-krm King mz nabzgr.

Rlxtibzkr bam, atutr nzkrka'krgr.

Kxetu rgr, yzlu-moup.

Rlxtibzkr bam, mnc-zvzm bagr.

Mrlx Gct, mzlike navz-ngrme mz zmatq x zluli rm,

Rlxtibzkr bam, alrti nigr mz nzaotr-angidr-krgr nim.

Lrpalvc nyz'gr, awi-ngrbzkr bam.

Yawe, glqpxkr nim. Eu.

9. Nabz Ngr Nztulz-moukr Kraes

1 Korin 5:7, Rom 6:9-11, 1 Korin 15:20-22

Nide Kraes ke tqngi Neisip ke tznibq-ngrde nigu,
mz nzngini-krde blz ngr Pasovz kxmrna.

Delc, mz nzakaputr-krmgu Pasovz rgu,

Navz-nqblqku nqm q angidr kxtubq kx apule bret
ke trpnz'ngr yis ngrde,

**A' bzkq vz-nqblqku nqm q ngr alwx kxtrka kx apule
bret kx yetrngr yis.**

Kraes tulz-moup mz nzbzngr x trpengr nzbz-krde mou.

X trpengr nzmncz-krbzle mz zmatq ngr nabzngr.

Murde bz-ngrde nzwrd e sz'txu mz nzaykrpx-krde
zmatq ngr alwx,

A' mz nzlu-krmouple lc,

nzlu-krde xvctr-mopwz mz Gct.

Mz nqm q kcpwz nabzmiku Kraes murde zmatq ngr alwx
naaykrpxbzle bagu,

**X mz nzlu-krbzku mz Jiszs Kraes Kxetu rgu,
naaxvctr-lzbq-kzpzku mz Gct.**

Gct alu-kai-mople Kraes mz nzbzngr,
Mz nzaelwapx-krde kx sa naatulz-kzple kxnzbzpeng.
Nzbzngr vzm mz nrlc, vzpx-ngrmle ncblo esz',
drtqde Adam.

**X leplz amrlx nzbzngr murde nzvzpxmqng
mz nqvi lrde.**

A' mz nqmq kepwz, nztulzngr-moup mz nzbzngr
vzpx-ngrmle ncblo esz', Jiszs, kc tqngi Mesaea.

**X leplz amrlx sa natulz-kzmoung
murde nzxvctrpzng mz nqvi lrde.**

Glxkr zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

Nzrlxngitkr Aposol ne Jiszs

Lxngitix Gct Trte kxrminr kc tqwz-ngrde Heven x nrlc.

X lxngiti-kzx Lod rgu, Jiszs Kraes, Mrlx Gct kc esz'txu. Batrpz
Mqngrkxtr, yrngr Mxri kx mnc-kamelr, x mikapxle. Drtqde
nzaetqbz mz zmatq sc Pentizs Paelzt, nztqlvztr mz kros, bz x
nzyrtzm. Vzo Hxl, x z bq kratq ngr nzbz-krde, sc tzatulzpe-mopwq.
Vzdz Heven x wxbuo me matq mz nrlarde kxrte ngr Gct Trte
kxrminr. X sa navzom Heven mz nzjzs-krde leplz kxnzclubeng x
kxnzbzpeng.

X lxngiti-kzx Mqngrkxtr, lrmakxtr ne Kraes mz nrlc tulvzo,
nzodutr-lxblkr kxnzrlxngiting, nzipqpxkr Gct alwx, nztulz-
krmopwq nrkrdrdq mz nzbzngr, x nzlungr kxboi. *Eu.*

Kxetu namncbz bamu.

X namnc-kzpz bam.

Nakrka'ku.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-
esz'ngr, x nzmncz-krbzkr bam mz nzngini-krm King rgr. Murde
navz-nqblq-kzkr me pnz' drtwrm, dakc tzwai lr Heven. Kam bagr
dzu r da kx natakitrde mzbqka. X ipqpxbz alwx rgrng, navz-nqblqle
nzipq-krgr nekeng nzaletrpqng da kx tmrlzu bagr. X arlapx nigr
mz zmatq sc Setzn, mz nzokatr-krm nigr mz nztu-amqngi-krgr mz

nzatalzngr. X awi mz nzayzlu-krme natqgr, mz nzngini-alo-krm king rgr, mz zmatq ngrm ke tqyc, tqyc. **Eu.**

Nzkrka'ngr Mzbqka

Narlwx dq NAESZ' nzkrka'ngr lcnq x mz nibrde "Trtegr, zmrlzkxmyalz..."

Gct, nim ke tqaobz nrwx badr leplz murde namncng mz drtwr kxesz'. Mz nzkrzlzti-angidr-krgr nim, rmctikr nzlungr kxboi. Mz nzwz-nrbalqtr-krbzkr bam, drtqgr opx-angidrpe mz zmatq ngr alwx. Rlxtibzkr kx tukirpxbz nigr leplz txne kxnzwztrpznq bam, mzlikznike enqmi rgrng nzatrkatni-ngdrdr nigr. Murde bzkq mwz'lrtikr zmatq scdr, mz nzabrtr-krbzkr drtwrgr **mz zmatq ngr Jiszs Kraes Kxetu rgr. Eu.**

Lod Gct kxrminr, nim ke tqmnc zvz, x nim Trtegr ke Heven. Awi-ngrbzkr bam mz nzaolve-angidr-krm nigr kau, krlzmle mzlika. X rlxtibzkr aolve-angidr nigr mzbqka mz zmatq ngrm kxxplr, murde bzkq prtrkr mz nabz da kxatrka. X okatr nigr murde bzkq alekr alwx. A' murde naale-zvzkr da kxtubq mz mzpq, aolve da amrlx kcng naalekrng, **mz zmatq ngr Jiszs Kraes, Kxetu rgr. Eu.**

Kxrpalz ke tqmnc zvz, wz-ngrn nigr mz zmatq ngrm x xpeq nigr mz nivz lrm. Mzlika, mailz x axplr nigr mz Mqngrkxtr, murde nawztr-angidrzbzkr bam, namrlzti-zlwzkr nim x namrlzti-lzbqgr. **Mz zmatq ngr Jiszs Kraes, Kxetu rgr. Eu.**

Trtegr ke tqly zvz, pna'milxti nabzgr mz nzrtangrti-krgr nim, murde naglqlzkr nim mz natqgr, naangrlvzkr nim mz nabzgr, x naabrtlvzkr nim mz nzmnc-krgr. **Mz zmatq ngr Jiszs Kraes, Kxetu rgr. Eu.**

Gct ke esz'txu, awi mz nzaolve-krm nigr kau, krlzmle mzbqka. Okatrp nigr murde bzkq taokr mz alwx, a' naalekr da amrlx mz nzabrtlvz-krgr nim x **mz drtq Jiszs Kraes, Kxetu rgr. Eu.**

Zmrlzkxmyalz

*Trtegr, zmrlzkxmyalz ngr Kxetu rgr Jiszs Kraes, x nivz lrm, x nzodutr-lxblr-krgr badr Mqngrkxtr, nayc-zvzm bagr. **Eu.***

Nzkrka'ngr Mz Nourla Kxtopwz

† Mz drtq Gct Trte, Gct Mrlxde, x Gct Mqngrkxtr. **Eu.**

Nabz

Gct vz-anim mz nzarlax-krm nigr.

Kxetu rnekim mz nzokatr-krm nigr.

Naglxku zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmlc mzluka,
x kxnamu-zvzpele lc, tqyc tqyc. Eu.**

Glqpxku Yawe!

Naglqpxku drtqde!

SAM 119:1-8

- 1 Awi Yawe! Neipz' nekeng trnzvz-rbrung,
A' nzvz-nqblqlr Loukxtr scm.
- 2 X neipz' kz nekeng nzlxngitilr natqm,
X nzrtangritilr nim mz nabzdr atwrngr.
- 3 X nekeng nzalelr da kxtubq,
X nzozlilr lrpzki rm.
- 4 Alvztr-zvzq nigr
Murde nalolvz-amqngikr nqm q krm.
- 5 Navz zvz
Nzrtangrti-krnge me pnz' drtwrm.
- 6 Delc trnanya'-ngru drtqnge,
Mz nzaoti-zvzkr drtwrnge Nzryrngrkxtr.
- 7 Glqlzx nim mz nztubqkr nabznge
Murde alqngitipeq ninge.
- 8 Bzkq amnctxn ninge esz'-krnge,
Murde naalex da kx pitimeng bange.
Glxku zluli r Trte, x Mrlxde, x Mqngrkxtr.
**Dakc tqwai-pnz'le mz noude,
Krlzmlc mzluka, x kxnamu-zvzpele lc, tqyc tqyc. Eu.**

e krlc

SAM 119:9-16

- 9-10 Bzkq rlr-ngrme nzrlasz-krnge nim,
Murde se tqabzx nzwztr-krbo bam mz drtwr kxpq.
Nzlolvz-amqngikr obla natqm
Dekc natu-kirpx-ngrde nide mz drtwrde kx vz-rbr.
- 11 Aoti zvz drtwrnge Nzryrngrkxtrng
Murde natubq-zvzbo mz mzp.
- 12 Yawe, glqlzx nim,
X nakrlz-angidrx nqm q krm.
- 13 Tumi zvz nzetukr natqng
Nzpipx-krnge Loukxtr scm.
- 14 Nzabrtzng kx vzpxm mz nzvz-nqblq-krnge nim
Myaszpxle nzrngisc-krnge trau kxkqlu.
- 15 Nadcpz mz drtwrnge me pnz' drtwrm.
Mz nzaoti-zvzkr drtwrnge nzalvztr-krm.
- 16 Naabrtzlvzx nzti rm,
X trnamrbrtru mz drtwrnge.

Glxku zluli r Trte, x Mrlxde, x Mqngrkxtr.
Dakc tqwai-pnz'le mz noude, krlzmle mzlika,
x kxnamu-zvzpele lc, tqyc tqyc. Eu.

Nzryrngrkxtr Ngr Mzbqka.

Krlc natq Gct.

Naawi-ngrbzku bade.

Rlwx I Tim lc e Ngrngrnamu mz Nabz # 9

Murde ni-zvzde King, kx lu zvz, trnzmcu. Nide txpwz Gct.
Naglqlz-zvzku, angio-zvzku nide. **Eu.** *1 Tim 1:17*

Naawibzku mz Gct!

Jiszs Kraes, Mrlx Gct kx lu, naye mz drtwrm nigr.

Jiszs Kraes, Mrlx Gct kx lu, naye mz drtwrm nigr.

Jiszs, wxbuq mz nrlar Trte kxrte,

Naye mz drtwrm nigr.

Glxku zluli r Trte, x Mrlxde, x Mqngrkxtr.

Jiszs Kraes, Mrlx Gct kx lu, naye mz drtwrm nigr.

Yawe, vzm mz nzokatr-krm nigr,

X arlapx nigr murde drtqm naamatq.

Narweo zpr

Kxetu, naye mz drtwrm nigr.

Jiszs Kraes, naye mz drtwrm nigr.

Kxetu, naye mz drtwrm nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-
esz'nigr, x nzmncz-krbzkr bam mz nzngini-krm King rgr. Murde
navz-nqblq-kzkr me pnz' drtwrm, dack tzwai lr Heven. Kam bagr
dzu r da kx natakitrde mzbqka. X ipqpxbz alwx rgrng, navz-nqblqle
nzippq-krgr nekeng nzaletpqnq da kx trmrlzu bagr. X arlapx nigr
mz zmatq sc Setzn, mz nzokatr-krm nigr mz nztu-amqngi-krgr mz
nzatalzng. X awi mz nzayzlu-krme natqgr, mz nzngini-alo-krm
king rgr, mz zmatq ngrm kc tqyc, tqyc. **Eu.**

Sam 51:9-12

Rlwx Sam lc e Ngrngrnamu mz Nabz # 198

Okatrp ninge nzglqlz-krnge nim.

Murde mz z bq kang kqlu naangrlvzx zluli x zmrlz ngrm.

Bzkq obqtrpe-mouwq nzmyakr drtqnge mz alwx rngeng.

A' amqtrp drtwrnge.

Gct, tekqtrpz nabznge murde natubqx

Mz nzvz-nqblq-krnge nim.

Bzkq maszlrpx-ngrn ninge mz nzmncz-krbo bam,

X bzkq katxpxq nzokatrkr Mqngm ninge.

Aelalzngr-moupq drtwrnge nzarlapx-krm ninge,

Murde nalxngiti-zvzx nim.

Gct Trte, Mrlx, x Mqngkxtr, plzpxbzkr alwx ngrgrng bamu mz mz
lr Heven amrlx, kx vz-rbrkr mz da kx aoti drtwrgr, da kx pikr, x da
kx rtrngztibzkr, mz nzvz-nqblq-krgr me pnz' drtwrgr. X krka'ngrgr
kx naye mz drtwrm nigr.

Gct nim ke tqaolve-atwrnrngr nrlc, naye mz drtwrm nigr mz nzipq-krm nigr x mz nzarlapx-krm nigr mz zmatq kxtrka. Okatr nigr mz nzale-krgr da kx mrlz. Rlrpx-ngrn nigr nzmnc-alo-krgr badr mz nzlungr kxboi. Mz zmatq ngr Jiszs Kraes, Kxetu rgr. **Eu.**

Nzmu Mama kx tqmncle, narlwile nzkrka'ngr lc :

Leplz nengeng, Gct ycng drtwrde nimu. Ipqpele nimu x katxpxpebzle alwx ngrmung amrlx, murde plzpx-angidrpebzmu alwx ngrmung. Krka'ngrne kx nayrlqbzle mzli r nzatubqti-krmu nqm q scmu mz zmrlzcxmyalz x nzokatrkr Mqngrkxtr. **Eu.**

Yawe, obq-moup x ka-moup nzlungr kxmrna bagr,
Murde nigr leplz nemqng naabrtzlvzkr nim.

Kxetu, aodu nigr mz nivz lrm,
X arlapx nigr mz zmatq ngrm.

Okatr nigr murde bzkq rtrngzbzkr alwx mzbqka.
X naye mz drtwrm nigr. Eu naye mz drtwrm nigr.

Lod, xlrn natqgr,
X atutr nzkrka'krgr.

Nakrka'ku.

Nzkrka'ngr Mzbqka

Yawe, nim ke tqaolve-atwrnrngr nrlc. Krka'ngrgr kx namailzq x naokatrq nabzgr x nrkrdrqtgr mz nzyrlq-angidr-krgr natqm. Murde natubkir-zvz-ngrn nabzgr x nrkrdrqtgr mz zmatq ngrm. Rlxrtibzkr dalcng mz drtq Kxarlapx rgr, Jiszs Kraes. **Eu.**

Kxetu namncbz bamu.
X namnc-kzpz bam.

Naglqpxku Gct.
Naawibzku bade.

Yawe, amrlz nigr, x arlapx nigr mz zmatq kx trka amrlx. Rlrpx-ngrn nigr nzmnc-alo-krgr badr mz nzlungr kxboi. X mz nzyckr drtwrm, amnc mz nrwx kxnzrlxngiting kcng tzbzpeng. **Eu.**

Nzkrka'ngr Mz Nourla

† Mz drtq Gct Trte, Gct Mrlxde, x Gct Mqngrkxtr. **Eu.**

Nabz

*Mwi-angidrx mz nrlckxbq, x melz-mopwc' mz nourla, murde Yawe
kx aolve-zvzle ninge. - Sam 3:5*

Nzrplzpxngr Alwx

Naavzo-lzbqgu mz nzrplzpx-krbzku alwx ngrgung mz Gct.

Gct Trtegr, alwx ngrgrng atrkati-ngrr nim, mz da kx aoti drtwrgr, x da kx pikr x da kx rtrngztibzkrng. Trmrlztikru nim mz nabzgr atwrngr x trmrlzti-kzkru leplz kzbleng dake tqwai nzmrlzti-lzbq-krgr. Rlxtibzkr bam naye mz drtwrm nigr, x ipq nigr mz alwx ngrgrng. X okatr nigr mz nzaxtx-krgr dakeng tqoti-rbrbzkng. Rlxtibzkr dalcng mz zmatq ngr Jiszs Kraes Kxetu rgr. **Eu.**

Kxetu, nim ke tqyc mz drtwrm nigr x abtrtpzkr drtwrgr bam. Ipqpzbz alwx ngrgrng amrlx murde namncbzkr bam mz nrw x nawztr-nrbalqbzkr bam. Rlxtibzkr **mz zmatq ngr Jiszs Kraes Kxetu rgr. Eu.**

Naabzoku nzkrka'ngr mrlc.

Kxetu okatrp nigr,

Murde naglqlzkr nim.

Gct vz-anim mz nzarlax-krm nigr.

Kxetu rnekim mz nzokatr-krm nigr.

Tulz

Glxkr zluli r Trte, x Mrlxde, x Mqngrkxtr.

**Dake tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

Glpqpxku Yawe!

Naglpqpxku drtqde!

Sam 95

Namnczbzku Mz King Kc Tqngi Kxrpalz

1 Nangrbzku mz Yawe mz nzabrtzng.

Murde nide Butqbr ke tqrlakitrku.

- 2 Naawibzku bade
Mz nzngr-kato-krbzku bade mz nabz kx yrlvi!
- 3 Murde Yawe nide Gct kxmyalz-esz'ngr,
X nide King kx myaszlzle get kzbleng.
- 4 Me boongr yc mz mqde.
X nyz'-kzde newz kxmyalzng.
- 5 Prla x drtc' nyz'de
Murde wz-ngrde.
- 6 Naangioku Yawe kc tqwz-ngrde nigu
Mz nzyzngulvzo-krgru nide.
- 7 Murde nide Gct rgu, x nigu leplz nedeng,
Apuku sipq kx aolveleng.
- X rpimle bagu kx,
- 8-9 “Bzkq nabzmu mqngipe, dack tzwai melrmqmu,
mz nzmnc-krdr mztea Meriba x Masa mrgc lzke,
Murde drtwrdr litrp bange.
X trtemu lcong nzatalzlr ninge
mz nzabetr-krmlr bange mqdr lue,
Kxmule-esz' nzmc-zvzlr nizrka-krbo badr da kxmrlz.
- 10 Yiz nzpnu'pwx nya'ti ngr drtwnge nidr mzlilcde.
Murde trnozozliru nzti nge.
X nzpntpx-ngrdr natqnge.
- 11 X drtwnge kx nzangya'-zlwzmlrle kc, sc tqesalzpex kx,
Trtxpnz'ngr nzprtrkr leplz lcong mz drtc' nyz'nge
mz nzama-krdr elr.”
Glxkr zluli r Trte, x Mrlxde, x Mqngrkxtr.
Dack tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.

Sam Ngr Mzbqka

Nzryrngrkxtr Kc Kai Ngr Mzbqka

Krlc natq Gct.

Naawi-ngrbzku bade.

*Mz nzamrbctitxngr pwz nzkrka'ngr mz nourlz, narlwat xpwz dq nzryrngr naesz' x narlwadq
txpwz kzdq nzrglqpxngr lcong: 1. Gct, Glqpxkr Nim, e 2. Naglqpxku, e 3. Naawi-ngrbzku mz
Yawe Nzaodu-krde.*

1. Gct, Glqpxkr Nim

1. Gct, glqpxkr nim x glxkr kx nim Kxetu rgr.
2. Trte kc tqmnc zvz, lr nrlc atwrngr nzangiolt nim.
3. Enjrl amrlx nzangrlvzlr nim, nidr badr lr Heven,
x lr zmatqng amrlx mrla.
4. Enjrl kxnztu-ngalelvzlr tron nyz'm nzrpi-zvzbzlr bam kx,
5. "Yawe Gct kxrninr, drtqm tr-esz'ngr.
6. Heven x nrlc esz'ngr zluli rm."
7. Kzteng aposol kxnzmyalz nzglqpxlr nim.
8. Dzbe propet kxmrlz nzglqpx-kzlr nim.
9. Ami kc tznibqng mz nzlxngiti-krdr Jiszs,
tzkqng lrpz kxprki nzglqpx-kzlr nim.
10. X leplz kxtr nemqng amrlx mz nrlc nzglqpx-kzlr nim.
11. Murde nim Trte x rngiscm zmatq x zluli kc tqyc, tqyc.
12. X takitrde nzangio-krgr nimu ncdm mrlxm angidr
kc esz'txu,
13. X Mqngrkxtr kc tqokatrle nigr.
14. Kraes, rngiscm zluli x nim King r Heven.
15. Nim mrlx Trte, x nim kc tqlu zvz.
16. Trpx-wrn nelz olvz kxmnc-kamelr,
a' mzp nzmc nginim leplz, murde naarlaxq leplz.
17. X lvxpxbzme naonrx ngr Heven, badr kxnzrlxngiting
amrlx, mz nzaovxio-krm zmatq ngr nzbzngr.
18. Nim kc tqwxbuom me matq mz nrlar Gct kxrte,
mz zluli r Trtem Heven.
19. Lxngitkr kx sa navzme mz nzjzs-krm nigr.
20. Rlxtibzkr bam kx naokatrq nigr kxnzvwz nemqng keng
tqarlapxq mz mepyr ngrm.
21. Murde namnc-zvzkr badr kxnztr nemqng
mz zluli rm Heven.
22. Kxetu, arlapx x amrlz nigr keng tzngi leplz nemqng.
23. X aolve nigr x atulz nigr murde naptrkr
mz nzlungr kxboi.
24. X mz zbq kang kqlu naglqlz-zvzkr nim.
25. X naangio-krgr nim tqvzpe tqvzpe.
26. Kxetu rgr, okatr nigr
murde bzkq rtrngzbzkr alwx mzbqka.

27. Kxetu, naye mz drtwrm nigr, eu naye mz drtwrm nigr.
28. X okatr nigr, murde abtrtpzkr drtwrgr bam.
29. X ninge kz kx abtrtpzle drtwrde bam.
Bzq rlr-ngrme bange nzmya'kr drtqng. ***Eu.***

Nzryngrkxtr Krali Ngr Zbqka

Krlc natq Gct.

Naawi-ngrbzku bade.

2. Naglqpxku Luk 1:68-79

1. Naglqpxku Yawe, Gct ngr Israel!
Murde vzpem mz nzarlax-krde leplz nedeng mz zmatq sc enqmi rdr.
2. Atwzlrpemle bagu kxarlax kxxplr,
Mz neidu lr King Devet, ncblo kc tqawz Gct tqmrlztipxbz.
3. Gct esalz-ngrde dalcde seng.
Pibzle mz propet nede keng mzlike bqnc.
4. Gct rpile naarlaxbzle nigu
mz zmatq sc enqmi rgu keng tztrkalr-ngrdr nigu.
5. Alele dalc mz nzaelwapx-krde nzyckr drtwrde melrmqung, vz-nqblqle ncnrpe' ke tqipixle.
Ncnrpe' ke tqycpxm mz natqde keng tqtr, tzrpibz 'Kavnzn'.
6. Krlc tqesalz-kai-ngrbzle mz melrmqgu Ebraam, mz nzarlax-krbzle nigu lr Jiu mz zmatq sc enqmi rgu.
Murde mzli kx angio-ngrgu nide x wztr-ngrbzku bade, bzq mwx'lrtiku enqmi rgung. A' natubqku x natrku mz nzmctr-krbzku mz Gct, mz zbq kang kqlu.
7. Zbz Sakaraia ke tqycmnetrpe-ngrde mrlxde Jon, rpile kx,
"Nim, kx mrlxng, nangi nim propet ne Gct
ke tqmyatxlz-esz'ngr.
Nim kx nartwayz-kaipz mz Gct, mz nzpi-krbzme mz leplz naoliqti-lzbqng mz nzvz-krmle.
8. Napibzme mz leplz nedeng kx sa narlapxng,
murde naipqpxbzle alwx ngrdrng.

9. Murde Gct ngrgu ryc-katongr drtwr,
x sa naatwzlo-ngrmle Kraes bagu,
naapule zyzlr kx naaelwapxle da kx ngi daangidr.
10. X naaelwapx-kzle lrpzki r nzarlaxngr mz krkcng
mqngrdr tqbz, naapule zyzlr nzaopx-krbzle lrpzki
mz krkcng tzmncng mz nzlo.
**X namailzbzle nigu murde namnc-nrwx-ngrgu
badr Gct.”**
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

3. Naawi-ngrbzku mz Yawe Nzaodu-krde *Sam 100*

- 1 Nigu leplz amrlx mz nrlc,
Naangrlvzku Yawe!
- 2 Naangioku x naglqpxku nide
Mz nzalalz-krm drtwrgu!
- 3 Nalxngitiku kx Yawe nide Gct,
X nigu leplz nedeng murde wz-ngrde nigu.
X apuku sipq ngr nardzng nyz'de.
- 4 Mz nzvztr-krdu mz naobz x makoa ngr Makxtrdau,
Navz zvz nzawi-krbzku bade x nzangio-krdu nide.
- 5 Murde Yawe mrlz-esz'ngr.
X aodule nigu mz nzatutr-zvz-krde natqde.
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc tqyc, tqyc. Eu.**

Nzrlxngitigr Aposol ne Jiszs

Lxngitix Gct Trte kxrnr kc tqwz-ngrde Heven x nrlc.

X lxngiti-kzx Lod rgu, Jiszs Kraes, Mrlx Gct kc esz'txu. Batrpz Mqngrkxtr, yrngr Mxri kx mnc-kamelr, x mikapxle. Drtqde nzaetqbz mz zmatq sc Pcntizs Paelzt, nztqlvztr mz kros, bz x nzyrtzm. Vzo Hxl, x zbz kratq ngr nzbz-krde, sc tzatulzpe-mopwq. Vzdz Heven x wxbuo me matq mz nrlarde kxrtc ngr Gct Trte kxrnr. X sa navzom Heven mz nzjzs-krde leplz kxnzlubeng x kxnzbpeng.

X lxngiti-kzx Mqngrkxtr, lrmakxtr ne Kraes mz nrlc tulvzo, nzodutr-lxblrkr kxnzrlxngiting, nzipqpxkr Gct alwx, nztulz-krmopwq nrkrdrdq mz nzbzng, x nzlungr kxboi. **Eu.**

Kxetu namncbz bamu.

X namnc-kzpz bam.

Nakrka'ku.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmncz-krbzkr bam mz nznngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nznngini-alo-krm king rgr, mz zmatq ngrm ke tqyc, tqyc. **Eu.**

Nzkrka'ngr Mzbqka

Mz zbq kr Kxnztrng, narlwx txpwz Nzkrka'ngr mz zbq lc, a' mz zbq kr Kxnzeturng kx kaputrp mz Sade, narlwx Nkrka'kr Kxnztrng x Nzkrka'ngr mz Sade la.

Nzkrka'ngr Nrwx

Gct, nim ke tqaobz nrwx badr leplz murde namncng mz drtwr kxesz'. Mz nzkrzlzti-angidr-krgr nim, rmetikr nzlungr kxboi. Mz nzwz-nrbalqtr-krbzkr bam, drtqgr opx-angidrpe mz zmatq ngr alwx. Rlxtibzkr kx tukirpxbz nigr leplz txne kxnzwtztrpzng bam, mzlizniker enqmi rgrng naatrkatini-ngrdr nigr. Murde bzkq mw'lrtikr zmatq scdr, mz nzabrtr-krbzkr drtwgr **mz zmatq ngr Jiszs Kraes Kxetu rgr. Eu.**

Nzkrka'ngr Nzokatrng

Lod Gct kxrninr, nim ke tqmnc zvz, x nim Trtegr ke Heven. Awingrbzkr bam mz nzaolve-angidr-krm nigr kau, krlzmler mzluka. X rlxrtibzkr aolve-angidr nigr mzbqka mz zmatq ngrm kxxplr, murde bzkq prtrkr mz nabz da kxatrka. X okatr nigr murde bzkq alekr alwx. A' murde naale-zvzkr da kxtubq mz mzpq, aolve da amrlx keng naalekrng, **mz zmatq ngr Jiszs Kraes, Kxetu rgr. Eu.**

Nzkrka'kr Krisastom

Gct kxrninr, mzluka rlxtipebzkz mz drtwr kxes'z' dakcng tqsutidrtwrgr, mz nzokatrkr zmlrz ngrm kxmyalz. X amnqlzq kx mzlizniku nzkrka'ngr leplz kxli e tq mz drtqm, sa nakabzme nikeng nzrlxtlr. Mz nzmukrde lode, kapem bagr, nigr kxzwz nemqng, dakcng tqaenzlibzkz tqlxtibzkz bam, navz-nqblqle me pnz' drtwrm namrlz-ngrmle bagr. Murde nakrlzkr natqm angidr mz nrlc ka, x narmctikr nzlungr kxboi mz nrlc ke navzm. **Eu**.

Zmlzcxmyalz 2 Korin 13:14

Trtegr, zmlzcxmyalz ngr Kxetu rgr Jiszs Kraes, x nivz lrm, x nzodutr-lxblr-krgr badr Mqngkxtr, nayc-zvzm bagr. **Eu**.

* * * * *

Nzoliqtingr Nabz Mz Nzmungrkxtr #1

Narweo zpr

Nakrka'ku:

† Mz drtq Gct Trte, Gct Mrlxde, x Gct Mqngkxtr. **Eu**.

Kxetu namncbz bamu.

X namnc-kzpz bam.

Naoliqtiku nabzgu murde natubqz mz mz Gct x namukxtrku mz drtwr kxbr murde bzkq mw'lrku mz nzngya'tikr drtwrde nigu. Navzng drtwrgu alwx ngrgung x natekqtrku nabzgu. X naipqku kztegunz mz alwx kznikeng yc mz mzlirgu badr. X naabzku nzvqtikr drtqgu nzvz-nqblq-krgr natq Gct x nqmz krde. Murde mz nzmukxtr-krgr mz nzrlxngiti-krgr, dekc Mqngkxtr naprtr-ngrmle mz nabzgu mz nzokatr-krde nigu x mz nzamrlz-krde nrkrdrdqgu.

Krka'ngrgu nzlxngiti-krgr Gct.

Gct, okatrp nigr mz nzvz-krmgr bam mz nzrlxngitingr murde naaovxiokr nrlc, nrkrdrdqgr, x Setzn mz nzprlvzkr mzkz da amrlx kcng tqvepxle nigr mz nzvz-nqblq-angidr-krgr nim.

Awi mz nzyckr drtwrm nigr.

Krka'ngrgu kx narmctiku nzokatnrg.
Gct, rblxm bagr nzokatr-lzbq-krgr. Okatrp nigr mz nivz lrm murde nabzgr naxplr mou.

Awi mz nzyckr drtwrm nigr.

Krka'ngrgu kx namnc-aepztrpzku mz Gct.
Gct, okatrp nigr mz nznngi-krgr nim mz nzmukxtr-krgr murde narmctikr da kx naamrnale x naapqtrple drtwrgr.

Awi mz nzyckr drtwrm nigr.

Krka'ngrgu kx naesz'tiku mz nzmungrkxtr.
Gct, nim kx rngi-batrp nznngini-krgr neidu kxesz' mz Mrlxm. Okatrp nigr mz nznngi-krbzk nzesz'ti-krgr kx vzpxm mz nzodutr-lxblr-krgru mz nzmutr-krbzk bam.

Awi mz nzyckr drtwrm nigr.

Krka'ngrgu kx namyatitrku Gct.
Gct, okatrp nigr mz nzmyatitr-krgr x nzmrlzti-krgr nim murde nabzm naelalz-ngrmle nzvz-krmgr mz nzmutr-krbzk bam.

Awi mz nzyckr drtwrm nigr.

Krka'ngrgu kx bzkq mwx'lrku mz nznngya'tikr drtwr Gct nigu.
Gct, awi kx ipqq nigr mz nzplzpx-krbzk alwx ngrgrng bam. Okatrp nigr mz nzlxngiti-krgr nzipq-krm nigr, murde bzkq mwx'lrkr mz nznnga'tikr drtwrm nigr, a' nabrti zvz drtwrgr nim mz nzvz-krmgr bam.

Awi mz nzyckr drtwrm nigr.

Nabz

[Nangmgr dq Nabz ngr Nzmungrkxtr e Wiki Kxtr]

Nakrka'ku:

Kxetu, mz nzmukxtr-krgr, trbrti drtwr-lzbqgru mz nztubq-krgr esz'-krgr. Murde trtakitrdeu nigr esz'-krgr nzmuk-krgr muli drtam. A' brti txpwx drtwrgr nztubqkr Kraes mz nzbz-krde nigr, murde yc zvz mz drtwrm nigr. Krka'ngrgu kx nalu-zvzbzk bade x namnc-zvzm bagr mz nznngq-krgr nevrde x nzmngq-krgr mepyr rde. Okatrp nigr mz nzkrka'-krbzk bam mz drtwr kxesz' murde rlxtibzk mz drtq Mrlxm, Jiszs Kraes. **Eu.**

Nzoliqtingr Nabz Mz Nzmungrkxtr #2

Narweo zpr

† *Mz drtq Gct Trte, Gct Mrlxde, x Gct Mqngrkxtr. Eu.*

Nabz

[Nangrgr dq Nabz ngr Nzmungrkxtr e Wiki Kxtr]

Mqngr Kraes

Mqngr Kraes, atr ninge.

Nrkrdrdq Kraes, okatrp ninge.

Mepyr ngr Kraes, apqtrp drtwrge.

Lue ngr blrir Kraes, awr ninge.

Zvetq ngr drtq Kraes, axplr ninge.

Mevalu Jiszs, xlrn ninge.

Mz nzbz-krm, alu ninge.

Mz zmatq ngrm, lolvz-amqngi ninge.

Mz mq enqmi rnge, arlapx ninge.

Mzlike nabz-ngrne, kqlem ninge,

Murde navzbo bam, x naaxvctr-lzbqbo mz nzrglqlzkr kxnztr nemqng, tqyc tqyc. ***Eu.***

Mzlike namukxtr-ngrne

Jiszs, vzm bange mz nzalqngi-krm ninge.

Mevalu, vzm bange mz nzamrlz-krm nrkrdrdqng.

Kxarlapx, vzm bange mz nzaxplr-krm ninge.

Kxetu, mzlike tqrmcti-ngrne nim, bzkq rlaszq ninge

Murde alwx rngeng, a' namnc-zvztrpebo bam.

Jiszs, angiox nim mz Nzmungrkxtr.

Mevalu, drtwrge br kx nim kc tqmnc-aepztrp bange mz nzwewo-krbo zpr bam.

Kxarlapx, lxngitix kx mrlztiq ninge.

Okatrp ninge murde nzmrlzti-krnge nim naetunepx.

Kxetu, vzmc bam. Aelwa-lzbq-ngrm bange.

Lod, okatrp ninge murde nivz lrm, nztubq-krm, x nzmrlz-krm nayc-zvzng mz nabzng.

Jiszs, nim kxtr.
X nim Kxarlapx kc tqyc zvz mz drtwrde nigr.
Nim Kztegr x Mzlegr.
Okatrp nigr murde:
Nzkrlz-krgr nim naopxpwz,
Nzmrlzti-krgr nim naetunexpwz,
X nzvz-nqblq-krgr nim natubq-zvzpwz.

Kxarlapx ngr lr nrlc, arlapxq nigr mz kros x mepyr ngrm.
Kxetu, okatr-zvzm nigr.

* * * * *

Nzmungrkxtr

Tulz

Nakrka'ku:
Mz drtq Gct Trte, Gct Mrlxde x Gct Mqngrkxtr. Eu.

Gct Kxrninr, nabzgr obqplxq, krlzq da kx suti-drtwrgr, murde krlzq da amrlx. Alqbz nabzgr mz Mqngrkxtr, murde namrlztikr nim, x naglqpx-angidrkr nim. Mz zmatq ngr Jiszs Kraes kc tqngi Kxetu Lod rgr. **Eu.**

Kxetu, naye mz drtwrm nigr.
Jiszs Kraes, naye mz drtwrm nigr.
Kxetu, naye mz drtwrm nigr.

Zluli r Gct

Amatqkr Gct kc tqmyalz. X mz nrlc, avzom nrwz bagr! Glqpxkr nim, mrlztikr nim, angiokr nim, glqlzkr nim, x awi-ngrbzkr bam nzetukr zluli rm. Lod Gct, King r Heven, Gct Trte kxrninr.

X nim Lod rgr Jiszs Kraes, Mrlx Gct kc esz'txu, nimq Nei Sip ne Gct, Mrlx Trte. Katxpeq alwx ngr lr nrlc. Naye mz drtwrm nigr. Katxpeq alwx ngr lr nrlc, atutr nzkrka'krgr. Wxbupeq me matq ngr Gct, awi-ngrbzkr bam nzyekr drtwrm nigr.

X nim Jiszs Kraes ncdr Mqngrkxtr, nimu txpwz kxtr, nimu txpwz Kxetu, nimu txpwz kxxvctr mz zluli kxmyalz ngr Gct Trte. **Eu.**

Nakrka'ku

Nzkrka'ngr Mz Wiki Ka

Mc mz leu rdeng 60-101

Nzryrngrkxtr Kc Kai *(Nawxbu)*

Nzryrngrkxtr Kc Krali *(Nawxbu)*

Mz nzyrkrpxkr Nzrlwxngr kc kai x krali

Krlc natq Gct.

Naawi-ngrbzku bade.

Nzmnc-lrpingr

Nrpakxmrly *(Tulz)*

Kxetu namncbz bamu.

X namnc-kzpz bam.

Nzyzutkr Nrpakxmrly

† **Lod, glqlzkr zluli rm.**

Nzyrkrpxkr Nrpakxmrly

† **Kraes, glqpxkr nim.**

Nzryapwxngr

Nzrlxngitingr Kx Nzaolvz Mztea Naesiz

Lxngitiku Gct ke esz'txu, Trte Kxrnir, ke tqwz-ngrde Heven x nrlc, x da amrlx keng tzmc x trnzmcung.

X lxngitiku Lod rgu Jiszs Kraes, mrlx Gct ke esz'txu. Nzmnc-pnz' ncdr Trte. Gct vzpxm mz Gct, zyzlr vzpxm mz zyzlr, Gct angidr vzpxm mz Gct angidr. Nzmika a' trnzwz-ngru. Nidr ncdr Trte da Kxesz', wz-ngrde da amrlx. Nide kx vzom Heven murde naarlaxle nigu leplz, x mnc mz nrkrdrdq, mz zmatq ngr Mqngkxtr. Mikapx Mxri kxmncamelr mz nzngini-krde leplz. X mz zmatq sc Pentizs Paelzt, nztqlvztr mz kros, x katxpxle alwx rgung. Bz x nzyrtzm, x zbz kratq sc tqtulzpe mou, vz-nqblqle Nzryrngrkxtr. Vzdz Heven x wxbuo me matq mz nrlar Gct Trte kxrtc. Sa nayzlu-moup mz zluli, mz nzjzs-krde kxnzclubeng x kxnzbpeng, x nzaolve-krde lc tqvzpe tqvzpe.

X lxngitiku Lod Mqngkrxtr, ke tqrkam nzlungr bagu, ke tqvzom mz Trte ncdr Mrlxde. Nidr badr Trte x Mrlxde nzangio x nzglqlz. X mz nide dekc tqaycmnele propet keng bqnc.

Lxngitiku makxtr esz' nyz' aposol, x nzwrkxtrngr esz' mz nzipqpxngr alwx, x nztulzngr-moup mz nzbzngr, x nzlungr mz nrle kc navzm. **Eu.**

Nzkrka'kr Leplz Neng Gct

Narweo zpr

Nakrka'-ngrgu Lrmakxtr ne Kraes atwrnnggr, x leplz amrlx mz nikeng suti-drtwrdr.

Gct Kxrminr, Nzryrngrkxtr alvztr-ngrde nigr kx naawi-ngrbzkr bam x nakrka'-ngrgr leplz amrlx. Delc, mzlika awi-ngrbzkr bam da amrlx keng tqkame bagr...

Naglqpxku Gct.

Naawibzku bade.

Gct, rlxtibzkr bam nzatutr-krm nzkrka'-krgr Lrmakxtr atwrnnggr ne Kraes. Krka'-ngrgr kx nivz x nrwx naye zvz mz nabz leplz amrlx keng tzlxngitilr nim. Murde drtwrdr naesz'ti kx Natqm daangidr, x namneng mz nivz mz nzngini-krdr neidu kxesz'.

Gct, naye mz drtwrm nigr.

X atutr nzkrka'-krgr.

X krka'-ngrgr kx mz zmrlz ngrm kxmyalz okatr ncblo nemqng keng tzalvztr-ngrdr natqm x tzwztrng mz da kxtr. Krleng ncblo keng tzwztrpzng bam...Bisop, mama x dikon ngrgrng amrlx mz Trmctu Daesis ...murde mz nzmnc-krdr x nzalvztr-krdr naaelwapx-ngrdr zluli rm mz nzryctr-krmlr leplz bam.

Gct, naye mz drtwrm nigr.

X atutr nzkrka'-krgr.

X krka'-ngrgr leplz keng tzaolveng drtqbr amrlx. Krleng Kwin Elisabet, Governor General, Prime Minister, Cabinet, Primia ngrgr, x kxnzrmailz rgrng amrlx...murde naaolve-angidrng mz nqmq kxtubq mz nzao-krbzlr nrwx x nzodutr-lxblr-krdr badr leplz nedrng amrlx.

Gct, naye mz drtwrm nigr.

X atutr nzkrka'-krgr.

Rlxtibzkr bam, mailz x okatr leplz keng tzwz-ngdrdr nzrlepngxr Nrpakxmrlz mz mztea amrlx... X napnz'milxtiom zyylr ngrm me nzwzng, skul, klinik, x manyz'-kxnzyagoxng amrlx...

Gct, naye mz drtwrm nigr.

X atutr nzkrka'-krgr.

X rlxtibzkr bam, okatr nigr leplz nemqng amrlx mz nzwz-krgr mz zmrlz ngrm kxmyalz... X okatr nigr kxnzwz nemqng mz nzvz-nqblq-krgr Natqm kxtr mz drtq kxvq. Murde nawztr-angidrbzkr bam mzlika tqlu-nggrg mz nrlc.

Gct, naye mz drtwrm nigr.

X atutr nzkrka'-krgr.

Gct Trtegr, rlxtibzkr bam okatr leplz amrlx keng nzmnc-krdr tqtrka, keng drtwrdr tqvz, keng drtwrdr tqstuti da x keng tzyagoxng...mz nivz lrm kc tqetu-esz'ngr.

Gct, naye mz drtwrm nigr.

X atutr nzkrka'-krgr.

Trtegr, krka'-ngrgr leplz nemqng amrlx keng tzbzpeng tzabtrpzlr drtwrdr bam x tzmyatitrlr nim...X glqpx-nggrg nim leplz kxtr nemqng...x awi-ngrbzkr bam nqm q krdr kxtubq, x krka'-ngrgr kx navz-nqblqkr nqm q leng, mz nzprtr-krgr badr mz nzabrtz-zvzng Heven.

Trtegr kxtr, atutr nzkrka'-krgr, mz nzvz-nqblq-krdr me pnz' drtwrm. Mz zmatq ngr mrlxm Jiszs Kraes Lod rgr. ***Eu.***

Nzaveatingr

Navzmgu mz nzplzpx-krbzku nzvz-rbr-krkung mz Trtegu kc Heven, murde vzng drtwrgu alwx leng, x lxngiti-angidrku kx sa naipqle nigu.

Nzmnc-lrpingr

Nzrplzpxngr Alwx

Trte Kxrnr, nim kx jzsle leplz amrlx. Alwx rngeng kx yctrpz bam, mz da kx aoti drtwrge, da kx pix x da kx rtngztibo. Trmrlzti-atwrngrwxu nim mz nabzng, trmrlzti-kzwxu leplz nemqng dack tqwai nzmrlzti-lzbq-krnge. Ipq ninge murde Jiszs Kraes nide Kxarlapx rnge. X okatr ninge mz nzwztr-krbo bam mz nzlung kxmna murde leplz naglqlzlr nim. ***Eu.***

Nzipqngr

Gct kxrminr, Trtegu kx rycngr drtwr. Esalz-ngrde kx sa naipqle nekeng vzngr drtwrdr alwx ngrdr, x nzplzpxbzlr bade mz nzrlxngiti-krdr, x nzoliqng nzipq-krdr leplz kzbleng. † Ycngnr drtwrde, ipqle, x arlapxle nimu mz alwx ngrmung amrlx. X okatrle nimu mz nzale-krmu da kxtubq. Murde nakrlzbzmu nzlungr kxboi, mz zmatq ngr Jiszs Kraes Kxetu rgu. **Eu.**

Nzrkangr

Tulz

Nrwx ngr Kxetu nayc-zvzbz bamu.

X nayc-kzpz bam.

Nigu nrkrdrdq Kraes.

Mqngnr esz' lc tqwrkxtr-ngrgu mz nrkrdrdq kxesz'.

Naesz'ti mz drtwrgu mz Mqngnrkxtr.

X amqngile nrwx.

Bret x waen naglalz x narpi kx,

Lod, nim kxmyapxbz, kxmatq, kxluli, kxaovxio, x kxmyalz-esz'ngr.

Da amrlx Heven x mz nrlc ka wz-ngrn, x mz dalc deng, kamopwzkr bam.

Nzawingr Kc Etu

Glqlzamu Gct mz nabzmu.

Glqlzkr Lod mz nabzgr.

Naawi-ngrbzku mz Gct, Kxetu rgu.

Murde mrlz x tubq nzale-krgrule.

Trtegr kc Heven, eu mrlz x tubq nzglqpx-krgr nim, nzangio-krgr nim, x nzawi-krbzkr bam, murde Jiszs Kraes, mrlxm, kc tqngi Kxarlapx ngrgr. Wz-ngnramu ncdar da amrlx mzlikc ayrrngr, x wz-ngnramu nigr mz mqngnrmu. X mzlikc tqkrlz-ngrbzle mzli kc tqpnz' drtwrm, sc tqatwzlrpeme Jiszs mz nzarlapx-krde nigr, mz alwx ngrgrng. Mzte nzmc leplz, bzom mz kros, x tulz-moup mz nzarlapx-krde nigr. X sc tqkapebzme bade me matq mz nrlarm kxrtc mz zluli rm. X mz nide kz, avzome bagr Mqngnrkxtr murde naatrle nigr, x nabzgr naesz'ti mz nzlungr kxmna, x naaenzlikr mz drtwrgu kxbr, mz nztumilz-krmamu zmatq ngrmu mz nrlc.

Delc, glqpxkr nim mz nzabrtzlvz-krgr badr enjrl x narenjrl, x lr Heven kxnztrng amrlx, mz nzngnr-krgr kx,

“Yawe Gct kxrminr~_e, drtqm ~_etr-esz'ngr~_e.

Heven x nrlc esz'ngr zluli rm.

Glqlzkr nim, Get kc tqmyalz-esz'ngr.
Glqpxkr nim ke tqvzm mz drtq Yawe.
Angrlvzkr nim ke tqmyalz. Ngrlvzkr nim ke tqmyalz.”

Narweo zpr

Trtegr kc Heven, glqlz-zvzkr nim, murde yc mz drtwrm nigr x atwzlr-ngrme mrlxm kc esz'txu mz nzmctikr leplz kxnzrlxngiting nzlungr kxboi.

eTrte, rlxibzkr bam nzatutr-krm nzkrka'-krgr mz mrlxm Jiszs Kraes, Kxetu rgr. X aolvz nzglqpx-krgr nim. X kaom zmatq ngr Mqngrkxtr, murde bret x waen lc nangini-angidmrlr bagr ncvrde x mepyr ngrde.

Mz nrckxbq ngr zbq kc kai, drtqde sc tqvetqo-atem mz kros, kalzmle bret, awi-ngrbzle bam, lopxile, kabzle badr kxnzrvz-nqblqlr nide, x rpibzle kx, **“Twzamu x ngqnamu murde krlc ncvr drtqnge nzkabz bamu. Rtrngrtibzmu dalc mz nzdcpxkr mz drtwrmu ninge.”** ~e^{-eee}-e Mz nqm q lcpwz mznibr nzmungr, glqlzmle kap, awi-ngrbzle bam, kabzle badr x rpibzle kx, **“Mnqamu amrlx ngrmu, murde krlc mepyr rnge, kc tqyrle-ngrde nimu x leplz kxkqlu, mz nzipqpxngr alwx ngrmung, mz nzesz'tikr drtwr Gct kxmrna badr leplz. Rtrngzti-zvzbzmu dalc mzli kznikeng mnq-ngrnamule, mz nzdcpx-zvzkr drtwrmu ninge.”** ~e^{-eee}-

e

Napi lxbir

Trtegr, yapwxtipxkr nzbzkr Kraes x nztulz-krde. Aenzlikr nyzylu-krmle. Glqlzkr nim, Lod kc tqmyalz.

Trtegr, nzvz-nqblq-krde natq mrlxm lcng, kabzkr bam bret ngr nzlungr x kap ngr nzrlapxngr, mz nzglqpx-krgr nim x nzawi-krbzkr bam. X alekr dalc mz nzaelwapx-krgr nzbzo-krmle mz kros alwx ngr lr nrlic, x nztulz-mou-krde, x nzvzdz-krde Heven mz zluli.

Trte kc tqrninr, rlxibzkr bam nzaolvz-krm nigr murde Jiszs Kxarlapx ngrgr kc tqrlrpx-ngrde nzbz-krde mz nzka-krbzle bam blz angidr kc esz'txu. X aesz'tiq nigr kcng naptr mz Nzmungrkxtr lc, mz lrmakxtr nemqng, kc tqngi nrkrdrtq mrlxm, Jiszs Kraes Kxetu rgr. X naamatq zvz nim, ncdr mrlxm x Mqngrkxtr mz nzesz'ti-krmu, ~e^{eeee} **tqvzpe tqvzpe. Eu.**

Nzmnc-lrpingr

Kxetu rgu alvztr-ngrde nigu narpiku kx,

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmncnz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nzngini-alo-krm king rgr, mz zmatq ngrm ke tqyc, tqyc. **Eu.**

Nzrlopxingr Bret

Bret lc tqlopxiku naptr-ngrgu mz nrkrdrdq Kraes.

Bret esz'txu, x nigu amrlx nrkrdrdq esz', murde prtzngrgu bret kc esz'.

Neisip ne Gct nim kxrkatz alwx ngr lr nrlc, nayc mz drtwrm nigr.
(2x)

Neisip ne Gct nim kxrkatz alwx ngr lr nrlc, avzom nrwx bagr.

Navzmgu mz nzrlxngitingr, x nangqku ncvr drdq Kxetu rgu Jiszs Kraes kc tqrlr-ngrmle bagu. X namnqku mepyr ngrde kc tqyrle-ngrde nigu. Murde natwzku mz nzrlxngitingr da kx nakam Gct bagu. X naawi-ngrbzku bade.

Mz nzrkangr dakxtrng, kxnzrkang narpilr kx,

Ncvr drdq Kxetu rgu Jiszs Kraes. **Eu.**

Mepyr ngr Kxetu rgu Jiszs Kraes. **Eu.**

Mz nibr nzmukxtr-krde, ncblo esz'krde nakrka'bz mz Gct mz nzawingr.

Mznibr nzmungrkxtr narpi Mama kx,

Nakrka'ku

Gct Kxrninr, nim kx lu zvz. Awi-ngrbzkr bam mz nabzgr atwrngr nzrka-krm nigr mz dakxnzng kxtr, krlcng ncvr drdq x mepyr ngr Jiszs Kraes, mrlxm kc tqarlapxle nigr. X awingr-kzpzkr bam nzaodu-krm mz nzaptr-krm nigr mz nrkrdrdqde kxlu, kc tqngi neidu nede, x nzmcti-krgr nzlungr kxboi.

Napi lxbir

Delc Trte, okatr ninge nzalengr da kxmrlz, vz-nqblqle me pnz' drtwrm. X rka-lzbq-ngrbo bam mz nzmncngr kxtr x kxlu mz nzwztr-zvz-krbo bam, mz Jiszs Kraes Lod rnge. X naamatqx x naglqlz-zvzx nimu ncdr Mqngrkxtr, tqyc tqyc. **Eu.**

Nzamlzng

[Doa neng Gct.] Mncamu mz nrwx, mrlztiamu Kxetu x wztrpzm bade. Naaelalz-ngrm drtwrmu mz zmatq ngr Mqngrkxtr. † X nzmrlzkr Gct kxrninr, Gct Trte, Gct Mrlxde, x Gct Mqngrkxtr namnc-zvzbz bamu, tqvzpe tqvzpe. **Eu.**

* * * * *

Mz nzyrkrkr dakxtrng, Mama narpi-moule kx,

Nakrka'ku

Trte, rlxrtibzkr bam nzatutr-krm nzkrka'-krgr mz mrlxm Jiszs Kraes, Kxetu rgr. X aolvz nzglqpx-krgr nim. X kaom zmatq ngr Mqngrkxtr, murde **bret lc** nangini-angidrmle bagr ncvrde.

[**waen lc** nangini-angidrmle bagr mepyr ngrde.]

Mz nrckxbq ngr zbq kc kai, drtqde sc tqvetqo-atem mz kros,

Mz bret

Kalzmle bret, awi-ngrbzle bam, lopxile, kabzle badr kxnzvx-nqblqlr nide, x rpibzle kx, “**Twzamu x ngqnamu murde krlc ncvr drtqnge nzkabz bamu. Rtrngztibzmu dalc mz nzdcpxkr mz drtwrmu ninge.**”

Mz waen

Glqlzmle kap, awi-ngrbzle bam, kabzle badr x rpibzle kx, “**Mnqamu amrlx ngrmu, murde krlc mepyr nge, kc tqyrle-ngrde nimu x leplz kxkqlu, mz nzippqpxngr alwx ngrmung, mz nzesz'tikr drtwr Gct kxmna badr leplz. Rtrngzti-zvzbzmu dalc mz nzdcpxkr mz drtwrmu ninge, mzlikznikeng mnq-ngrnamule.**”

* * * * *

Nzkrka'ngr Milzpq

Mz drtq Gct Trte, Gct Mrlxde, x Gct Mqngrkxtr. Eu.

Nabz

Natq kxtpowzng kx narlwx zvz mz mzli rde mz Yiz Kxtr namcng mz leu rdeng 57-59, ycmi Nzkrka'ngr Kcng Tzvz-nqblqlr Yiz Kxtr.

Mzlangeng, vzmggu mz nzyrlwrpx-lxblnrg, murde Gct badr lr Heven amrlx nameplr nigu. Vzmggu murde naangioku Gct, x naglqlzku nide, x naawibzku bade mz nivz lrde kc tqaelwapx-ngmle mz Lod rgu Jiszs Kraes. X vz-kzpgu murde naplzpzbzku alwx ngrgu mz Gct. X nakrka'-ngrgu nigu esz'krku x leplz kzbleng. Nakrka'bzku kx nzkriz-krku nivz lr Gct naetunepx zvz, x nzwzkr zmrlzcxmyalz murde namc-mrlztrtp mz nqm q scgu. X narlxrtibzku

da amrlx keng tqsuti-drtwrgu nigu leplz mz nzmnc-zpwx-krgr. Delc narweo-lrpi-ngrgu zpr x naaoti drtwrgu kx Gct sa tqmncm bagu mzlika.

Eu, naavzo-lzbqgu mz nzrplzpx-krbzku alwx ngrgung mz Gct kxrninr.

Nzrplzpxngr Alwx

Narlwx lxbllr.

Gct Trtegr, alwx ngrgrng atrkati-ngrgr nim, mz da kx aoti drtwrg, x da kx pikir x da kx rtrngztibzkrng. Trmrlztikru nim mz nabzgr atwrngr x trmrlzti-kzkru leplz kzbleng dakc tqwai nzmrlzti-lzbq-krgr. Rlxtibzkr bam nayc mz drtwrm nigr, x ipq nigr mz alwx ngrgrng, x okatr nigr mz nzartx-krgr dakcng tqoti-rbrbzkrng. Rlxtibzkr dalcng mz zmatq ngr Jiszs Kraes Kxetu rgr. **Eu.**

Nzripqpxngr

Mama:

Leplz nengeng, Gct ycngr drtwrde nimu. Ipqpele nimu x katxpxpebzle alwx ngrmung amrlx, murde plzpx-angidrpebzmu alwx ngrmu lcngr. Krka'ngrne kx nayrlqbzle mzli r nzatubqti-krmu nqm q scmu mz zmrlzcxmyalz x nzotakr Mqngkxtr. **Eu.**

Nzmu kx trpnz'ngr Mama krlc narlwx-lxbllr.

Gct aolveq leplz amrlx. Awi-ngrbzkr bam kx ycpngr drtwrm nigr, x katxpxpebzme alwx ngrgrng. Krka'nggr kx arlapx nigr mz nzwzkr Setzn amrlx, x axplr nigr mz nzale-krgr da kxmrlz. X krka'nggr kz kx mailztrpz nigr mz nzlungr kxboi mz nzaxvetr-lzbq-krbzkr mz Jiszs Kraes Kxetu rgr. **Eu.**

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmncz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krm natqgr, mz nzngini-alo-krm king rgr, mz zmatq ngrm kc tqyc, tqyc. **Eu.**

Kxetu okatrp nigr.

Murde naglqlzkr nim.

Gct vz-anim mz nzarlapx-krm nigr.

Kxetu rnekim mz nzokatr-krm nigr.

Glxkr zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmle mzlika, x kxnamu-
zvzpele lc. Tqyc, tqyc. Eu.**

Glqpxku Yawe!

Naglqpxku drtqde!

Sam Ngr Mzbqka

Nzryrngrkxtr Kc Kai Ngr Mzbqka

Krlc natq Gct.

Naawi-ngrbzku bade.

Narlwx e Nabz Ngr Nzrglqpxkr Mxri e Sam 98

Nabz Ngr Nzrglqpxkr Mxri Luk 1:46-55

1. Nabznge glqpxle Lod rnge,
X mqngrnge abrtz murde Gct rnge kx arlapxle ninge.
2. Murde amrlztile ninge,
ninenge olv kxnzobqszo.
3. Naabzole mzlika x sc tqvzpe,
Leplz amrlx narpimlr ninge kxnzamrlz.
4. Murde Gct kc tqrninr,
alepemle bange da kx tqmyapxbzng.
X drtqde tr.
5. Gct naaelwa-zvz-ngrbzle nzrycng r mz drtwr,
**Mz krkeng amrlx tzangiong nide
mz nrpr ngr ncblo amrlx.**
6. Gct minr,
**X naangqliale krkeng tzglqpx-lzbqmilr
da kx pnz' drtwrdr.**
7. Gct naapoomleng king kx nzninr-ngrng,
kx nzaleng da kxtrka.
**Apoomleng mz zmatq scdrng.
X avzlbzle kxnzavzo-lzbqng.**

8. Get narkabz da kxmrlzting mz leplz kcng trtxpnz'ngr
scdr da, murde drtwrdr naesapx mz nzrngisengr x
nzmnc-krdr namrlz.
**A' krkeng tznrgiseng, avzpx-nrbalqleng nidr
mz mqdr kx mznrngr.**
9. Get angidapele ncnrpe' kc tqkabzle mz melrmqgung,
X vzm okatrle nigu lr Israel.
10. Get tqaelwa-ngrbzle nzryc-zvzngr mz drtwr
Mz Ebraam, x nigu neidu lrdeng.
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

Sam 98

Naangioku Zmatq Ngr Yawe

- 1 Nangr-ngrbzku mz Yawe nabz kxmna
mz nzale-krde dakcng tqmyapx.
**Murde aovxiole enqmi rdeng
mz nzetukr zmatq ngrde.**
- 2 Yawe aelwzpxbzle nztubq-krde badr lr drtqbrng amrlx
Mz nzaovxio-krde enqmi rdeng.
- 3 X aodule nigu lr Israel mz nzatutr-zvz-krde natqde.
**Murde leplz mz nrlc tulvzo nzmcpelr
nzarlapx-krde nigu.**
- 4 Nigu leplz amrlx mz nrlc naangrlvzku Yawe
Mz nabz kx yrlvi.
- 5 Naglqpxku nide
mz nzayrni-krbzku bade gita,
- 6 X Mz nzvxu-krbzku trpu.
Naangrlvzku Yawe, kc tqngi King!
- 7 Nimu prla x drtc' x da lr mung amrlx
Drtwrmu naelalzm!
- 8 Nimu lue naamqm-q-lzbqamu
mz nztalio-krmu mz nabzde.
X nimu newz naangrlvzamu Yawe!

- 9 Nigu amrlx nangrbzku bade.
Murde sa tqvzm mz nzaolve-krde lr nrlc,
X sa najzsle leplz mz nqm qxtubq x esaklrngr.
Glxkr zluli r Trte, x Mrlxde, x Mqngrkxtr.
Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.

Nzryrngrkxtr Krali Ngr Zbqka

Krlc natq Gct.

Naawi-ngrbzku bade.

Narlwx e Nabz Ne Simion e Sam 67

Nabz Ne Simion *Luk 2:29-32*

- 1 Yawe, krlzpeq ye nzrlr-krm ninge, ninge kxawzq,
mz nzbzmi-krnge drtwr kxesapx,
Dakc tqwai nzpi-krmele bange.
- 2 Mctx-angidrpex mz mzke' kxarlapx nem
krkc tqatwzlr-ngrme.
Oliqtipxq nide mz mz leplz.
- 3 Nide zyylr kx naaelwapx-ngrbzle nqm qngr nzrlapxngr
mz leplz kx trnznginidru lr Jiu.
Natwztrple nzamatqngr bagr,
nigr leplz nemqng lr Israel.
Glxkr zluli r Trte, x Mrlxde, x Mqngrkxtr.
Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.

Sam 67

Lr Drtqbr Naglqpxlr Gct

- 1 Gct, naye mz drtwrm nigr,
Mz nzamrlz-krm x nzokatr-krm nigr.
- 2 Murde lr nrlc nakrlz-angidrlr nqm qngr krm
Mz nzarlapx-krm nigr.
- 3 Neidu lr leplz naglqpxlr nim,
X naawibzng bam!

- 4 Lr drtqbr naangrlvzlr nim
Murde mailzq x jzsiq nidr amrlx mz nqmq kxtubq.
- 5 Neidu lr leplz naglqpxlr nim,
X naawibzng bam!
- 6 Gct rgu amrlzle nigu,
Mz nizrplilzngr dakxnzng.
- 7 X sa naamrlz-zvzle nigu,
X leplz amrlx namyatitrlr nide.
 Glxkr zluli r Trte, x Mrlxde, x Mqngrkxtr.
Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.

Nzrlxngitkr Aposol ne Jiszs

Lxngitix Gct Trte kxrnr kc tqwz-ngrde Heven x nrlc. /co check to see it is same as previous

X lxngiti-kzx Lod rgu, Jiszs Kraes, Mrlx Gct kc esz'txu. Batrpz Mqngrkxtr, yrngr Mxri kx mnc-kamelr, x mikapxle. Drtqde nzaetqbz mz zmatq sc Pcntizs Paelzt, nztqlvztr mz kros, bz x nzyrtzm. Vzo Hxl, x zbq kratq ngr nzbz-krde, sc tzatulzpe-mopwq. Vzdz Heven x wxbuo me matq mz nrlarde kxrtc ngr Gct Trte kxrnr. X sa navzom Heven mz nzjzs-krde leplz kxnzclubeng x kxnzbpeng.

X lxngiti-kzx Mqngrkxtr, lrmakxtr ne Kraes kc talvzpxle nrlc, nzodutr-lxblrkr kxnzrlxngiting, nzipqpxkr Gct alwx, nztulz-krmopwq nrkrdrdq mz nzbzng, x nzlungr kxboi. **Eu.**

Kxetu namncbz bamu.

X namnc-kzpz bam.

Nakrka'ku.

Kxetu naye mz drtwrm nigr

Kraes naye mz drtwrm nigr.

Kxetu naye mz drtwrm nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmnc-lz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dake tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nzngini-alo-krm king rgr, mz zmatq ngrm kc tqyc, tqyc. **Eu.**

Kxetu, naye mz drtwrm nigr.

Arlapx nigr mz zmatq ngrm.

Kxetu okatrpz kxnzetu kcng tzaolveir nigr.

Naye mz drtwrm nigr mz nzxlr-krm nzkrka'-krgr.

Nqm q kr Mama nemqng natr.

X nangr-abrtzngrbz leplz kxnztrng.

Kxetu, arlapx nigr leplz nemqng.

X amrlz nigr amrlx kcng tqngi nemqng.

Kxetu, okatrp nigr mz nzmnc-lxblr-krgr mz nrwx,

Murde trpnz'ngr mou kx naaolvele nrlc a' ni-tpwzme.

Gct, tekatrpz nabzgr murde natubqkr,

X bzkq katxpxme nzokatrkr Mqngm nigr.

Nzkrka'ngr Mzbqka

Mc mz leu rdeng 60-101

Nzkrka'ngr Nrwx Krali

Gct, nim nou mz nzsutikr drtwr kxtr amrlx, x nzaongr drtwr kxmrlz amrlx, x nzalengr da kxtubq amrlx. Trpnz'ngr nrwx kx vzpxm mz nrlc, a' nigr kxnzww nemqng tqrlxti-ngrbzkr nrwx angidr bam. Delc nabzgr naotr pwz nzyrlq-angidr-krgr natqm. X bzkq mw'lrtikr zmatq sc enqmi rgrng, murde mnc-xgletitrkr nim x mnc-ngrgr mz nrwx, **mz zmrlz ngr Jiszs Kraes Kxetu rgr. Eu.**

Nzkrka'ngr Nzokatrngr Krato

Kxetu, aolve angidr nigr mzlika mz nzlo. Murde nim ke tqyc zlwz mz drtwrde nigr. Delc bzkq rlrpx-ngm da kxtrka kx naprtzm bagr kema mz nrlekxbq x nakrlzbzle mz nourla, mz zmatq ngr Jiszs Kraes Kxetu rgr. **Eu**.

Kzung Nzkrka'ngr x Nzawingr mou napiku mrlc.

Nzkrka'kr Krisastom

Gct kxrninr, mzlika rlxtipebzkz mz drtwr kxes' dakng tqstuti-drtwrgr, mz nzokatrkr zmrlz ngrm kxmyalz. X amnqlzq kx mzlikznike nzkrka'ngr leplz kxli e tq mz drtqm, sa nakabzme nikeng nzrlxtlr. Mz nzmukrde lcde, kapem bagr, nigr kxzwz nemqng, dakng tqenzlibzkz tqrlxtibzkz bam, navz-nqblqle me pnz' drtwrm namrlz-ngmle bagr. Murde nakrlzkr natqm angidr mz nrle ka, x narmctikr nzlungr kxboi mz nrle ke navzm. **Eu**.

Zmrlzkxmyalz 2 Korin 13:14

Trtegr, zmrlzkxmyalz ngr Kxetu rgr Jiszs Kraes, x nivz lrm, x nzodutr-lxblr-krgr badr Mqngkxtr, nayc-zvzm bagr. **Eu**.

* * * * *

Nzkrka'ngr Mz Nrlekxbq

† *Mz drtq Gct Trte, Gct Mrlxde, x Gct Mqngkxtr. Eu.*

Nabz

Yawe Gct kxrninr, kam bagr nrlekxbq kx tu-nabu x lq, nakrlzbzle nrle kxngrlxo. Eu.

Aolve-lzbqamu x mgidrtio-lzbqamu. Murde Setzn sa tqvz-ngalele nrle tqrtangr leplz kx nzrlxngti-krdr ngrgo, murde naataole nidr mz alwx. Dakc tqwai laion nzalwznq-krde animol kxlolvzle. Delc natu-nzli-ngrnamu nide mz nztu-amqngi-krmu mz nzrlxngiti-krmu. X nakrlzamu kx kztemung kx nzrlxngiting mrga mz nrle atwrnrngr, nzprtr-kzng mz nzetqkr drtq lc. *1 Pita 5:8-9*

Gct vz-anim mz nzarlax-krm nigr.

Kxetu rnekim mz nzokatr-krm nigr.

Glxkr zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmle mzluka,
x kxnamu-zvzpele lc. Tqyc, tqyc. Eu.**

Glqpxku Yawe!

Naglqpxku drtqde!

Mrlz napi e nzngmrg du Sam lcng naesz' e nali:

Sam 4 Sam 36:1-6 Sam 91 Sam 134

Natq Kxmrlz Kxmrbc

Narlwx dq kzdq natq lcng.

Kxetu rgr Gct, nim kc tqmncme bagr x nzqlegr mz drtqm. Bzkq dwasxn nigr. *Jeri 14:9*

Vzmamu bange, nimu amrlx ngrmu keng drtqdr tqtape nzrglqngr da kx mrlepu, murde narkabo bamu nzamangr. Yrkabx-ngrnamu prglq scnge x alvztr-lzbq-ngrnamu ninge. Murde tubqx x avzo-lzbqngc, x sa narmctiamu nzamakr nqm q ngr nabzngc. Murde prglq kc nayrkabx-ngrnamu mene, x dakcng naanulvzlzbo bamu mingr-nrnr. *Matiu 11:28-30*

Gct, alu-mopwqle mz nzbzngr Kxetu rgu Jiszs Kraes kc tqapule Kxrmailz sip kxmyalz. Nzbz-krde dekc tqamqngi-alole nzesz'tikr drtwr Gct badr leplz. X Gct ngr nrwx nakabzle bamu da amrlx keng tqsuit drtwrmu naale-ngrnamu me pnz' drtwrde. X nide dekc tqale-ngrm Jiszs bagu da kx elalz-ngrm drtwrde. X mz Kraes nzrglqzngr nide tqyc, tqyc. *Lr Ibru 13:20-21*

Eu.

Naawibzku mz Gct.

Yawe, ka-lzbqbo bam.

Yawe, ka-lzbqbo bam.

Murde nim Gct angidr kc tqaopxmle drtqngc.

Ka-lzbqbo bam.

Glxkr zluli r Trte, x Mrlxde, x Mqngrkxtr.

Yawe, ka-lzbqbo bam.

Kzdq Nabz Ngr Milzpq

Aolve angidr ninge naapule dztum kx matq-zlwz mz drtwrm.

**X amnc-kapqbz ninge murde naapux neibona kc
tqmnczlbz mz nabx lxed.**

Yawe, tum mz nibrgr mz nzobq-krgr, x aolve angidr nigr mzli kc tqmwi-ngrgr, murde mzlikc tqobq-ngrgr naaukz x nakrka'kr badr Kraes, x mz nzmwi-krgr naamakr mz nrwx.

Nabz Ne Simion Luk 2:29-32

- 1 Yawe, krlzpeq ye nzrlr-krm ninge, ninge kxawzq,
mz nzbzmi-krnge drtwr kxesapx,
Dakc tqwai nzpi-krmele bange.
- 2 Mctx-angidrpepex mz mzke' kxarlapx nem
krkc tqatwzlr-ngrme.
Oliqtipxq nide mz mz leplz.
- 3 Nide zyzlr kx naaelwapx-ngrbzle nqm q ngr nzrlapxngr
mz leplz kx trnznginidru lr Jiu.
**Natwztrple nzamatqngr bagr,
nigr leplz nemqng lr Israel.**
Glxkr zluli r Trte, x Mrlxde, x Mqngrkxtr.
**Dakc tqwai-pnz'le mz noude, krlzmle mzlika,
x kxnamu-zvzpele lc. Tqyc, tqyc. Eu.**

Nzrlxngitigr Aposol ne Jiszs

Lxngitix Gct Trte kxrminr kc tqwz-ngrde Heven x nrlc.

X lxngiti-kzx Lod rgu, Jiszs Kraes, Mrlx Gct kc esz'txu. Batrpz Mqngrkxtr, yngr Mxri kx mnc-kamelr, x mikapxle. Drtqde nzaetqbz mz zmatq sc Pcntizs Paelzt, nztqlvztr mz kros, bz x nzyrtzm. Vzo Hxl, x zbq kratq ngr nzbz-krde, sc tzatulzpe-mopwq. Vzdz Heven x wxbuo me matq mz nrlarde kxrtc ngr Gct Trte kxrminr. X sa navzom Heven mz nzjzs-krde leplz kxnzclubeng x kxnzbpeng.

X lxngiti-kzx Mqngrkxtr, lrmakxtr ne Kraes kc talvzpxle nrlc, nzodutr-lxblrkr kxnzrlxngiting, nzipqpxkr Gct alwx, nztulz-krmopwq nrkrdrdq mz nzbzng, x nzlungr kxboi. **Eu.**

Kxetu naye mz drtwrm nigr.

Kraes naye mz drtwrm nigr.

Kxetu naye mz drtwrm nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmnc-lz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dack tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nzngini-alo-krm king rgr, mz zmatq ngrm kc tqyc, tqyc. **Eu.**

Kxetu rgr, Gct r trtegrng, awibzkr bam.

Gqlzkr x angiokr nim kx myalz-esz'ngr tqyc, tqyc.

Naawibzkr bam, Gct Trte, Mrlxde, x Mqngrkxtr.

Nagqlzkr nim mz nzglx-krgr nzmyalz-esz'ngr-krm tqyc, tqyc.

Yawe, lr Heven amrlx nzangiokr nim.

Gqlzkr x angiokr nim kc tqmyalz-esz'ngr tqyc, tqyc.

Gct kxrninr, Kxetu kx ryc-zlwzng drtwr, tum mz nibrgr x amrlz nigr, tqvzpe, tqvzpe. Eu.

Nzrplzpxngr Alwx

Gct Trte, Mrlx, x Mqngrkxtr, plzpxbzkr alwx ngrgrng bamu mz mz lr Heven amrlx, kx vz-rbrkr mz da kx aoti drtwrdr, da kx pikr, x da kx rtngrtibzkr, mz nzvz-nqblq-krgr me pnz' drtwrgr. X krka'ngrgr kx naye mz drtwrm nigr.

Gct, nim kc tqaolve-atwrnng nrlc, naye mz drtwrm nigr mz nzipq-krm nigr x mz nzarlapx-krm nigr mz zmatq kxtrka. Okatr nigr mz nzale-krgr da kx mrlz. Rlrpx-ngrn nigr nzmnc-alo-krgr badr mz nzlungr kxboi. Mz zmatq ngr Jiszs Kraes, Kxetu rgr. **Eu.**

Nzipqpxngr

Lepzl nengeng, Gct ycngr drtwrde nimu. Ippele nimu x katxpxpebzle alwx ngrmung amrlx, murde plzpx-angidrpebzmu alwx ngrmu lcng. Krka'ngrne kx nayrlqzbzle mzli r nzatubqti-krmu nqm q scmu mz zmlzcxmyalz x nzokatkr Mqngrkxtr, tqyc tqyc. **Eu.**

Kxetu, lxlvrm bagr mz nzamrna-krm nzlu-krgr,

Murde nigr leplz nemqng nabilvzkr nim.

Gct, aelwa-ngrm bagr nzaodu-krm,

Mz nzarlapx-krm nigr mz zmatq ngrm.

Yawe, xlrn nzkrka'-krgr,

Mz nzayzlu-krme natqgr.

Nakrka'ku

Kxrmalz narlwle du Nzkrka'ngr lcng naesz' e nali.

Gct, rlxtibzkr bam, oklatim mztea ka, x rtctx-ngrbz br sc Setzn kx yrlqle elr. Rlr-ngrm enjrl nemqng nzmnc-krdr mrga mz nzaolve-krdr nigr mz nrwx. X zmlz ngrm naye-zvzm bagr, mz zmatq ngr Jiszs Kraes, Kxetu rgr. **Eu.**

Kxetu, rlxtibzkr bam, yzlr-ngrm bagr mz nzlo, x mz nzyckq-zlwzkr drtwrm, aolvebz nigr mz da kxtrka kx naprtzmqng mz nrckxbqka, mz zmatq ngr Jiszs Kraes, Kxetu rgr. **Eu.**

Kxetu rgr, Jiszs Kraes, Mrlx Gct kxlu, nim kc tqamalzme mz gq mz nrckxbq. X aleq ngi nelvq ngr nzaenzlingr nyz' leplz nemqng. Okatrp nigr mz nzvzkr drtwrgr mz alwx keng tqalekrng, tqkatrpz nzetqkr drtqm x nzbz-krm. Murde mzlike nrkrdtqgr nayrbqlz-ngrmlr mz gq, mqnggr namnctrpzng bam Heven. Murde nim kc tqmnc x tzaolveng ncd r Trte x Mqngrkxtr, Gct esz'txu, tqyc tqyc. **Eu.**

Yawe, obqom bagr mz tron nyz'm Heven mz nznna'milxti-krm nzlo ngr nrckxbqka mz zluli rm. X katxpxbz bagr, nigr doa ngr zyzlr, nikeng alekr mz nrle. Mz zmatq ngr Jiszs Kraes, Kxetu rgr. **Eu.**

Gct kx rycngr drtwr, mncm bagr. X aolve angidr nigr mz nzmwi-lrpi-krgr mz nrckxbqka. Murde nigr keng drtqgr tqatrpz mz dalr nrle ka, naamatrpzkr bam, nim kc tqkrlzleu nztekqtr-lzbqng. Mz zmatq ngr Jiszs Kraes, Kxetu rgr. **Eu.**

Nayrbqokr mz nrwx x nzamatrpzkr bam,

Murde nim txpwz kx aolve-angidrle nigr.

Kxetu namncbz bamu.

X namnc-kzpz bam.

Naglqpxku Gct.

Naawibzku bade.

Gct kxrminr x rycngr drtwr, Trte, Mrlxde, x Mqngrkxtr, amrlx nigr
x aolve angidr zvz nigr. **Eu.**

* * * * *

Nzawingr Mznibr Nzrmikangr

Mz drtq Gct Trte, Gct Mrlxde, x Gct Mqngrkxtr. Eu.

Sam 127

Nqvi lr Ncblo

Nabz ne Solomon. Nabz ngr nzvzdzngr mz nzangiongr Makxtrdau.

- 1 Nzmu Yawe trnangiu Kxetu r nqvi lrgu le,
Mane nzaetunepx-krqu nqvi lrgu.
Nzmu trnaaolveleu mrnyz'gu,
Mane nztubr-kirpx-krqu mrnyz'gu.
- 2 Nzmu trnaabrtpwzkuu drtwrgu mz Yawe
Mz nzrka-krmle dakxnzng bagu,
Mane nzorlangr mz nzwz-katongr
x nzyzlu-ngrm mz nina,
Murde krlz-kzle nzrka-krmle da bagu
mzlike tqmwi-nrgu.
- 3-5 X Yawe nide kz kx rkam doa kxnztopwng mz nqvi lrgu,
Mzlike tqngi oblabe-nrgu.
Murde mzlike tqngi letzlvz-nrgu,
doa leng naaovelr nigu.
Neipz' ncblo kc mrlxde tqkqlu.
Murde mzlike kzdq ncblo narnqni-lzbq-ngrdr bade,
Mrlxdeng sa natubzng mz nibrde.

X mz nyrka-krbz kxnzrmailzng drtwr kxtubq,
**Drtqde trnamyau murde nztu-krbz mrlxdeng
mz nibrde.**

Nakrka'ku

Kxetu, nayc mz drtwrm nigr.

Kraes nayc mz drtwrm nigr.

Kxetu nayc mz drtwrm nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-
esz'ngr, x nzmncz-krbzkr bam mz nzngini-krm King rgr. Murde
navz-nqblq-kzkr me pnz' drtwrm, dakc tzwai lr Heven. Kam bagr
dzu r da kx natakitrde mzbqka. X ipqpxbz alwx rgrng, navz-nqblqle
nzipq-krgr nekeng nzaletrpqng da kx trmlzu bagr. X arlapx nigr
mz zmatq sc Setzn, mz nzokatr-krm nigr mz nztu-amqngi-krgr mz
nzatalzng. X awi mz nzayzlu-krme natqgr, mz nzngini-alo-krm
king rgr, mz zmatq ngrm kc tqyc, tqyc. **Eu.**

Kxetu, arlapx olvz lc tqwztrpz bam,

Tqabrtrpzle drtwrde bam.

Naapubzme butqbr bade,

X lrpalc kx nzrlakitr mz dakxprrz.

Kxetu, xlrn natqgr,

X atutr nzkrka'-krgr.

Gct kxninr, awi-ngrbzkr bam nzamrlz-krm olvz mz nzka-krbzme bade doa
kxtpwz. Trtegr, okatr nide x ncblo ngrde mz nzabuti-krdr doa lc topwz mz
nqmq kxtubq, murde naamrlzle nidr x leplz naglqlzlr nim, **mz drtq Jiszs
Kraes Kxetu rgr. Eu.**

Doa kx topwz kx tqbzle, Nzkrka'ngr kx narlwtxpwz delc.

Gct, kxmule-esz' rblxm bagr nzkriz-angidr-krgr da kx nzcktipx kcng tqaleq,
a' krlzkr kx dalcdeng drtwr ngrdr ycbz, x mrlztiq doa amrlx kcng tqwz-
ngrn. Amqtrpz drtwr olvz lc badr lrmayz'de mz nzvzkr drtwrdr. X okatr
nidr mz nzxngi-krbzlr nzulr Mqngkxtr mz nabzdr. Murde nzrlxngiti-krdr
naxplr x nrwx ngrm nayc-zvzbz badr. X okatr nidr mz nzvz-nqblq-krdr nim
mzlika x mz nzrmcti-krdr nzlungr-kxboi mzlika navzm. **Mz zmatq ngr
Jiszs Kraes Kxetu rgr. Eu.**

Nzamrlz kr Mama:

Inuegr, abrtprzkr drtwrgr mz Gct kx naaodu x naaolve-zvzle nim. X krka'ngrgr kx, "Kxetu naamrlzle nim x naaolve-angidrlle nim. Yawe naobqom bam mz nivz Irde. X zyzlr ngr Gct nayzlobz bam mz nzrka-krbzle nrwz bam. Mzlika x tqyc tqyc." *Eu*.

* * * * *

Nzkrka'ngr x Nzawingr

Nakrka'ngrgu **Kwin** x kxnzwzlbzng bade:

Gct, kxaolve naabrtz mz nzxplr-krm,

Abrtz-zlwz-ngrde zmatq ngr nzarlapx-krm.

Gct kxrnr, nim me vzkipxm zmlz amrlx. Amrlz kxaolve ngrgr Kwin Elisabet, Palament ngr mrgcng tqkrlzbz nzaolve-krde, x nekeng amrlx nzaolvezbzng bade. Murde naaobzng nrwz badr leplz nemqng mz nqm q kx mrlz x tubqbz mz mzp. X leplz naglqpxlr nim mz drtq Jiszs Kraes, Kxetu rgr. *Eu*.

Nakrka'ngrgu **dzbede kxes'z' kc tqmnczbz mz zmatq sc Kwin** mz nrlanrlc amrlx:

Gct lc nangi zvz Gct rgu,

Kc tqmailzle nigu krlzbzle nzbzng.

Gct kxrnr, kabzme mz dzbede kxes'z' ngrgr zmatq kxxplr mz drtqbr kang kqlu mz nrlc. Kxmule-esz' nigr leplz ngr neidu, natq, x nqm q kzbleng, a' okatrp nigr mz nzmncr-lxblr-krgr mz nzesz'tingr. Murde mz nzokatr-lzbq-krgr x nzwztr-lxblngr mz nivz, naatutrkr me pnz' drtwrm. Ipqpxbz alwx ngrgrng x nzvz-rbr-krgrng. Katxpxbz nztrkibr-krgr x nzglqpx-lzbq-krgr. Murde naalebzkr da kxmrlz badr leplz amrlx mz da kxmrlzting kx kame bagr. Mz zmatq ngr Jiszs Kraes kc tqaolveamu ncmu x Mqngrkxtr, mz zluli kc tqvzpe tqvzpe. *Eu*.

Nakrka'ngrgu **kxnzaolveng x kxnzrmailzng:**

Okatr nidr mz nzmncr-krm la Heven,

X tukirpxbz nidr mz zmatq ngrm.

Kxetu rgr, okatr kxnzrmailz ngrgrng mz nzvz-nqblq-krdr nzalvztr-krm. Murde naaolve-angidrlr nigr mz nivz x mz nqm q kx tubq. Mz zmatq ngr Jiszs Kraes, Kxetu rgr. **Eu.**

Nakrka'ngrgu Palament ngrgu:

Mnc-xgletxpwz Yawe;

X abtrprz drtwrm bade.

Get, nim tpxwz kxmrlz. Mailz x amrlz kxnzetu ngrgrng mz Palament mz da amrlx kx naalelr. Murde naokatrlr leplz nemqng amrlx mrga Solomon mz nzatutr-zvz-krdr mz mzlirgr nzesz'tingr, nrwx, nzabrtzng, daangidr, nztubqng, nzangiongr nim x nzwztr-ngrbz bam. Rlxtibzkr mz drtq Jiszs Kraes, Kxarlapx rgr. **Eu.**

Nakrka'ngrgu Bisop rgung:

Ninge kxaolve-angidr sipq,

Kc tqbz-ngrde sip nedeng.

Get Trtegr, kabz mz Bisop rgung nzaolve-krdr nigr, sip nemqng. Avzom badr Mqngrkxtr kc tqngi nou nzlungr. Murde nrkrdrtdr naxplr, drtwrdr napqtr, x namailzlr lr makxtr mz nqm q kx tubq mz nzvz-nqblq-krdr nzyrplapx-krm. Rlxtibzkr mz zmatq ngr Mrlxm, Jiszs Kraes. **Eu.**

Nakrka'ngrgu Makxtr ngr Melanisiz:

Get kxrninr, nigr lr trmctung lxngitigr nim. Amrlz leplz amrlx keng tzwzng mz Makxtr ngr Melanisiz. Krleng bisop, mama, dikon, mzlegung, sista, katekis, dokta, nrs, kxnzalvztrng x kxnzskulqng mz kolij x skul nyz'grng, kxnzwzng mz lcsu scgrng, x kxnzwzng mz cpis nyz'grng.

Okatr nidr mz nzbrtikr drtwrdr nim murde bzkq nzmwx'lrng mz nzwztr-krbzlr bam, kxmule-esz' da kznikeng prtz.

Trtegr, nim kc tqrvectrp leplz bam. Kqle x mailz mz Mqngrkxtr leplz keng tztakitrd nzwztr-krbzlr bam. Murde narlrx-lzbqng mz nzokatkr Mqngrkxtr nzale-krdr nzwzng x nabatrpzlr nzglqlzkr leplz nim. **Mz drtq Jiszs Kraes, Kxetu rgr. Eu.**

Nakraka'ngrgu Sinod ngr _____ :

Gct yrplapx x xplr,

X mailzle leplz mz nzrkrlngr.

Gct, mailz bisop, mama, dikon x leplz amrlx keng tzyrlwr-lxblrng mz Sinod mzlika. Murde naokatrle leplz nemqng amrlx mz nzvz-nqblq-krdr zyylr ngr Mqngkrxtr mz da kx nzaolvzlr kx nangidati. Mz zmatq ngr Jiszs Kraes, Kxetu rgr. **Eu.**

Nakrka'ngrgu Mama x Dikon badr leplz nedrng:

Mama nemqng natrng mz nzmnc-krdr.

X leplz nemqng naangrlvzlr nim.

Gct kx lu-zvz, nim txpwx me vzkixm da kxluli. Avzom Mqngkrxtr kc tqmatq badr, mama, dikon, x nigr leplz nedrng, murde naale-tpwxkr da kx tubqbz mz mzp. Ale dalc murde leplz naglqlzlr Mrlxm kc tqarlapxle nigr, krlc Jiszs Kraes, Kxetu rgr. **Eu.**

Nakrka'ngrgu katekis x kxnzrlwxng:

Neipz' neke brti drtwrde nim,

Murde aoti-zvz drtwrde nqm qrm.

Gct, okatr katekis x kxnzrlwxng mz nivz lrm x zmatq ngrm. Murde naatutr-angidrlr nzvz-krdr x bzkq nztaong mz alwx. X okatr nidr mz nzmnc-zpwx-krgr badr, nigr leplz nedrng, murde nakrka'-lxblrkr x nawz-lxblrkr mz nznigini-krgr dzbede kxesz'. **Mz zmatq ngr Jiszs Kraes, Kxetu rgr. Eu.**

Nakrka'-ngrgu dikon x mama kxnawztrpzng mz Gct:

Mama nemqng natrng mz nzmnc-krdr.

X leplz nemqng naangrlvzlr nim.

Gct kx rninr, Nzryrngrkxtr alvztr-ngrde nigr kx kapeme bagr, nigr kxnzrlxngiting amrlx, nzrkrlngr mz nzokatr-lzbq-krgr. Axplr ncblo keng tqkqleqng tzoliqti-lzbqng mz nzvztr-krbzlr bam. Murde bzkq nzyangrngang mz nzmrbtrkr mz drtrwrdr nzale-krdr da kx kabzme badr. A' nawztr-zvzbzng bam mz nabz kx tubq x tr. **Mz zmatq ngr Jiszs Kraes, Kxetu rgr. Eu.**

Nakrka'-ngrgu kx kxnmnc-mrbrng nalxngitilr Jiszs:

Yapwxtipxbz nide x da kxmatqng keng tqalebzle

Badr kxnmnc-mrbrng x leplz amrlx.

Kxrpalz, nim kc tqrwzng r leplz amrlx mz nrlc. A' nzkqlung mz nidr keng tqwz-ngrn mz mqngm trnzglxkalr nim mz nzatwzlr-krme Mrlxm mz nzarlaxp-krde nidr. Mz nivz lrm, okatr kxnmnc-mrbrng murde nabrti drtwrdr nim x naale-tpwzlr da kx tubqz mz mzp. X navz zvz nzangio-krdr nim mz nzlxngiti-krdr Mrlxm, Jiszs Kraes, kc tulz-moup mz nzbz-krde murde nakabzle nzlung r kxboi badr leplz amrlx keng tzabtrpplr drtwrdr bade. Rlxtibzkr mz zmatq ngrde. **Eu.**

Nakrka'-ngrgu leplz keng tizrlepxng Nrpakxmrlz:

Mrlz-esz'ngr nzvz-krm leplz keng tzrtwzmqng Nrpakxmrlz,

Mz nzyapwxtipx-krdr nrwx kx avzom Gct.

Gct Trtegr, aelwapxq nivz lrm mz nzatwzlr-krme Mrlxm mz nzarlaxp-krde leplz amrlx. Avzom Mqngkxtr bagr, nigr leplz nemqng, murde navz-nqblqkr natqde mz nzyapwxti-krbzk r Nrpakxmrlz badr leplz amrlx. Kqle mou du nigr kx naprpx mz nzale-krdr nzwzng r lc. X aolve angidr nzwz-krdr murde namnc-zpwxng x bzkq nztaong mz alwx. A' nzwz-krdr naetunepx mz nzvectr-krmlr kxnmnc-mrbrng x lr Israel amrlx bam, mz nzlxngiti-krdr Mrlxm, Jiszs Kraes, Kxetu rgr. **Eu.**

Nakrka'-ngrgu nzwzkr dzbe leplz neng Gct:

Ninge tpxwz Gct, x trpnz'ngr mou gct kzble.

Delc, leplz amrlx navz-ngrmlr bange mz nzarlaxp-krnge nidr.

Trtegr kxtr, naycng r drtwrm leplz nemqng mz nzamrlz-krm nzwz-krdr, myapxbz kxnztekqtrlr Natqm mz natq ngr trmctu amrlx. Okatr nidr mz nzle-krbzlr Nrpakxmrlz badr kxnmnc-mrbrng, mz nzmailz-krdr kxnzaleng alwx mz nztekqtr-krdr drtwrdr, mz nzalvztr-krdr leplz mz nzglx-angidr-krdr nim, mz nzaxplr-krdr kx nabzdr ngrgo, x mz nztu-lxblr-krdr badr kxnzvz-nqblq-angidrlr nim. Murde nigr amrlx namnc-xgle-tpwzkr zmztq ngr Jiszs Kraes, Kxetu rgr. **Eu.**

Nakrka'-ngrgu lr nrlc amrlx:

Rlxtim bange nzka-krbo drtqbrng amrlx,

Murde nangi nyz'm nrlc atwrnrngr.

Gct, lr drtqbrng amrlx nzvzpxmqng mz nqvi lr Adam. X atwzlr-ngrme Mrlxm mz nzyapwxti-krbzle Nrpakxmrlz badr lr Jiu x nigr kcng trngiu lr Jiu. Okatr lr nrlc amrlx mz nzrtangrti-krdr x nzrmcti-krdr nim. Murde mz mzli r nzavzo-krme Mqngrkxtr navzo-kzp badr. **Mz zmatq ngr Jiszs Kraes, Kxetu rgr. Eu.**

Nakrka'-ngrgu kx leplz amrlx narlxngiting:

Mzlike naglqlz-ngrdr ninge mz kros, sa navectrpc' leplz amrlx bange.

Naawibzku mz Gct.

Jiszs, rpiq kx mzlike naglqlz-ngrdr nim mz kros, sa navectrpe' leplz amrlx bam. Vectrp kxnmnc-mrbrng amrlx bam, mz nzatutr-krm natqm. Rlxtibzkr dalc mz drtqm kc tqmyalz-esz'ngr, tqyc tyc. **Eu.**

Nakrka'-ngrgu kxtrnmnc-zpwxung x kxnzobqszong:

Alvztr-lzbq-ngrde nzvz-nqblq-angidr-krde Trtede,

Mz nzatubqtikr Trtede nqm q krde.

Jiszs, nim nivz x krlzq da kxtrka amrlx kcng tqprtzmqng. Apqtrpz drtwr kxtrnmnc-zpwxung x kxnzobqszong. X okatrp nigr mz nzmrlzti-krgr nidr. Murde nztubq-krm x nivz lrm navzm mz nrlc. Mz zmatq ngrm, nim kc tqmnc x tqaolveamu badr Trte x Mqngrkxtr, tqyc, tqyc. **Eu.**

Nakrka'-ngrgu kx leplz ne Kraes namncng mz nrwx x drtwr kxesz':

Lqngipx x mrlzvxi

Mzlike leplz tzmncetr-lxblr-ngrdr mz drtwr kxesz':

Jiszs, nim Kxetu r Nrwx. Okatrp nigr mz nzglx-krgr nzatrkti-krde nigr nzaki-lzbqngr. X okatr-kzp nigr mz nzmrlzti-lzbq-krgr x mz nzaotikr drtwrgr kztegrng mz drtwr kxtubq. Nim me vzkpym nzesz'tikr drtwr amrlx, mz nzbatr-krbzme badr leplz nemqng mz nzmnc-krdr mz nrkrdrdq kxesz', mz Mqngr kxesz', x mz nzrlxngitingr kxesz'. Okatrp nigr mz nzmnc-krgr mz drtwr x nabz kxesz' x mz nzaxvctr-lzbq-krgr mz nrwx ngrm x nivz lrm. Murde

naangrlvzkr nim mz drtwr kxes'z', **mz zmatq ngr Jiszs Kraes, Kxetu rgr. Eu.**

Nakrka'-ngrgu leplz kxnzoliqti-lzbqng mz nzwrkxtrngr:

Trpnz'ngr leplz kx namnclzbz mz Gct,

A' ngi txpww kxnamika-kai mz lue x Mqngrkxtr.

Gct Trtegr, aolve-angidr leplz kxnzoliqti-lzbqng mz nzwrkxtrngr. Okatr nidr mz nzglx-krdr alwx ngrdrng x mz nztekqtr-krdr drtwrdr, mz nzlxngiti-angidr-krdr Mrlxm, Jiszs Kraes. Murde nangi nidr doa nemqng kcng tzmika-mou mz nzvz-nqblq-krdr me pnz' drtwrm mz nzawrkxtrngr lc. **Mz zmatq ngr Jiszs Kraes, Kxetu rgr. Eu.**

Nakrka'-ngrgu nekeng nardr nalolvzo:

Mqngrkxtr namailzle nidr

Me nzmncngr kxnztrng.

Gct Trtegr, mz nzalvztrkr Mrlxm Jiszs Kraes, oliqtiq kxnzovz-nqblqr nide mz nzvzo-krm Mqngrkxtr. Oliqti kz nabz leplz kcng nardr nalolvzo, murde nabrti angidr drtwrdr Jiszs x naplzpplr alwx ngrdrng. X amrlz nidr murde zmatq ngr Mqngrkxtr navzo-kzp badr mzlike nalolvzo-ngrm nardr. **Mz zmatq ngr Jiszs Kraes, Kxetu rgr. Eu.**

Nakrka'-ngrgu kxnayrlzng:

Ncblo narlaszle trtede x lxed

Mz nzaxvctr-lzbq-krbzle mz olvz rde.

Gct Trtegr, amrlz kxnayrlzng, myapxbz _____. Okatr nidr mz nzaoti-angidr-kaikr drtwrdr drtwr ngr nzyrlzng lc, x sc tzvz-atemqng mz nzyrlzng. Avzom nivz lrm badr, murde nivz lrdr naetunepx zvz mz nzmrlzti-lzbq-krdr x mz nzmrlzti-krdr nim. X batrpz badr nzngini-krdr doa kxes'z' murde bzkq nzrkcmnzng leplz kzble. Rlxtibzkr **mz zmatq ngr Jiszs Kraes, Kxetu rgr. Eu.**

Nakrka'-ngrgu **doa negung x kxnzalvztrlr nidr.**

Namyatitr Gct x nayrlq-angidr natqde,

Murde krlc me pnz'bz drtwrde badr leplz.

Jiszs, nim doa ngr Betleem. Okatr doa negrng murde nzmnc-krdr natr x natubq, x bzkq nzpokiang mz nzvz-nqblq-zvz-krdr Natqm. Oliqti nidr mz nzale-krdr nzwzng kcong tqkqle-ngrm nidr. X okatr kxnalvztrlr nidr murde namailz-angidrlr nidr mz nzwztr-krbzlr bam. X drtwrdr amrlx naelalzm mz zbq kc navz-ngrme. Nim kc tqngi Kxetu rgr, tqvzpe tqvzpe. **Eu.**

Nakrka'-ngrgu mrgcng amrlx tzalvztrngr leplz negung:

Aelwapxku nzyrplapx-krgr mz nzmyatitr-krgr Yawe.

X kabzle nzkrlz-angidrngr badr nekeng nzyrlq-angidrlr natqde.

Kxetu rgr, amrlz mrgcng amrlx tzalvztrngr leplz negrng. Murde nradr naycbz x kxnalvztrng x kxnzskulqng elr navz-nqblq-zvzlr me pnz' drtwrm x nakrlz-angidrlr da angidr ngrm, **mz zmatq ngr Jiszs Kraes, Kxetu rgr. Eu.**

Nakrka'-ngrgu obla x olvi:

Jiszs yrlvzlm x xplr. X nzyrplapx-krde etunelz zvz.

X nzaolvzkr Gct x leplz nide etunelz kz.

Gct rgr, amrlz obla x olvi negrng amrlx, myapxbz _____. Murde naabrtzlvzlr da kxmrlzting amrlx kx kabzme badr. Okatr nidr mz nzaoti-angidrkr drtwrdr da kx suti-drtwrdr nzalengr, murde bzkq nzatrkatilr leplz kzbleng, a' nzaodu-kzlr nidr. Okatr nidr mz nzwztr-lxblr-krdr murde leplz amrlx namncng mz nrwx ngrm x nivz lrm, mz nzvz-nqblq-krde me pnz' drtwr Mrlxm, Jiszs Kraes, Kxetu rgr. **Eu.**

Nakrka'-ngrgu kxnzvong prla:

Kxnzwngr prla nzmclr nzwzkr Yawe,

Nzwzng kxmatq kx alele me boongr prla.

Gct kx lu zvz, nim txpwz kx wz-atwrnr-ngrde bongavz x prla. Aolve-angidr leplz amrlz kxnzvong mz lcsu prla, murde namnc-zpwxng, nradr naycbz, x nakrlzbzlr me suti-drtwrdr navokilr x nabzn kx nadwa-ngrdr. **Mz zmatq ngr Jiszs Kraes, Kxetu rgr. Eu.**

Nakrka'-nrgu **kxnzwnzng prla mz lesu scgu:**

Kxnzwnzng prla nzmclr nzwzkr Yawe,

Nzwzng kxmatq kx alele me boongr prla.

Gct kxrnir, nim txpwz kx aolvele drtc' x prla. Aolve-angidr pasejz x kxnzwnztrpzng bam mz 'Southern Cross' x lesu scgrng amrlx. Bzkq rlr-ngrbzme nzmcti-krdr da kxtrka ngr prla, da kx apule mapz, nou-nenq, nzyagoxngr, x da kxtrka amrlx. Okatr nidr mz nzpipx-krdr Nrpakxmrlz x mz nzaelwapx-krdrle mz nzwz-krdr, murde leplz kxkqlu namyatitrlr x namrlztilr nim. **Mz zmatq ngr Jiszs Kraes, Kxetu rgr. Eu.**

Nakrka'-nrgu **dzbede amrlx kx nzwzng Makxtr:**

Da amrlx Heven x mz nrlc ka wz-ngrn,

X mz daldeng, ka-mopwzkr bam.

Gct Trtegr, amrlz nzwzkr dzbede amrlx mz Makxtr, myapxbz Kzmiti negr, Dzbe Lxegng, 'Companions' ngr Mzlegng, Kxnzngng, x kxnzmailzlr nidr amrlx. Okatrp nigr mz nzwz-nrbalq-krgr Makxtr, x mz nzrlrx-krgr mzli nyz'grng, trau scgrng, x da kxngi scgrng, murde nzwz-krm naetunepx. Okatr nekeng nzaolveng trau ngr Makxtr, murde nalrmztilr nraebzkq-krdrle mz nzokatr-krdr leplz nemqng. Rlxibzkr mz zmatq ngr Jiszs Kraes, Kxetu rgr. **Eu.**

Nakrka'-nrgu **dzbe leplz kx nzmnc-kamelr kx nzwztrpz mz Kraes:**

Neke navz-nqblq-angidrle ninge,

Navqti drtqde nzrlrx-krde nzlu-krde.

Yawe, kqleq kzdung leplz nemqng mz nzrlasz-krdr ma nyz'dr mz nzyrlwr-lxbr-krdr mz nzapu-krdr mzle-lzbqng x ile-lzbqng. Amrlz nidr amrlx mz nzwz-krdr, myapxbz Melanesian Brothers, Sisters of the Church, Melanesian Sisters x Franciscan Brothers. Murde natu-amqngi-zvzng mz nzesalz-krdr x naokatrle nigr mz nzale-krgr me pnz' drtwrm mz nzvz-nqblq-krdr nqm q kr Jiszs Kraes, Kxetu rgr. **Eu.**

Nakrka'-nrgu **Kzteng Mzlegung:**

Ninge kzte leplz amrlx kcng tzmyatitrlr nim,

X nzalelr nzalvztr-krmqng.

Gct, axplr nigr amrlx kzteng mzlegrng, murde navz zvz nzaatutr-krgr nzesalz-krgr x nawztr-zvzbzkr bam mz nzale-krgr da kxmrlz. Okatrp nigr mz dzbegrng amrlx, murde namnckr mz nabz x drtwr kxes', x naaelwapxbzkr nivz lrm badr leplz. X Natq Jiszs kx yrlqle Makxtr nyz'de naapu-zvzmle zyzlr bagr mz nzmailz-krde nigr. X nzvz-nqblq-angidr-krgrle naapu-zvzmle kz nyr bagr mz naapqtr-krmle nabzgr. **Mz zmatq ngr Jiszs Kraes, Kxetu rgr. Eu.**

Nakrka'-ngrgu Dzbe Lxegung:

Olvz nalzde naapule nc bia kc nrade tqkqlu.

X doa nedrng kalr nawxbu-ngalelvzlr nyr mnrde.

Gct kxrnr, nim Trtegr kc Heven. Yrlqq nzyrlzngr mz nzamrlz-krm nigr olvz x ncblo ngrgrng. Awi-ngrbzkr bam lr manyz'grng, kxmule-esz' abrtzkr e trabrtzkru. Avzom bagr Mqngrkxtr, murde namrlzti-angidrkr nim x nawztr-zvzbzkr bam. Amrlz nigr kxnzyrlzng x doa negrng. Murde nrwx nayc-zvz mz ma nyz'grng mz nznngi-krbzkr nzulrm. Okatrp nigr mz nzaodu-lzbq-krgr mz ma nyz'gr, murde nqm qkr naglqlzngr leplz nim. Amrlz olvz amrlx kx nzngi nidr Dzbe Lxegung mz nrlc tulvzo, murde nangi nigr dzbede kxes' mz nzmrlzti-krgr x nzangio-krgr nim x mz nzkrka'ngr x nzwztr-krbzkr bam. X okatrp nigr mz nzmrlz-krm kxmyalz, murde naabzkr nzale-krgr me pnz' drtwrm. **Mz zmatq ngr Jiszs Kraes, Kxetu rgr. Eu.**

Nakrka'-ngrgu lr ma nyz'gung:

Rlrpx-lzbqbz mz Gct,

X abrtzprz drtwrm bade.

Gct kxrnr, aodu nigr kcng tzyrlwr-lxblrng mrga x lr mrnyz'grng amrlx. Arlapx lr manyz'grng mz zyagox, dzbi, nyr, trlipu, nenq, x da kx prtz amrlx. X okatrp nigr, murde naale-zvzkr da kxtubq mz nzglqlz-krgr nim mz nivz lrm x mz nzkrka'-krgr kxnmnc-mrbng. Rlxtibzkr mz drtq Jiszs Kraes, Kxetu rgr. **Eu.**

Nakrka'-ngrgu tewa:

Yawe, amrlzq nigr mz nzatwzlr-krme tewa,

Murde dalr nrlanc nyz'grng nalvcpu-angidrng.

Trtegr kc Heven, atwzlr-ngrm tewa bagr mzlika navz-nqblqle dake tqmrlzm bagr. Dake tqwai nzayzlu-krbzme nzkrka'kr Propet nem, Elaejz mzli kc bqnc, mz nzrlxti-krbzle tewa bam. **Mz zmatq ngr Jiszs Kraes, Kxetu rgr. Eu.**

Nakrka'-ngrgu kx **nzwzkr leplz naycbz:**

Gct rgu amrlzle nigu,

Mz nZRplilzngr dakxnzng.

Kxetu rgr, amrlz nigr amrlx keng twwzng mz nrlanc x tzmua'ng prla, murde narmctikr dakxnzng mz nrlanc nyz'grng x nc amrlx keng tqngi dakxnzng ngr prla. Rlxtibzkr kx kxnzawzng amrlx natwzlr trau kx takitrde nzwz-krdr. Murde nigr amrlx naawi-ngrbzkr bam mz nZRka-krme dakcng tqaputr-ngrm nigr x naglqlzkr nim mz nzale-krgr da kx tubqbz mz mzp. **Mz zmatq ngr Jiszs Kraes, Kxetu rgr. Eu.**

Nakrka'-ngrgu **kxnzyagoxng x kx drtqdr vetq:**

Yawe rkam bagu medsin

Mz nzamrlz-krde drtq kxnzyagoxng,

Gct kxrminr, nim me vzkixm nzlungr. Amrlz nrkrdrdq kxnzyagoxng x kx drtqdr vetq mz zmatq ngrm x mz nzokatkr kxnzaolvelr nidr. Murde namnc-zpwx-ani-moung mz nrkrdrdqdr x mz nabzdr. X naawi-ngrbzlr bam mz Makxtr. Rlxtibzkr mz drtq Jiszs Kraes, Kxetu rgr. **Eu.**

Nakrka'-ngrgu **kxlitrpe drtwr:**

Nrkrdrdqgu sa nangi mou drtc'.

X mqngrgu sa nayzlu-mopwz mz Gct kc tqrwzng.

Kxetu Jiszs, aprcbzme mqngrm mz mq Trtem mzlike drtqm tqvetq-ngrde. Nayc mz drtwrm kxlitrpe drtwr, myapxbz _____, murde namnc-zpwxtrpz mz Trtem mz nzbz-krde. Rlxtibzkr mz drtqm, murde nim Kxarlapx rgr, tqvzpe tqvzpe. **Eu.**

Nakrka'-ngrgu **lr ma nyz' kxbz:**

Vz zvz nzesolvzti-krde nekeng drtwrdr vz,

X nzamc-lrpi-krde nekeng nabzdr yrnibu.

Gct Trtegr, awi kx aodu-zvzq nigr. Okatr lr manyz' kxnzbnzng, myapxbz dalr manyz' _____. Murde naamqtrpzme drtwrdr x naxngibzlr nzulr Mqngrkxtr mz nabzdr. Axplr nzrlxngitkr kx nabzdr ngrgo x vectrp bam kx trnzlxngitikalr nim. Murde nrw ngrm naye-zvzbz badr. X kabz badr da kx suti-drtwrdr mz nzokatrkr leplz nidr. Rlxtibzkr mz drtq Jiszs kx bz-ngrde nigr. **Eu.**

Nakrka'-ngrgu kxnzrlxngiting kcng tzbzpeng:

Neipz' leplz kcng tzbzpeng,

Murde nzetqkr drtqdr yrkrpxpe.

Gct, nim kxetu r mqngr leplz amrlx. Amrlz kxnzrlxngiting kcng tzbzpeng mz nyrka-krbzme badr da kxmrlz scmng Heven. X okatrp nigr mrga mz nrlc mz nzwz-angidr-krgr. Murde mzlike najzs-ngrm nigr amrlx natwzkr da kx mrlz kx vzpxm mz nzwz-angidr-krgr mz nrlc. Mz nzlxngiti-krgr Jiszs Kraes, Kxetu rgr. **Eu.**

Nakrka'-ngrgu Leplz amrlx mz da kx suti-drtwrdr:

Yawe aodu-zvzle leplz amrlx,

Mz nzaolve-krde da amrlx kx wz-ngrde.

Yawe, wz-ngrm nigr leplz x aolveqng amrlx. Aelwa-lzbqzbz badr leplz amrlx murde naarlaxq nidr mz zmatq ngrm. X krka'ngrgr kx Makxtr nyz'm mz nrlc tulvo, ke tqngi nrkrdrdq Mrlxm, namnc-zpwx. Mailz nigr leplz nemqng amrlx mz zmatq ngr Mqngrkxtr, murde navz-nqblq-zvzkr Natqm x naesz'tikr mz nzrlxngitingr angidr. X delc namnc-lxblr-ngrgr mz nrw x mz nqm qkxtr. Okatr x apqtr drtwr leplz amrlx kcng tzkxpung, kcng drtqdr tqvetq, x kcng nzmnc-krdr tqtrka, mz nyrka-krbzme nigr suti-drtwrdr. Okatr nidr mz nztu-amqngi-krdr murde drtwrdr naelalzm mz nzyrkrpxkr nzkxpu-krdrng amrlx. Rlxtibzkr mz zmatq ngr Jiszs Kraes, Kxetu rgr. **Eu.**

Nakrka'-ngrgu Kztegung kx nzmeng rlr:

Nzkrka'kr 'Lady Martin'

Drive kc navzkix kx trname-ngrwq ninge?

Trpnz'ngr me namule lcde mz nzesz'ngr-krm lc nrlc.

Kxetu rgr, krlzkr kx trpnz'ngr me yetxpx mz nzmnc-krm x trpnz'ngr da kx naakipxle nigu. X krlz-kzkr kx kztegrng kcng tzmnc-rlrupqng

bagr, sa tqmnc-zvzbzme badr. Delc, okatrp nigr mz nzesotr-krbzk bam, murde namnctr-lxblkr badr mz nzaotikr drtwrgr le. X krka'ngrgr kx naaolve-angidrq nidr, x naaxvctr-lxblrq nigr mz nivz lrm mz nzodutr-lxblkr kxnztr nemqng. Murde navz-nqblqle me pnz' drtwrm, kxmule-esz' narmcti-lzbq-moukr mrga mz nrlc e trtingr, a' narmcti-lzbq-moukr mrgc Heven. X naabrtz-lxblkr mz nztulz-moukr kxnztubqng mz nzprtr-lxblkr-krgr mz nelvq nyz'gr kcng tqoliqtiq nangi nyz' nekeng nzmrlztilr nim, mz nzlxngiti-krdr Jiszs Kraes, Kxetu rgr. **Eu.**

Naawi-ngrgu leplz amrlx:

Naglqpxku Gct.

Naawibzku bade.

Trtegr kx minr, nim nivz. Kxmule-esz' taokr mz nzwztr-krbzk bam, a' awi-angidr-ngrbzk bam kx aodu-zvzq nigr x leplz amrlx. (Awi mz _____.) Glqpxkr nim mz nzlu-krgr x nzmnc-zpwx-krgr mz nrlc. Kxmule-esz' rblxm bagr nzglx-angidr-krgr nzetukr nivz lrm, a' glqlz-zlwz-ngrgr nim nivz lc mz nzarlax-krm nigr mz nzbzkr Mrlxm, murde narmctikr nzlungr kxboi. X awi-ngr-kzpzkr bam zmatq ngr Mqngrkxtr mz nzbatr-krmle nzale-krgr me pnz' drtwrm. Okatrp nigr mz nzxngi-krbzk nivz lrm mz nabzgr. Murde bzkq glqtxpxwzkr nim mz naogr, a' naglqpx-zvzkr nim mz nzwztr-angidr-krbzk bam mz nqm qxtubq x tr. Mz zmatq ngr Jiszs Kraes, Kxetu rgr, kc tqmncamu ncd r Mqngrkxtr. Angiokr x glqlzkr nimu, tqyc tqyc. **Eu.**

Naawi-ngrgu kxnztrng ne Gct:

Naglqpxku Gct.

Naawibzku bade.

Gct, nim kxetu r mqngr leplz amrlx. Glqlzkr drtqm kxmyalz mz kxnzww nemqng amrlx kcng tzmyatitrlr x tzlxngitilr nim krlzbzle nzbz-krdr. Krlcng kxnztrng x propet kcng bqnc, Mxri kxmnc-kamelr, aposol nemqng, kxnzabz-ngrdr nzlxngiti-krdr Jiszs, x kxnzww-angidr nemqng amrlx. Axplr nigr mz nzkrka'-krdr nigr x okatrp nigr mz nzvz-nqblq-zvz-krgr nqm qkrdr. Murde mzlike najzs-ngrn, nigr amrlx natwzkr da kxmrlz kx vzpxm mz nzwz-angidr-krgr mz nrlc. Mz zmatq ngr nzlukr x nzbzkr Mrlxm, Jiszs Kraes, Kxarlax rgr. **Eu.**

Naawi-ngrgu nzkqngr dalr nrlanc ayrnrngr:

Gct rgu amrlzle nigu,

Mz nzkq-krgr dalr nrlanc.

Trtegr, mz nivz lrm atutrpeq nzkrka'-krgr mz nzmcti-krgr dakxnzng mz nrlanc nyz'grng x prla. Awi-ngrbzkr bam dakxnzng lcong, x okatrp nigr murde namnc-zpwxkr mz dakxnzng lcong x naokatr-ngrgr kz nranzlu r leplz kzbleng. **Mz zmatq ngr Jiszs Kraes, Kxetu rgr. Eu.**

Kzdung Kz Nzkrka'ngr

Kxetu rgr, jzs nigr navz-nqblqle nztubqkr Kraes, a' trngiu nztubq-krgr. X okatrp nigr mz nzwztr-krbzkr bam mz nzxplr-krm, a' trngiu nzxplr-krgr. **Mz zmatq ngr Jiszs Kraes, Kxetu rgr. Eu.**

Trtegr, aolve-angidr nigr mzbqka mz mzlir nzxpu-krgr nakrlzbzle:

mzlike milzpq tqtengr nina,

x natq ngr nrlc kc tqyc-nabupe,

x nzongrgz-krgr x nzwz-krgr sc tqyrkrpxpe.

Murde mz nrlckxbq mz ma nyz'gr:

namnc-zpwxkr,

x namwi-angidrkr,

x narmctikr nrwx ngrm.

Mz zmatq ngr Jiszs Kraes, Kxetu rgr. Eu.

Yawe, ipq nigr x aolve nabzgr, murde naxvetrpzkr badr kxnztubq nemqng kcong tzalqti-lzbqng mz mepyr ngr Neisip x tztutrpzng mz mzp Heven mz nzwztr-krbzlr bam, tqvzpe tqvzpe. **Eu.**

Jiszs, alvztr-ngrn nigr kx nekeng amrlz-zlwzng Gct naka-mopwzlr bade kz da kxkqlu mz nzwztr-krbzlr bade. Okatrp nigr mz nzvznqbq-krgr natq lc, murde da amrlx kcong tqkame bagr naprmitrpzkr mz nzkapx-krbzkr nzamrlz-krmqng badr leplz amrlx. X dake tqwai nzvz-nqblq-krgr leplz kcong kai, okatr-kzp nigr mz nzale-krgr da kx navz-nqblq leplz mz nibrgr. Murde nigr amrlx naglqlzkr nim x navz-nqblq-zvzkr me pnz' drtwrm mz nzwzng kc tqyrlqme bagr, nakrlzbzle nyzylu-krme mz nrlc. Nim kc tqmncamu badr Trte x Mqngrkxtr tqamatqkr x tqglqlzkr, tqyc tqyc. **Eu.**

Trtegr kxrninr, okatrp nigr murde:

bzkq mw'lrkr,
x bzkq ayzlu-mopwzkr dakxtrka badr nekeng nzatrkatilr nigr,
a' nalolvz-amqngikr da kxtubq,
x naapqtrpzkr drtwr kxnmwx'lrng,
x naaxplrkr kx nabzdr ngrgo,
x naokatrkr kxnzkxpung,
x naamatqkr leplz amrlx,
x namrlztikr nim x nawztrpzkr bam,
x drtwrgr naelalzm mz zmatq ngr Mqngrkxtr,
ke tqmnc x tqaolveamu badr x Mrlxm, Gct esz'txu, tqyc tqyc. **Eu.**

Kxetu kxmrlz, okatrp nigr murde:

nawztrpzkr bam mz nqm qkx tubqbz mz mzp,
x narlrpx-lzbqkr kxmule-esz' drtqgr vetq,
x naotakr badr enqmi ngrm kxmule-esz' nzatakigr,
x navz zvz nzvz-krgr kxmule-esz' drtqgr ta,
a' navz-nqblq-zvzkr nim kxmule-esz' nzxpegr e trtingr,
murde da kx takitrde nzxpengr nzkriz-krgr kx ale-tpwzkr me pnz'
drtwrm, **mz zmatq ngr Jiszs Kraes, Kxetu rgr. Eu.**

* * * * *

Natq Kxtpwzng Kx Narlwx Zvz Mz Mzli Rde Mz Yiz Kxtr

Natq Kxnzrtxong

Navztx-anipebo mz trtenge x narpibo kx, "Trte, aletxpebo da kxtrka mz Gct, x ngitx-kzpz da kxtrka bam. Trtakitxtrpedeu ninge nzrpi-krme ninge mrlxm. A' rlxitibo bam apusrnepengr ninge kzdq ncblo kx awzq." *Luk 15:18-19*

Gct trnipleu leplz kx namcku nide, a' nide mqngr. Mz nzmu-krde lcde, nzangiongr nide navzdm mz nqm angidr x mz nabz leplz mz nzokatrkr Mqngrkxtr. *Jon 4:24*

Nzmu narpi drtwrgu kx trpnz'ngr alwx ngrgu, yrlqbrti-lzbqgu x pxtxpx-ngrgu nzrlxngitingr daangidr. A' nzmu naplzpxbzku alwx ngrgung mz Gct, nabrti drtwrgu nide mz nzipq-krde nigu x nzycpqpx-krbzle da kxtrka amrlx mz nabzgu. X takitride nzipqkr Gct nigu, murde Kraes bzpe mz nzycpqpx-krbzle alwx ngrgung. *1 Jon 1:8-9*

Angio Yawe mz nzlqngi-esz'ngr-krde, lr drtc' amrlx narnrcrtpzmu bade. *Sam 96:9*

Yawe, nzmu napx-ngrn nzipqpx-krm alwx ngrgr, trpnz'ngr kx narlapx mz nzayrplapxngr. *Sam 130:3*

Yawe kc tqwz-ngrde bongavz x drtc', nide kc tqarlapxle nigu. *Sam 124:8*

Nzvz-ngrm (Advent)

Tekqtramu drtwrmu mz alwx ngrmu murde Gct sa tqaolvele mz nabz leplz mz nrlc. *Matiu 3:2*

Narsakipe nzale-krdu dalr nzlo. A' alzu naaleku da kx takitride zyzlr ngr Kraes. Murde mzli r nzaolvekr alwx ycepe pipz nzyrkrpx-krde x mzli r nzyzlu-krm Kraes mz nzarlapx-krde nigu esotrpem bagu. *Rom 13:12*

Krismas

A' rpibz enjrl kc badr kx, “Bzkq mwxlramu. Rtwzmo bamu nrpa kxmrlz. Nrpa lc narkabz lc nzabrtzngr kxetu mz leplz amrlx. Mz nrlckxbq ka, mrgc mz taon nyz' Devet, kxarlapx nzmika, Mesaea kc tqngi Lod! *Luk 2:10-11*

Nzaelwapx-ngrbz Jiszsz Badr Leplz Kcng Trngiu Lr Jiu (Epiphany)

Rpi Yawe kx, “Lr drtqbrng amrlx sa naamatqlr drtqngc mz nrlc tulvzo, abzo me prkilzm nepi, krlzbzle mz takiole. Eu, sa naangioldr ninge mz nzangc-krmlr bange bqlmncininz x mz nyrka-krmlr bange da kxlq.” *Malakae 1:11*

Nzoliqtingr Nabz Leplz (Lent)

Gct, da kx naabrtz-angidr-ngrn nzavzo-lzbq-krnge. Murde trpxwrn nabz kxavzo lzbq x drtwrde vz x yzlu-mopwq bam. *Sam 51:17*

Wiki Kxtr

Avzo-lzbq x vz-nqblq-zvzle Gct, vz vz krlzbzle mzli r nzbz-krde nztqlvztr mz kros. *Pilipae 2:8*

Opxm kx nzetqkr drtqngc lc mane mz drtwrmu. A' trpnz'ngr mou nzetqkr drtq mz nrlc, kx apule nzetqkr drtq lc tqetqngr drtqngc. *Nzyrningr 1:12a [Lamentesz]*

Wiki Ngr nztulz-krm Kraes

Lod lutxlz-angidrpe-mopwq mz nzbzngr! *Luk 24:34*

Mznibr Nztulz-krm Kraes

Naawi-ngrbzku mz Gct, Trte Lod rgu Jiszs Kraes! Murde mz nzyc-zlwzkr drtwrde nigu, rkatrp bagu nzmikangr kxmna. Murde nzalukr-mopwqle Jiszs Kraes mz nzbz-krde, rmcti-kzku nzlungr kxmna. Delc, tqobqtipxku mz drtwrgu kxbr mz nzmnc-alo-lxblr-krdu badr Gct kc tqaenzliku. *1 Pita 1:3*

Nzvzdzkr Jiszs Heven

Jiszs Kraes Mrlx Gct, nide kxngi Narpris ngrgu kxmyalz. Nide kx vzdzpe-kaipz Heven me mncngr Gct x sc tqokatrle nigu. *Lr Ibru 4:14*

Nzvzo-krm Mqngkrtr

Mzlike Mqngkrxtr navzo-ngrmle bamu sa narngiscmu zmatq ngr nzyapwxtipx-krmu ninge nayzuo mrga Jerusalem, x Provins kc Judiz x Samaria, nakrlzble mztea amrlx mz nrlc tulvzo. *Nzwznggr 1:8*

Gct kao-nrbalq-ngrmle Mqngkrxtr bagu. X Mqngkrxtr lc puliopemle nivz lr Gct mz nabzgu. *Rom 5:5*

Tqtrbz (Trinity)

X neke lolvz-zvzle nivz lr Gct, nzaxvctrpz mz Gct x Gct mnc mz nabzde. *1 Jon 4:16b*

Zbq scdr Lepz Kxnztrng

Mz nzmu-krde lcde, navz-nqblq-kzku lrpzki r leplz keng tzaelwapx-ngrdr nzlxngiti-krdr Gct mzlike bqnc. Aelwapxku nzrlxngiti-krdu mz trnzmlzti-krdu dalr nrlc x mz nzrtctx-krdu alwx keng tqaprtz-anile nigu mz trtxki. X navz zvz mz nzmqngitrkr nargu me pnz' drtwr Gct, kxmule-esz' mule nzalimle drtwrgu mz nzxngitr-krdu. Jiszs kc tqngi nou nzrlxngiti-krdu x me yrkrkipxle. Delc nayatr-ngrbzku mz nzvz-krdu lc, mz nzotr-zvz-krbz drtwrgu bade, mz nzvz-nqblq-krdu nqm q scde. Delc trtqyc-ngru mz drtwrde nzamyati-ngrbz drtqde, a' rlrpx-lzbqnggr mz nzrtqlvztrnggr nide mz kros. Murde krlc tqobqtipxle nzabrtznggr kx prpxm mz nzwxbu-krde me matq mz nzaolve-lxblr-krdr ncdrr Gct mz tron nyz'dr. *Lr Ibru 12:1,12*

Nzkrka'ngr Kcng Tzvz-nqblqlr Yiz Kxtr

Nzvz-ngrm 1 (Advent)

Natq Gct:

Mzlikc dalcng naabzope-ngrdr nzngida-krde, binenamu ye, x obqtipxamu mzlikc namnc-ngnamu Heven nzkaputr-krmlc, murde mzli rde yctxpe pipz nzvz-krmlc. *Luk 21:28*

Gct Kxrnr, Mrlxm Jisz Kraes vzom mz nrlc ka mz nzavz-lzbq-krde. Mzlika okatrp nigr mz zmrlz ngrm kxmyalz murde navz-nqblq-zvzkr zyzlr ngrm mz nzyrlqpx-lzbq-krgr mz nqm q kr Setzn. X mz zbq kx emwr-ngrm, Mrlxm nayzlu-ngrmouple mz zluli rde mz nzjzs-krde kxnz lubeng x kxnz bzpeng. Mz zbq lc, krka'ngrgr kx natulzmgr mz nzlungr kxboi mz zmatq ngr Jisz kc tqmnc x tqaolveamu ncmu x Mqngrkxtr, mzlika x tqvzpe tqvzpe. **Eu.**

Mz Nzmungrkxtr:

A' zvz aolve-lzbqamu x krka'-zvzamu kx nalolvz-amqngiamu nzrlxngiti-krmu, mzli kx kaputr-ngrm da kx trkati. Murde ninge Mrlx Leplz, naaolvz nimu mzlikc natutr-ngrmamu mz mzke' mz zbq kc narjzs-ngrnge. *Luk 21:36*

Nzvz-ngrm 2 (Advent)

Natq Gct:

Natqm nzlqngi-esz'ngr-krde mz nzxlgr, myaszpxle nzmrlzkr nilwztq dakxnzng amrlx. Nzalvztr-krm okatrlc ninge mz nzkrz-krnge lrpzki kxtubq. Delc tqpxtpx-ngrne nzi kx vz-rbr amrlx. *Sam 119:103-104*

Kxetu Kxmrlz, yrlqq Nzryrgrkxtr mz nzalvztr-krm nigr. Delc okatrl nigr mzlika mz nzrlwxngr, nzrlxngitingr, x mz nzaotikr drtwgrle. Murde mz zmatq ngr Natqm, navz zvz nzbrtikr drtwgr nprtr-krgr mz nzlungr kxboi kc tqkame bagr mz Kxarlapx rgr, Jisz Kraes. **Eu.**

Mz Nzmungrkxtr:

Nekeng nzlqngitilr Mrlx Gct narmctilr nzlungr kxboi. *Jon 3:36*

Nzvz-ngrm 3 (*Advent*)

Natq Gct:

Natq kzdq ncblo la tqvzpxm lzke mz nzirpi-krde kx, “Oliqtiamu nabzmu mz nzvz-krm Lod. !Dakc tzwai leplz nzoliqti-krdr lrpzki kx navzki king, atubqtibz lrpzki kx nangi nyz'de! Leplz amrlx namelr ncblo ke tqarlapx, tqatwzlr-ngrm Gct.” *Luk 3:4, 6*

Kxetu rgr Jiszs Kraes, mz nzvz-krme ke kai atwzlr-ngrme Jon Kxawrkxtr mz nzoliqti-krbzle nzvz-krme. Kam bagr nigr leplz nemqng drtwr ngr nzaolve-angidr-krgr da kxtr scmqng, murde drtwr leplz keng trtzrlxngitiu nayzlu-moup mz nzkrlzng kxtubq. X mz nqm q lc, mzli ke nayzlung-moupme mz nzjzskrm lr nrlc, narmctiq nigr leplz kx nztubqng nztutr-krbzkr mz mzp q. Nim ke tqmnc x tzaolveng ncd Trte x Mqng Kxtr, Gct esz'txu, tqyc tqyc. **Eu.**

Mz Nzmungrkxtr:

“!Da zpwtx! Mzli trnzboi-krde x ninge ke tqyzlupe-mopwc!” X kxnzrlxngiting amrlx nzirpibzlr bade kx, “!Eu, angida! !Vzm, Lod Jiszs!” *Nzaelwangr 22:20*

Nzvz-ngrm 4 (*Advent*)

Natq Gc

Nipenge kxnzawztrpz mz Gct. Mrla tqpikimele, nangidapem ye bange. *Luk 1:38*

Gct Trtegr, okatr nigr mz nzwztr-krbzkr bam mz nzvz-nqblq-krgr lrpzki r Mxri kxmncamelr. Murde naale-zvzkr me pnz' drtwrm, kxmule-esz' da prt z x nzipibqti leplz nigr. Mz zmatq ngr Mrlxm, Jiszs Kraes ke tqmncamu badr x Mqngrkxtr. Angiokr x glqlzkr nimu, tqyc tqyc. **Eu.**

Mz Nzmungrkxtr:

X mrlxm la mzte namc, yrlqbz drtqde nangi Jiszs. Nide Mrlx Gct ke tqmyatxlz-esz'ngr. *Luk 1:31-32*

Milzpq x Kriskas kc ate, Disebz 24

Natq Gct:

Rpibz enjrl kc badr kx, “Rtwzmo bamu nrpa kxmrlz kx narkabz nzabrtzngr kxetu badr leplz amrlx. Mz nrlckxbq ka Kxarlapx nzmika, Mesaea kc tqngi Lod.” *Luk 2:10-11*

Gct, aelalzm drtwrgr mz yiz kang kqlu, mz nzdcpxkr mz drtwrgr nzmikangr Mrlxm Jiszs Kraes. Okatr nigr keng tzabrtzlvzlr nzlxngiti-krgr nzarlapx-krde nigr, naelalvz-kzkr nzjzs-krde nigr. Nide kc tqmnc x tqaolveamu ncmu x Mqngrkxtr, tqyc tqyc. **Eu.**

Mz Nzmungrkxtr:

Kxarlapx nzmikape mrgc mz taon nyz' Devet. *Luk 2:11*

Krisimas, Disebz 25

Natq Gct:

Natq ngipe doa leplz, x mnckr badr. X aelwapx-zpwx-ngrmle bagr zmrlz x daangidr ngr Gct. *Jon 1:14a*

Gct kx rninr, mzlike ena rlr-ngrme bagr Mrlxm kc esz'txu nznngini-krde ncblo, x mzte mcpe olvi kxmncamelr. Rlxtibzkr bam kx nigr keng mzkr tzmc mou mz neidu nem, namnc-zvzkr mz nzlungr kxmna lc mz zbqkalvz. Mz zmatq ngr Mrlxm kc esz'txu, tqyc tqyc. **Eu.**

Mz Nzmungrkxtr:

X mcpekr nzmyalz-krde, mz nznngini-krde Mrlx Gct kc esz'txu. *Jon 1:14b*

Stiven Kxtr, Disebz 26

Natq Gct:

Amrlzle nimu Gct, kx tzatrkatilr x tzpibqtilr nimu leplz murde vz-nqblqamu ninge. Kxmule-esz' a' naelaamu mz nzabrtzngr murde narnabr semu sa tzyrlqzbz mrgc Heven. *Luk 6:22-23a*

Gct, rlxtibzkr bam, kx mz nzvetqkr drtqgr amrlx mrga mz nzlc, naobqlzkr Heven x namclzkr Kxetu rgr mz nrlarmq kxrtc, kc tqoliq mz nzokatr-krde x nzarlapx-krde nigr. Krlcde Jiszs kc

tqmncamu ncmu x tqaolveamu badr x Mqngrkxtr, Gct esz'txu, tqyc tqyc. **Eu.**

Mz Nzmungrkxtr:

Nzatrkatikrdr nimu aelwapx-ngrde kx nimu kxnzawz ne Gct. Murde melrmqdrng nzale-kzpzlr dalc pwz mz propet ne Gct keng bqnc. *Luk 6:23b*

Jon Kxtr, Disembz 27

Natq Gct:

Nzmu namncku mz zyzlr, dake tqwai Kraes, odutr-lxbrku badr Gct. X mepyr ngr Mrlxde Jiszs ycpqpxle alwx rgung amrlx. *1 Jon 1:7*

Kxetu kx rycngr drtwr, rlxibzkr bam nilzr zyzlr ngrm napna'milxtile Makxtr nyz'm, murde zyzlr ngr nzalvztrkr Aposol x Kxryr nem Jon Kxtr nayzlrn bagr mz nzmnc-krgr. X mz nqm q lc navz-nqblqkr zyzlr ngrm, murde naprtrkr mz nzlungr kxboi. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Jiszs nide zyzlr angidr lode nakaputrp mz nrlc, sc tqayzlrpebzle nabz leplz amrlx. *Jon 1:9*

Doa Kx Nabzdr Lq, Disembz 28

Natq Gct:

Amrlzle nimu Gct, kx tzatrkatilr x tzpibqtilr nimu leplz murde vz-nqblqamu ninge. Kxmule-esz' a' naelaamu mz nzabrtzng murde narncbr scmu sa tzyrlqzb mrgc Heven. *Luk 6:22-23a*

Gct kx minr, mzlike ena doa kx nztowpwnz nzangioldr x nzglqlzlr nim mz nzbz-krdr. Axplr nigr mz zmrlz ngrm kxmyalz mz nzayrkrpx-krgr da kxtrka mz nabzgr. Murde nzmnc-krgr naapule doa keng tztowpwz nzbz-ngrdr nim mz nztu-amqngi-krgr mz nelz kxbr mz nzmncngr x mz nzbzng. Mz zmatq ngr Jiszs Kraes Kxetu rgr. **Eu.**

Mz Nzmungrkxtr:

Nidr leplz kx nzalqti-lzbqng mz nzapu-krdr ncblo x olvz kxnzmnc-kamelr. X nzvz-nqblq-zvzlr Neisip drlve ke vzkile. *Nzaelwz-ngrbz 14:4a*

Sade Kc Kai Mz Nibr Krismas

Natq Gct:

Natq Kraes nangi da kx ayrnr zvz mz nabzmu. *Kol 3:16a*

Gct Trtegr, Natqm vzom bagr mz Doa Kxtr Kc Betleem. Okatr nigr nzvz-nqblq-krgr Natqm Kxlu mz nzymne-krgr x nzale-krgr da. Mz zmrlz ngr Mesaea, kc tqmnc x tqaolveamu ncmu x Mqngrkxtr, Gct esz'txu, tqyc tqyc. **Eu.**

Mz Nzmungrkxtr:

Jiszs yrlvzlm mz nrkrdrtdqde. X nzyrplapx-krde etunelz, x etunelz kz nzaolvzkr Gct le, x etunelz kz nzaolvzkr leplz le. *Luk 2:52*

Sade Krali Mz Nibr Krismas

Natq Gct:

Vzdzm mz drtwr Gct kx trpnz'ngr da kx namrbrpxm mz Mrlxde ma nzaotr-angidr-krde nide. *Kolosia 1:19*

Gct kxrnr, kctipxkr nzvz-krm leplz nzaotr-angidr-krdr nim, x myapxbz nzka-krbzme nzlungr badr. Dakc tqwai Mrlxm Jiszs Kraes nzaotr-angidr-krde leplz, rlxibzkr bam kx nigr naaotr-angidr-kzkr nim. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Mz Mrlxde nayzlumimle dalr nrlc x dalr heven amrlx. Murde Gct ao nrwx mz nzyrleo-krm mepyr ngr Mrlxde mz kros. *Kolosia 1:20*

Nzaprtz-ngrbz Drtq Jiszs, Jan 1

Natq Gct:

Gct kabzle bade me matq-esz'ngr Heven x aprtzbzle bade drtq kx myaszlzle drtq amrlx. *Pilipae 2:9*

Gct Trtegr, alvztr-ngrn nigr kx zmatq ngr nzarlapxngr yctrpwz mz Drtq Jiszs Kraes. Okatr nigr, leplz nemqng naangio-zvzkr Drtqde, x nalebzkr badr lr nrlc nrpa ngr zmatq ngrde kc naarlapxle nidr. Mz drtq Mesaea Jiszs, Kxetu rgr. **Eu.**

e krlc

Get kc tqmnc, tqmnc, prmitr-mowq nigr mz nzabzokr yiz kxmna ka. Ipq nigr mz alwx ngrgr keng tqrtrngtibzkr mz yiz lc tqvzpe x naycng drtwrm nigr mz z bq kang kqlu tqlu-ngrgr mz nzlc. Mz drtq Jiszs Kraes, Kxetu rgr. **Eu.**

Mz Nzmungrkxtr:

X naotibzmu da amrlx mz drtq Kxetu rgu, Jiszs, x naawi-ngr-kzpzmu mz Trtegu Get mz drtqde. *Kolosia 3:17*

**Nzaelwapx-ngrbz Jiszs Badr Leplz Kcng Trngiu Lr Jiu,
Jan 6 (Epiphany)**

Natq Gct:

?Myx' me nzmengr mz doa kc topwz nangi nide King r lr Jiu? Mckr vri kc tqplzpxle nzmengr mzte. *Matiu 2:2*

Yawe, dake tqwai nzrmailz-krm kxnmncmrbrng mz vri, x aelwa-ngrbzme mrlxm kc esztxu badr, rlxtibzkr bam kx namailz-kzq nigr kxnzrlxngiting mz nzprtr-krgr mz nzabrtzng angidr mz zluli rm. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Da amrlx nyzclzbzng mz zmatq ngrde, mz nzngini-krde King r King amrlx x Kxetu r kxnzeturng amrlx. *1 Tim 6:16*

Nzwrkxtrkr Jiszs Jan 13

Natq Gct:

Natq Gct vzpxm mz debz kc, rpile kx, "Krlc mrlxngc. Nide kx mcpxpex. Lalztqbmzmu bade x lxngitiamu nide." *Luk 9:35*

Trtegr kc Heven, dake tqwai nzavzo-krme Mqngrkxtr mz Mrlxm Jiszs Kraes mz nzwrkxtr-krde mz Luejodzn, rlxtibzkr bam kx naavzo-kzpe' Mqngrkxtr bagr, nigr doa nemqng mz nzwzkr mrlx kc tqxpele alwx ngrgr, Mrlxm Jiszs Kraes, Kxetu rgr. **Eu.**

Mz Nzmungrkxtr:

Mqngr Lod Yawe sc tqmncpxm bange. Murde naryapwxbo Nrpakxmrlz badr leplz keng tzobqongr. *Luk 4:18*

Nzaelwapx-ngrbz Jiszs Badr Leplz Kcng Trngiu Lr Jiu 1 (*Epiphany*)

Natq Gct:

X leplz kcng tzlmgitilr nide tubqtibzle lrpzki r nznngini-krdr doa neng Gct. *Jon 1:12*

Get Kxetu rgr, nigr doa nemqng rlxtibzkr bam, naye mz drtwrm nigr x xlrn natqgr, murde nakrlzkr da kx tubqz mz mzp x nartrngzti-zvzbzkr dalceng. Rlxtibzkr mz nzlxngiti-krgr Jiszs Kraes, Kxetu rgr. **Eu.**

Mz Nzmungrkxtr:

?Memule trkrlz-wrnamu me namnc-ngrne? ?Trkrlzwamu kx namncx ma nyz' Trtenge? *Luk 2:49*

Nzaelwapx-ngrbz Jiszs Badr Leplz Kcng Trngiu Lr Jiu 2 (*Epiphany*)

Natq Gct:

Yawe, nim Kxetu rgr. Drtqm myalz-esz'ngr nzmc mz nrlc tulvzo. X zluli rm myaszlzle bongavz. *Sam 8:1*

Yawe, aolveq da amrlx mz bongavz x mz nrlc. Okatr nigr mz nzglx-krgr zluli rm mz nzmnc-krgr mz nrlc, murde naglqpx-angidrkr nimu ncdr Mrlxm kc tqmrlzti-zvzkr. Atutr nzkrka'-krngr mz nivz lr Kxetu rgr, Jiszs Kraes. **Eu.**

Mz Nzmungrkxtr:

Neke mrlztile Gct, namrlzti-kzle Mrlxde. *1 Jon 4:21*

Nzaelwapx-ngrbz Jiszs Badr Leplz Kcng Trngiu Lr Jiu 3 (*Epiphany*)

Natq Gct:

Dcpz mz drtwrde kx nigu leplz yangrngaku, Murde wztz-ngrpwzle nigu mz drtc'. *Sam 103:14*

Get kxrninr x lu-zvz, krlzq kx yangrngakr x abtrpzkr drtwrgr bam. Delc mzlike nigr nranzlu ngr leplz naokatrq nigr. X mzlike namwx'lr-nggr naarlapxq nigr mz zmatq ngr mqmu ncdr Jiszs Kraes, Kxetu rgr. **Eu.**

Mz Nzmungrkxtr:

Nzmu trnanya-ngru drtqmu, navzbzmu mz Yawe. Murde zluli rde nayzlrzbz bamu. *Sam 34:5*

Nzaelwapx-ngrbz Jiszs Badr Leplz Kcng Trngiu Lr Jiu 4 (*Epiphany*)

Natq Gct:

Nekeng nzcxpung trtxpnz'ngr nzmrbtritrkr drtwr Gct nidr. Nzobqtipxkr kxtrnzngiscung trtxpnz'ngr nzbotxpx-krde. *Sam 9:18*

Gct, krlzq kx nzcxpung kxkqlu naprtzmqng bagr x rblx nztu-amqngi-krgr. Axplr nabzgr murde namnc-zpwxkr x natu-amqngikr mz mzli r nzatalzng. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Bzkq mailzq nigr mz alwx mz nzatalzng nigr. *Mat 6:13*

Nzaelwapx-ngrbz Jiszs Badr Leplz Kcng Trngiu Lr Jiu 5 (*Epiphany*)

Natq Gct:

Ninge zyzlr ngr lr nrlc. Neke vz-nqblqmlc ninge trvzneu mz nzlo, a' sa narmctile zyzlr ngr nzlungr kxmna. *Jon 8:12*

Gct, aolve-angidr-zvz nigr neidu nem lr makxtr murde nalolvz-amqngikr nzrlxngitingr angidr. X okatr nigr kcng tqabrtrpzkr drtwrgr bam mz nzmnc-zvz-krgr Heven murde namnc-zpwxkr mz zmatq x nzxplr-krmu ncdr Jiszs Kraes, Kxetu rgr. **Eu.**

Mz Nzmungrkxtr:

Yawe mrlz x aodu-zvzle nigu. Drtwrde trngya'-aniu, a' okatr-zvzle nigu. *Sam 103:8*

Nzaelwapx-ngrbz Jiszs Badr Leplz Kcng Trngiu Lr Jiu 6 (*Epiphany*)

Natq Gct:

?Neke takitrde nzangio-krde mz newz kxtr nyz'm? Nabzm nalqngi. Nqmq krm natubq. X natqm nangi daangidr. *Sam 15:1-2*

Gct Trtegr, Mrlxm vzm murde naodatile nzwzkr Setzn, nangi nigr doa nemqng, x nakame bagr nzlungr kxboi. Okatr nigr mz nzrlxngiti-krgr kx nabzgr nalq naapule nzlqkr nabz mrlxm. Murde naapu-kzkr nide mzli kc nayzlunggr-mouple mz zmatq x zluli kx myapx mz nzaolve-zvz-krde, mrgc tqmnc-ngnamu ncmu x Mqngrkxtr, Gct esz'txu, tqyc tqyc. **Eu.**

Mz Nzmungrkxtr:

A' mzlika mz nzbzo-krm nrkrdrdq Kraes lc mz kros, Gct yzlumipemle nimu bade, murde nangi nimu leplz kxntzrng kxntzrbqng, x kx nabzdr lq mz nzmncr-krbzmu bade. *Kol 1:22*

Sade Kratq X Nzoliqtingr Nabz Leplz Kc Ate

Natq Gct:

Nivz lr Gct tekqtrpele mrnyz' zmw'lr mz nabzgu. *1 Jon 4:18*

Kxetu, mz nzyckr drtwrm xlrn nzkr-ka'kr leplz nemqng. Murde naarlapxq x naipq nigr mz Jiszs Kraes, Kxarlapx rgr, kxmule-esz' takitrde nzayrplapxngr mz alwx rgrng. X delc naglqlz-ngrm mz zmrlz ngrm. Mz zmatq ngr Jiszs Kraes kc tqlu, tqolveamu ncmu x Mqngrkxtr, Gct esz', tqyc tqyc. **Eu.**

Mz Nzmungrkxtr:

Naangrlvzku Yawe kc tqngi nou nzrlapx-krgr. *Sam 95:1*

Sade Krali X Nzoliqtingr Nabz Leplz Kc Ate

Natq Gct:

Nayzlrzmu mz mzlr lr nrlc naapule vri kcng tznxglutlr bongavz. *Pilipae 2:15*

Kxetu Gct, naye mz drtwrm nigr x arlapx nigr mz da kx prtzmqngq bagr murde drtwrgr trabtr-pwzkru mz da kznikeng alekrng, a' mz Jiszs Kraes txpwz kc tqngi Kxetu rgr, tqvzpe. **Eu.**

Mz Nzmungrkxtr:

Abtrpo drtwrge bam mz nivz lrm kc tqyc tqyc. X sa naabrtz-zlwzx mzlikc naarlapx-ngrm ninge. Sa nangrbo bam murde amrlz-zlwzpeq ninge. *Sam 13:5-6*

Sade Ayrnrngr X Nzoliqtingr Nabz Leplz Kc Ate

Natq Gct:

Jiszs aelwa-ngmle bagu drtwr ngr nivz angidr mz nzlrpx-krde nzbz-krde mz nzokatr-krde nigu. *1 Jon 3:16*

Kxetu, alvztr-ngrn nigr kx mz nzmrbpx-krm nivz bagr, trtxpnz'ngr da kx namrlz mz dakcng tqale-krng. Avzom Mqngrkxtr nakatrppe nivz angidr mz nabzgr. Murde namnc-zpwxkr mz nzmnc-tr-lxblr-krgr mz nrw x nalu-zvzkr mz nivz lrm, mz zmatq ngr Mrlxm, Jiszs Kraes, Kxetu rgr. **Eu.**

Mz Nzmungrkxtr:

Alqngi nidr x atr nabzdr mz daangidr ngr natqm. *Jon 17:17*

Zbq Kratq Kx Naayzutrngr Nzoliqtingr Nabz Leplz (Ash Wednesday)

Natq Gct:

Naangioku Yawe kc tqwz-ngrde nigu mz nzyzngulvzo-krgr nide. *Sam 95:6*

Gct kx rninr x lu-zvz, krlzkr kx mrlztiq nigr amrlx keng tqwz-ngrn. X krlz-kzkr kx ipqq nigr keng trnmnc-zpwxung x drtwrdr yckq angidr mz nztekqtr-krdr nabzdr. Delc naye mz drtwrm nigr x katxpxbz alwx rgrng amrlx, x mz nzarlax-krm nigr, mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Nzabrtzng angidr trvzpxpwq mz nzvz-nqblqng nqm q kr kxdrka'ngrng, x nztu-ngrbz mz lrpzki nyz' kxnaleng alwx, x nzprtr-ngrbzng badr kxnzrtnga'-ngrdr Yawe. A' nzabrtzng angidr lc vzpxm mz drtwr kx elalzm mz nzvz-nqblqng Loukxtr sc Yawe, x mz nzaoti-zvzkr drtwr natqde ngrlx x nrlckxbq. *Sam 1:1-2*

Nzoliqtingr Nabz Leplz 1 (Lent)

Natq Gct:

Zbq nzpnu'pwx mnctile lzke, tqtamiti Setzn. Tamiti Setzn kx natao mz alwx, a' trtao-pnz'u mz alwx. *Luk 4:2*

Kxetu Jiszs, mz zmatq kcpwz tqalz-ngrn mz zbq keng nznpu'pwx, okatr nigr mz nzaolve-krgr nrkrdrdqgr. Murde nzmnc-krgr natr x natubq mz nzvz-nqblq-zvz-krgr me pnz' drtwrm mz nznngi-krbzkrlle mz nabzgr. X delc naangiongr x naglqlzngr leplz nim. Mz zmatq ngrm, tqyc tqyc. **Eu.**

Mz Nzmungrkxtr:

Leplz trlutz-ngrpwzleu nzmukrde dakxnzng txpwz, a' lu-kz-ngrde Natq Gct. *Luk 4:4*

Nzoliqtingr Nabz Leplz 2 (Lent)

Natq Gct:

Ninge zyzlr ngr lr nrlc. Neke vz-nqblqmlle ninge trvzneu mz nzlo, a' sa narmctile zyzlr ngr nzlungr kxmna. *Jon 8:12*

Gct Trtegr, nznngini-krgr doa ngr zyzlr vzpxm mz Mrlxm. Okatr nigr mz nzvz-nqblq-zvz-krgr zyzlr ngrde x mz nzaelwapx-krbzkrlle zluli rde badr leplz ngr nrlc, mz zmatq ngr Jiszs Kraes, Kxetu rgr. **Eu.**

Mz nzmungrkxtr:

Pqtr zvz mz drtwrnge natqm, kc tqngi zyzlr ngr nzti rnge mz nzmilzkrde ninge. *Sam 119:105*

Nzoliqtingr Nabz Leplz 3 (Lent)

Natq Gct:

Gct, nzmngirti-zlwzkr drtwrnge nim apule animol kc drtwrde tqbrlxkz mqde lue. *Sam 42:1*

Gct Trtegr, Mrlxm kamle bagr Lue ngr Nzlungr kx boi. Okatr nigr murde nzmngirtikr drtwrgr nim naapule animol kc drtwrde tqbrlxkz mqde lue. Murde nim aulz ngr nzlungr x nou zmlz amrlx. Rlxtibzkr mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Neke drtwrde brlxkz navzm bange murde narmnq lue ngr nzlungr kxmna. *Jon 7:37*

Nzoliqtingr Nabz Leplz 4 (*Lent*)

Natq Gct:

Rpibz Jiszs badr kx, “Ninge dakxnzng ngr nzlungr.” *Jon 6:35*

Gct Trtegr, Mrlxm vrom Heven mz nzngini-krde dakxnzng angidr kc tqrkabz nzlungr badr lr nrlc. Ka-zvzm bagr dakxnzng lc tqngi Mrlxm, murde namnc-zvzkr badr mzlika mz nrlc x kalr Heven. Mz zmatq ngr Mrlxm kc tqlu zvz. **Eu.**

Mz Nzmungrkxtr:

Kxetu, ka-zvzm bagr dakxnzng lc. *Jon 6:33*

Nzoliqtingr Nabz Leplz 5 (*Lent*)

Natq Gct:

Atulz-moupmo' leplz mz nzbz-krdr x kabo badr nzlungr kxmna. Neke lxngitile ninge, kxmule-esz' bzpe, a' sa nalu mou. *Jon 11:25*

Gct Trtegr, kame bagr nzlungr kxmna mz nzbzkr Mrlxm x nztulz-krmouple mz nzbz-krde. Tekqtr nabz leplz keng tzlxngitilr nide mz zmatq ngr nzaovxio-krde nzbzngr. Murde nide kc nzaolve-alo-krde tqyc tqyc. **Eu.**

Mz Nzmungrkxtr:

Mz nzbtrikr drtwrnge Kraes, nakrlztxpo nide x zmatq ngr nzlukr-mopwqle. X naptr-kzx mz nzetqkr drtqde. Naapu-kzx nide mz nzbz-krde murde naatulz-mopwqle ninge mz nzbz-krnge. *Pilipae 3:10-11*

Sade Kx Nzaya-glqngr Nabx Nzlu (*Palm Sunday*)

Natq Gct:

Nzmika apule ncblo, x vzm apule kxnzawz. Avzo-lzbq x vz-nqblq-zvzle Gct, vz vz krlzbzle mzli r nzbz-krde nztqlvztr mz kros. *Pilipae 2:7-8*

Gct Trtegr, atwzlr-ngrme Mrlxm Jiszs Kraes mz nzngini-krde ncblo, x nabzom mz kros, murde leplz amrlx navz-nqblqlr nzavzo-lzbq-krde. Okatr nigr murde naavzo-lzbqkr x nalu-mou-kzkr mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

King rmu dese tqvzpem mz nrwx, votrp mz nei dcngki. *Jon 12:14-15*

Natq Kxmrlz ngr Wiki Kxtr (*Holy Week*)

Zbq Kxnozotrngr

Natq Gct:

?Nike drtwr ngr nivz angidr? Trngiu nzmrlzti-krgr Gct. Trtingr. A' Gct mrlztile nigu mz nzatwzlr-krmlle Mrlxde mz nzkatx-krde alwx ngrgung. *1 Jon 4:10*

Gct Trtegr, kxmule-esz' nztqlvztr Mrlxm mz kros, a' vztrpe mz zluli rm Heven. Rlxtibzkr bam kx nzvz-nqblq-krgr nqm q ngr kros namailzle nigr mz nqm q ngr nzlungr, mz zmatq ngr Mesaea ngrgr, Jiszs Kraes. **Eu.**

Mz Nzmungrkxtr:

Yawe, bzkq amnctxq ninge esz'-krnge, x bzkq mnc-zvzme rlr. *Sam 38:21*

Zbq Krali

Natq Gct:

X mrlx kznike nawztrp bange navz-nqblqmle ninge, murde kxzwz nengeng namnc-kzng mrgc namnc-ngrne Heven. *Jon 12:26*

Gct Trtegr, kame bagr nzlungr kxboi mz nzetq-zlwzkr drtq Mrlxm, mz nzbz-krde nigr. Tekqtr nabzgr mz nzetqkr drtqde lc, murde napipxbzkr badr leplz zmrlz ngrde kx myalz. Mz zmatq ngr Mrlxm kc nzlu-krde tqyc tqyc. **Eu.**

Mz Nzmungrkxtr:

Dazpwx! Gct mrlzti-zlwzle lr nrlc, dekc tqatwzlr-ngrmlle Mrlxde kc esz'txu. Murde nekeng nalxngitilr nide trtxpnz'ngr nzbz-krdr, a' sa narmctilr nzlungr kxboi. *Jon 3:16*

Zbq Kratq

Natq Gct:

Nzmu namrlzti-lzbqmu, sa naaelwapxbzmu badr leplz amrlx kx nipemu kxnvz-nqblq-angidr nedeng. *Jon 13:35*

Gct Trtegr, Mrlxm rlrpx-ngrde nziplangr nrkrdrtdqde x nzrbyatingr nide. Okatr nigr kcng tqarlapxle mz nzrlrpx-krbzkr nzatrkatigr nigr, murde nakrlz leplz kx zmatq scgr vzpxm bade. Murde krlzkr kx zluli rde sa naaelwapxle kalr. Awi-ngrbzkr bam mz nzokatr-krm nigr mz nqmqlc, mz zmatq ngr Kxarlapx ngrgr, kc tqyc tqyc. **Eu.**

Mz Nzmungrkxtr:

Kxmule-esz' nzrtnga-ngrdr ninge mz nzavzo-lzbq-krnge mz nzalz-krnge. A' mz nzpqtitrkr drtwrnga Makxtrdau nyz'm, apux da kx nzange mz nyr x yrkrtxo. *Sam 69:9-10*

Zbq Krapwx

Natq Gct:

Mzlike tzmube-ngrdr, tulzm, sc tqwztrpem bagr. Aotxole nzkqde kc tqrmnrtr-ngrbz, x rtrngztibzle taol, pewi-lzbq-ngrde. Zbz sc tqpuliopete kcng lue mz dis, x ycpqti-ngrbzle nanycgr. X amingrtibzle mz taol kc, *Jon 13:4-5*

Gct Trtegr, Mrlxm Jiszs ycpqtibzle nanyc kxnzvv-nqblqlr nide, mz nzaelwapx-krbzle kx naokatr-lzbqng. Delc okatr nigr kxnzvv-nqblqlr nide mzbqka, nzokatr-lzbq-krgr mz nzvv-nqblq-krgr lrpzki r Kxetu rgr, tqvzpe tqvzpe. **Eu.**

Mz Nzmungrkxtr:

Ozli-zvzx lrpzki rm, x nanycng trmiglpqxu. *Sam 17:5*

Zbq Kranzlvqn Kxmrlz

Natq Gct:

X mrlcde, sc tzaopxpebzlr lrpzde x tztlvztrpelr nide mz kros. *Jon 19:18*

Gct kx rminr, Mrlxm Jiszs rlrpx-ngrde nzaprckrbz Judzs nide mz mq ncblo kxnztrkang, x nzetqkr drtdqde mz kros, murde naarlapxle nigr leplz nemqng. Delc, awi-ngrbzkr bam nzbz-krde nigr murde natubqzkr mz mzp. Mz zmatq ngr Mrlxm kc tqmnc, x tqaolveamu badr x Mqngrkxtr, tqyc, tqyc. **Eu.**

Mz Nzmungrkxtr:

Kx abztr Jiszs waen kc, sc tqrpipele kx, "Nzwz-krnge yrkrpxpe." X biole narde mz nzbz-krde, x mqngde kc tqprpxpe." *Jon 19:30*

Mz Milzpq X Nztulz-moukr Kraes Kc Ate

Natq Gct:

Avzo-lzbq x vz-nqblq-zvzle Gct, vz vz krlzbzle mzli r nzbz-krde nztqlvztr mz kros. X Gct kabzle bade me matq-esz'ngr Heven x aprtzbzle bade drtg kx myaszlzle drtg amrlx. *Pilipae 2:8-9*

Kxrpalz, namz ngr Mrlxm yrbqtixmle mz gq zbq tq, mz nzaenzli-krde nzatulz-krme nide. Delc, okatr nigr nzaenzli-krgr zbq ngr nzatulz-krme nigr mz nzlungr kxboi. Mz zmatq ngr Mrlxm kc tqmnc, x tqaolve-ngrnamu ncdx x Mqngrkxtr, tqyc, tqyc. **Eu.**

Mz Nzmungrkxtr:

Rpibz Jiszs kx, "Awxtxoamu Makxtrdau lc, x kxmna kc natekqtr-ngrbole. Naatulz-mournele zbq natqtxu." *Jon 2:19*

Nztulz-moukr Kraes 1

Natq Gct:

Jiszs nide Neisip kc tqngi blz tznibq-ngrde nigu. Delc namukxtr-ngrgu mz nzatutr-krigule. *1 Cor 5:7-8*

Kxetu r zmatq x nzlungr, aovxio-zvzq zmatq ngr alwx x nzbzngr mz nzatulz-krme Mrlxm mz nzbz-krde, murde naamnaq da amrlx mz nide. X mz nzaxvctr-krbzkr bade, okatle nigr mz nzvz-nqblq-krgr lrpzki rm, x mz nzyrlqpx-lzbq-krgr mz nqm q ngr alwx, murde naaolvekr badr Heven. Mz zmatq ngr Neisip nem, kc tqmnc x tqaolveamu badr x Mqngrkxtr, Gct esz', tqyc, tqyc. **Eu.**

Mz Nzmungrkxtr:

Sc tqaewape-ngrmle nabzlvz r mqde x blirde. Kx mckrle drtwrgr elatxlm. X rpi-mouple bagr kx, "Nrx naycbz bamu. Dakc tqwai nzatwzlr-krm Trtenge ninge, delc naatwzlr-kz-ngrne nimu mz nzryapwxtipx-krmu nrpa nge." *Jon 20:20-21*

Nztulz-moukr Kraes 2

Natq Gct:

Rpibz Jiszs bade kx, “Lxngiti-ngrn nzmc-krm ninge. A' leplz kcng trnzmlru ninge a' nzlxngitilr ninge, amrlz-alwzng Gct x nabrtz-zlwzng. *Jon 20:29*

Gct kx rminr, kx lu-zvz, axplrq nigr kcng tzrlxngiting. X okatrpz nekeng rblxbz badr nzlxngiti-krdr Jiszs. Okatr nigr kcng trnzmlru Mrlxm, tzlxngiti-angidrlr nide, murde natwzkr da amrlx kcng nakamle bagr. Mz drtq Jiszs, kc tqamrlz-zvzle nigr. ***Eu.***

Mz Nzmungrkxtr:

Mz Sade lcpwz mzlikcpe milzpq, yrlwr-lxblr-ngrgr kc ma. Mzlilcde pwekilvc-ngrgr nztupe-krm Jiszs bagr, x rpimle bagr kx, “Nrxw naycbz bamu.” *Jon 20:19*

Nztulz-moukr Kraes 3

Natq Gct:

Nzrpi-etrpelr kx, “Mzlike Jiszs tqycmne-ngrmle bagi mz lrpzki, drtwrgi elatxlm nzyapwxdaliti-krmle Nzryrngrkxtr kcng. Aputxmle bagi zyzlr kx naglx-nrgi da, a' trglx-pnz'kiu nide. *Luk 24:32*

Gct Trtegr, mz nibr nzatulz-krmle Mrlxm, aelwpx-lzbq-ngrbz badr kxnzvz-nqblqlr nide mz nzlopxi-krde bret, murde naglxlr nide. Okatr nigr mz nzglx-krgr nikeng aleleng mz nzarlaxp-krde lr nrlc x naprtr-kzkr mz nzwzng lcdeng. Murde leplz amrlx namnc-alo-kzng badr Heven, mz zluli rde kc tqyc, tqyc. ***Eu.***

Mz Nzmungrkxtr:

Vz-ngrmc murde sip nengeng narmctilr nzmnengr kxmrlz. A' ncblo kxayo vztz-ngrpqle nznpa'ngr, nzabzngr, x nzodangr. *Jon 10:10*

Nztulz-moukr Kraes 4

Natq Gct:

Ninge Kxaolve Angidr sip. Krlzx sip nengeng x nzkrzlrl ninge. X rlr-lzbq-ngrne mz nzbz-krnge nidr. *Jon 10:14*

Gct, atulzme Jiszs murde nangi nide Kxaolve-angidr sip nedeng. X mepyr rde ngi rdx ngr nzesz'ti-alokr drtwrm badr leplz. Okatr nigr nzvz-nqblq-krgr Kxaolve-angidr sip lc, murde naale-tpwzkr me pnz' drtwrm. Mz nzyrlq-angidr-krgr natq Mrlxm kc tqbz-ngrde nigr. ***Eu.***

Mz Nzmungrkxtr:

Zbz sc tqrpipem Jiszs bagr kx, "Vzmamu, mutxnamu." Jiszs vztrpz, kalzmlc bret , sc tqakipemle bagr, x wai-kzle nc kc tqasupele. *Jon 21:12-13*

Nztulz-moukr Kraes 5

Natq Gct:

Rpim Jiszs bade kx, "Ninge lrpzki, da angidr, x nzlungr. Trpnz'ngr kx navtxnebz mz Trtenge, a' navzki-kaiple bange. *Jon 14:6*

Gct Trtegr, Mrlxm Jiszs Kraes nide lrpzki, daangidr, x nzlungr. Okatr nigr mz nzvz-nqblq-krgr lrpzki rde, nzlxngiti-krgr daangidr ngrde, x nzmnc-krgr mz nzlu-krde, murde nakrlzbzkr nim, x namnc-aloku badr, mz zluli rm tqyc tqyc. ***Eu.***

Mz Nzmungrkxtr:

Murde mz nzkrly-angidrpe-krmu lc ninge, krlzpe-kzamu Trtenge, murde esz'tikr ncd. X abzo mzlika mcepeamu nide x krlzpe-kzamu nide. *Jon 14:7*

Nztulz-moukr Kraes 6:

Sade Ngr Nzkrka'ngr Dakxnzng Amrlx.

Natq Gct:

Rtq wit nataole mz drtc' x namibirole kx mrna, lvlclzm x yrlqbzle nrade kxkqlu. Nzmu bzq taole mz drtc', esz'tx alo. X ninge naapux rtq wit mz nzbz-krnge, mz nzrlapxkr leplz kxnzkqlu. *Jon 12:24*

Gct, nim mevzkipxm da kxmrlzting amrlx. Okatrpz rtq da ngr nrlanc nyz'gr nzlvcpqlz-krmlr x dalr prla narka-zvz-kzp dakxnzng, murde naokatrq nrkrdrdqgr. X mz nqm qepwz, okatr nigr nztwz-krgr dakxnzng angidr kx naokatrle mqngrgr. Mz nzxvctr-krbzkr mz Kxetu rgr, Jiszs Kraes. ***Eu.***

Mz Nzmungrkxtr:

Leplz trlutx-ngrpwzleu mz nzmukrde dakxnzng txpwz, a' lu-kz-ngrde Natq Gct. *Luk 4:4*

Nzvzdzkr Jiszs Heven (Kraes Kc Tqngi King)

Natq Gct:

X rpi-moupe bagr kx, "Nrx naycbz bamu. Dakc tqwai nzatwzlr-krm Trtenge ninge, delc naatwzlr-kz-ngrne nimu mz nzyapwxtipx-krmu nrpa mge." *Jon 20:21*

Gct kx rninr, Mrlxm Jiszs Kraes vzdz Heven, murde da amrlx namnclzbzng mz zmatq ngrde mz nzngini-krde Kxetu r kxnzeturng amrlx. Krka'ngrgr kx nalolvzq nigr lr Makxtr nyz'm mz nzesz'tikr drtwr x naaxvctrq nigr mz nrwx ngrde. Murde lr nrlc amrlx nalxngitilr x naangiold nide, kc tqmnc-zvzamu ncmu mz nzaolve-krmu ncmu x Mqngrkxtr, Gct esz', tqyc, tqyc. **Eu.**

Mz Nzmungrkxtr:

X mzlilcpwz tqamrlz-ngrpwzle nidr, sc tqavzdpe Gct nide Heven. Nzabrtzx-atwrnr-ngrng. X mz zbq kang kqlu nzmcti-lzbq-zvzng mz Makxtrdau Jerusalem, tzrkabzng awi mz Gct. *Luk 24:51-53*

Sade Kc Mznibr Nzvzdzkr Jiszs

Natq Gct:

Mzlike nadwasx-ngrne nimu, trpnz'ngr nzaxtx-krbo nimu nzapu-krmu doa kxnzbzxnng. A' ninge la nayzlu-moupe' mz Mqngrkxtr. *Jon 14:18*

Gct kx rninr, atulz-moupe Mrlxm kc esz'txu mz nzvzdz-krde Heven, mz nzmyapx-esz'ngrkr nzaovxio-krm. Okatr nigr mz nznngi-krgr nide mzlika tqlube-ngrgr mz nrlc. Mz zmatq ngr Kxarlapx rgr, Jiszs Kraes kc tqmncamu ncmu x Mqngrkxtr, Gct esz'txu, tqyc, tqyc. **Eu.**

Mz Nzmungrkxtr:

Nzangiold nide x sc tzyzlupe-moung Jerusalem. Nzabrtzx-atwrnr-ngrng. X mz zbq kang kqlu nzmcti-lzbq-zvzng mz Makxtrdau, tzrkabzng awi mz Gct. *Luk 24:52-53*

Nzvzo-krm Mqngrkxtr

Natq Gct:

Mqngrkxtr prtr mz nabz kxnzvvz-nqblqlr Jiszs, mz nzpipx-krdr da kx nzkcctipxng kx ale Gct. Nzwzkr *Aposol 2:4, 11*

Gct kxrnr kx lu-zvz, mz nzavzo-krm Mqngrkxtr bagr, atutrq natq Jiszs kc tqpbzle badr kxnzvvz-nqblqlr nide. Okatrp nigr mz nzlaltq-krbzkr mz Mqngrkxtr, murde napi-tpwzkr natqm x naale-tpwzkr me pnz' drtwrm. Mz zmatq ngr Mqngrkxtr kc tqmnc x tqaolveamu ncmu x Mrlxm, Gct esz', tqyc, tqyc. **Eu.**

Mz Nzmungrkxtr:

Rpi Yawe kx, “Sa naavzomc Mqngrkxtr badr leplz amrlx. Murde mz zmatq ngr Mqngrkxtr, mrlxmung x inyemung napipxlr natqngc angidr, x letzlvz badr obla narmwiblang da angidr kz.” *Joel 2:28*

Tqtrbz (Trinity)

Natq Gct:

Nzrpibzlr mz nzngr-krdr kx, “Yawe Gct kxrnr, drtqm tr-esz'ngr. Heven x nrlc esz'ngr zluli rm.” *Asaea 6:3*

Gct Trte, wz-ngrn da amrlx mz Mrlxm x Mqngrkxtr. Atwzlr-ngrme Mrlxm mz nrlc mz nzngini-krde leplz mz zmatq ngr Mqngrkxtr. Okatr nigr mz nzkrz-krgr x nzangio-krgr nimu leplz keng tq mz Gct kc esz'txu. Murde namc-kzkr zluli rm. X awi-ngrbzkr bam, Gct Trte, x Mrlxde, x Mqngrkxtr, tqyc tqyc. **Eu.**

Mz Nzmungrkxtr:

X nimu kz mzlika nipemu doa neng Gct angidr, x zbz atwzlr-ngrmle Mqngr mrlxde (krkc tqngi Mqngrkxtr) namncpxm mz nabzgu, apule rkk kc kx nede nigu. X Mqngrkxtr kc mz nigu mz ncblo amrlx batrpzle nigu mz nzkrka'-ngrbz mz Trtegu Gct, “Trtege!” *Gal 4:6*

Nrkrdrdq Kraes (Zbqkrapwx Mznibr Tqtrbz)

Natq Gct:

Rpibz Jiszs badr kx, “Ninge dakxnzng ngr nzlungr. Neke vzm x lxngitile ninge, trtxpnz'ngr nzbrtale-krde x nzbrlxkzkr drtwrde. Murde rkabo nzlungr kxmna mz nabz leplz.” *Jon 6:35*

Kxetu rgr Jiszs Kraes, yrlqme natqm kx nadcpv mz drtwrgr nzetqo-krm drtqm mz kros, mzli kznike mu-kxtr-ngrgr. Okatr nigr nzoliqti-krgr nabzgr murde naxngibzkr nzwqlr Mqngrkxtr x zmatq ngrde, x natwzkr da kxmrlzting amrlx kcng nakame bagr mz nzmukxtrngr lc. X awi-ngrbzkr bam mz nzbz-krm nigr. Nim kc tqngi Kxarlapx rgr, tqvzpe tqvzpe. **Eu.**

Mz Nzmungrkxtr:

X mz nqm qcpwz, kabzle badr kap mznibr nzmungr, x rpibzle kx, “Waen lc ngi mepyr nge kc tqpulipx mz nzbz-krnge, x tulvzole nzesz'tikr drtwr Gct kx mna badr leplz nedeng.” *Luk 22:20*

Tqtrbz 1 (Trinity)

Natq Gct:

Mzlika mzli r ngrjzsngr lr nrlc x mzli r nzaovxiokr Gct zmatq sc Setzn. A' mzlika naglqlz-ngrdr ninge mz kros, sa navectrpc' leplz amrlx bange. *Jon 12:31-32*

Gct, awi-ngrbzkr bam nzarlapx-krm nigr mz nzglqlz-krdr Jiszs mz kros. X okatr nigr mz nzaovxio-krgr zmatq sc Setzn, dake tqwai Jiszs, murde nalu-alotrpzkr bamu, tqyc tqyc. **Eu.**

Mz Nzmungrkxtr:

Krlzpeku nzetu-esz'ngr-krm nivz lr Gct bagu, murde nivz lc aelwapxmle bagu x lxngitiku nide mz ngrpi-krde kx mrlzti-zvzle nigu. X neke lolvz-zvzle nivz lr Gct, nzaovctrpz mz Gct x Gct mnc mz nabzde. *1 Jon 4:16*

Tqtrbz 2 (Trinity)

Natq Gct:

Nike drtwr ngr nivz angidr? Trngiu nzmrlzti-krgr Gct. Trtingr, a' Gct mrlztile nigu mz nzatwzlr-krmle mrlxde mz ngrkatx-krde kz zngya' ngr drtwr Gct kc tqaboitrple bagu mz alwx ngrgung. *1 Jon 4:10*

Gct, trtxpn'zngr scgr zmatq ngr nzaovxio-krgr alwx ngrngrng. Awi kxetu mz nzmrlzti-krm nigr x nzatwzlr-krm Mrlxm murde naipqq nigr mz nide. Okatr nigr mz nzvz-nqblq-zvz-krgr nide. Mz drtq Jiszs Kraes, Kxarlapx rgr. **Eu.**

Mz Nzmungrkxtr:

Trte Kxtr, mzlika trnamncpewxu mz nrlc, navzpebo bam. A' nidr naamnctxpwc'ng mz nrlc. Delc, aolve-angidrbz leplz leng mz zmatq ngr drtqm kc tqkame bange, murde naesz'ting dake tqwaiki nzes'ti-krgr. *Jon 17:11*

Tqtrbz 3 (Trinity)

Natq Gct:

Apux Kxaolve Angidr Sip. Murde Kxaolve-angidr sip rlrpx-lzbqngz mz nzbz-krde mz nzarlapx-krde sip nedeng. *Jon 10:11*
Krlzx sip nengeng, nzxlmlr natqng, x nzvz-nqblqlr ninge. *Jon 10:27*

Gct, awi-ngrbzkz bam nzkqle-krm nigr mz nznigini-krgr sip ne Jiszs. Okatr nigr mz nzlalztq-angidr-krbzkz natqde, murde navz-nqblq-zvzkr me pnz' drtwrde. Mz zmatq ngrde, nide kc tqbz-ngrde nigr, murde nzlu-alo-krgr heven tqvzpe tqpzvpe. **Eu.**

Mz Nzmungrkxtr:

Apux Kxaolve Angidr Sip. Murde Kxaolve-angidr sip rlrpx-lzbqngz mz nzbz-krde mz nzarlapx-krde sip nedeng. *Jon 10:11*

Tqtrbz 4 (Trinity)

Natq Gct:

Nivz lc aelwapxngz Kraes Jiszs mz nzvzo-krmle mz nrlc. Kraes aovxiole nzbzngz, x aelwapx-angidr-ngrde nzlungz kxboi mz Nrpakxmrlz. *2 Tim 1:10*

Gct kxrminr, awi-ngrbzkz bam nzaovxio-krm zmatq ngr nzbzngz mz Nrpakxmrlz ngr Kraes. Okatr nigr mz nzmnczl-krbzkz mz zmatq ngm murde naabrtzkz x naprtkr mz nzlungz kxboi. Mz zmatq ngr Jiszs kc tqlu-mou mz nzbz-krde. **Eu.**

Mz Nzmungrkxtr:

Jzsamu ena nzmrlzkr Yawe x naabrtr-krbzmu drtwrmu bade. Murde nekeng aolvele nzabrtz-zvzng. *Sam 34:8*

Tqtrbz 5 (Trinity)

Natq Gct:

Nrwx kc tqkabz Kraes bamu, namailzle nabzmu. Murde Gct mcpxpele nimu kx namnctr-lxblramu mz dzbede kxesz' mz nrwx. X naawi-zlwz-ngrbzmu bade. Natq Kraes nangi da kx ayrrr zvz mz nabzmu. *Kol 3:15-16*

Kxetu rgr, awi-ngrbzkr bam nzaelwapx-krm Jiszs bagr me pnz' drtwrm mz Nzryrngkxtrng, x nzamqngi-krdeleng mz nzprtr-krm nrwx ngrde mz nabzgr. Okatr nigr mz nzale-krgr me pnz' drtwrm mz nzalztq-angidr-krgr natqm. Rlxtibzkr mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Kxnzvvz-nqblqlr natq Yawe nznrgiscng da amrlx. Delc nimu leplz nedeng namyatitr-ngnamu nide. *Sam 34:9*

Tqtrbz 6 (Trinity)

Natq Gct:

Natq keng tqpibo bamu, nidr keng tqrkabz nzlungr mz nabzmu. X Mqngrkxtr nide kc tqrkabz nzlungr lc. *Jon 6:63*

Gct kxrnr, awi-ngrbzkr bam nzmcti-krgr nzlungr kxboi mz natq Jiszs. Okatr nigr mz nzlvpx-krbzkr nabzgr bade murde naprtrp mz nznngi-zvz-krgr nide mz nabzgr. X mz nibrde namnc-alotrpzkr bamu Heven. Mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Ninge la tqtutrp yz mz naonrx nyz'mu, tqabctrpo mz nzaenzli-krnge nzvzmitr-krmu ninge. Neke xlrle natqng x lvpxmle naonrx bange, sa nadwatrp ma nyz'de mz nzm-lxblr-krgr ncd. *Nzaelwangr 3:20*

Tqtrbz 7 (Trinity)

Natq Gct:

Dxsr' kc tqmrlz drtwr ngrde leplz keng tzxlrg natq Gct nztwzlr x nzyrlq-angidrlr mz nabzdr. Nzapulr dxsr' kxmrlz kx ayrlvile nounc kxbr kx papx-ngrde nrade kxmrlz. Nzrlxngiti-zvzng x delc nzlu-krdr sc tqaelwapxle nra Mqngrkxtr. *Luk 8:15*

Kxetu r kxnzetur amrlx, awi-ngrbzkr bam nzetukr nivz lr Jiszs mz nzbz-krde nigr. Okatr nigr nzlolvz-amqngi-krgr natqde, murde nikeng alekr nradr nakqlu zvz, mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Nigu doa neng Gct, naabzku nzaotr-krgr nide mz da amrlx. X namnclzbzku bade mz nivz lrde, dake tqwai nzmrlztikr Jiszs nigu mz nzbz-krde nigu. *Epeszs 5:1-2*

Tqtrbz 8 (Trinity)

Natq Gct:

Lod, ncblo kznike navz-nqblq-moukr? Murde nim me vzkipxm natq ngr nzlungr. *Jon 6:68*

Get Trtegr, awi-ngrbzkr bam nzrka-krme bagr natq ngr nzlungr kx boi, kc tqpim Jiszs bagr. Mailz nigr murde bzkq prlvz mzkr da amrlx, a' navz-nqblq-tpwzkr Mrlxm Jiszs Kraes. **Eu.**

Mz Nzmungrkxtr:

“Aolveti-lzbqamu mz namrlzur nzprlvzngr mz da amrlx, murde nznrgisctingr da kx kqlu tramncleu leplz mz nzmncngr kx mrlz x nzlungr kxboi.” *Luk 12:15*

Tqtrbz 9 (Trinity)

Natq Gct:

“Get amrlzle nimu keng trznrgiscung mz nrlc ka, murde narngiscmu mrgc Gct tqngini-ngrde king.” *Luk 6:20*

Get kc tqmyatxlz, nim king rgr. X awi-ngrbzkr bam nzmnclz-krbzkr bam x nzokatr-zvz-krm nigr mz nzyangrnnga-krgr. Aetunepx nzrlxngiti-krgr murde bzkq mw'lrkr mz da kx prtz,

a' narlatrpzkr bam, nim ke tqngi lrpalvc nyz'gr. Mz zmatq ngr Kxarlapx rgr, Jiszs Kraes. **Eu.**

Mz Nzmungrkxtr:

Gct ke tqmyatxlz, nide lrpalvc nyz'gu. X nide kxokatr kx nakqleku. Mzlike nakxpungr trmwx'lrkuu murde abtrtpzku drtwrgu bade. *Sam 46:1-3*

Tqtrbz 10 (Trinity)

Natq Gct:

Abtrpo drtwrnga bam mz nivz lrm ke tqyc tqyc. *Sam 13:5*

Yawe, awi-ngrbzkr bam nzetukr nivz lrm. Okatrp nigr nztu-amqngi-krgr mzli kznike rblx-ngrm da bagr mz nzxngi-krbzkr nivz lc. Murde naglqlz-zvzkr nimu ncdr Mrlxm x Mqngrkxtr, tqyc tqyc. **Eu.**

Mz Nzmungrkxtr:

Yawe, arlapx ninge mzli kznike mrlzbx bam, murde nivz lrm etu-esz'ngr. *Sam 69:13*

Tqtrbz 11 (Trinity)

Natq Gct:

Ycmnetr-ngrbzle kxmu nzrmailzkr Gct mz nzlu-krdr krkcng tzrlxngiting, x amrlzleng krkcng tzyagoxng. *Luk 9:11*

Gct kx rninr, awi-ngrbzkr bam nzmailz-krm nigr mz nzmnc-krgr. Rlxrtibzkr bam kx naamrlzq nigr kxnzyagoxng mz nzkrka'kr leplz nemqng. Murde mncpebzkr mz Mrlxm x mncpem bagr. X krka'-ngrbzkr mz drtq Jiszs Kraes, Kxetu rgr. **Eu.**

Mz Nzmungrkxtr:

Neke ngqde nevrnge x mnqle mepyr rnge, mncpem bange x mncpebo bade. *Jon 6:56*

Tqtrbz 12 (Trinity)

Natq Gct:

Ninge nounc x nimu nrlangeng. Neke mncm bange x mncbo bade, sa nado zlwz. Trpnz'ngr da kxmrlz nartrngztibzmu nzmu trnamncpwa'mu bange. *Jon 15:5*

Trtegr, awi-ngrbzkcr bam Mrlxm kc tqapule nounc angidr. Okatr nigr nrladeng nzmnc-zvz-krbzkcr bade murde naalekr da mz zmatq ngrde, x navz-nqblqkr natqde. Mz nzaxvctr-krbzkcr mz Mrlxm Jiszs Kraes. **Eu.**

Mz Nzmungrkxtr:

Yawe, alvztrp bange me pnz' drtwrm, murde nayrlq-angidr-zvzx. X okatrp ninge mz nzvz-nqblq-krnge Loukxtr scm, murde naesz'-ngrde nabzngc. *Sam 119:33-34*

Tqtrbz 13 (Trinity)

Natq Gct:

Kraes nar nrkrdrtdqde. X mz nzngini-krde Mrlx Gct kx myalz-esz'ngr, nide kx lu-aynrngr murde Kraes myapxbz mz da amrlx. *Kolosia 1:18*

Yawe, Gct kx minr, glqlzkr nim mz nzmyalz-esz'ngrkr Mrlxm. Nide kc tqngi nar nrkrdrtdq. X nigr leplz nedeng nrkrdrtdqde. Okatr nigr nzrlr-krbzkcr bade nzmailz-krde nigr murde nayrlq-angidrkr natqde. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

X drtqngc naopx mzlike navz-ngrme, mz nzozli-krnge lrpzki rm. *Sam 119:45*

Tqtrbz 14 (Trinity)

Natq Gct:

Abrtzx murde nzabrtz-krnge vzpxm mz nzmailz-krm ninge mz lrpzki rm. *Sam 119:35*

Trtegr, awi-ngrbzkcr bam nzmailz-krm nigr mz lrpzki rm. Okatr nigr mz nzmncz-krbzkcr mz zmatq ngrm. Murde namnc-zpwxkr mz nivz lrm kc tqyc tqyc. **Eu.**

Mz Nzmungrkxtr:

Yawe, amrlzq kxnztubqng. X nivz lrm tubrkir-ngrde nidr nzapu-krde temz ngr lomr nelz kc tqyrputrngr nipna'. *Sam 5:12*

Tqtrbz 15 (Trinity)**Natq Gct:**

Natqngge kxmatq x kxmna kx nayrlq-angidramu, nide seleng: "Namrlzti-lzbqamu, dack tqwai nzmrlzti-krnge nimu." *Jon 13:34*

Kxetu, awi-ngrbzkr bam nzetukr nivz lrm. Murde mz nzxngi-krbzkrle okatrle nigr mz nzmrlzti-lzbq-krgr. Okatr nigr mz nzaelwapx-krgr kx mrlztikr nim mz nzyrlq-angidr-krgr natqm, mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Aelwapx-ngrgu nzmrlzti-krgr Gct mz nzyrlq-angidr-krgr natqde. *1 Jon 5:3*

Tqtrbz 16 (Trinity)**Natq Gct:**

Gct kqlele nimu mz nzle-krmgr bamu Nrpakxmrlz, murde leplz naamatqkr nimu dack tqwai nzamatq-krdr Lod rgu, Jiszs Kraes. *2 Tes 2:14*

Kxetu, glqlzkr nim mz nzrlr-krme bagr nzxvctr-krgr mz zluli rm Heven. Alqngibz nabzgr murde lr nrlc nabrti drtwrdr nim mz nzalqngiti-krbzme nabzdr. Mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Gct, tekqtrpz nabzngge murde natubqx, mz nzvz-nqblq-krnge nim. *Sam 51:10*

Tqtrbz 17 (Trinity)**Natq Gct:**

Alqngi nidr x atr nabzdr mz daangidr ngr natqm. *Jon 17:17*

Kxetu, awi-ngrbzkr bam kx nivz lrm yc-zvzm bagr. Okatr nigr mz nzmatqkr mz drtwrgr natqm, murde nabzgr natubqzbz mz mzp. Mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Kxdrka'ngrng sa naayrplapxng mz alwx ngrdrng. A' nigu keng tqbrti drtwrgu Yawe sa namcku kx nivz lrde yc-zvzm bagu. *Sam 33:10*

Tqtrbz 18 (Trinity)

Natq Gct:

Trmcpwxamu ninge. A' ninge kx mcpxle nimu, murde nramu nakqlu zvz. X da kznike rlxtibzmu mz Trtenge mz zmatq r drtqng, sa naangidabzle. *Jon 15:16*

Gct, suti-drtwrgr nzangio-krgr nim mz nqm q kx tubqbz mz mzp. Okatr nigr murde naglxkr zluli rm x naalekr da kx naabrtz-ngrn. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Lepz naangiokr Gct mz nabzdr mz nqm angidr kxtubq. Murde leplz kx nzmur leng dekr tqrtangrti Gct mz nzangio-krdr nide. *Jon 4:23*

Tqtrbz 19 (Trinity)

Natq Gct:

Mz nzlxngiti-krgr Jiszs Kraes, suti-drtwr Gct kx naawibzku bade mz da amrlx, kxmule-esz' nikeng prtz. *1 Tes 5:18*

Gct rgr, dazpwxtx kx takitrde nzawi-zvz-krbzkr bam mz da amrlx. A' mzli kang kqlu mrbrtr mz drtwrgu kx da kxmrlzting amrlx nzvzpxmqng bam. Aopxbz mzkr mz nzglx-krgr daldeng. X okatr nigr nzawi-krbzkr bam mz nzxpxu-krgr. Murde nakabzkr bam blz angidr kx naaolvzq, kxmule-esz' nikeng prtz. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Blz krmu angidr nangi nzawi-krmamu bange. Murde narmctiamu nzarlaxngr kx vzpxm bange, mz nzvz-nqblq-zvz-krmu ninge. *Sam 50:23*

Tqtrbz 20 *(Trinity)*

Natq Gct:

Nayzlrzbzmu mz mzlir lr nrlc naapule vri keng tzngrlutilr bongavz.
Pilipae 2:15

Gct kx lu-zvz, awi-ngrbzkr bam nzaolve-angidr-krm nigr. X krka'ngrgr kx naokatrq nigr mz nzaelwapx-krbzkr zyzlr ngrm badr lr nrlc. Mz zmrlz ngr Jiszs Kraes Kxetu rgr kxmyalz. **Eu.**

Mz Nzmungrkxtr:

Kxetu Yawe aolve-zvzle kxnzvv-nqblqlr nide x nikeng kabzle badr nangisc-alopedr. Kabzle badr dakxnzng kxkqlu mz mzli r dzbi, x okatrlr nidr mz mzli kx prtzngr da. *Sam 37:18-19*

Tqtrbz 21 *(Trinity)*

Natq Gct:

X nivz lc aelwapxngr Mesaea Jiszs mz nzvzo-krmle mz nrlc. Kraes aovxioler nzbzngr x aelwapx-angidr-ngrde nzlungr kxboi mz Nrpakxmrlz.
2 Tim 1:10

Gct kx rycngr drtwr, awi-ngrbzkr bam nzka-zvz-khme bagr dakxnzng mz nzokatr-krm nrkrdrdqgr x nzaovxiokr Kraes zmatq ngr nzbzngr mz nzokatr-krde nabzgr. Okatr nigr mz nzlolvz-amqngi-krgr nide murde naaovxio-kzkr zmatq kxtrka amrlx. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Aodu-zvz Yawe nigu. Rkabz dakxnzng badr da kxnzung amrlx. Aodu-zvz Yawe nigu. *Sam 136:25*

Tqtrbz 22 *(Trinity)*

Natq Gct:

Neke mrlztile ninge yrlq-angidrlr natqngeng. X mrlzti-zlwz Trtenge, x sa navzmgr x namncpekr bade. *Jon 14:23*

Trtegr, awi-ngrbzkr bam nzmrlzti-krm nigr mz Mrlxm. Okatr nigr murde nztubq-krde namctrp mz nzmnc-krgr. X leplz amrlx mz nrlc tulvzo naglqlzlr nimu ncdr Mrlxm x Mqngrkxtr, tqyc tqyc. **Eu.**

Mz Nzmungrkxtr:

Krka'ngrme kx nzmnc-krmu naesz'ngr nztubqngr kx vzpxm mz Kraes, murde narkatrpz nzangiongr x nzrglqpxngr Gct. *Pilipae 1:11*

Tqtrbz 23 (Trinity)

Natq Gct:

Blz kx mrlzbz bam nabz kx avzo-lzbq x plzpxle alwx ngrdeng. *Sam 51:17*

Trtegr, awi-ngrbzkz bam nzyckr drtwrm nigr. Okatr nigr mz nazvzo-lzbq-krbzkz bam mz nzplzpx-krbzkz alwx ngrgrng. Mz nzlxngiti-krgr Mrlxm kc esz'txu, zmatq ngrde tqvzpe tqvzpe.
Eu.

Mz Nzmungrkxtr:

Jiszs Kraes lu-ayrnr-mopwq mz nzbzng. Mz nzmu-krde lcde, naglqlz zvz wq nide mz zmatq ngrde kxetu, kc tqvzpe tqvzpe. Eu. *Nzaelwangr 1:5-6*

Tqtrbz 24 (Trinity)

Natq Gct:

A' zvz aolve-lzbqamu x krka'-zvzamu kx nalolvz-amqngiamu nzrlxngiti-krmu, mzli kx kaputr-ngrm da kx trkati. Murde ninge Mrlx Leplz, naaolvzx nimu mzlikc natutr-ngrmamu mz mzke' mz zbq kc narjzs-ngrnge. *Luk 21:36*

Trtegr kc Heven, atwzlr-ngrme Mrlxm murde naarlaxle lr nrlc, x mz nibrde najzsle lr nrlc. Okatr nigr murde natubqzbzkz mz mzte mz zbq lc x namnc-alokr badr Heven, tqyc tqyc. **Eu.**

Mz Nzmungrkxtr:

Napi-mopwo bamu kx nevrnge ngi dakxnzng kx vzom Heven. Neke namu dakxnzng angidr lc sa narmctile nzlungr kxboi. *Jon 6:58*

Nzmu Sade kx tqkqlule x Nzvz-ngrm kc ate, narlwx du Sade kcng mz Nzaelwangr trnzrlwxka. Nzmu kx trtqkrlz-pwzleu Sade kx nzpnuli-nrade nzlvqn (25) nayrlq-tpxdu a' zvz narlwx Sade kc kai x Nzvz-ngrm kc ate.

Sade x Nzvz-ngrm Kc Ate

Natq Gct:

Hosana! Naglqpx Gct! Gct, amrlz mrlx lc tqvzm mz drtqm. Nide kc nangi King ngrgr lr Israel. *Jon 12:16*

Trtegr, atwzlr-ngrn Mesaea Jiszs murde da amrlx mz nrlc namwitrl-xblrpwz bade. Okatr nigr mz nzavzo-lzbq-krbzkr bade mz nzmnczlz-krbzkr mz zmatq ngrde. Murde nangini-zvzde King kc tqesz'ngrde nabzgr. Mz zmatq ngrde kc tqyc ***Eu.***

Mz Nzmungrkxtr:

“Lxngitipekr kx nim Mesaea, Ncblo Kxtr kc esz'txu, tqatwzlr-ngrm Gct.”
Jon 6:69

Adu Kxtr, Novebz 30

Natq Gct:

Rmctipekr Mesaea kc tqaenzliku! *Jon 1:41*

Gct kx rninr, okatrq Aposol nem Adu Kxtr mz nzrlxngiti-ani-krde kx Mrlxm Jiszs Kraes nide Mesaea kc tqatwzlr-ngrme mz nrlc. Okatr nigr kz mz nzrlxngiti-angidr-krgr murde nayapwxtipxbzkr badr lr nrlc kx Jiszs nide Mesaea kc naarlaxple nidr. Mz zmatq ngr Mesaea ngrgr, Jiszs Kraes. ***Eu.***

Mz Nzmungrkxtr:

Mzlike Mqngrkxtr navzo-ngrmle bamu sa narngiscmu zmatq ngr nzyapwxtipx-krmu ninge nayzuo mrga Jerusalem, x Provins kc Judiz x Samaria, nakrlzbzle mztea amrlx mz nrlc tulvzo. *Aposol 1:8*

Aposol Tomas Kxtr, Disebz 21

Natq Gct:

Rpibz Jiszs bade kx, “Rlxngiti-ngrn nzmc-krm ninge. A' leplz kcng trnzmcrlru ninge a' nzlxngitilr ninge, amrlz-zlwzng Gct x nzabrtz-zlwzng.
Jon 20:29

Gct kx rninr x lu zvz, amqngiq nzrlxngitigr Aposol nem Tomas murde nakrlz-angidrle kx Jiszs lupe mou mz nzbz-krde. Okatrp nigr murde bzkq drtwrgr li mz nzlxngiti-krgr Mrlxm Jiszs Kraes, a' navz zvz nzvz-nqblq-krgr nide kc tqmncamu nemu x Mqngrkxtr, tqyc, tqyc. ***Eu.***

Mz Nzmungrkxtr:

Ayzlu-ngrbz Tomas natqde kx, “Dazpwxtx! Lxngitipekr kx nim Lod x Gct mge. *Jon 20:28*

Nzteqtrkr Pol Kxtr Drtwrde, Janware 25

Natq Gct:

Gct atulz-mople Jiszs lc mz nzbz-krde. X mc-angidrkr amrlx ngrgr kx da zpwxtx. *Nzwznggr 2:32*

Gct kx rninr, mz nzyapwxkr Aposol Pol ayzlrq Nrpakxmrlz mz nrlc tulvzo. Mzbqka elalz-ngrm drtwrgr mz nzakaputr-krmgr nzteqtr-krde drtwrde mz nzlxngiti-krde nim. Okatr nigr mz nzvz-nqblq-krgr nide mz nzyapwxtipx-krgr kz Nrpakxmrlz. Rlxtibzkr mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Trvz-nqblqpewxu nqmq krnge kc blzlo mz alwx, a' mzlika vz-nqblqx Mqngrkxtr ngr Kraes kc tqlupxm bange. X nzlu-krnge kxmna ngi nzlxngiti-krnge mrlx Gct kc tqaodule ninge, x krkc tqbz-ngrde nzarlaxp-krde ninge. *Gal 2:20*

Jiszs Nzaelwapxbz Badr Leplz Mz Makxtrdau, Pebwari 2

Natq Gct:

Nide zyzlr kx naaelwapx-ngrbzle nqmq ngr nzrlapxngr badr leplz kx nzmnc-mrbrng. *Luk 2:32*

Gct rgr, awi mz nzaelwapx-krme bagr nzarlaxpngr. Okatr nigr mz nzlxngiti-angidr-krgr nide kc tqngi zyzlr ngr lr nrlc. Krlc Mrlxm, Jiszs Kraes, Kxetu rgr. Eu

Mz Nzmungrkxtr:

Blz kx mrlzbz bam nabz kx avzo-lzbq x plzpxle alwx ngrdeng. *Sam 51:17*

Aposol Mataeas Kxtr, Pebwzri 24

Natq Gct:

Trmcpxwamu ninge. A' ninge kx mcpxle nimu, murde nramu nakqlu zvx. X da kznike rlxibzmu mz Trtenge mz zmatq r drtqng, sa naangidabzle. *Jon 15:16*

Gct kx rninr, mcpxq Mataeas kc tqngi Aposol mz nzteqtr-krde Judzs. Bzq rlrpx-ngrn nzprtrkr Aposol kx nzpokieng mz Makxtr nyz'm. A' aolve-angidr nigr mz nzka-krme ncblo angidr

kx nzvz-nqblq-tpwzlr nim. Murde natu-amqngikr mz Natqm.
Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Natqnge lc yrllq-angidramu, “Mrlzti-lzbqamu dake tqwai nzmrlzti-krnge
nimu. *Jon 15:12*

Josip Kxtr, Ncblo ngr Mxri kc Tqmckamelr, Mas 19

Natq Gct:

Nzabrtz-zlwzngvr vzpxm mz nzxngi-ngrbz nim. X da kxmrlzting nzvzpx-
zvzmqng mz mqm. *Sam 16:11*

Gct rgr, mcpqx Josep mz nqvi lr King Devet. Murde naapubzle
Trte mz nzaolve-krbzle Mrlxm mz nzmnc-krde mz nrlc. Okatr
nigr mz nzvz-nqblq-krgr nide mz nzyrlq-angidr-krgr kz Natqm.
Mz zmatq ngr Mrlxm, Jiszs Kraes, Kxetu rgr. **Eu.**

Mz Nzmungrkxtr:

Sc tzrpiplr kx, “Krlc Jiszs, Mrlx Josip. X krlz-angidrku trtede x lxede.”
Jon 6:42

Nzaprlztqkr Enjrl Gebrel Mxri, Mas 25

Natq Gct:

Natq lc ngipe doa leplz, x mnckr badr. X aelwa-zpwxmle bagr
zmrlzkxmyalz x daangidr ngr Gct. *Jon 1:14*

Kxetu, lxngitkr kx Enjrl Gebrel aprlztqle Mxri kx Mrlxm Jiszs
Kraes navzm mz nzngini-krde ncblo. Puliom mz nabzgr zmrlz
ngrm kxmyalz. Murde mz nzetqkr drtqde x nzbzo-krmlc mz
kros, navzmitr-ngrgr mz zluli rde Heven. Mz zmatq ngr Jiszs
Kraes, Kxetu rgr. **Eu.**

Mz Nzmungrkxtr:

Daleng yrllq-kapqti Mxri mz nabzde, sc tqaoti zvz drtwrde. *Luk 2:19*

Maki Kxtr, Eprol 25

Natq Gct:

Abz-kaiamu natq amrlx mz nzmnc-krmu me nsvzkipxmlr. *1 Jon 4:1*

Gct kx rninr, alvztr-ngrn Makxtr nyz'm mz Nrpakxmrlz kx yr Maki Kxtr. Avzom bagr zmrlz ngrm kxmyalz, murde bzkq lxngitigr nzpokiangerng. A' okatr nigr mz nzabz-kai-krgr natq amrlx mz nzrmc-krgr me nzvzkipxmlr, murde navz-nqblq-tpwzkr Natqm angidr. Mz zmatq ngr Jiszs Kraes, Kxetu rgr.

Eu.

Mz Nzmungrkxtr:

Mzlike nadwasz-ngrne nimu, trpnz'ngr nzaxtx-krbo nimu nzapu-krmu doa kxnzbszng. A' ninge la nayzlu-moupc' mz Mqngrkxtr. *Jon 14:18*

Aposol Pilip x Jemes Kxnztrng, Mei 1

Natq Gct:

Rpibz Pilip kx, "Lod, da kx rlxti-tpwzkr bam, aelwa-ngrm bagr Trtem." Ayzlu-ngrbz Jiszs natqde kx, "Neke mcpele ninge, mcpe-kzle Trtengr." *Jon 14:8-9*

Gct kx rninr, mz zmrlz ngrm kxmyalz, okatrq aposol nemqng Pilip x Jemes mz nzyapwxtipx-krdr Nrpakxmrlz. Okatr nigr kz murde namckr nim mz nzxlr-krgr Nrpakxmrlz ngr Jiszs. X mz nzmc-krgr nim, narlxtibzkr da kx tubqbz mz mzp, mz nzkrka'-zvz-krgr mz drtq Mrlxm, Jiszs Kraes. **Eu.**

Mz Nzmungrkxtr:

Mzli kznike narlx-ngrmamu da mz zmatq ngr drtqng, sa naangidabo. *Jon 14:13*

Banabas Kxtr, Jun 11

Natq Gct:

Gct atulz-mople Jiszs lc mz nzbz-krde. X mc-angidrkr amrlx ngrgr kx da zpwxtx. *Aposol 2:32*

Kxetu Gct kx rninr, krlzkr kx Aposol nem Banabas rlrpx-lzbqngr mz nzapqtr-krbzle drtwr leplz nemqng. Rka-nrbalq-zlwzbz mz nzokatr-krde nranzlur leplzng x mz nvrlep-krde Nrpakxmrlz. Okatrp nigr mz nzvz-nqblq-zvz-krgr nqm q krde. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Mzlika trpengr nzrpi-krbo nimu kxnzawzng, murde kxnzawz trkrlzleu da kznikeng rtngztibz kxetu rde. A' nipemu mzlehgeng, murde da amrlx kcng tqxlrtro mz nao Trtenge, dehgeng tqpibo bamu x krlzpeamu.
Jon 15:15

Jon Kxawrkxtr Kxtr, Jun 24

Natq Gct:

Zbz Sakaraia kc tqymnetrpe-ngrde mrlxde Jon, rpile kx, “Nim, kx mrlxng, nangi nim propet ne Gct. Nim kx nartwayz-kaipz mz Gct, mz nzrpi-krbzme mz leplz naoliqti-lzbqng mz nzvz-krmlle.” *Luk 1:76*

Gct kx rninr, mcpxq Jon Kxawrkxtr mz nzoliqti-krbzle lrpzki r Mrlxm, Kxarlapx rgr, mz nzyapwxtipx-krde nzrtekqtr ngr drtwr. Okatr nigr mz nztekqtr-krgr drtwrgr murde navz-nqblq-angidrkr nzalvztr-krde x nqm q krde mz nzokatr-krgr leplz mz nzlxngiti-krdr nide. Mz zmatq ngr Kxarlapx rgr, Jiszs Kraes.
Eu.

Mz Nzmungrkxtr:

Gct rgu ryengr drtwr, x naatwzlo-ngrmlle Mesaea bagu, naapule zyzlr kx naaelwapxng da kx ngi daangidr. *Luk 1:78*

Aposol Pita Kxtr, Jun 29

Natq Gct:

Rpibz Pita kx, “Nim Mesaea kc tqmcpx Gct.” *Mak 8:29*

Gct kx rninr, okatrq Aposol nem, Pita Kxtr mz nzglx-krde kx Jiszs nide Mesaea kc tqmcpxq. Okatr nigr leplz nemqng mz nztu-amqngi-krgr mz da angidr lc. Murde drtwrgr naesz'ti mz nzalvztrngr angidr x namrlzti-lzbqgr mz nivz lr Jiszs Kraes, Kxetu rgr. *Eu.*

Mz Nzmungrkxtr:

X rpi-mopwz Jiszs mz nzwrde kratq kx, “Saemon, Saemon mrlx Jon, daangidr kx mrlztiq ninge? X sc tqrpipebz Pita kx, “Lod, nim kx rkrlz da amrlx, x krlz-angidr-kzq kx mrlztix nim.” *Jon 21:17*

Mxri Kxtr Oklatile Elisabet, Julae 2

Natq Gct:

Amrlztxpele nim Yawe, murde nzlxngiti-krm da kx pi-ngrde nim.”
Luk 1:45

Trtegr, amrlz kxnzawz nem, Mxri, mz nzmcpk-krmle mz nznngini-krde lxe Mrlxm. Okatr nigr mz nzvz-nqblq-krdr nzavzo-lzbq-krde x nzmrlz-krde. Murde napipx-kzkr nzmyalz-esz'ngr-krm x naycng drtwrgr nekeng nzmyatitrlr nim. Mz nivz lr Kxetu rgr kc tqyc tqyc. **Eu.**

Mz Nzmungrkxtr:

Gct naapoomleng king kx nzninr-ngrng, kx nzaleng da kxtrka. Apoomleng mz zmatq scdrng. A' avzlbzle kx nzavzo-lzbqng. *Luk 1:52*

Mxri Kc Makdala Kxtr, Julae 22

Natq Gct:

X mrlx kznike nawztrp bange navz-nqblqmle ninge, murde kxnzww nengeng namnc-kzng mrgc namnc-ngrne Heven. Tritenge sa naamatq leplz amrlx kcng tzwztrpqng bange. *Jon 12:26*

Gct kx rninr, Mrlxm kqlele Mxri Kc Makdala murde nzlu-krde natr x nayapwxtipxle nztulzkr-mouple mz nzbz-krde. Okatr nigr mz nzvz-nqblq-krgr Mxri Kc Makadala murde nzlu-krgr natr kz x nawztr-kzpzkr bam mz zmatq ngr nztulz-mou-krde. Mz drtq Jiszs Kraes kc tqmnc x tqaolveamu badr x Mqngrkxtr, Gct esz', tqyc tqyc. **Eu.**

Mz Nzmungrkxtr:

X mz nzbritkr drtwrnge Kraes, nakrlztxpo nide x zmatq ngr nzlukur-mopwqle. X naprtr-kzx mz nzetqkr drtqde. X naapu-kzx nide mz nzbz-krde. *Pilipae 3:10*

Aposol Jemes Kxtr, Julae 25

Natq Gct:

Mzlika trpengr nzrpi-krbo nimu kxnzawzng, murde kxnzawz trkrlzleu da kznikeng rtrngztibz kxetu rde. A' nipemu mzlengeng, murde da amrlx kcng tqxltrpo mz nao Trtenge, nidr kcng tqpitipebo bamu x krlzpeamu. *Jon 15:15*

Gct kx rycngr drtwr, awi mz kxnzawz nem, Jemes, kxrmailz ngr lr Makxtr mrgc Jerusalem. Nide aposol nem kc tznibq-ayrnr-ngrde nzlxngiti-krde Jiszs. Okatr nigr leplz nemqng amrlx mz nzvz-nqblq-krgr nqm q krde mz nzokatr-lzbqng murde narmailz-angidrkr. Rlxtibzkr mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Trpnz'ngr kxnzawz kx myaszlzle kxetu rde, x menrpa trmyaszlzleu neke atwzlr-ngrde nide. Delc, takitrde nimu kcng tqngi menrpa nengeng naokatr-lzbqmu. *Jon 13:16*

Nzkrdrdq Jiszs Tekqtr-lzbq, Agus 6

Natq Gct:

Natq Gct vzpxm mz dcbz kc, rpile kx, "Krlc mrlxnge. Nide kx mcpxx. Lalztqbmz bade x lxngitiamu nide." *Luk 9:35*

Gct kxrminr, aelwapx-ngrbzme mz Pita, Jemes, x Jon zluli r Mrlxm mz nztekqtr-lzbqkr nrkrdrdqde. X krka'-ngrgr kx navz zvz nztekqtr-krm nabzgr murde naapu-kzkr nide kc tqmnc zvz mz zluli, tqyc tqyc. **Eu.**

Mz Nzmungrkxtr:

Sc tqrpipebz Pita mz Jiszs kx, "Kxetu rnge, mrlztxpe nzmnc-krgr mrga." *Luk 9:33*

Mxri Kxtr, Lxe Kxetu rgu, Agus 15

Natq Gct:

Rpibz enjrl kc kx, "Nimla kx Mxri! Yawe amrlz-atwrrn-ngrde nim, x mncbz bam. Mqngrkxtr sa navzom bam x zmatq ngr Gct kc tqmyatxlz-esz'ngr nangi batrpzle nzyr-krm. Mz drtwr lc itoto kxtr lc, narpibz Mrlx Gct." *Luk 1:28, 35*

Gct kx myalz, awi mz Mxri kx mnckamelr mz nzavzo-lzbq-krde. Mz nznigibatr-krbz Mqngrkxtr le, dekc tqngini-ngrde lxe Mrlxm kc esz'txu, tqngi zyzlr ngr lr nrlc. Okatr nigr mz nzavzo-lzbq-krgr kz murde naprtr-kzkr mz zyzlr ngrde. Mz zmatq ngr Jiszs Kraes, Kxetu rgr, kc tqmnc x tqaolveamu ncmu x Mqngrkxtr, Gct esz', tqyc tqyc. **Eu.**

Mz Nzmungrkxtr:

Blz kx mrlzbz bam nabz kx avzo-lzbq x plzpxle alwx ngrdeng. *Sam 51:17*

Batolomiu Kxtr, Agus 24

Natq Gct:

Nimu txpwz leplz kcng tzatukztr-angidrlr nzmncr-zvz-ngrm bange mz mzli kcng nzrblxkr da tqprtz-ngrmle bange. *Luk 22:28*

Gct kx rninr x lu-zvz, kabzme zmrlz ngrm kxmyzlyz mz Aposol nem Batolomiu murde nalxngitile x nayapwxtipxle natqm. Okatr nigr, leplz nemqng murde namrlztikr, nalxngitikr, x navz-nqblqkr nzalvztr-angidr-krde. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

X nawxbulzamu mz tebol nyz'nge mz nzmungr mrgc Heven. *Luk 22:30*

Nzrmcngr Mz Mxri Kx Mnckamelr, Septebz 8

Natq Gct:

Amrlztxpele nim Yawe, murde nzlxngiti-krm da kx pibzle bam. *Luk 1:45*

Gct kx myalz, awi mz Mxri kx mnckamelr mz nzavzo-lzbq-krde. Mz nznigibatr-krbz Mqngrkxtr le, delc tqngini-ngrde lxe Mrlxm kc esz'txu, tqngi zyzlr ngr lr nrlc. Okatr nigr mz nzavzo-lzbq-krgr kz murde naprtr-kzkr mz zyzlr ngrde. Mz zmatq ngr Jiszs Kraes, Kxetu rgr, kc tqmnc x tqaolveamu ncmu x Mqngrkxtr, Gct esz', tqyc tqyc. **Eu.**

Mz Nzmungrkxtr:

Rpibz Jiszs kx, "Neipz' krkeng tzxlrng natq Gct x nzvz-nqblq-angidrlr." *Luk 11:28*

Kros Kxtr, Septebz 14

Natq Gct:

A' mz ninge, nayrpumix nzbzkr Jiszs Kraes kc nigu mz kros. Murde mz nzbz-krde, apule bzmipex nide. X zbz nqm q kr leplz kx drka'ngrng mz nrlc ka trpnz'ngr nztamiti-mou-krdr ninge. X px-ngrne nzvz-nqblq-ngrbz nqm q krdr. *Gal 6:14*

Gct kx rninr, kxmule-esz' Jiszs drtqde etq x drtqde nzamyatibz mz nzbz-krde mz kros, a' rmetikr mz kros lc nzlungr angidr x nrwx. Okatrp nigr mz nzmyapxkr mz drtwrgr nike aleomle mz kros mz nzarlax-krde nigr. Murde narlrpx-lzbqgr kz mz nzaetqngr x nzamyati-ngrm drtqgr mz nzlxngiti-krgr Mrlxm, Jiszs Kraes, Kxetu rgr. **Eu.**

Mz Nzmungrkxtr:

Mzlike naglqlz-rnge mz kros, sa navectrpc' leplz amrlx bange. *Jon 12:32*

Bisop Patson, Septebz 20

Natq Gct:

Neke vqti drtqde nzamrbpx-krbzle nzlu-krde, murde vz-nqblqle ninge, sa nayrlq-angidrlle nzlungr kxboi. *Luk 9:24*

Gct kxrminr, mcpqx kxnzawz nem, Jon Kolrij Patson murde navz-nqblq-angidrlle nim mz nzlu-krde x mz nzbz-krde. Awi mz nzatwzlr-krme nide bagr, nigr lr Trmctu. X okatrp nigr murde navz-nqblqkr nide mz nzrlrpx-krgr nzlu-krgr mz nzwztr-krbzkr bam. Murde naptrpzkr mz nzabrtzng badr leplz kcng tzmrlzti-angidrlr nim. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Rtq wit nataole mz drtc' x namibirole kx mrna, lvlclm x yrlqbzle nrade kxkqlu. Nzmu bzkq taole mz drtc', esz'tx alo. X ninge naapux rtq wit mz nzbz-krnge, mz nzrlapxkr leplz kxnzkqlu. *Jon 12:24*

Aposol Matiu Kxtr, Septebz 21

Natq Gct:

Nzmrlz-krbz trau mz leplz ngi nou alwx kxkqlu. *1 Tim 6:10*

Gct kx rninr, Mrlxm kqlele Matiu Kxtr murde bzkq nzxpeneba takes, a' nangi nide Aposol nem. Kam bagr zmrlz ngrm kx myalz murde naozlikr lrpzki rde, a' bzkq nginigr pakqlu mz nzprlvzkr mzkr da kxkqlu. Mz zmatq ngr Mrlxm, Jiszs Kraes, kc tqmnc x tqaolveamu ncmu x Mqngrkxtr, Gct esz', tqyc, tqyc. **Eu.**

Mz Nzmungrkxtr:

Trngiu da kx myapxbz animol kc tqngi blz tqkamamu bange x tqangc'o-zvzmamu mz olta. A' mz drtwrge, blz angidr nangi nzawi-krmamu bange, x nzangidati-krmu da kx esalz-ngrmamu bange. *Sam 50:8, 14*

Kxznztrng keng Tznibqng Mz Melanisiz, Septebz 27

Natq Gct:

Neipz' leplz keng nznibqting murde nzlxngitilr Lod rgu. Murde nzetqkr drtqdr kx vzpxm mz nzwztr-krbzlr mz Kraes sa naykrpxpe, x Gct sa narkabz da kx mrlzting badr mz nzwztr-krbzlr bade kxmule-esz' nike prtzbz badr. *Nzaelwangr 14:13*

Gct rgr, awi mz ncblo nemqng keng tqatwzlr-ngrme bagr mrga Melanisiz. Kxmule-esz' nibqtikr nidr, a' nzmu trnzatwlrpe'u nidr trpnz'ngr nzlxngiti-krgr nim. Glqpxkr nim mz nzlukr kxznztr nemqng keng tznibq mrga Trmctu, krleng Bisop Patson, Josep Atkin, Stiven Taroniara, Edwin Nobs, Pisa Yang, x Tomas Peo. Okatr nigr mz nzvz-nqblq-krgr nidr mz nzetukr nivz lrdr x nzrlxngiti-krdr. Mz zmatq ngr Jiszs Kraes, Kxetu rgr, kc tqmnc x tqaolveamu ncmu x Mqngrkxtr, tqyc tqyc. **Eu.**

Mz Nzmungrkxtr:

Rtq wit nataole mz drtc' x namibirole kx mrna, lvlclzm x yrlqbzle nrade kxkqlu. Nzmu bzkq taole mz drtc', esz'tx alo. X ninge naapux rtq wit mz nzbz-krnge, mz nzrlapxkr leplz kxznztr. *Jon 12:24*

Maekol Kxtr x Enjrl Amrlx, Septebz 29

Natq Gct:

Nimu enjrl kxznzmatq keng tzvz-nqblqlr natq Yawe, naglqpxamu nide! X nimu ami ngr Heven keng tzwztrpzng bade mz nzatutr-krbzmu me pnz' drtwrde, naglqpx-kzamu nide. *Sam 103:20-21*

Gct kx lu zvz, yrlqbzme nzwzng badr enjrl nemqng mrgc Heven, x yrlq-kzpe' bagr, nigr leplz nemqng mz nrlc ka nzwzng kzblepangng. Krka'ngrgr kx naatwzlr-ngrme enjrl nemqng mz nrlc mz nzokatrng x nztu-kirpx-krdr nigr. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Enjrl keng tzipilr kx, “Angiokr nim, awibzkr bam, glqlzkr nim, x amatqkr nim. Glxkr nzmyapx-krm, nzxplr-krm, x zmatq ngrm tqyc, tqyc. Eu.”
Nzaelwangr 7:12

Luk Kxtr, Octobz 18

Natq Gct:

Ninge Luk. Krleng be ngr dakcng amrlx tqngida mzlike, tqabzongr nzwzkr Jiszs, krlzbzle mzlike tqvzdzpe-mou-ngrde Heven. *Luk 1:1*

Gct kx rninr, kqleq Dokta Luk murde nayapwxtipxle nivz lr Mrlxm x zmatq ngrde mz nzamrlz-krde kxnzyagoxng. Mz nzokatrkr Mqngrkxtr, kam bagr nivz x zmatq kepwz murde naamrlz-kzkr leplz kxnzyagoxng mz nrkrdrtdqr x mz nabzdr, mz nzkrka'-krgr nidr x nzyapwxtipx-krbzkr Nrpakxmrlz badr. Mz zmatq ngr Mrlxm, Jiszs Kraes. **Eu.**

Mz Nzmungrkxtr:

Natqm nzlqngi-esz'ngr-krde mz nzxlrng, myaszpxle nzmrlzkr nilwztq dakxnzng amrlx. *Sam 119:103*

Aposol Saemon x Judz Kxnztrng, Oktobz 28

Natq Gct:

Mzlike Mqngrkxtr navzo-ngrmle bamu sa narngiscmu zmatq ngr nzyapwxtipx-krmu ninge nayzuo mrga Jerusalem, x Provins ke Judiz x Samaria, nakrlzbzle mztea amrlx mz nrlc tulvzo. *Nzwzng 1:8*

Gct kx rninr, mzbqka, awi-ngrbzkr bam aposol nemqng amrlx, myapxbz Saemon x Judz. Okatr nigr mz nzaelwapx-krbzkr nivz lr Kraes x nzrycng drtwr badr lr nrlc, dake tzwailr mzlike pnz'. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Neke mrlztile ninge yrlq-angidrl natqngeng. X mrlzti-zlwz Trtenge, x sa navzmgr x namncbzkr bade. *Jon 14:23*

Kxnztrng Amrlx, Novebz 1

Natq Gct:

Krlcng leplz kx nzvzpxmqng mz da kxrka amrlx kx prtz. X mzlika nztapzopelr lrpzdr mz mepyr ngr Neisip, x nzprkitxpxpeng. *Nzaelwangr 7:15*

Get kx minr, aodutr-lxblrq nigr kxnztr nemqng amrlx mz nznngini-krgr nrkrdrdq Mrlxm Jiszs Kraes. Okatr nigr mz nzvz-nqblq-krgr kxnztr nemqng keng pnz' mz nzmncngr kx tubq x tr. Murde narmcti-kzkr nzabrtzng angidr kc nakabzme badr leplz amrlx keng tzmrlztilr nim. Mz zmatq ngr Jiszs Kraes. ***Eu.***

Mz Nzmungrkxtr:

Neipz' leplz keng tzaveating mz nzprtr-krdr mz nzyrlzkr Neisip. *Nzaelwangr 19:9*

Kxnzrlxngiti Kcng Tzbzpeng, Novebz 2

Natq Gct:

Atulz-moupmo' leplz mz nzbz-krdr x kabo badr nzlungr kxmna. Neke lxngitile ninge, kxmule-esz' bzpe, a' sa nalu mou. *Jon 11:25*

Kxrpalz, nim kc tqwz-ngrde x arlapxle kxnzrlxngiting amrlx. Awi kx leplz nemqng keng tzbzpeng nzabrtz-angidrng mz nzmnc-krdr mz zyzlr ngrm. Okatr nigr mz nzvz-nqblq-krgr nidr murde naprtr-kzkr mz nzlungr kxboi Heven. Mz zmatq ngr Jiszs Kraes, Kxetu rgr. ***Eu.***

Mz Nzmungrkxtr:

Neke ngqde ncvrnge x mnqle mepyr rnge rmctile nzlungr kxboi, x sa naatulz-mope' mz zbz kx rmwr-ngrm. *Jon 6:54*

Kzdzung Kz Leplz Kxtr

Natq Gct:

Mz nzyrlq-angidr-krmu natqng, nakrlzamu daangidr ngr Get, x daangidr lcde sa naaopxbzle drtqmu. *Jon 8:31*

Gct, nim kx aodu-zvzq x aolve-zvzq nigr leplz nemqng amrlx. Awi mz kxnzawz nem _____, kc tqyrlq-angidrlle natqm. Okatr nigr mz nzvz-nqblq-krgr nide murde naapu-angidrkr Jiszs Kraes, Kxetu rgr, kc tqmnc x tqaolveamu ncmu x Mqngrkxtr, Gct esz', tqyc tqyc. **Eu.**

Mz Nzmungrkxtr:

Neke nawztrp bange navz-nqblqmlle ninge, murde kxnzawz nengeng namnc-kzng mrgc namnc-ngrne Heven. *Jon 12:26*

Kxnzwztrpzng Mz Gct (Ember Days)

Natq Gct:

Alqngi nidr x atr nabzdr mz daangidr ngr natqm. *Jon 17:17*

Gct kx minr, Nzryrngrkxtr alvztrle nigr kx kapeme bagr, nigr kxnzrlxngiting amrlx, nzkrlzngzr mz nzokatr-lzbq-krgr. Axplr ncblo keng tqkqleq tzoliqti-lzbqng mz nzwztr-krbzlr bam. Murde bzkq nzyangrngang mz nzmrbtrkr mz drtrwrdr nzale-krdr da kx kabzme badr. A' nawztr-zvzbzng bam mz nabzdr kx tubq x tr. Mz zmatq ngr Jiszs Kraes, Kxetu rgr. **Eu.**

Mz Nzmungrkxtr:

Aelwapx-ngrgu nzmrlzti-krgr Gct mz nzyrlq-angidr-krgr natqde. *1 Jon 5:3*

* * * * *

Nzrlxngzr Da Kxkqlu

Trtegr kc mz Bongavz,

Nayc mz drtwrm nigr kxnzaleng alwx.

Jiszs, Mrlx Gct, kc tqarlapxle lr nrlc,

Nayc mz drtwrm nigr kxnzaleng alwx.

Mqngrkxtr, kc tqvzom mz Trte x Mrlxde,

Nayc mz drtwrm nigr kxnzaleng alwx.

Nimu leplz kxtr keng tq mz Gct kc esz',

Nayc mz drtwrm nigr kxnzaleng alwx.

Jiszs, bzkq dcpupe mz drtwrm alwx ngrgrng x alwx ngr melmqgrng. X bzkq ayrplapxq nigr mz alwx ngrgrng. A' naye mz drtwrm nigr murde arlapxq nigr, leplz nemqng mz mepyr ngrm. X bzkq ngya'ti zvz drtwrm nigr.

Kxetu, bzkq ayrplapxq nigr.

Kxetu, arlapx nigr mz da kxtrka x da kxpertz, mz alwx, mz nzyrlqbrtir x zmatq sc drka' amrlx, mz zngya ngr drtwrm, x mz nzbz-alo-krgr.

Murde nim kx mrlz-esz'ngr.

Yawe, arlapx nigr mz da amrlx kcng trnzvz-nqblqlru nivz lrm. Krlcng: nzmqngikr nargr, nzglqpx-lzbq-krgr, nzmrlzkr bagr nzamatqngr nigr, namubz nigr leplz kxnmrlzng, nzngya'-alokr drtwrgr, x drtwr ngr nzatrkatikr-krgr leplz.

Murde nim kx mrlz-esz'ngr.

Jiszs, arlapx nigr mz nzrmwimingr leplz kx trngiu krnalz, mz alwx amrlx kcng tzabzlr nabzgr, x mz nzyrlqbrtikr nrlc, nrkrdrdqgr, x Setzn.

Murde nim kx mrlz-esz'ngr.

Kxetu, arlapx nigr mz brlrpc, nou nenq, neng, x nzbzngr kx nzpwekilycng, x mz da amrlx kcng tzabzlr nigr, krlcng: zyagox, dzbi, vea, x nzrnibqngr.

Murde nim kx mrlz-esz'ngr.

Yawe, arlapx nigr mz nzapusr-krgr natqm brmrda, x mz nzvecpx-lzbq-krgr mz zmatq kcng tqyrlqq tqmncz-ngrgr x mz nzpibqti-krgr nidr. Arlapx nigr mz nzalvztrngr x nzrlxngitingr kx vz-rbr, x mz nzakipx-lzbq-krgr nigr leplz nemqng.

Murde nim kx mrlz-esz'ngr.

Jiszs, okatr nigr mz nzrmcng mzp, mz nzngini-krm leplz, mz nzwrkxtr-krm, nzalz-krm, x nzatalzng nim.

Murde nim kx mrlz-esz'ngr.

Kxetu, okatr nigr mz nzetqkr drtqm, mz ztqlq bla, mz kros ngrm, mz nzbz-krm, x mz nzryrtzmqngr namz ngrm, x mz nztulzkr-moupe, mz nzvzdz-krm Heven, x mz nzavzo-krm Mqngrkxtr.

Murde nim kx mrlz-esz'ngr.

Yawe, okatr nigr mz mzli r nzkxpu-krgr, nzabrtz-krgr, nzbz-krgr, x mz zbz kc narjzsngr.

Murde nim kx mrlz-esz'ngr.

Gct, nigr leplz nemqng kx nzaleng alwx, krka'ngrgr kx naaolve-angidrq makxtr nyz'm mz nrlc tulvzo.

Navz-nqblqle me pnz' drtwrm.

X krka'-ngrgr kx napnzmilxti zyzlr ngrm nabz Bisop, Mama x Dikon nemqng. Murde nakrlz-angidrlr Natqm x naaelwapxlr nztubq-krde mz nzryapwx-krdr x mz nzmnc-krdr.

Navz-nqblqle me pnz' drtwrm.

X krka'ngrgr kx leplz nakqlu naatwzlr-ngrn mz nzrle-krbzlr Nrpakxmrlz badr kxnmnc-mrbrng, x okatr-zvz nidr.

Navz-nqblqle me pnz' drtwrm.

X krka'ngrgr kx naaodu-zvzq x nalolvz-amqngiq leplz nemqng amrlx.

Navz-nqblqle me pnz' drtwrm.

X krka'ngrgr kx naokatrq nigr mz nzmrlzti-krgr x nzmyatitr-krgr nim, x mz nzyrlq-angidr-krgr Natqm.

Navz-nqblqle me pnz' drtwrm.

X krka'ngrgr kx naokatrq nigr mz nzavzo-lzbq-krgr mz nzlxngiti-krgr Natqm x okatr-kzp nigr mz nzvz-nqblq-krgrle mz nivz murde naaelwapxkr da kxmrlz kcng tqvzpxm mz Mqngrkxtr.

Navz-nqblqle me pnz' drtwrm.

X krka'ngrgr kx nekeng mailzpx Setzn mz nzvz-rbr-krdr, nayzlumi-moupe' mz nzvz-nqblq-krdr nzrlxngitingr angidr.

Navz-nqblqle me pnz' drtwrm.

X krka'ngrgr kx naokatrq leplz nemqng amrlx: mz nzapqtr-krbzme drtwr kxnztu-amqnging, mz nzaxplr-krm kxnzyangrngang, x mz nzatulz-krm kxnztaong, murde mz nibrde narnrbrokr Setzn.

Navz-nqblqle me pnz' drtwrm.

X krka'ngrgr kx naapqtrpzme drtwr Kwin Elisabet mz nzangio-angidr-krde nim, murde nzmnc-krde mz nzlu-krde natubq x natr.

Navz-nqblqle me pnz' drtwrm.

X krka'ngrgr kx nakabzme zmatq ngrm badr leplz kcng tzmairlr drtqbr nyz'gr, nigr lr Solomon. Murde natwzlr nzyrplapx-krm mz nzmailz-krdr nigr mz nqm q kx tubq.

Navz-nqblqle me pnz' drtwrm.

X krka'ngrgr kx naokatr q kxnzjsngq mz kct nyz'gr, murde nzaolvz-krdr natubq x nayokaetipxlr daangidr ngr Lou scgrng.

Navz-nqblqle me pnz' drtwrm.

X krka'ngrgr kx naavzome nrwx badr lr drtqbrng amrlx murde drtwrdr x nabzdr naesz'ti.

Navz-nqblqle me pnz' drtwrm.

X krka'ngrgr kx naapqtrpzme drtwr nranzlungr leplz, kxnzmwx'lrng, x kxnzkxpung mz nzrka-krbzme da kx naokatrle nidr.

Navz-nqblqle me pnz' drtwrm.

X krka'ngrgr kx naaolve-angidr q nekeng nzvong mz trak x lcsu, x kxnzlveng mz plen.

Navz-nqblqle me pnz' drtwrm.

X krka'ngrgr kx naaodu-zvzq olvz x doa amrlx, myapxbz kxnzyrng, kxnzabzong, x kxnzbzxsng, x leplz amrlx kcng tzmncng-esz'-krdr x kcng drtwrdr tqvz.

Navz-nqblqle me pnz' drtwrm.

X krka'ngrgr kx naye mz drtwrm leplz amrlx, myapxbz kxnzyagoxng x kxnzmncng mz presin.

Navz-nqblqle me pnz' drtwrm.

X krka'ngrgr kx naokatr q nigr mz nzipq-krgr enqmi ngrgr x leplz amrlx kcng tzatrkatilr nigr mz nzale-krdr da x mz nzymne-krdr. Amrlz nidr mz nzipq-krm nidr x mz nztekqtr-krbzme nabzdr.

Navz-nqblqle me pnz' drtwrm.

X krka'ngrgr kx namailz q nigr mz nzaolve-krgr nrlc mz nqm q kx tubq murde prla x drtc' navz zvz nzrka-krmlr dakxnzng bagr.

Navz-nqblqle me pnz' drtwrm.

X krka'ngrgr kx namnc-zvzme bagr mz nztekqtr-krbzme nabzgr, mz nzipq-krm mz nzvz-rbr-krgr amrlx, x mz nzokatr-krm nigr mz zmatq ngr Mqngrkxtr murde naatubqtikr nzlu-krgr mz nzvz-nqblq-krgr Nzryrngrkxtr.

Navz-nqblqle me pnz' drtwrm.

Mrlx Gct, atutr nzkrka'krgr.

Mrlx Gct, atutr nzkrka'krgr.

Neisip ne Gct nim kxrkax alwx rgr mz nrlc,

Avzom nrw bagr.

Neisip ne Gct nim kxrkax alwx rgr mz nrlc,

Nayc mz drtwrm nigr.

Kraes, xlrn natqgr.

Kraes, xlrn natqgr.

Kxetu, nayc mz drtwrm nigr.

Kxetu, nayc mz drtwrm nigr.

Jiszs Kraes, nayc mz drtwrm nigr.

Jiszs Kraes, nayc mz drtwrm nigr.

Kxetu, nayc mz drtwrm nigr.

Kxetu, nayc mz drtwrm nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmncz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nzngini-alo-krm king rgr, mz zmatq ngrm kc tqyc, tqyc. **Eu.**

Gct kxrninr, mzlika rlxtpibzkr mz drtwr kxes' dakcng tquti-drtwrgr, mz nzokatrkr zmrlz ngrm kxmyalz. X amnqlzq kx mzlikznike nzkrka'ngr leplz kxli e tq mz drtqm, sa nakabzme nikeng nzrlxtlr. Mz nzm-krde lcde, kapem bagr, nigr kxnzww nemqng, dakcng tqaenzlibzkr tqrlxtibzkr bam, navz-nqblqle me pnz' drtwrm namrlz-ngrmle bagr. Murde nakrlzkr natqm angidr mz nrlc ka, x narmctikr nzlungr kxboi mz nrlc kc navzm. **Eu**

Trtegr, zmrlzkxmyalz ngr Kxetu rgr Jiszs Kraes, x nivz lrm, x nzodutr-lxblr-krgr badr Mqngrkxtr, nayc-zvzm bagr. **Eu.**

Nzawingr Kxkqlu

Naglqlzku Gct mz nznngini-krde King mz nabz leplz mz nrlc tulvzo.

Zmatq ngr nzaolvengr mz nrlc, ycbz mz Lod rgu ncdr Mesaea nede,
Kc tqaolve mzlika x naaolve-krde tqyc tqyc!

Kxetu rgr, Gct kxrninr, kc tqmnc mzlika x tqmnc pnz', awibzkr bam
kx tumilzme zmatq ngrm
murde nipem King ngr mz nrlc.

Yawe, takitrde nim nzrglqlzng, nzungiongr x nzrglxng zmatq
ngrm,
**Murde wz-ngrn da amrlx x nzmnc-krdr
x nzyc-krdr vz-nqblqle me pnz' drtwrm.**

Naawi-ngrgu dalr mz nrlc ka amrlx.

Gct, mz nzamrlz-krm nrkrdrdqgr xplr-ngrgr mz nzwz-krgr,
Awi-ngrbzkkr bam.

Gct, mz da kx vzpxm mz nzwz-krgr,
Awi-ngrbzkkr bam.

Gct, mz nzkrzlz-angidr-krgr nim x nzwz-krm,
Awi-ngrbzkkr bam.

Gct, mz dakxnzng x da amrlx kx kame bagr mz nzmnc-zpwx-krgr,
Awi-ngrbzkkr bam.

Gct, ketipxx x awitx-ngrbo bam nzlrmtio-krm ninge.
Awi-ngrbzkkr bam.

Yawe, da amrlx kcng tqwz-ngrn sa naawibzng bam, x leplz nemqng
amrlx sa naglqlzlr nim.

**Sa nayapwxtipxlr zluli r nznngini-krm King,
x sa naycmnetr-ngrdr nzetukr zmatq ngrm.**

Yawe, sa napipx-zvzx nzmatq-esz'ngr-krm,
X leplz amrlx naglqlz-kzlr nim tqyc tqyc. Eu.

Naawi-ngrgu kxnmrlztilr nigu.

Gct, mz nivz lr trtegr x lxegr,
Awi-ngrbzkkr bam.

Gct, mz nivz lr kxnzalvztrlr nigr x kztegrng,

Awi-ngrbzkcr bam.

Gct, mz nivz lr kxanzaodulr nigr x kxnzokatrlr nigr mz zyagox,

Awi-ngrbzkcr bam.

Gct Trte, mrlzti-kaiq nigr,

x Gct Mrlxde, mrlzti-kzq nigr x arlapxq nigr mz alwx ngrgrng mz nzbzo-krme mz kros,

x Gct Mqngrkxtr ngi batrpe' nzxngi-krbzkcr nivz lr Gct mz nabzgr. Delc, leplz namrlztilr x naglqlzlr nimu kcng tq mz Gct kc esz', tqyc tqyc. **Eu.**

Naglqlzku Gct mz nzrle-ngrbz Nrpakxmrlz badr kxnmnc-mrbrng.

Yawe, arlapxq leplz nemqng mz nzxpetr-krm nidr mz mq enqmi rdrng x aylwr-lxblrq nidr me esz' mz nzkapx-krme nidr mz mztea ngr mz nrlc tulvzo. Mz leplz lcng amrlx,

Gqlzkr nim.

Gct, mz nekeng atwzlrpe-ngrn mz nzle-krdr Nrpakxmrlz,

Gqlzkr nim.

Gct, mz kxnmnc-mrbr kcng tzlxngitipelr nim,

Gqlzkr nim.

Gct, mz leplz kcng tzbz-ngrdr nzwztr-krbzlr bam,

Gqlzkr nim.

Gct, nim Kxetu rgr. X awi-ngrbzkcr bam mz nzaelwa-krme bagr nivz lrm mz Nrpakxmrlz. Angiokr nim mz nzngini-angidr-krm Kxetu x King rgr murde takitrde nim nzrglqlzng, nzangiongr x nzrglxng zmatq ngrm, tqyc tqyc. **Eu.**

Naawi-ngrbzkcu mz Gct nzatrng kcng rlimz.

Gct, mz nzlungrkxboi kx kame bagr mz Nzwrkxtrngr,

Awi-ngrbzkcr bam.

Gct, mz nzlungr kxmna kx kame bagr mz Nzlolvzo-ngrm nargr,

Awi-ngrbzkcr bam.

*Gct, mz Mqngrkxtr kx kabzme badr ncblo kx nangi nidr **Mama mz***

Nzolovzo-ngrm nardr,

Awi-ngrbzkcr bam.

Gct, mz dakxnzng nan mqngr kx kame bagr mz Nz mukxtr-krgr,
Awi-ngrbzkcr bam.

Gct, mz nzipqpxngr alwx kx kame bagr mz Nzplzpxngr Alwx,
Awi-ngrbzkcr bam.

Gct, mz nzokatrkr nivz lrm kx kame bagr mz Nzryrlzngrkxtr,
Awi-ngrbzkcr bam.

Gct, mz nzxplrkr nrkrdrdqgr x nabzgr kx kame bagr mz Nzaelungr
Kxtr mz Tolo,
Awi-ngrbzkcr bam.

Gct, awi-ngrbzkcr bam mz nzaelwa-lzbq-krme bagr mz nzwzkr lr
Makxtr x mz nzodutr-lxblr-krgr mz nzngini-krgr leplz nemqng. Mz
zmatq ngr Jiszs Kraes, Kxetu rgr. Eu.

* * * * *

Nzetqkr Drtq Kxkqlu

Gct Trtegr kc Heven,
Nayc mz drtwrm nigr.

Gct Mrlxde, kc tqarlapxle lr nrlc,
Nayc mz drtwrm nigr.

Gct Mqngrkxtr,
Nayc mz drtwrm nigr.

Leplz kcng tq mz Gct kc Esz',
Nayc mz drtwrm nigr.

Jiszs mrlx Gct kx lu, mikapx Mxri,
Nayc mz drtwrm nigr.

Kxetu rgr, mz nzkctipxngr mz nzngini-krm leplz, x mz nztubqkr
nzmnc-krm,
Arlapx nigr.

Kxetu rgr, mz nzkrka'-krm Gesamane, mz nzaetq-zlwz-ngrbz drtqm,
mz nzwrlr-krm ztqlqbla, x mz nzrlrpx-lzbq-krm mz nzbzng,
Arlapx nigr.

*Jiszs, mz nzrlr-krbzme badr enqmi ngrmqng nztengikr Judzs nim,
mz nzdwasxkr aposol nemqng nim, x mz nzvzmikr enqmi ngrm
nim mz nzayrplapxngr,*

Arlapx nigr.

*Jiszs, mz nzrpikr Anas ncdr Kaepas kx vz-rbrq, x mz nztz-krdr x
nzbyati-krdr nim,*

Arlapx nigr.

*Jiszs, mz nzyrpalelvz-krdr nim, mz trnzlxngiti-krdr nim, mz
nzikladr Paelzt nim, x mz nzpipx-krde kx nabzq,*

Arlapx nigr.

Kxetu rgr, mz nzglq-krm kros Kalvari,

Arlapx nigr.

Kxetu rgr, mz nzrtqlvztrngr nim mz kros,

Arlapx nigr.

Kxetu rgr, mz nzrngrlelvzngr narm dxpa',

Arlapx nigr.

*Kxetu rgr, mz nzvz-nqblq-zvz-krm me pnz' drtwr Gct krlzbzle nzbz-
krm,*

Arlapx nigr.

Kxetu rgr, mz nztwztr-krm alwx ngrgrng mz nrkrdrtdqm,

Arlapx nigr.

Kxetu rgr, mz nzyrlepx-krm mepyr ngrm,

Arlapx nigr.

Kxetu rgr, mz nzxplrti-krm zvetq, x mz nzavzo-lzbq-krm,

Arlapx nigr.

Kxetu rgr, mz nzatakingr mrgcng nzlvznq mz nrkrdrtdqm,

Arlapx nigr.

Kxetu rgr, mz nzbz-krm x mz nzyrtzmqngr namz ngrm mz gq,

Arlapx nigr.

Kxetu rgr, nigr leplz kxnzaleng alwx, krka'ngrgr kx:

Trnamnclzpwzkrum mz zmatq ngr alwx, a' nzmnc-krgr natubq.

Atutr nzkrka'-krgr.

X navz-zvz nzwztr-krbzkr bam, kxmule-esz' da kx prtz.

Atutr nzkrka'-krgr.

X nabilvz-tpwzkr da kxmrlz kx vzpxm mz nzbzo-krme mz kros.

Atutr nzkrka'-krgr.

X mepyr ngrm naycpqpxbzle alwx ngrgrng amrlx.

Atutr nzkrka'-krgr.

X navz-nqblq-zvzkr nqm qm krm kxtubq.

Atutr nzkrka'-krgr.

X naprtr-kzkr mz nzetqkr drtqm x mz nztulzkr-mope' mz nzbzngr.

Atutr nzkrka'-krgr.

Neisip ne Gct, nim kx rkatx alwx ngr lr nrlc.

Nayc mz drtwrm nigr.

Neisip ne Gct, nim kx rkatx alwx ngr lr nrlc.

Nayc mz drtwrm nigr.

Neisip ne Gct, nim kx rkatx alwx ngr lr nrlc.

Avzom nrwx bagr.

Nim kxarlapx ngr lr nrlc, kc tqarlapx-kzle nigr mz kros x mepyr ngrm.

Kxetu, okatr zvz nigr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmnc-lz-krbzkr bam mz nzngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzngr. X awi mz nzayzlu-krme natqgr, mz nzngini-alo-krm king rgr, mz zmatq ngrm ke tqyc, tqyc. **Eu.**

Kxetu namncbz bamu.

X namnc-kzpz bam.

Nakrka'ku.

Jiszs, nim Kxetu rgr, x nim Narpris ngrgr x kx rycngr drtwr. Mz nzetqkr drtqm, mz nzbzo-krme mz kros, x mz nztulz-mou-krm mz nzbzngr, kabzme mz Gct Trte blz kxtr murde nigr leplz kxnzaleng alwx namnc-lxblrkr badr. Okatrp nigr murde bzkq mnc-lz-bzkr mz

zmatq sc nrlc, a' nawztxtrpwzkr bam esz'-krm mz nzmnc-krgr. X
mzlike nabz-ngrgr, kam bagr nrwx ngrm mz nzlxngiti-krgr zmatq
ngrm mz nzarlaxpx-krm nigr. Murde nim kc tqmnc x tqaolveamu
badr Trte x Mqngrkxtr, Gct esz'txu, tqyc tqyc. **Eu.**

* * * * *

Nzkrka'ngr Kxnmnc-mrbrng Kxkqlu

*Gct Trtegr, kc tqwz-ngrde leplz amrlx mz nrlc vz-nqblqle nqvi lr
Adam,*

Nayc mz drtwrm nigr.

Gct Mrlxde, kc tqarlapxle leplz amrlx mz zmatq sc Setzn,

Nayc mz drtwrm nigr.

Gct Mqngrkxtr, kc tqdc-zlile prla, mz nzrka-krm zyzlr x nzlungr,

Nayc mz drtwrm nigr.

*Trte, Mrlxde, x Mqngrkxtr, leplz kcng tq mz Gct kc Esz', nim
Kxrpalz x Kxarlapx, kc tqrkam bagr zmatq ngr nzmncngr
kxtubq,*

Nayc mz drtwrm nigr.

*Kxetu rgr, mz nzkctipxngr nznigini-krm leplz, x mz nztubqkr nzmnc-
krm,*

Arlapx nigr.

Kxetu rgr, mz nzbzo-krme mz kros,

Arlapx nigr.

Kxetu rgr, mz nzavzo-krme Mqngrkxtr,

Arlapx nigr.

Kxetu rgr, mz nzmnc-zvz-krme bagr, nigr nrkrdrtm,

Arlapx nigr.

Kxetu rgr, nigr leplz kxnaleng alwx, krka'ngrgr kx:

Naamrlzq Lrmakxtr nemqng kcng tqxpetrq mz mepyr ngrm.

Atutr nzkrka'-krgr.

*X naokatrq Bisop, Mama, Dikon, Mzlegrng,x Katekis amrlx kcng
tzrlebzng Nrpakxmrlz badr kxnmnc-mrbrng.*

Atutr nzkrka'-krgr.

X naavzome Mqngqkxtr mz Makxtr nyz'm mrga Solomon, murde leplz amrlx mz trmctu nyz'grng naarlapxng mz zmatq ngrm.

Atutr nzkrka'-krgr.

X naokatrq Mzlegrng x Kztedrng murde nayrplapxng x namnc-zpwxng.

Atutr nzkrka'-krgr.

X navectrpe' bam ncblo kcng tqkqleqng mz nzprtr-krdr mz Dzbe Mzlegrng, murde narlrpx-lzbqng mz nzwzng lc.

Atutr nzkrka'-krgr.

X nradr nayc-zvzbz mz nzwz-krdr murde kxnmnc-mrbrng nalxngitilr nim.

Atutr nzkrka'-krgr.

X naokatrq kxnatwzlrngr mz nzkrz-krdr natq leplz kcng tzprtr-nebadr x naycmne-ngrdr x naryr-ngrdr, murde leplz amrlx naxlrir Nrpakxmrlz mz natqdr.

Atutr nzkrka'-krgr.

X naamrlzq nzwzkr Bisop nemqng Papua Niu Gini, myapxbz kxnatwlrzbzng badr kxnmnc-mrbrng mrlcde.

Atutr nzkrka'-krgr.

X naamrlzq nzwz-krm mz trmctu r Polynesia amrlx, myapxbz lr Fiji, Tonga, x Samoa, badr lr India x China, kcng tzmncng badr.

Atutr nzkrka'-krgr.

X naamrlzq leplz kxnzbo ngr Austalia badr lr mrtangi mrlcdeng, murde naarlapxng mz zmatq ngrm.

Atutr nzkrka'-krgr.

X naamrlzq kxnatwzlrzbzng badr lr Indonesia, Malaysia, x kzdung nrlar Asia, x leplz amrlx kcng tzkrka'ngrdr nidr, murde nalxngiti-kzlr nim.

Atutr nzkrka'-krgr.

X naamrlzq lr India, Pakistan, Sri Lanka, x Burma murde bzkq nzvz-nqblqlr nzalvztrkr Budda x Mohammad, a' navz-nqblq-tpwzlr nzalvztrkr Kxetu rgr, Jiszs Kraes.

Atutr nzkrka'-krgr.

X naamrlzq lr China, Japan x Korea badr kxnzvwz nemqng mrlcde, murde naangio-tpwzlr nim, Get angidr kc esz'txu.

Atutr nzkrka'-krgr.

X naamrlzq lr Ijip, x kzdung nrlar Africa, murde nayzlu-moung mz nzrlxngitingr angidr.

Atutr nzkrka'-krgr.

X naamrlzq lr South America kcng trnzlxngitikalr nim, murde navz-nqblqlr nim.

Atutr nzkrka'-krgr.

X naamrlzq nzwzkr kxnzrmailz nemqng x kxnzatwzlrngr Africa, murde leplz lcng namnc-lxblrng mz nrwz mz nzaxvctr-lzbq-krbzlr mz Kraes.

Atutr nzkrka'-krgr.

X naaxplr q kx nabzdr ngrgo, navzmi-moupe' kxnzvwz-rbrng, nalolvz-amqngiq kxnzatalzng Setzn, x natubzme mz nibr kxnztu-amqngipeng, myapxbz leplz ngr mrgcng kxmule-esz' nzprtrpzng mz makxtr, a' trnzlxngiti-angidrkalr nim.

Atutr nzkrka'-krgr.

X naipqq lr Israel, leplz nemqng kcng kai, mz nzpxtpx-krdr nim, Kxarlapx rdr, murde naokatr q nidr mz nzkrz-krdr x nzmrlzti-krdr nim x mz nzabrtr-krbzlr dwtwrdr bam.

Atutr nzkrka'-krgr.

Kxetu namncbz bamu.

X namnc-kzpz bam.

Kxetu, xlr m natqgr.

Kraes, atutr nzkrka'-krgr.

Kxetu, xlr m natqgr.

Nzkrka'kr Jiszs

Gct Trte, batrpq bagr, nigr lr nrlc, nzamatq-krgr drtqm kxtr-esz'ngr, x nzmncz-krbzkz bam mz nzngini-krm King rgr. Murde navz-nqblq-kzkr me pnz' drtwrm, dakc tzwai lr Heven. Kam bagr dzu r da kx natakitrde mzbqka. X ipqpxbz alwx rgrng, navz-nqblqle nzipq-krgr nekeng nzaletpqng da kx trmrlzu bagr. X arlapx nigr mz zmatq sc Setzn, mz nzokatr-krm nigr mz nztu-amqngi-krgr mz nzatalzng. X awi mz nzayzlu-krme natqgr, mz nzngini-alo-krm king rgr, mz zmatq ngrm ke tqyc, tqyc. ***Eu.***

Gct, awi-ngrbzkz bam nzamrlz-krm nzwzkr leplz nemqng keng tzrlebzng Nrpakxmrlz badr kxnmnc-mrbrng mz nrlc tulvzo. ***Eu.***

Naglqpxku Gct.

Naawibzku bade.

Naglqlzku Gct.

Naglqlzku Drtqde kxtr.

Glxkr zluli r Trte, x Mrlxde, x Mqngrkxtr.

**Dakc tqwai-pnz'le mz noude, krlzmle mzluka,
x kxnamu-zvzpele lc. Tqyc, tqyc. *Eu.***

Sam

A

125 Psalms Included:

1-70,

75, 76, 79,

82, 84, 85, 87,

93,95, 96, 97, 98, 99

100, 101, 103, 108,

110, 111, 112, 113, 114, 117,

119-150

25 Psalms Not Included:

71, 72, 73, 74, 77, 78,

80, 81, 83, 86, 88, 89

90, 91, 92, 94,

102, 104, 105, 106, 107, 109,

115, 116, 118

Buk Esz'

(Sam 1-41)

Sam 1

Nzabrtzngr Angidr

- 1 Nzabrtzngr angidr trvzpxpwq
mz nzvz-nqblqngr nqm q kr kxdrka'ngrng,
X nztu-ngrbz mz lrpzki nyz' kxnaleng alwx.
**X trvzpxpwq mz nzprtr-ngrbzng
badr kxnztrnga'-ngrdr Yawe.**
- 2 A' nzabrtzngr angidr lc vzpxm mz drtwr kx elalzm
mz nzvz-nqblqngr Loukxtr sc Yawe,
X mz nzaoti-zvzkr drtwrdr natqde ngrlx x nrlckxbq.
- 3 Murde leplz lcng, nzapulr nounc
keng drbrdr tzkrlzolz lue. X leu rdr trnzblou.
**X nzdo-zlwzng mz nzvz-krm nrprdr.
Murde da kx nzalelr nradr yc-zvzbz.**
- 4 A' kxdrka'ngrng trnzwailru;
**Murde nzapulr leu kxglr
keng tztakitr-pwzlr nzngc'ngr.**
- 5 Delc mz zbq kc narjzsngr, trnatu-amqngi-ngrdru.
X trnaprtrpwzu badr kxnztubqng.
- 6 Murde lrpzki rdr tutr mz nzayrplapxngr.
A' Yawe aolvebzle nzi r leplz kxnztubqng.

Sam 2

King kx Mepx Get

- 1 Lr drtqbr nzngqngung mz nzngya'tikr drtwrdr Yawe.
A' mane nzyrlqti-krdr nide drtwr kxtrka.
- 2 King rdng x kxnzrmailz rdng nzyrlwr-lxblrng
mz nzoliqti-lzbq-krdr nzota-krdr
Badr Yawe x Mevalu King kc tqmcpdle.
- 3 Nzrpilr kx, "Naartxbzku nzaolve-krdr nigu
**Mz nznikitx-krdu nqvi kc tzpe-ngrdr nigu
murde drtqgu naopx."**

- 4 A' Yawe kc tqmcom Heven yrpaelvzle nidr;
X rtrnga'-ngrde drtwr kcng tzyrlqlr.
- 5 Ycmne-zngya'bz badr,
X natqde kxpq nzmwx'lr-ngrdr.
- 6 Rpile kx, “Yrlqex King nenge Jerusalem
Mz newz kxtr nyz'nge.”
- 7 Rpi King kc tqmcpX Gct kx,
 “Napibo nike pim Yawe bange.
**Rpimle kx, ‘Nim Mrlxnge,
 abzo mz zbqka nzngini-krnge Trtem.**
- 8 Rlxtim bange nzka-krbo drtqbrng amrlx,
Murde nangi nyz'm nrlc atwrnrngr.
- 9 Sa naaoxioq lr drtqbr lcng mz nzxplr-zlwz-krm,
 X nztagle-krm nidr naapule nzmzglctikr botol.’ ”
Natq kx pibz Yawe mz Mevalu nede delcng.
- 10 Delc mzlika tqyc-ngrbepz mzli,
 nimu king x kxnzrmailzng mz nrlc
Nayrplapxamu mz nzlalztq-angidr-krmu.
- 11 Narnrctrpzmu mz nzmyati-krmu Yawe,
Mz nzwztr-krbzmu bade.
- 12 Yznguobzmu mz nanyc Mrlxde mz tqodatile nimu,
 Murde drtwrde anitxpwz nzngya'-krde.
A' neipz' nimu amrlx kcng tzrlatrpzng bade.

Sam 3

Nou Nzarlaxngr

Nabz ne Devet kc tqyrle mzlikc tqdwasz-ngrde mrlxde Absolom.

- 1 Yawe, enqmi rngeng nzqqlu zlwzng,
X nztutitr zvz nardr ninge.
- 2 Nzrpilr mz nzyapwxiti-krdr ninge kx,
“Gct trtxpnz'ngr nzokatr-krde nide.”
- 3 A' Yawe, nim kxtubrkir-zvzle ninge.
Nim nou nzaovxio-krnge x nim kxapqtrp drtwrnge.
- 4 Delc tqrlxti-ngrbo nzokatr-krm ninge,
X ayzluome natqngc mz newz kxtr nyz'm.

- 5 Zbz mwi-angidrx mz nrckxbq
x melz-mopwc' mz nourla.
Murde aolve-angidrq ninge.
- 6 Kxmule-esz' nztu-ngalelvzlr ninge siu r enqmi,
A' trtxpn'zng r nzmwx'lr-krnge.
- 7 Murde krka'-ngrne kx,
“Yawe, Gct rnge, vzm arlapx ninge,
X katxpbz zmatq scdrng.”
- 8 Yawe, nim nou nzarlapxng,
X da kxmrlzting amrlx kabzme badr leplz nemqng.

Sam 4

Abtrpzmu Drtwrmu mz Gct

Nabz ne Devet

- 1 Gct, ayzlum nzkrka'-krnge murde dwaki-zvzme bange,
X mzlikc tqkxpu-ngrne okatrq ninge.
Delc naycng r drtwrm ninge
x naxlr-ngrme natqng.
- 2 Nimu leplz, myx' mzli kx naesakingr
nzatrkatikrmu nzamatq-krnge?
X myx' mzli kx naesakingr nzmrlzkr bamu
da kxngi brmrda x nzpokianger?
- 3 Murde nakrlzamu kx Yawe mcpdle nigr leplz
kxntubqng kx nangi nedeng.
X delc mzlikc nakrka'-ngrbo bade,
sa naayzlumle natqng.
- 4 Bzkq nabztq ngr nelzmu mailzle nimu mz alwx.
A' naaoti-zlwz drtwrmu Yawe mz nzyrbq-lrpi-krmu
mz nelvq nyz'mu mz nrckxbq.
- 5 Abtrpzmu drtwrmu bade,
X kabzmu bade da kx naaelalzmle drtwrde.
- 6 Yawe, leplz nemqng nzkqlu kx nzrpimlr bange kx,
“Myx' mzli kx namnc-zpwx-ngrgu?”
Delc tqkrka'-ngrbo kx naamrlzq nigr.

- 7 Murde mzlike tqamrlz-ngrn ninge, nzabrtz-zlwz-krnge
Myaszpxle kx dakxnzng nadr x waen mqdr kqlu.
- 8 Yawe, nim txpwz kx aolve-angidrle ninge.
Delc mzlike tqyrbq-ngrne mwi-angidrx mz nrlekbq.

Sam 5

Nivz Lrm Tubrkir-ngrde Nigr

Nabz ne Devet kx yrbzle mz Kxrmalz ngr Nzngngr

- 1 Yawe, xlrn natqnge,
X naaoti kz drtwrm.
- 2 Atutr nzkrka'-krnge, nim King x Gct rnge.
Eu, krka'bo bam.
- 3 Kxetu, natqnge navzbz bam.
**Mz nourla kang kqlu nakrka'-zvzbo bam,
 x aenzlibo natqm kxmrlz.**
- 4 Yawe, trnipwq Gct kx aolvzle da kxtrka.
X trmnc-lxblrwamu badr kxdrka'ngrng.
- 5 Leplz kx nzglqpx-lzbqng trtxpnz'ngr
 nzmncr-krbzlr bam,
**Murde px-ngrn nzrmcngr leplz kx
 mrlz-zvzbz badr nzalengr alwx.**
- 6 Odatiq leplz kx nzpokiang,
X pxtpx-zvz-ngrn kxnzrnibqng x nzyrlqbrting.
- 7 A' mz nzaodu-zvz-krm, delc navztr-ngrne Makxtrdau,
X nayznguobo mz nzamatqngr nim.
- 8 Yawe, mailz ninge mz nqm qrm kxtubq
 murde enqmi rnge nzkqlu-zlwzng.
X aelwa-angidr-ngrm me pnz' drtwrm bange.
- 9 Enqmi rngeng trnzkrzlru nzrpinger da angidr.
 Mz nabzdr la nzodangr txpwz.
**X mz drtwrdr la zbrtu x zmibi.
 X nzmrlzti-tpwzng da mz nzymne-krdr.**
- 10 Gct, plzpx alwx ngrdr x ayrplapx nidr,
 mz nzprt-mou-krdr mz trtxki scdr.
**Mapulrpxngr nidr mz nzkqlukr alwx ngrdrng,
 murde nzlekirpx-zvz-ngrdr nim.**

- 11 A' leplz amrlx keng tzabtrpzlr drtwrdr bam naabrtzng.
X nangr-along mz nzalalz-krm drtwrdr.
Tubrkirngr kxnmrlztilr nim murde nabilvzlr nim.
- 12 Yawe, amrlzq kxntubqng.
**X nivz lrm tubrkir-ngrde nidr nzapu-krde
temz ngr lomr ngr nelz kc tqyrputrngr nipna'.**

Sam 6

Drlr Mzke'

Nabz ne Devet kx yrbzle mz Kxrmalz ngr Nzngngr

- 1 Yawe, kxmule-esz' drtwrm ngya',
A' bzkq planatiq ninge x ayrplapxq ninge.
- 2 Kxetu, naycng drtwrm ninge murde yangrngapex.
X axplr mou nrkrdrdqng murde yagox-zlwzx.
- 3 Bztipex nzcxpungr.
A' memule naaenzli-alopex nim?
- 4 Yawe, tekqtr drtwrm x arlapx ninge,
Mz nzaodu-krm kc tqyc tqyc.
- 5 Murde mz nzbzng trpengr nzglqlzng nim.
X mz gq nzangio-krnge nim kc tqyrkrpxpebz.
- 6 Drtqng mewepe mz nzkrka'-zvz-krbo bam.
**X mz nrckxbq kang kqlu, nqni x pilo pnzng
nzlrpr-atwrnr-ngrdr drlr mzke'.**
- 7 Mzke' vactxtrpebz x tropxpeu,
Murde nzyrni-krnge lc nznngibatrp enqmi rngeng.
- 8 Nimu leplz kxdrka'ngng amrlx, dwaszpeamu ninge!
Murde Yawe lalztq-rpemle nzyrni-krnge.
- 9 Xlrpemle nike rlx tibo,
X sa naayzlumle natqng.
- 10 Enqmi rngeng sa drtqdr namya' x namncakalqng.
X napwekilvc-ngrdr nzmrapulrngr nidr.

Sam 7

Yawe Jzsle Nztubqkr Leplz E Nzvz-rbr-krdr

*Nabz ne Devet kx ngr-ngrbzle mz Yawe
mzlikc Kus nqvitr Benjamin tqatrkatl-ngrde nide.*

- 1 Yawe, Gct rnge, arlapxbz ninge
mz mq ncblo kcng tzayotilr ninge.
Murde nim merlakitrx.
- 2 Murde bzkq nzkvztilr drtqngc mz nzapu-krdr laion,
X nzkilznedr ninge me trpnz'ngr kx naokatrle ninge.
- 3 Yawe, Gct rnge, nike ale-rbrx?
Mqngc alele dq da kxtrtubqu?
- 4 Myx' kxmule, alebo dq da kxtrka badr kztengeng?
**E atrkatix dzbede nengeng
mz nzarlapx-krngc enqmi rgrng?**
- 5 Nzmu kx tqmule lcedc, sa tqmrlz nzrlr-krbzme
mz enqmi rngeng
**Nzmaneuti-krdr ninge nzapu-krdr kuli
x nzlolvz-krdr ninge.**
Natabrtilr ninge x nzrnrbtliolr ninge mz drtc',
X nzayrbqtxdr namz rngc.
- 6 Yawe, tumilzm zngya'
x tukirpxbz leplz kcng tzngya'ti drtwrdr ninge.
**Okatr ninge
murde yrlqpeq mzli r nzrjzs-krm leplz amrlx.**
- 7 Ayrlwr-ngalelvz nim leplz mz nrle tulvzo
Mz nzaolve-krm nidr Heven.
- 8 Yawe, nim kx rjzs leplz mz nztubq-krdr x nzvz-rbr-krdr.
**Pipxbz kx mnctr-angidrbo mz mzp
murde nabzngc opx x lq.**
- 9 Aesaki nqm qkrdr kxdrka'ngrng
x tu-zvzbz mz nibr kxnztubqng.
**Murde nim kxtubq-esz'ngr
x obqplxq nabz x drtwr leplz.**
- 10 Gct kxmyatxlz, nim temz ngr lomrngc
Kc tqarlapxle nekeng nabzdr lq.

- 11 Nim kxrjzs kxtubq,
X pipxq kx takitrde nzayrplapxngr kxnzvvz-rbrng.
- 12-13 Nzmu kx trztetekqtrlu nqmq krdr kxtrka,
sa nayrlamzq tokir vea scm,
**X nalalvzq popa' scm mz nzpnz'-krm nidr
mz nipna' kxngc'.**
- 14 Kxdrka'ngrng nzpetilr rtq da kxtrka.
**X lvlclzm nou nzodatingr.
X nrade yrlqbzle ngi nzpokianger.**
- 15 Trtxki kc tzamwiti-ngrdr leplz kzbleng,
Sa naprtz-mou-ngrdr.
- 16 Drtwrngr nzxkpungr kc tzyrlqbrti-ngrdr leplz,
sa nangq-moule nidr.
X nzodangr kc tzalelr sa naetq-moungr drtqdr.
- 17 Nangrx mz nzglqlz-krnge Yawe kc tqmyalz-esz'ngr!
X naawibo bade murde tubq-esz'ngr!

Sam 8

Drtwr Kxrpax

Nabz ne Devet kx yrbzle mz Kxrmalnz ngr Nzngngr

- 1 Yawe, nim Kxetu rgr.
Drtqm myalz-esz'ngr mz nrle tulvzo.
X zluli rm myaszlzle bongavz.
- 2 Nzvz-nqblq-krde me pnz' drtwrm,
mzlika doa kxnztopwzng tzglqlz-ngrdr nim,
**Natqdr ailvzole nzrpibqtikr enqmi rmqng
x awx-nabule nidr.**
- 3 Kxrpax, mzlike tqobqlz-ngrne mz bongavz,
Mclzx zluli r temz x vri kcng tqwz-ngrnqng.
- 4 A' memule tqmatq-ngrgr mz drtwrm?
**X memule tqmrlzti-ngrn mrlx leplz?
Murde nigr leplz txne.**

- 5 Nzwz-krm leplz vzo kxpihz mz lr heven,
X alaobzme mz nardr kraon kxluli x matq.
- 6 Nidr king ngr da amrlx kcng tqwz-ngrn,
X kabzme badr zmatq ngr nzaolve-krdr nrlc.
- 7 Nidr kx nzaolveir animol kxnzyamqmq,
X kx drlr-ngrng.
- 8 X nidr kxnzetu r kio x nc,
X da amrlx kx nzwrneng prla.
- 9 Yawe, nim Kxetu rgr,
Drtqm myalz-esz'ngr mz nrlc tulvzo.

Sam 9 x 10

Nztaokr Kxdrka'ngrng

Nabz ne Devet kx yrbzle mz Kxrmalz ngr Nzngngr
 Kzdz Nabz ngr A, B, C

- 1 **A**wi Yawe! Naglqpx-atwmnr-ngrne nim.
Ale-zvzq dakcng tzkctipxng x napixng.
- 2 **A**ngrlvzx drtqm.
Bilvzx nim kc tqmyalz-esz'ngr.
- 3 **B**rngzvxix nzyzlukr enqmi rnge mz nzmc-krde nim.
Bz x tao-ngrde nzu lrm.
- 4 **C**lveti-lzbqx x rpiq kx tubqx.
Clveq x jzsiq da amrlx mz nzwxbuo-krme mz tron.
- 5 **D**alr nrlc nzmailzlr kxdrka'ngrng.
Delc naplanati-ngrn nidr x
Drtqdr naamrbtx-alobzme.
- 6 **D**oa ngr alwx lcng nzyrkrtrpeng.
Enqmi rngeng trpengr nzdcpx-krdr mz drtwr leplz
 x mztea nyz'dr amrnzpeq.
- 7 **E**u, a' Yawe, ngini-alom King.
Elalvzx nzwxbuo-krme mz tron nyz'm
 mz nzejzs-krm kxtubq.
- 8 **E**u, murde nzaolve-krm nrlc tubq-esz'ngr,
Esaklrngr nzejzs-krm leplz.

- 9 **G**ct, tubrkir-ngrbz nekeng nzobqszong.
Glxx kx nim menzrlakitr mzli kx prtzngr da.
- 10 **G**ct, nekeng nzkrzlzr nim nzabtrpzlr drtwrdr bam.
Itoto x doa amrlx keng tzrtangtilr nim,
trmrbtrru mz drtwrm.
- 11 **I**toto x nigu amrlx napipxbzku badr kxnmnc-mrbrng
dakeng tqale Yawe.
Jerusalem ngi mzteadau nyz'de kc tqrjzs-ngrde.
Naangrlvzku nide.
- 12 **J**zsle nekeng nznibqting leplz
mz nzayzlu-krmopwzle badr dakeng tqtrka tzalelr.
Kxnmncng mz drtq kxetq, sa naayzlu-kzpzle
nzyrni-krbzng.
- 13 **K**xetu, naye mz drtwrm ninge
x mcom kxmu nzaetq-krm enqmi rngeng drtqngc.
Kxrpax, bzkq rlrpx-ngrn nzbz-krnge.
- 14 **K**xarlapx, naelalz-ngrm drtwrnge nzarlapx-krm ninge.
Leplz kxkqlu Jerusalem naxlrlr nzglqlz-krnge nim.
- 15-16 **L**alztqamu! Yawe aelwapx-lzbqng
mz nztubqkr nzejzs-krde.
Lr drtqbr nztao-moung mz gq kx nzekqtilr.
Mz br kx nzatu-kapqlr, nzdwatr-moung elr.
Mz trtxki kx nzamwilr,
kxdrka'ngrng nzprtz-moung elr.
- 17 **M**z nzesablqtikr leplz ngr drtqbr Gct,
Nidr amrlx ngrdr nabz-ngrdr.
- 18 **N**ekeng nzxpung trtxpnz'ngr nzmrbtitrkr
drtwr Gct nidr.
Nzobqtipxngr kxtrnzngiscung
trtxpnz'ngr nzbtxpx-krde.
- 19 **N**atulzme Yawe, mz nzjzs-krm lr drtqbr amrlx.
Naelwapx-ngrn kx drtwr kxnzetung amrlx
ngi brmrda.
- 20 **N**amwx'lrtilr x namyatitrlr nim.
Nakrlzlr kx nidr leplz txne, x sa nabzng.

- 1 **Opxm** kx mncme rlr, Yawe.
Opxm kz kx mnc-kapqq mzlike tqkxpu-ngrgr.
- 2 **Obqm!** Kxdrka'ngr glqpx-lzbqmile
nzayoti-krde leplz kxnzkxpung.
Pnz' drtwrnge kx namua'ti-lzbq mz br scde.
- 3 **Pipxle** kx nzaotikr drtwrde da kxngangr
ngi da kxmrlz mz nzbilvz-zvz-krdele.
Pivxile Yawe x pxtxpx-ngrde nide,
a' amrlzle leplz kx nzipakqlung
- 4 **Rblx** nzrtangrti-krde Gct murde glqpx-lzbq.
Rblx nzmcti-krde Gct
murde mz drtwrde trtxpnz'ngr Gct.
- 5 **Rlr!** Xplrmi-zlwzle nqm qkxrka,
a' pxtxpx-ngrde me pnz' drtwrm.
Suti txpwz drtwrde nzyrpalelvzngr enqmi rdeng.
- 6 **Sc** tqrpile kx, “Trpnz'ngr da kxrka kx naprtzm bange,
X trpnz'ngr nzodatingr ninge kalr.”
- 7 **Sc** glqlz-zvzle alwx x nzipokianger.
Natqdeng amrlx ngi dalr nzipikitingr,
nzipibqtingr, x nzipilzngr.
- 8 **Trka** nzmnc-kapq-aepztr-krde mz mztea
mz nznribq-krde kx nabzdr lq.
Tqtu x tqaenzlile ncblo kxes'nebz.
- 9 **Tqtu-kapq** apule laion kc
Tqtcngzpxm mz gq nyz'de
mz nzkivzti-krde ncblo kxyangnga.
- 10 **Vz zvz** nzxplr-zlwz-krde.
Vz zvz nzayangnga-krde kxnzkxpung.
- 11 **Vz** rbr drtwrde kxdrka'ngr kc tqrpile kx,
“Gct trobqpepwq bange.
Wzx a' trkrlzleu dakeng trka tqalex.”
- 12 **Wztitxpbz** Yawe nzwzkr kxdrka'ngr,
mz nzayrplax-krm nide.
Wairdele bzkq mrbrtr mz drtwrm kxnzkxpung.
- 13 **Wairdele** kxdrka'ngr pxtxpx-ngrde nim.

- X rpile kx,**
“Gct trtxpnz'ngr nzayrplapx-krde ninge.”
- 14 **Xlqkqamu nimu kxdrka'ngrng**
 murde Gct mele da kxtrka lcong amrlx tqaleamu.
X oliqtile nzokatr-krde kxnzkxpung
kcng tzrtangrtilr nide.
Xlrle nidr murde nide kc tqokatr zvx kxnzobqszong.
- 15 **Yawe, katxpxbz zmatq scdr kxdrka'ngrng.**
Yrpalelvz nidr x ayrplapxng mz da kxtrka
kcng tzalelr, navz x naesaki zpwx.
- 16 **Yawe, nim King.**
Yc zvx nzaolve-krm nrlc.
Yrlqtxpx mz drtc' nyz'm nekeng trnzangiolru nim.
- 17 **Zmatq ngrm etu murde krlzpeq**
 nike nzrlxtibz kxnztubqng.
Zbq kalvz axplr-zvzq nidr
x kabzme badr nike nzrlxtilr.
- 18 **Zbo ngr leplz kxnzobqszong x kxnzkxpung**
 sa naarlapxq nidr mz zmatq sc leplz mz nrlc ka.
Zmwx'lr amrlx sa naesakiq zvx.

Sam 11

Yawe Nide Merlakitrx

Nabz ne Devet kx yrbzle mz Kxrmalrz ngr Nzngngr

- 1 Kztengeng, Yawe nide merlakitrx.
A' myx' kxmule rpiamu kx,
“Ngrlrlz mz newz mz nzrlapx-krm.
- 2 Murde leplz kxdrka'ngrng nzmnc-kapqti-zvzlr
 leplz kxnztubqng,
Mz nzpnz'-krdr nidr mz nipna'.
- 3 Trpengr da kx naabrkitrku drtwrgu,
X nigu kxnabzdr lqngi, trpengr da kx naaleku.”
- 4 Bzkq kxmu nzymne-krmamu lc bange,
 murde Yawe kc tqmncbe Makxtrdau nyz'de,
X sc tqwxbuobep mz tron nyz'de Heven
mz nzobqplx-krde nabz leplz amrlx.

- 5 Yawe sc tqobqtr-zvz
mz nzmnekr kxnztubqng x kxdrka'ngrng.
X px-ngrde nzrmcng kxnzrnibqng.
- 6 X mz nzayrplapx-krde nidr, sa nartctio-ngrbzle badr
muli rplz kxngc' naapule nzdckr tewa.
X sa naabxwqtileng mz nzulr nenq kxpq.
- 7 A' nekeng nabzdr lqngi sa namncng badr,
Murde Gct tubq-esz'ngr x mrlz bade da kxtubq.

Sam 12

Da kx Ngangr Mz Nrlc Tulvzo

Nabz ne Devet kx yrbzle mz Kxrmalil ngr Nzngngr

- 1 Yawe, okatrpq ninge
murde trpengr kxrlxngiti-angidr kx mnc mzlika.
**Murde mz nrlc tulvo leplz kxnzmrlzng
nzayrkrtrpeng.**
- 2 Leplz amrlx mz nrlc nzapokiati-lzbqng.
Nzalqngitilr nzymnengr mz drtwr kxxlva.
- 3 Rlxtibo bam nzaesakiq natq leplz kxnzpokiang,
X odati nidr mz nzglqpx-lzbq-krdr.
- 4 Nidr kcng tzipilr kx, “Nacgr naletwz-tpwz
mz nztwz-krgr da kx suti-drtwrgr.
X trpnz'ngr kx naetum bagr.”
- 5 A' Yawe rpile kx,
“Mcpex nzaetq-ngrbz drtq kxnzkxpung,
X nztangigxkr kxnzmua'ti drtwrng.
Delc naalepe-ngrne da mzlika.
Naarlapxx nidr dakc tqwai nzsutikr drtwrdle.”
- 6 Yawe, awibzkr bam x abtrpzkr drtwrgr mz natqm leng.
Murde natqm amrlx ngi daangidr x tubq.
**X nzopx-krdr apule silvz
kc tqayrleni-ebirngr mz nyr.**
- 7-8 Kxmule-esz' leplz leng trmyangru drtqdr
nzglqpx-lzbqngr,
X nzrglqlzng da kxngangr mz nrlc tulvzo.

A' lxngitkr kx sa naaolve-angidrq nigr,
X natubrkir-zvz-ngrbzme nigr
mz leplz kxdrka'ngr lcng.

Sam 13

?Yawe, Naaenzli-alopex Nim?

Nabz ne Devet kx yrbzle mz Kxrmailz ngr Nzngngr

- 1 ?Yawe, myx' kxmule? ?Namrbtitr-alope drtwrm ninge?
?Namnc-rlru-alopeme bange?
- 2 ?Nelznge navzdz-alopem?
?X drtwrnge navz-alope?
?Namnc-lz-alopebo mz zmatq sc enqmi rngeng?
- 3 Yawe, obqm bange x ayzlum natqnge.
Ka-moup bange nzxplr-krnge murde mz tqbzx.
- 4 Bzkq rlr-ngrbzme mz enqmi rngeng
nzpi-krdr kx nzaovxiopelr ninge.
X bzkq rlr-ngrbzme nzabrtzlvz-krdr
nzrnrecti-lzbq-krnge.
- 5 Murde abtrpo drtwrnge bam
mz nzaodu-krm kc tqyc tqyc.
X sa naabrtz-zlwzx mzlikc naarlapx-ngrn ninge.
- 6 Yawe, sa nangrbo bam murde amrlz-zlwzpeq ninge.
Mz da amrlx kx kame bange, sa nangrbo bam.

Sam 14¹

Nzngqngukr Kxtrnzrlxngitiung, No. 1

Nabz ne Devet kx yrbzle mz Kxrmailz ngr Nzngngr

- 1 Leplz kxnzngqngung mz drtwrdr nzrpilr kx,
“Trpnz'ngr Gct.”
Leplz lcng nzpwxlvipeng
x nzale-tpwzng da kxngangr.
Trpnz'ngr kx ale da kxtubq.
- 2 Yawe mncom Heven, x sc tqmcomle leplz amrlx,

¹ Nalr Sam 14 x Sam 53 kxnzmulr esz' a' ngi tpxwz nalr 14:5-6 x 53:5 kx blepxngr.

- Mz nzmc-krde neke yrplapx x rtangrtile nide.**
- 3 A' nzesablqtilr Gct amrlx ngrdr
x drtwrdr esz'ti mz nzale-krdr da kxtrka.
Trpnz'ngr nidr kxes'z' kx ale da kxtubq.
- 4 Delc tqrpinger Yawe kx, “Leplz lcnq tztrkang
nznibqtitxdr leplz nengeng
nzapulr kx nznribqng da kx nangqdr.
**X mrbrtr mz drtwrdr nzkrka'-krmlr bange.
?Myx' kxmule, trnzkrizlru da kxtubq?”**
- 5 A' narngidrtio-lzbqng x namwx'lrivzti-lzbqng,
Murde Gct tedr badr kxnztubqng.
- 6 Vz zvz nzlekirpx-krdr me pnz' drtwr kxnzrlxngiting.
A' Yawe tubkir-zvze leplz nedeng.
- 7 Sutitx zlwz drtwrnge kx Gct rgu ke tqmnc Saeon
naarlapxle leplz nedeng.
**Murde mzlikc nayzlu-mou-ngrmle
namnc-zpwxku bade, nigu lr Israel
sa naabrtz-ngrgu mz drtwr kx elalzm.**

Sam 15

Doa kx Tubq mz Mz Gct

Nabz ne Devet

- 1 Rpix kx, “?Yawe, neke navztrpz Makxtrdau nyz'm?
?X neke takitrde nzangio-krde mz newz kxtr nyz'm?”
- 2 X rpimle kx, “Navz-nqblqq natq lcde seng:
Nabzm nalqngi.
Nqmq krm natubq. X natqm nangi daangidr.
- 3 A' bzkq rpibqtiq leplz. Bzkq atrkatiq kztem.
X bzkq pikitiq kxnzesotrpzng bam.
- 4 Napxtpx-ngrn kxdrka'ngrng.
A' amatq kxnzmyatitrlr ninge.
Atutr-zvz nzesalz-krm,
Kxmule-esz' rblxbz bam.

- 5 Rlxti kxnzamnzomzleu kx takitrde trau scm.
Bzkq pokiatitrq mrlx kxtubq,
kxmule-esz' leplz nzmulr naxpelr nim.
Doa kx vz-nqblqle natq lcong sa natu-amqngi zvz.”

Sam 16

Drtwr Ngr Nzlungr Angidr

Nabz ne Devet

- 1 Yawe, tubrkiingr ninge,
Murde nim kx abrkitr x drtwr nge.
- 2 Nim Kxetu nge
X nou da kxmrlz amrlx kcong tqngi scngeng.
- 3 Lepz nem kcong tztrng mrga ma nrlc,
Nidr kxnmialzng x mrlz bange nzmnc-krgr badr.
- 4 Nzxpukr nekeng nzangiolr gct kzbleng
sa nartxlvzlvz zvz.
A' ninge trnaangiowxu gct rdr
mz nzkrka'-krbo badr,
X trtxpnz'ngr nzpulio-krnge mepyr mz clta nyz'dr.
- 5 Yawe, apume bange drtc' kxmrlz nyz'nge
x tzme bange lrpzki kx naozlix.
X nzlu-krnge yctrpz bam.
- 6 X mrlzm bange me ngi bz ngr da kx katimeng
x da kx trkatipwe'u bange.
Murde mrlzm bange da amrlx kcong tqkatimeng
mz nzngini-krme bange trtenge.
- 7 Yawe, naglqlz-zvz-ngrne nim nzmailz-krm ninge.
X mz nrlckxbq aopxme nabzng
mz nzaongr drtwr kxmrlz.
- 8 Depx zvz mz drtwr nge nzmnc-zvz-krgr.
X trpnz'ngr da kx naaycngrlrle ninge
murde tu-zvzme mz nibrnge.
- 9 Delc nabzng tqabrtz-zlvz-ngrde
x drtwr nge tqelalz-ngrmle.
X tqmnc-zpwxpe-ngrne.

- 10 Murde trlrpx-ngrwq zmatq ngr nzbzngr
nzlolvz-krde ninge.
X tramnctx-esz'ngrwq ninge, ncblo kxtr nem, mz gq.
- 11 A' aelwa-zvz-ngrm bange drtwr ngr nzlungr angidr:
Nzabrtz-zlwzngv vzpxm mz nzxngi-ngrbz nim.
X da kxmrlzting nzvzpx-zvzmqng mz mqm.

Sam 17

Sa Namclx Mzp

Nabz ne Devet

- 1 Yawe, lalztq-ngrm nzrlxti-krbo nztubqng.
**Xlrm natqng murde nzkrka'-krbo bam trvzpxp
mz be naonge, a' vzdz-zpwxm mz nabzng.**
- 2 Mzlike narjzs-ngrn, nangi nim nrlarde nyz'nge,
Murde nim kx rkrlz nike tubq.
- 3 Krlzpeq nzaokrnge drtwrge x obqplx-zvzpeq nabzng
mz nrlckxbq. A' trpnz'ngv da kx vz-rbr kx rmctiq.
**X mqngi mz nabzng
kx naonge trnaakawi-rwxu alwx.**
- 4 Trvz-nqblqwxu nqm q ngr nzrtultrngv,
dake tzwai kzdung leplz.
Murde vz-nqblq-zvzx natqm.
- 5 Ozli-zvzx lrpzki rm,
X nanycngv trmiglpqxu.
- 6 Gct, krka'bo bam murde krlzq nzlalztq-ngrm bange.
Kxetu, xlm natqng.
- 7 Delc naaelwangr-kzpe' bange nzaodu-krm kc tqyc tqyc.
**Mzlike tzrlatr-ngrbz leplz bam,
arlapxq nivr mz enqmi rdrng.**
- 8 Aolve angidr ninge naapule dztum
kx matq-zlwz mz drtwrm.
**X amnc-kapqbz ninge dake tqwai kio,
nzwxbulvzo-krde neideng.**
- 9 Murde bzkq kxdrka'ngvng nzlolvzlr x nznibqlr ninge,
Mz nztu-ngalelvzpe-krdr ninge.

- 10 Trpnz'ngr nzrycng r mz drtwr kx ycbz badr.
X nzglqpx-lzbq-zvz.
- 11 Trpengr nrlarde kx navzkix,
murde nzmnc-ngalrlvzpelr ninge.
X tzrmcpnxg mzli kx naayangrnga-ngrdr ninge.
- 12 Nzapulr laion, tzaenzli-kapqlr
Mzli kx nadwa-ngrmlr mz nzpesaliti-krdr ninge.
- 13-14** Yawe, otaamu badr enqmi rngeng x aovxiong.
**Kapxm ninge mz mq kxdrka'ngr leng
mz zmatq ngrm.**
Arlapx ninge x ayrkrtrtr nidr.
Murde nzabrtz-krdr yc txpwz mz nrlc ka.
Ayrplapx leplz ngr nrlc mz zvetq
kc tqoliqtiq nakabzme badr.
**Ka-zvzbz ngrjzxng r lc, navz navz nakrlzbzle doa
nedrng x doa ne doa nedrng.**
- 15 A' mzlike natulzng-rmopwo' sa namclx mzp
murde tubqx.
X sa naabrtz-zlwz-ngrne nzmnc-krbo bam.

Sam 18

Yawe Nide Temz ngr Lomr

*Nabz ne Devet, ncblo ne Yawe, kx yrbzle mz Kxrmailz ngr Nzngngr,
mzlike Yawe tqarlax-ngrde nide mz zmatq sc enqmi rdeng x King Sol.*

Nqm q kr Yawe

- 1 Yawe, mrlztix nim
Murde axplrq ninge.
- 2 Nim Gct rng. X nim butqbr kx rlakitr.
Nim lrpalc nyz'ngc peto.
X Mevalu rngc kx arlapxle ninge.
**Nim nou zmatq scngc apule temz ngr lomrngc
kc tqyrputrngr nipna'.**
- 3 Kqle-zvzx nim kc tqtakitrde ngrglqzng,
X vzme arlapxq ninge mz mq enqmi rngeng.

Nzkrka'-krnge

- 4-6 Yawe, mzlika tqkxpu-ngrne kqlex nim
mz nzokatr-krm ninge.
Murde ycpe pipz nzbz-krnge
Mz nzmrvlvzkr zmatq ngr nzbzngn ninge,
Mz nzpe-amqngi-krde ninge.
X krlzx kx sa naxlrme ninge mz Makxtrdau nyz'm,
Mz nzayzlu-krme natqng.

Zmatq ngr Yawe

- 7 Mzlikc Yawe tqkaputr-ngrmle,
zmatq ngrde kx myalz apule nengq.
Nrlc ycngrlr-atwrnrngr x wai-kzle ncu newzng.
Murde Gct ngya'ti zlwz drtwrde enqmi rngeng.
8 X natqde apu-kzle trmami kc tqyrpupx.
X ncte vzpx-ngrm zsikapu.
X naode rlxpx-ngrm nyr x rplz kxpq.
9 Lvpxple bongavz,
X vzom tuom mz dcbz kx botapz'.
10 X kzdq enjrl lvcmio-animle nide.
Mz nzrtwz-krdr nenq.
11 Nzlo ngr zbo ngr tewa
Apule lrpz kx mnc-kapqpx-ngrmle.
12 X aelwapxle zmatq ngrde mz zyzlr kxluli.
Mz nabz zbo bzlrpc tqpctipx
x muli-aes tqrlxtiom vzmi rplz kxngc'.
13 Yawe myatxlz-esz'ngr, ngi batrpzle nzyrpupxkr brlrmei.
X natqde nzxlr-ngale mz nrlc.
14 Rpnz'-ngrbzle nipna' x aodalitile enqmi rngeng.
Vz-nqblqzbz bzlrpc x nzvo-alo-ngrdr.
15 Mzlikc Yawe tqplanati-ngrde enqmi rngeng,
Natqde apzlmle meboo-ngrng,
X atu-lxlr-ngrde ncu nrlc.

Nzarlapxkr Yawe Ninge

- 16 Yawe rtrngztiomle ninge mz nzokatr-krde ninge
Apule kx veclzmle ninge me boongr prla.

- 17 Kxmule-esz' yangrngatrho mz nzxplrkr enqmi rngeng,
A' sc tqvz zvz nzarlapx-krde ninge.
- 18 Nzvzmqng mz nzota-krgr badr
 mzlike tqprtilz-ngrde ninge nzkxpungng.
A' Yawe sc tqtum mz nibrnge.
- 19 Mailzle ninge me nzmnc-zpwx-ngrne,
X arlapxle ninge, murde abrtzlvzle ninge.

Nzvz-nqblq-krnge Yawe

- 20 Yawe rka-zvzm bange da kxmrlz murde alex da kx tubq.
X amrlz-zvzle ninge murde nabznge lqngi.
- 21 Vz-nqblq-zvzx nqm q kr Gct rnge,
X tresablqtiwxu nide.
- 22 Yrlq-angidrx Lou kxtr scdeng,
X aoti zvz drtwrnge natqdeng.
- 23 Trpwxlvileu nzmnc-krnge,
X yrlqpx-lzbqng mz nzalengr da kx vz-rbr.
- 24 Mzlika rka-nrbalq-zvzm bange da,
Murde ale-zvzx da kx tubq x nabznge lqngi mz mzte.

Yawe Badr Lepz

- 25 Yawe, yrlq-zvzbz natqm
 badr nekeng nzyrlqbzlr natqdr bam.
Amrlzq nekeng nqm q krdr mrlz.
- 26 Lqngibzme badr nekeng nabzdr lqngi.
A' lolvzq mz br scm nekeng nzryrlqbrting.
- 27 Avzdzq nekeng nzavzo-lzbqng.
X avzoq nekeng nzglqlz-lzbqng.
- 28 Yawe, nim zyylr rnge
Kx yzlrn bange mz nzlo.
- 29 Gct, rka-zvzme bange zmatq
 ngr nzota-krgr badr enqmi rngeng.
X axplr-zvzq ninge
mz nzdwa-ngalettr-krbo nabxbz ngr lrpalc nyz'dr.

Nzmyapxkr Yawe

- 30 Nqm q kr Yawe tubq-esz'ngr, x natqde ngi da angidr zvz.
X nginibzle lrpalc nyz'dr nekeng nzrlatrpzng bade.
- 31 Yawe txpwz kx ngi Gct angidr,
X nide txpwz kx ngi butqbr nyz'gu.

Kxokatr

- 32 Nide Gct kc tqaxplr-zvzle ninge,
X tzbzle lrpzki rnge kxtubq kx naozlix.
- 33 Axplr-zvzbzle nanycnge
Mz nzvzne-krnge mz nartrkla ngr newz.
- 34 Alvztrple bange nzrpnz'ngr,
Murde nakrlzx nzryrcngr nalrpopa'.
- 35 Yawe, apume bange temz ngr lomrnge
kc tqyrputrngr nipna'.
X zmatq ngrm ngi popa' lr nibrnge.
Vzome murde namyalzx.
- 36 Tubrkir-ngrn ninge,
delc trtzlolvz-ngru enqmi rngeng ninge.
X trnzatapulro-ngrdru ninge mz drtc'.

Kxaovxio

- 37 Maneux enqmi rngeng,
Vz vz x lolvzxng amrlx mz nzodati-krnge nidr.
- 38 Tzx nidr, vz vz x nztaong amrlx mz drtc'.
X trpnz'ngr nidr kx tulzm.
- 39 Nim kx axplrle ninge mz nzotangr.
Delc tqaovxio-ngrne enqmi rngeng.
- 40 Nim kx rngi batrpq nzdwaszkr enqmi rngeng ninge,
Murde naodatix nekeng nzpx-ngdrdr ninge.
- 41 Nzbztilr nzyrningr kx naokatrng. Nzqqler Yawe.
A' trpnz'ngr kx arlapxle nidr.
- 42 Wibrtix nidr, vz vz nzapulr bq kc tqtwz nenq.
X rnrbrtix nidr, vz vz nzapulr dxlrbi ngr lrpzki.

King KxmcpX Yawe

- 43 Arlapxq ninge mz mq leplz kx nzmua'ti drtwrdr ninge.
X yrlqq ninge nzaolve-krnge drtqbrng,
Murde lr narnrlc namnclzmqng mz zmatq scnge.
- 44 Nzyznguomqng bange
X nzvz-nqblqlr natqng.
- 45 Nzrnrcitr-lzbqmng bange.
Nzprpxmqng mz lrpalvc nyz'dr.
X nzmetxmng bange.

- 46 Yawe, nim Gct kx lu.
 Glqpxx nim murde nim butqbr nyz'nge.
Glqlz-zvzne nim murde arlapx-zvzq ninge.
- 47 Nim kx ayrplapx-zvzle enqmi rngeng.
X okatr-zvzq ninge mz nzaovxio-krnge lr drtqbrng,
- 48 Mz nzarlapx-krm ninge mz mqdr.
 Yawe, ngi batrpe' nzaovxio-krnge enqmi rngeng.
X tubrkir-ngrbzme ninge mz ncblo kx nzota-zvzng.
- 49 Sa naglqlzx nim mz mzlir leplz lcong,
Mz nzangrlvz-krnge nim.
- 50 Yawe, ninge Devet, king nem,
 x okatr-zvzq ninge mz nzaovxio-krngeng.
Aodu-zvzq ninge kc tqmcpqxq
x nqvi krbangeng, tqyc, tqyc.

Sam 19

Zyzlr ngr Bongavz x Nzryrngrkxtr

Zyzlr ngr Nepi, Temz, x Vring

- 1 Zluli r Gct nzmc mz bongavz,
X dalr bongavz amrlx.
- 2 Mz nrlckxngrlx, nepi aelwapxle zmatq rde.
X mz nrlckxbq, zluli rde nzmc mz temz x vring.
- 3 Kxmule-esz' bongavz trpnz'ngr naode x nepi trycmneu,
X trpnz'ngr natq temz x vring kxnztwz,
- 4 A' nrpa scdr vzpx x krlzbzle leplz amrlx mz nrlc tulvzo.
Gct yrlqbzle nrlckxbq ngi ma nyz' nepi
kx mwipx-ngrmle.
- 5 Mz nourla, nzvzpx-ani-krm nepi ma nyz'de
 apule nzabrtzkr ncblo kx yrlz ate.
X apu-kzle ncblo menrpa kc tqoliq mz nzesangr.
- 6 Nepi lc prtzm mz nznglrl-krde mz bongavz,
 X yzylr ngrde yzlrom mz da amrlx.
Ngr'lr x krlzbzle nrlarde kc tqtakiole.

Zyzlr ngr Natq Yawe kx Pnamilxtile Nabz Leplz

- 7 Nzwzkr natq Yawe nide sele:
 Ammale nzlukr nabz leplz mz nzmrlzvxi-krde.

- Akrlztrle kxnzngqngung murde trycngrlru.**
- 8 Aelalzml drtwr kxnzrvz-nqblq mz nztubq-krde.
Aelwapxle da kx yc-kapq mz nzobqplx-krde nabz.
- 9 Nzrmyatitrngr Yawe tqyc tqyc murde lq-esz'ngr.
Natq Yawe esaklrngr murde da angidr zvz.
- 10 Delc nzsutikr drtwrnge natqde namyaszpxle trau kxkqlu,
Murde vzpx-ngrm nzabrtzngr
kx myaszpxle dakxnzng kcng tqbrngzvxi.
- 11 Mz nzvz-nqblq-krnge natqde,
aelwapx-ngrmle bange da kxmrlzting.
X mz nzlalztq-krnge mz natqde,
atubqtime nzmnc-krnge.
- 12 Kxetu Yawe, ipq ninge
mz alwx kznikeng yc-kapqtrp bange,
Murde rblxm bange nzglx-krngelr.
- 13 X lolvz-amqngi ninge murde bzkq vz zvz nzale-krnge
alwx kcng tqotr ngr drtwrnge nzale-krngele.
Murde nabznge nalqngi x natubqbo mz mzp.
- 14 Yawe, nim butqbr kx rlakitr.
Krka'ngrne kx natqnge x nabznge
navz-nqblq-zvzlr me pnz' drtwrm.

Sam 20

Nzkrka'ngr mz Nzaovxiokr King

Nabz ne Devet kx Yrbzle mz Kxrmalzngr Nzngngr

Nzkrka'kr Lepz ne King:

- 1 Yawe, nim Get r melmqgr Jekop.
Krka'ngrgr kx naayzlume natq king rgr.
Mzlike nakxpu-ngrde tubrkiropxbz nide.
- 2 Okatr nide Makxtrdau nyz'm,
X axplr nide mz Newz Saeon.
- 3 Aolvz da kx rlr-ngrbzle bam.
X naelalz-ngrm drtwrm blz kx angc'le mz olta nyz'm.
- 4 Kabz bade dakcng tquti-drtwrde,
X angidatibz nepu r drtwdeng amrlx.

- 5 X sa namalqlvzkr nzaovxio-krde.
X naglqlzkr nim, Gct rgr.
Yawe, ayzlum natqdeng amrlx. Eu.

Nzkrka'kr King Devet:

- 6 Yawe, ninge king kc tqmcpqx.
X mzlika krlzpex kx rkame nzaovxiongr bange.
Ayzluome natqnge mrla tqmnc-ngrn Heven kxtr,
X kame bange zmatq ngr nzngini-krnge ngrlrvea.
- 7-8 Kzdung leplz nzabrtrpzlr drtwrdr mz ami nedrng,
X kzdung mz dalr nzotangr.
Daldeng trnaokatruru nidr x nztaong mz vea.
A' Yawe Gct rgr, tu-amqngi-zvzkr,
murde abrtxtrpwzkr drtwrgr bam.

King badr Leplz Nedeng:

- 9 Yawe, kabz zmatq ngr nzaovxiongr mz king nem.
X mz nzkqle-krbzkr nim, ayzlum natqgr.

Sam 21

Nzglqlz-ngrbz Nzaovxiokr Yawe

Nabz ne Devet

Nzrglqpxkr King Devet:

- 1 Yawe, ninge king nem x abrtz-zlwzx
murde nzrka-krme bange zmatq.
Bilvzx nzaovxio-krbzme enqmi rngeng.
- 2 Da amrlx keng tqsutidrtwrnge, tqrlxtibo.
Nidr kcng tqkatimeng x alepemeng amrlx.
- 3 Vzpeme bange mz nzrka-krme da kx mrlzting.
X alaome mz narng kraon kxngi gol.
- 4 Rlxtibo nzlungr bam,
X kapeme bange nzlungr kxboi.
- 5 Drtqng etu mz nrlc mz nzokatr-krm ninge.
X nzamatqngr leplz ninge
mz nzarmyalz-krm nzngini-krnge King.

- 6 Da kxmrlz keng tqkatimeng bange,
sa nayc-alomqng bange.
X abrtz-zvz-ngrne nzmnc-krme bange.
- 7 Yawe kxrnr, ninge king nem x abrtzpo drtwrge bam,
Murde namnc-zpwx mz nzaodu-krm kc tqyc tqyc.

Nzrglqpxkr Leplz ne King:

- 8 Yawe, aovxio-zvzq enqmi rmqng,
X lolvztiq nidr amrlx keng tzpx-ngdr nim.
- 9 X mz nzlolvzti-krm nidr, odati-atwrnr-ngrn nidr,
Apule nyr kc tqangc'le nrle.
Yawe, miltxo-zvzq nidr x ayrkrtxtrq nidr mz nyr.
- 10 Trpnz'ngr kx rlapx mz nqvi-krbadr,
Murde nibqtiqng amrlx.
- 11 Mz nzyrlqkr leplz drtwr ngr nzota-krmu badr
Trnaangidalru drtwr kc tzyrlqlr.
- 12 Murde nzdwaszdr nim
Mz nzpnz'-krm nidr mz nipna' krmqng.

King badr Leplz Nedeng:

- 13 Yawe, glqlz-ngrr nim nzxplr-esz'ngr-krm.
X angrlvzkr zmatq ngrm.

Sam 22

Nzrlxtingrng X Nzrlxngitingrng

Nabz ne Devet kx yrbzle mz Kxrmalz ngr Nzngngr

Nzrlxtingr

- 1 ?Gct, Gct, memule tqrlasz-ngrn ninge?
**?X memule tqpx-ngrn nzokatr-krm ninge
x trlalztqwq mz nzkrka'-krnge?**
- 2 Yrni-zvzbo bam ngrlx x nrckxbq,
A' trmnc-zpwxkalx murde trayzlukape' natqng.

Nzrlxngitingr

- 3 Nim King rgr kxtr-esz'ngr kc tqaolvele nigr lr Israel.
X angio-zvzkr nim.
- 4 Melrmqgrng nzabrtzplr drtwrdr bam.
Nzlxngitilr nim x arlapxq nidr.

- 5 Nzmnc-xglelr nim x tu-zvzbzme mz nibdr.
Nzrlxbzlr nzokatr-krm nidr x angidatibzme natqdr.

Nzrlxtigr

- 6 A' leplz nzapusr-ngrdr ninge brmrda.
Nzngangr-ngrdr ninge mz nzobqszo-krdr ninge.
- 7 Nzmcpxmlr nctr bange x nzmabqtilr ninge,
Mz nzrtrnga'-ngrdr ninge.
- 8 Nzrpimlr kx, "Drtwrm abtrpzme mz Yawe,
a' trarlapxleu nim.
X trokatr-kzleu nim,
kxmule-esz' rpiq kx mrlzti-zlwzle nim.

Nzrlxngitigr

- 9-10 Yawe, yzuo mz zbq kc tzmcngr mzke' x krlzmle mzlika,
Drtwrnge abrtr-zvzbo bam mz nzngini-krm Gct rnge.
Murde nim kc tqaolve-angidrlr nzmcngr mzke',
X mz nzyq-krnge neyr lxenge.
- 11 Bzkq rlaszq ninge, murde trpnz'ngr kx naokatrle ninge,
Mz nzesotrpe-krm enqmi rngeng bange.

Nzrlxtigr

- 12 Yawe, enqmi rngeng nztu-ngalelvzlr ninge.
X nzmulr nzabzlr ninge nzapu-krdr poi kz peto.
- 13 Naodr mznem mz nzvz-krmlr bange,
Mz nzmakx-krdr ninge mz nqngidr kxmalc.
- 14 Nzexplr-krnge yrkrpxpe
apule lue kc tzpulio mz drtc' kx mingr.
Mrgcng tqxvctrngr nrvr rngeng bxplctipeng,
x nqmq ngr nabzng baonepe.
- 15 Mzli trnaboipeu mz nzbatr-krme nzbz-krnge.
Murde mewe-zvzx x drtwrnga brlxkz
apule nabr kxngi br mz nepi.
- 16 Kxdrka'ngrng nztu-ngalelvzlr ninge,
nzapulr kuli kx namaneutilr ninge,
X sc tzmaplxtipebzlr mqngeng x naycngeng.
- 17 Mclx kx ninge nrvr-nrbalqtxpe.
X nzobqsznepelr x nzyrpalelvznepelr ninge.
- 18 Nzakiti-lzbq-ngrdr nctq lrpzng,
X nzkq rnge kc boi nzayrletilr daes.

- 19 Yawe, bzkq mncme rlr.
A' vz-anim mz nzokatr-krm ninge.
 20 X arlapxbz nzlu-krnge mz mq ncblo kxayo lcong,
Mz nzmaneuti-krdr ninge mz nzapu-krdr kuli.
 21 X tukirpxbz ninge mz toki r vea scdr,
Kcng tzapulr nqni poi kz peto.

Nzrlxngitingr

- 22 Mz nzyrlwr-lxblrkr leplz nemqng,
Sa nabilvzx da kx aleme bange,
 23 Mz nzrpi-krbo badr kx,
 “Nigu kxnzww neng Yawe, naglqlzku nide!
Eu. Nigu lr Israel namyatitrku nide
mz nzamatq-zvz-krgr nide!
 24 Kxmule-esz' nigu kxnzobqszong,
 a' Gct trobqszoleu nzxpu-krngung,
Murde trpxtpx-ngrdeu nzayzlu-krmle natqgung.”
 25 Delc Yawe, naale-ngrbo blz ngr nzawingr kc tqpibo,
 mz nzyrlwr-lxblrkr leplz nemqng.
Murde nim nou nzrglqlz-krnge.
 26 X mznibrde leplz lcong sa nakrleng
 mz dakxnzng kx vzmi blz kc tqkabo.
X sa naglqlzlr nim mz nzbrtikr drtwrdr nim.
Amrlz-zvzbz nidr mz nzmnc-zpwx-krdr.
 27 Yawe, leplz ngr drtqbr amrlx sa naaoti drtwrdr nim
 mz nzplzpx-krbzlr alwx ngrdrng bam.
X neidu lcong amrlx sa naangioler nim,
 28 Mz nzngini-krm King kx matq-esz'ngr
Kc tqaolve-zvzle nidr.
 29 Delc kxnzetzung badr leplz nedrng
 sa nayznguo-ngrbzlr bam,
Mz nzavzo-lzbq-krbzlr bam.
 30 X doa negrng kz sa nawztrpzng bam,
Mzlike naxlrtr-ngrmlr bagr nrpa ngrm,
 31 Mz nzrpi-krbzkr badr kx,
“Yawe arlapx-zvzle leplz nedeng.”

Sam 23
Kxaolve Sip
Nabz ne Devet

- 1 Yawe, aolve-zvzq ninge apux sip nem.
X trtxpnz'ngr da kx mnctpx-ngrneng.
- 2 Mailz-zvzq ninge me ycngr lue x dakxnzng,
Murde naamax mrgc tqycngr nrw.
- 3 Amnaq nzlu-krnge.
**X aelwa-zvz-ngrme lrpzki kxtubq,
murde drtqm tr zlwz.**
- 4 Nctrko scm tzmle nzti bange.
X bz scm abrmle drtwrnge mz da kx prtz.
Kxmule-esz' vztrx mz nzlo,
a' trtxpnz'ngr da kx namwx'lrtix.
Murde nim Yawe, kc tqmncme bange.
- 5 Alebzme nange dakxnzng,
X aelubzme narnge tolo,
Mz mzlr enqmi rngeng.
X drtwrnge elalzm.
- 6 Krlz-angidrx kx sa naka-zvzme bange
Zmlz x nzokatr-krm,
X namnc-zvzx ma nyz'm.

Sam 24
King kc Tqmatq Vztr Makxtr mz Mzteadaw Nyz'de
Nabz ne Devet

- 1 Leplz, drtc' x dalr nrlc amrlx
Nyz' Yawe, Kxrpax.
- 2 Murde nide kc tqwz-ngrde nrlc,
X yrlqbzle prla x drtc'.
- 3 ?Mz nzaotikr drtwr zmatq lc,
neke tubqbz bade nzvzdz-krde mz newz nyz' Yawe?
**?X neke takitrde nzangio-krde nide
Makxtrdaw nyz'de?**

- 4 Leplz kx nztakitrdzr nzodutr-krbzlr mz Yawe
Nekeng nabzdr x nzmnc-krdr tubq,
 X natqdr nzangidati-zvzlr.
X trnzangiolru mqngr da kx nzlz.
- 5 Leplz kxnmulr leng nztubqbnzng mz mz Yawe.
X Gct r Jekop sa naamrlzle x naarlapxle nidr.
- 6 Leplz leng nztangrtlr me pnz' drtwrde,
X suti-drtwrdr nznngi-krbzlr nzu lrde Makxtrdau.
- 7 Lvpxpbzmu bade nachz ngr Jerusalem,
X nacnrx ngr Makxtr kcng tqblzlongrng,
Murde King kc Tqmatq navztrp.
- 8 ?King kznike lc tqmatq?
 Krlc Yawe, kxrnr x xplr.
Nide kc tqaovxio zvz mz vea.
- 9 Lvpxpbzmu bade nachz amrlx,
X nacnrx kcng tqblzlongrng,
Murde King kc Tqmatq navztrp.
- 10 ?King kznike lc tqmatq?
 Krlc Yawe, Ngrlrvea ngr ami nedeng.
Nide King kc Tqmatq.

Sam 25

Doa kc Tqabrtr-zvzbzle Drtwrde Mz Yawe Drtqde Trmya'u

Nabz ne Devet

Kzdq Nabz ngr A, B, C

Nzkrka'ngrng

- 1-2 **A**wi Yawe mz nznngini-krm Gct nge.
Abrtr-zvzbo drtwrnge bam mz nzkrka'-krbo bam.
Bzkq rlr-ngrbzme mz enqmi rngeng
 nzaovxio-krdr ninge.
Bzkq nzamya'timlr drtqnge.
- 3 **C**lvebz doa kc tqabrtr-zvzbzle drtwrde bam,
 murde drtqde bzkq nzamyatibz.
Clveti-lzbq-zvz doa lc, a' neke ani-tpwz
 nzota-krmu ncdz, drtqde la namya'.

- 4 **Da** kx sutitx-zlwzbx drtwrge bam
nzalvztr-krm ninge nqmq krmqng amrlx.
Delc nakrlz-angidr-ngrne lrpzki rm.
- 5 **Elr**-ngrme bange nzvz-nqblq-angidr-krnge natqm.
Eu. Murde nim Gct rnge kc tqarlapxle ninge,
x abrtr-zvzbo drtwrge bam.
- 6 **Gct**, aelwapx-zvzm nzaodu-krm x nivz lrm bange.
Gct, ale dalc dalc tqwai-pnz'q mzlike bqnc.
- 7 **Ipq** ninge mz alwx keng tqalexng
mzlike tqngini-ngrne obla, mz nzmrlz-esz'ngr-krm.
Ipqpx nzvz-rbr-krngeng amrlx
mz nzdcpxkr mz drtwrm nzaodu-zvz-krm.

Nqmq kr Yawe

- 8 **Jzs**-zvzq leplz mz nqmq kxmrlz x kxtubq.
Jzsiq mz nzalvztr-krm kxnzaleng alwx
murde naozlilr nztu rm.
- 9 **Kxrmal**z, aelwapx-ngrbzme
badr kxnzavzo-lzbqng da kxtubq.
Kxakrlz, alvztr-zvz-ngrn nidr me pnz' drtwrm.
- 10 **Lrpzki** rmqng amrlx nzaelwapxbzlr badr leplz nemqng
nzaodu-krm x nzangidati-krm natqm.
Lepz leng nzyrlq-zvzlr nzalvztr-krm
x nzesz'tikr drtwrmu badr.
- 11 **Ma**-nqblq natqm kc tqesalz-ngrn
mz nzipqpx-krm alwx rngeng,
Murde nzkqlu-zlwzng.
- 12 **Nekeng** nzlxngiti-angidrlr natqm,
Nzozlilr lrpzki angidr mz nzalvztr-krm nidr.
- 13 **Olvz** x ncblo leng sa namnc-zpwxng.
Oliqtibz drtc' ke tqpibzme,
murde doa nedrng namnc-kzng elr.
- 14 **Pqtr** mz drtwrm nekeng nzmyatitrlr nim.
Pipx-zvzbxme da kx naalelr
mz nzvz-nqblq-krdr nzesz'tikr drtwrmu badr.

Nzkrka'ngrng

- 15 **Rtxtrpo** nibrnge bam mz nzmnc-xgle-krnge nim.
Rlapx-zvzx mz nzokatr-krm ninge.

- 16 **S**uti drtwrnge kx naobqme bange
x naye mz drtwrm ninge.
Sutitx drtwrnge murde trpengr kztenge
x trmnc-zpwxwxu.
- 17 **T**rte, katxpxbz nztalvzokr nabznge.
Tekqtr drtwrm x arlapx ninge mz nzkxpu-krngeng.
- 18 **V**z zvz nzaotikr drtwrm nzkxpu-krnge
x nzetqkr drtqnge,
Vzm mz nzipqpx-krm alwx rngeng.
- 19 **W**iti-zvz drtwr enqmi rngeng kx nzkqlu-zlwzng,
mz nzpctxpx-krdr ninge.
Wapx zlwz mz drtwrdr.
- 20 **X**pepxbz ninge mz mq enqmi rngeng
mz nztu-krme mz nibrnge.
X bzkq rlr-ngrbzme badr nzamya'ti-krmlr drtqnge,
murde nim merlakitrx.
- 21 **Y**awe, arlapx ninge murde tubqx x nabznge lqngi.
Yrlqtr-zvzbo nzlu-krnge bam.
- 22 **Z**matq ngrm naarlaxle nigr Ir Israel mz
Ztrkang amrlx.

Sam 26

Ozli-zvzx Nzti Kxtubq

Nabz ne Devet

- 1 Yawe, pipxbz kx ninge ncblo kx nabzde lq.
Murde ozli-zvzx nzti kxtubq
x abrtr-zvzbo drtwrnge bam.
- 2 Obqtr-angidr mz nabznge,
X mc kxmu nzvzkr nqm q ngr drtwrnge.
- 3 Murde nivz lrm rtwayz-zvzm bange,
X nzaodu-krm mailz-angidrle ninge.
- 4 Traodu-lzbqkru badr leplz kxtrkang.
X traolvzwxu kxnpokiang.
- 5 Pctxpx-ngrne nzngite-krngeng kxnzaleng alwx.
X drtqnge ta nzmnc-krgr badr kxdrka'ngrng.

- 6 Yawe, ycpqx mqnge mz nzvz-nqblq-krnge Loukxtr sem,
murde natubqbo mz mzp,
**X naprtrpo badr leplz nemqng
mz nzvz-ngale-krgr olta nyz'm.**
- 7 X ngr-ngrgr nabz ngr nzawingr
Mz nzale-krm da kxmrlzvxiting.
- 8 Mrlzm bange Makxtrdau nyz'm,
Mrgc tzmengr zluli rm.
- 9-10 Mz nzmilxto-krm leplz keng tztakitrd nza yrplapxng,
**Bzkq apusr-ngrn ninge kxnaleng alwx,
x kxnznibqng, x kxdrka'ngrng
keng tzrtwz-zvzng dalr nzameti-rbrngr,**
- 11 Murde mz nzmnc-krnge, ozli-zvzx nzti kxtubq.
X delc, naycng mz drtwrm x naarlapx-ngrn ninge.
- 12 Sa naglqlz-ngrne nim mz mzli r leplz nemqng,
Murde tubqbo mz mzpq.

Sam 27

Nim Mevalu Rnge X Trpnz'ngr Kx Namwx'Irtix

Nabz ne Devet kx yrbzle mz Kxrmalz ngr Nzngngr

- 1 Yawe, nim Mevalu rnge kx arlapx-zvzle ninge.
X trpnz'ngr kx namwx'Irtix.
Nim lrpalc nyz'nge. Delc trnarnreti-lzbq-ngrnxu.
- 2 Mzlike kxdrka'ngrng natz-ngrdr ninge
mz nznibq-krdr ninge,
Enqmi rngeng lcng sa nayangrngatrpqng x nataong.
- 3 Kxmule-esz' vzoX mz nabz trtqki r ncblo ngr vea,
a' trtxpnz'ngr nzmwx'lr-krnge.
**X kxmule-esz' nztzlr ninge,
a' drtwrnge sc tqabrtr-zvzbo bam.**
- 4 Yawe, da kx rlxtibo bam nide sele:
Sutitx zlwz drtwrnge nzmnc-zvz-krnge ma nyz'm.
**Murde naxngi-zvzbo nzu lr nzmrlz-esz'ngr-krm,
mz nzaoti-zvzkr drtwrnge me pnz' drtwrm.**

- 5 Murde krlzx kx sa naaolve-angidrq ninge
mz mzlir nzxpu-krnge.
**X naamnc-kapqq ninge mz Makxtrdau nyz'm,
mz nznngini-krm butqbr kx rlakitr.**
- 6 Sa nabatrpe' nzaovxio-krnge enqmi rngeng
keng tztu-ngalelvzlr ninge.
**X sa namalq-zlwzx mz nzka-krbo blz bam
Makxtrdau nyz'm.
X nangr-ngrkzpo nabz ngr nzawingr bam.**
- 7 Yawe, xlrn nzkrka'-krnge mz nzqle-krnge nim.
X naycng drtwrm ninge mz nzayzlu-krm natqng.
- 8 Mzlikc tqrpi-ngrme kx, "Vzm mz nzangio-krm ninge."
X ayzlubo natqm kx, "Eu, ninge la navzbo."
- 9 Delc, bzkq mnc-rlru-ngrme bange.
X bzkq esablqtiq ninge mz nznngya'tikr drtwrm ninge,
kxwz nem. Murde okatr-zvzq ninge.
**X mz nznngini-krm Kxarlapx rnge,
bzkq pxtpx-ngrn ninge mz nzaxtx-krm ninge.**
- 10 Kxmule-esz' trtenge x lxenge nzaxtxtdr ninge,
A' nim la tqaolve-angidrq ninge.
- 11 Alvztrp nqm q krmqng bange.
**X mailz ninge mz nzozli-zvz-krnge nzti kx tubq
murde enqmi rngeng sc tzaukztilr ninge.**
- 12 Bzkq rlr-ngrbzme nztwz-krdr ninge.
**Nzpokiatitrlr ninge x nzamwx'lr lr ninge
mz nzymne-zngya'-krdr.**
- 13 Yawe, krlzpx kx nzmrlz-zlwz-krm
Sa nakrlzml ninge mzlika mz nrlc.
- 14 Delc nigu lr Israel naabrtrpzku drtwrgu mz Yawe.
X naxplrku mz nzlxngiti-krngule.
Bzkq matitr drtwrgu nide,
A' drtwrgu naabrtr-zvzbzku bade.

Sam 28
Aolve Alo Nigr
Nabz ne Devet

- 1 Yawe, kqlex nim murde nim butqbr kx rlakitr.
Bzkq apume bange kxnradrtqde ngq.
**Murde nzmu napx-ngrn nzxlrngr nzyrni-krnge,
ninge la nabz.**
- 2 Mzlikc tqobqtr-ngrbo Mrgctqtr
mz nzmnc-krnge Makxtrdau nyz'm,
Glalz mqnge mz nzkrka'krbo bam.
Xlrm natqng x okatrp ninge.
- 3 Bzkq apusr-ngrn ninge kxdrka'ngrng
keng tztrngz-zvzbzng da kxtrka.
X namubz nidr ncblo ngr nivz, a' trtingr.
- 4 Ayzlu-mopwz mz nzayrplapx-krm nidr da kxtrka
x nztrkalrngr keng tzalelr,
**Murde nakabzme badr da kx takitrde
nzvz-rbr-krdrng.**
- 5 Yawe, leplz lcng matitpe drtwrdr nrle ka tqwz-ngrn
x da kxetuting keng tqaleqng.
Dekc namiltxo-ngrn nidr x bzkq mou da kx naalelr.
- 6 Yawe, glqlz-lxblrkr nim
Murde ayzlume natqng mz nzokatr-krm ninge.
- 7 Nim lrpalvc nyz'nge x temz ngr lomrge.
Abrtrpo drtwrge bam x okatr-zvzq ninge.
**Delc tqelalz-ngrm drtwrge
x tqawi-zvz-ngrbo bam mz nzngrngr.**
- 8 Yawe, nim kxarlapxle nigr leplz nemqng,
Apume bagr lrpalvc kx rlakitrkr.
X nim nzxplr-krnge, ninge king rdr ke tqmcpxbzme.
- 9 Amrlz nigr leplz nemqng mz nzarlapx-krm nigr,
Mz nzngrini-krgr sip nemqng keng tqaolve-aloqng.

Sam 29

Natq Yawe mz Trlipu

Nabz ne Devet

- 1 Nimu enjrl ngr Heven nayzngulvzoamu Yawe,
Mz nzglx-krmu zluli rde x zmatq ngrde.
- 2 Amatqamu nide mz nzmyalz-esz'ngrkr drtqde,
Mz nzmyatitr-krmu nide mz nztr-esz'ngr-krde.
- 3 Murde natq Yawe aelwapx-lzbqngr mz trlipu.
Natqde kxmatq ozlile prla
mz nzapu-krde brlrmei dxi ngr nrlc.
- 4 Natq Yawe matq-esz'ngr.
Eu. Natqde yrlvi zlwz.
- 5 Natq Yawe rpesaliti nctrpili,
Mz nzapu-krdr nounc kx nzlapirting.
- 6 Natq Yawe aycngqngile newz
Mz nzapu-krdr ncblo kx nzelang.
- 7-8 Natq Yawe nide kc tqalele bzlrpc.
X brlrmei ngrde aycngrlrle peto.
- 9 Natq Yawe apule nenq kc tqrkqtuti neyrni
x krlxpqtile leu rdr.
X mzlilcpwz lr Makxtrdau amrlx nzrpilr kx,
“Gct, nzmatq-esz'ngr-krm glqlz-ngrgr nim!”
- 10 Nubla ngr tewa kxetu yelzbbz mz zmatq ngr Yawe,
Mz nzngini-krde King kc tqaolve-alo.
- 11 X mz zmatq lc Yawe axplrle nigu leplz nedeng
Murde namnc-zpwxku.

Sam 30

Yawe Alrti-zvzle Nzvzkr Drtwr Mz Nzabrtz-zlwzng

Nabz ne Devet

- 1 Yawe, glqpxx nim mz nzarlax-krm ninge
mz mq enqmi rngeng,
X trrlrpwzme'u badr nzaovxio-krdr ninge
murde nabilvzlr ninge.

- 2 Yrnibo bam mz nzokatr-krm ninge,
X amrlz-mowq nrkrdrdqng.
- 3 Aopxbzme drtqng mz nzvzope-krng mz gq,
Mzlike tqyce pipz nzbz-krng.
- 4 Yawe, tr-esz'ngrn, x nigr leplz nemqng naangrlvzkr nim,
Mz nzawi-krbzk bam mz da kx aletiqng.
- 5 Zngya' ngr drtwrm trboiu, a' nzaodu-krm nigr tqyc tqyc.
**Kxmule-esz' yrni-bqtikr nrckxbq, a' sa nalrtipxle
nzabrtz-krgr mz nzmc-krgr zyzlr mz rngalx.**
- 6 Yawe, mzlike tqmnc-zpwx-ngrne,
**Trrblxpwq bange nzrpi-krng kx,
"Trpengr da kx namwx'lrtix."**
- 7 Murde xngibo nzamrlz-krm ninge,
mz nzapu-krm rtabu kxxplr kx mnclz-ngrmc.
**A' mzlike tqprtzngrm da kx trka bange, opxm kx
esablqtiq ninge, x ninge kc tqmwx'lr-zlwzpx.**
- 8 Delc Yawe, tqkqle-ngrne nim.
X rlxibo nyzyluti-krm ninge.
- 9 Rpibo bam kx, "Bzkq rlr-ngrbzme nzvzope-krng mz gq,
Murde trpnz'ngr da kx mrlz kx narmctitrpe'
kx naprpxm mz nzbz-krng.
**X rblxpe nzyapwtipx-krbo nim badr leplz mz
nzangidati-krm nzmibilz-krmc mz drtc'.**
- 10 Mz nzmu-krde lcde, naxlrme natqng
mz nzyckr drtwrm ninge.
X nangi nim kxokatr rng.
- 11 Alrtibzme nzyrnibu-krng mz nzalalz-krm drtwrng,
**Mz nztekqtr-krbzme nzvz-zlwzkr drtwrng
mz nzabrtz-zlwz-krng.**
- 12 X mzlika trnamnc-lrpiwpxu.
**A' navz zvzpe nzangrlvz-krng nim.
Awi kxetu, Yawe!**

Sam 31

Nzbrkr Drtwr X Nztalvzokr Nabz

Nabz ne Devet kx yrbzle mz Kxrmailz ngr Nzngngr

Nzbrkr Drtwr

- 1 Yawe, nim merlakitrx.
Bzkq rlrpx-ngrn nzaovxiokr enqmi rngeng ninge.
A' arlapx ninge, murde nim kx ale-zvz da kxtubq.
- 2 Ayzlu-anim nzyrni-krnge mz nzarlapx-krm ninge.
Nangi nim butqbr kx mnc-kapqpx-ngrmc.

Nztafvzokr Nabz

- 3 Mz nzngini-krm lrpalc ngr nzrlapxngr,
Aolve x mailz ninge navz-nqblqle natqm.
- 4 Bzkq rlr-ngrme nzprtz-krnge mz trtxki
kc tzamwi-kapqlr enqmi rngeng,
Murde nim merlakitrx.

Nzbrkr Drtwr

- 5 Yawe, ka-lzbqbo bam.
**Murde nim Gct kc tqbrti drtwr
mz nzxpepx-krm ninge.**
- 6 Abtrtrpo drtwrnge bam,
**Murde ptxpx-ngrn nekeng
nzangiqlr mqngr da txneng kx nzlz.**
- 7 Sa drtwrnge naelalm x naabrtzlvzx nzaodu-zvz-krm,
**Murde okatr-zvzq ninge
mz mzlir nzetqkr drtqng x nzkxpu-krngeng.**
- 8 X trlr-ngrpwzmeu ninge mz mq enqmi rngeng,
A' ayc-nrwx-ngrbzme nabzng x nzbzng-krnge.

Nztafvzokr Nabz

- 9 Yawe, naye mz drtwrm ninge murde nabzng talvzo.
Mzke' vactxpe-ngrde nzyrni-zlvz-krnge.
X nrkrdrtqng x mewetx-atwrnpengr.
- 10 Ayangrngape drtwr kx vz ninge x drtqng x tatxpe
mz nzkz'-zvz-krnge.
**Drtqng x yayrpe-ngrde nzmnc-rbr-krnge
x nipenge nrvr-nrbalq.**

- 11 Nznelvztine enqmi rngeng ninge
 x kxnzmnc-aepztrp bange nzobqszolr ninge.
Kxkrlzti-lzbqkr badr nzapusr-ngrdr ninge
da kx ngangr x nekeng nzmctr ninge mz lrpzki
nzdwa-ngrdr ninge.
- 12 Leplz amrlx mrbrtinetrpe drtwrdr ninge, opxm kx bzpex.
Apunepebo badr brmrda.
- 13 Mnc-zvzx mz zmwxl'r
 mz nzxlr-krnge nzymne-awakr enqmi rngeng,
Mz nzyrlq-krdr drtwr kx nanibq-ngrdr ninge.

Nzbrkr Drtwr

- 14 A' Yawe, nim Gct nge,
X abtrpo drtwr nge bam.
- 15 Arlapx ninge mz enqmi rngeng kcng tzayotilr ninge,
Mz nzaolve-angidr-krm ninge.
- 16 Amrlz ninge, kxwz nem,
Mz nzarlapx-krm ninge mz nzaodu-zvz-krm.

Nztlvzokr Nabz

- 17 Yawe, bzkq rlrpx-ngrn nzamya'ti-ngrm drtqng
 mz nzqle-krnge nim.
A' amya'tibz drtq kxdrka'ngrng
murde napwekilvc-ngrdr nzbzpe-krdr.
- 18 X mz nqm q lc, naesakile natqdr kxnzpoki
 x kxnzqlpx-lzbqng,
Kcng tizrnga'-ngrdr kxnztubqng.

Nzbrkr Drtwr

- 19 Myatpx-esz'ngr da kxmrlz kcng tqyrlq
 nangisc nekeng nzmyatitrlr nim.
Murde aelwapxpeq kx aolve-angidr
nekeng nzrlatrpzng bam.
- 20 Leplz nemqng nzrlapxng mz drtwr
 kx nzyrlq enqmi rdrng x nznelvzti-krdr nidr,
Murde nzamnc-aepztr-krmlr bam.

- 21 Yawe, glqpxx nim,
Murde nzaodu-krm ninge etu-esz'ngr,
Mzlike enqmi rngeng tztu-ngalelvz-ngdr
lrpalvc nyz'nge.
- 22 Mwx'lrx murde mz drtwrge maszlrpxpe-ngrn ninge.
A' xlrme nzqle-krnge nim mz nzokatr-krm ninge.
- 23 Nigu leplz ne Yawe naka-lzbqbkzku bade,
Murde aolvele kxnzvx-nqblq-angidrlr nide,
a' ayrplatipxle kxnzqlqpx-lzbqng.
- 24 Bzkq nabzgu tzprlm, a' natu-amqngiku
Mz nzbrtikr drtwrgu nide.

Sam 32

Nzawingr mz Nzipqpxngr

Kzdg Nzaongr Drtwr Kx Yr Devet

- 1 Leplz kx nzipq mz alwx ngrde
Drtwrde elalz-zlwzm.
- 2 Murde trpi-pwzu Yawe bade kx, “Vz-rbr!”
X trtxpnz'ngr da kxtrka kx yc-kapq mz nabzde.
- 3 Yawe, mzlike trtqplzpx-kangrpo alwx rngeng bam,
Drtqng nztatx-zlwzbzlr mz nztangqgx-zvx-krnge.
- 4 Murde drtqng tropx-pnz'u mz nzayrplapx-krm ninge
ngrlx x mz lozbq.
X yangrngatx-atwrnr-ngrpex
apupex lxbi kcng tqngibr mz nepi.
- 5 Pnz'pe drtwrge kx naplzpxbo alwx rngeng bam.
X mz nzplzpx-krbolr, trpnz'ngr kx yrlq-kapqbo bam.
Delc tqipq-ngrn ninge,
X tqkatpx-ngrbzme zmrlepu r alwx rngeng amrlx.
- 6 X nigr leplz nemqng amrlx nakrka'bzkr bam.
Murde mzlike nzxpungr
naapune-ngrmle nrc kc tqoda,
A' trtxpnz'ngr nzkrz-krmlr nigr.
- 7 Nim me rlakitr x ayrbqpxq ninge mz dakxpertz,
Mz nzxlr-krnge nabz kxyrlvi ngr nzrlapxngr.

- 8 R pim Yawe kx,
 “Sa naaelwa-ngrbo bam lrpzki ke naozliq,
Mz nzmailz-krnge nim.
- 9 A' bzkq apuq animol kx narde mqngi,
Kx vz-nqblq-ngrde leplz nqvi kcng tzpetrpz bade.
 A' nim, drtqm naopx mz nzvz-nqblq-krm ninge,
Mz tqmailz-kzx nim mz nqvi.”
- 10 Kxdrka'ngrng sa naayrplapxng mz alwx ngrdrng.
A' nigu kcng tqbrti drtwrgu Yawe
sa namcku kx aodu-zvzle nigu.
- 11 Delc nigu kxnztubqng naangrlvz-ngrgu Yawe
Mz nzalalz-krm drtwrgu.

Sam 33

Angrlvzku Yawe mz Nabz Kxyrlvi

Nabz ne Devet

- 1 Elalvzku Yawe, nigu kx nztubqng.
Murde mrlzvxitx nzglqpx-krngu nide.
- 2 Angrlvzku nide mz nabz kx yrlvi mz nzawingr,
Mz nzayrni-krngu gita x uklele.
- 3 Ngr-ngrbzku bade nabz kx mrna,
Mz nzmalqlvz-krngu nide.
- 4 Murde natqdeng amrlx tubq-esz'ngr,
X da amrlx kcng tqaleleng nabrti drtwrgu.
- 5 Mrlz bade da kx mrlz x tubq.
X mz nrlc tulvzo nzaodukr Yawe tqyc tqyc.
- 6 Yawe, wz-ngrn bongavz mz natq kx kapxq,
X nepi, temz, x vring mz nzycmne-krm.
- 7 Ata-lxblrlzq dcpwe me esz',
X yrlqzbzme bz ngr dxi ngr nrlcng.
- 8 Nigu leplz amrlx mz nrlc – ncblo, olvz,
 x doa kxnztopwzng,
Namyatitrku x naamrlueku Yawe.
- 9 Murde wz-ngrde nrlc mz nzycmne-krde,
X mz nzkapx-krde natq dekc tzmengr da amrlx.
- 10 Yawe, drtwr kx nzyrlq leplz abotxpbzme,

- X ngi batrpzme trznngidati-kru mrgc tqpnz' drtwrdr.**
- 11 A' drtwr kx yrlqqng ngidati zvy,
X nqmq ngr nabzmqng tqyc tqyc.
- 12 Yawe, neipz' drtqbr kc tqngi Get rdr nim.
Leplz keng tqmcpqx kx nangi nemqng nzabrtz-zvzng.
- 13-14** Yawe, obqome mrgc tqwxbu-ngrn mz tron nyz'm Heven,
Mz nzmco-krme leplz amrlx mz nrle ka.
- 15 Ngi batrpzme nzao-krdr drtwrdr,
X krlzq nzwz-krdrng amrlx.
- 16-17** King traovxiou mz nzxplrkr ami nede.
**X ncblo ngr vea trrlapx-kzu
mz nzxplr-krde x csi nede.**
- 18 A' nim Yawe kc tqaukz-ngrn nekeng nzamatqlr nim,
X brti drtwrdr nzaodu-zvz-krm nidr.
- 19 Arlapqx nidr mz nzbzng,
X axplrq nidr mz mzli r dzbi.
- 20 Yawe, mnc-xglekr nim,
Murde nim temz ngr lomrgr kc tqokatrle nigr.
- 21 Abrtzlvzkr nim,
X drtwrgr abrtzlvzkr mz drtqm kxtr.
- 22 Yawe, nzaodu-zvz-krm navzom bagr
Mz nzbrtikr drtwrgr nim.

Sam 34

Kxrka x Kxokatr

*Nabz ne Devet mzlikc namubz nzlqkurnrngr-krde mz mz Abimilek,
kc tqmapule nide x sc tqvzpe.*

Kzdq Nabz ngr A, B, C

- 1 **A**wi-zvzbo mz Yawe,
X trnaamawxu nzglqpx-krnge nide.
- 2 **B**ilvz-zvzx dakeng tqaleleng,
**Murde naabrtzlvzamu dalcng
kxmule-esz' drtqmu nzaetqbz.**
- 3 **C**lve Yawe da amrlx. X napipx-lxblr-ngrgu nzetu-krde.
Nagllzku drtqde.
- 4 **D**akeng tqmwx'lrtix, arlapxpe-ngrbzle ninge Yawe.

- Mzlike tqkrka'ngrbo bade, ayzlumle natqnge.**
- 5 **E**lr! Nzmu trnanya-ngru drtqmu, navzbzmu mz Yawe.
Murde zluli rde nayzlrzbz bamu.
- 6 **G**et mzlike nzmnc-krnge tqtrka-ngrde, arlapxq ninge,
Mz naatutr-krm nzkrka'-krnge.
- 7 **I**li! Enjrl ne Yawe arlapxle leplz
mzlike drtq tqetq-ngrde,
Murde aolvele nekeng nzmyatilr Yawe.
- 8 **J**zsamu ena nzmrlzkr Yawe
x naabrtr-krbzmu drtwrmu bade.
Murde nekeng aolvele nzabrtz-zvzng.
- 9 **K**xnzvz-nqblqlr natq Yawe nznrgiscng da amrlx.
Delc nimu leplz nedeng namyatitr-ngrnamu nide.
- 10 **L**aion kx nzxplrng nzkrzlzr nzbrtalengr,
A' nekeng nzvz-nqblqlr Yawe,
trpnz'ngr da kx mrbrpxm mz nidr.
- 11 **M**rlxngeng x inyengeng, lalztqmamu bange.
Murde naalvztrpo bamu
kxnamu nzmryatitrngr Yawe.
- 12 **N**zlungr lc tqmrlz x tqboi –
?Nide kx suti-drtwrm?
- 13 **O**bq-angidr x nim kc tqycmne-ateq,
X bzkq pokiaq.
- 14 **P**xi-ngnamu nzmrlzngr x axtxbzmu nqm q scmu kxtrka.
X nrw x naye mz nabzmu
mz nzmnc-lxblr-krmu badr leplz.
- 15 **R**blx Yawe nzokatr-krde leplz kxnztubqng?
Trtingr! Murde yrlq zvz mzte nidr
x xlrzle nzkrka'-krdr.
- 16 **S**a naplanatile leplz kx nzale-zvzng da kxtrka.
Trobqpwzu badr x mzlike nabzng
anitxpwz nzmrbtrkr mz drtwr nidr.
- 17 **T**akitnde nzxlr-krbz Yawe natq leplz kxnztubqng
mzlike tzyrni-ngrbzlr bade,
Murde ngi nqm krde nzokatr-krde leplz nedeng.
- 18 **V**z zvz nzesolvzti-krde nekeng drtwrdr vz,
X nzamq-lrpi-krde nekeng nabzdr yrnibu.

- 19 **W**apxtx zlwz nzxpxukr ncblo kxtubq.
**Kxmule-esz', a' Yawe sa naarlapxle nide
mz dalcng amrlx.**
- 20 **X** aolve-angidrbzle nrvr ngrdeng.
X trpnz'ngr nidr kxmei.
- 21 **Y**awe sa naayrplapxle kxdrka'ngrng
keng tztrkalr-ngrdr kxnztubqng.
X nqm q scdr kc tqtrka dela nanibq-moule nidr.
- 22 **Z**vz Yawe tum mz nibr kxnzawz nedeng.
**X nekeng nzabrtrpzlr drtwrdr bade
trtxpnz'ngr nzayrplapxng nidr.**

Sam 35

Yawe, Amyatibz Drtq Nekeng Nanibqlr Ninge

Nabz ne Devet

- 1 Yawe, tukirpxbz nekeng nztukir-ngrdr ninge,
X vecamu badr nekeng veckr badr.
- 2-3 Yrlqbz temz ngr lomrmq
X twzm popa' x nipnz scm qng,
Mz nzarlax-krm ninge mz ncblo
keng tzmaneutilr ninge.
X apqtrpq drtwrnge kx nim kc tqtum mz nibrnge.
- 4 Aovxiong x amyatibz drtq leplz
keng tzmulr nanibqlr ninge.
**X nekeng nzmulr naatrkatilr ninge nabzdr natalvzo
x nadwaszdr nim.**
- 5 Atwzlr-ngrm enjrl nem namaneutile nidr,
**Naapusr-ngrde nidr leu kxglr x yrklz
keng tqvxupulrtine nenq.**
- 6 Navoneng mz lrpzki kx tur nzlo x miglq,
Murde nataong mz nzdwasz-krdr enjrl lc.
- 7 Kxmule-esz' trpnz'ngr da kxtrka kx alebo badr,
**A' se tzatu-kapqng br scdr x tzeqng gq
mz nzlolvz-krdr ninge.**
- 8 Napwekilvc-ngrdr nzodatingr nidr,
Mz nztao-krdr mou mz br x trtxki keng tzyrlqlr.

- 9 Mzli lode sa naelalvzx x naabrtzlvzx nim,
Mz nzarlapx-krm ninge.
- 10 X mz nabznge atwrnrngr, sa narpix kx,
“Trpnz'ngr kx apule nim.
Murde arlapxq kxnzyangrngang mz ncblo kxnzxprrng,
X kxtrpnz'ngr scdr da mz kxnzrngiscng zmatq.”
- 11 A' kxdrka'ngrng nzabetitrlr ninge mz da kx tralewxu.
Nzrpilr kx ninge kc tqrwzngr dalr nzkxpungr.
- 12 Alebo badr da kxmrlz, a' nzayzlumlr mz da kxtrka,
Kx talvzongr nabznge.
- 13-14 Mz nzyagox-krdr, vzti drtwrngeng.
X alz-zvzx mz nzkrka'-krnge nidr.
X lebiox narng mz nzkrka'-zvz-krnge nidr,
Dakc tqwaisr-ngrne mzlengeng x kztengeng.
Murde vz-zlwzng drtwrngeng nidr,
**Apule kx vzng drtwrngeng x yrnitix lxenge
mzlikc tqbz-ngrde.**
- 15 A' mzli kx mnc-ngrne mz nzkxpungr,
Nzyrlwr-lxblrng mz nzyrpalelvz-krdr ninge.
Kxtrkrlzwxung, delcng tzatrkatizvzlr ninge.
- 16 Nzrtnga'-ngrdr ninge mz da kx prtztimqng bange,
X nzmabqtilr ninge.
- 17 ?Yawe, nzatrkatigr ninge lc nakrlzbzle mzli kznike?
**Arlapx ninge mz leplz lcng
mz nzapu-krdr laion kx nangqdr ninge.**
- 18 X sa naawibo bam mz nzarlapx-krm ninge
mz mz leplz nemqng,
Mzlikc nayrlwrngr Makxtrdau mz nzangio-krdr nim.
- 19 Leplz lcng nzngya'ti-nrbalq drtwrdr ninge.
Bzkq rlr-ngrbzme badr nzabrtzlvz-krdr nzkxpu-krngeng
X nzyrpalelvz-krdr nzvzkr drtwrngeng.
- 20 Trnzkrzlru nzymnengr mz nrwx.
A' nzpikiti-zvzlr nekeng nzmnc-lrping mz ma nyz'dr.
- 21 X nzpibqti-kzlr ninge mz nzrpi-krdr kx,
“Eke! A' mcpekr da kxtrka kc tqaleq.”

- 22 Yawe, krlzq nikeng nzalemlr bange.
Bzkq mnc-lrpiq x obqlvztx-ngrn nidr.
- 23 A' vzm tum mz nibrnge,
X otangrbz ninge.
- 24 Bzkq rlr-ngrbzme badr nzbilvz-krdr ninge.
**A' pim bange trnzvz-rbr-krpc'u
murde nim kxrjzs kxtubq.**
- 25 Bzkq rlr-ngrbzme nzrpi-krdr kx nzaovxiopelr ninge,
X me pnz' drtwrdr ngidape.
- 26 Nekeng nzabrtzlvzlr nzetqkr drtqng
amyatibz drtqdr x nangqngung.
**Nekeng nzobqszolr ninge drtqdr namya-zlwzng
x namanepeng mz mztq leplz.**
- 27 A' kztengeng kcng nzsuti-drtwrdr natubqbo mz mzpq
namalqlvzlr nim,
**Mz nzrpi-zvz-krdr kx, “Yawe, myalz-esz'ngrn!
X abrtzlvzq nzmnc-zpwxkr kxawzq.”**
- 28 X mz zbq lc sa naglqlz-zvzx nim,
Mz nzangrlvz-krnge nztubq-esz'ngr-krm.

Sam 36

Kxdrka'ngrng Nzrmetilr Gct Kxtubq

Nabz ne Devet, kc tqngi kxwz ne Yawe

- 1 Gct, nqmq kxtrka vdz-zvzm mz nabz kxdrka'ngrng.
Rpibzle badr kx, “Bzkq myatitramu Gct.”
- 2 X batrpzle nzglqpx-lzbq-krdr.
**X mz drtwrdr trmewq alwx rdrng
x trnajzs-ngrwq nidr.**
- 3 Natqdr trka-esz'ngr x yctr-ngrpwz nzpokianger.
Dele trtxpnz'ngr nzale-krdr da kxmrlz x da kxtubq.
- 4 Mz nrlekxbq sc tzaoti drtwrdr nzryrlq-krdr drtwr kxtrka.
**Nzpxtxpx-ngrdr nzti kxtubq
mz nzmrlz-krbadr lrpzki kx vz-rbr.**
- 5 Yawe, nzaodu-zvz-krm x nzangidati-zvz-krm natqm
Nzmyatxlz-esz'ngr-krdr nzkrllzlr bongavz.

- 6 Mz nzejzs-krm da amrlx mz nqmj kxtubq x esaklrng,
Nzkrlz-atwrnrng mz nrlc tulvzo,
**Kxmule-esz' newz kxnzmyalng x meboongrng zlwz,
Murde aolve-angidrq leplz x animol amrlx.**
- 7 Gct, nzaodu-krm leplz brngz-esz'ngm bagr,
**X nim me rlakitrkr mz nzapusr-krm nigr nei kio
keng twwbulzolz lxedr.**
- 8 Mz nzrka-zvz-krm nagr dakxnzng, trtakitxtrpwzleu,
a' ycsapx zvz.
**Murde zmrlz ngm nzaovo-zvz-krmle bagr,
apule lue kc tqyrletx alo.**
- 9 X mz nzvzpx-krm nzlu-krgr bam,
Mckr kx nim aulz x zyzlr angidr.
- 10 Yawe, navz zvz nzaodu-krm nigr keng tzaolvzlr nim,
Mz nzamrlz-krm kx nabzdr tubq.
- 11 Bzkq rlrpx-ngm mq kxdrka'ngng nzlolvz-krdr ninge,
X nanyc kxnzqlpx-lzbqng nznrlvzo-krdr ninge.
- 12 Murde brti drtwrge kx sa naovxioq kxdrka'ngng.
X mz nztuo-krdr, trpengr nztulz-krmlr mou.

Sam 37

**Kxnzabrtrpzlr Drtwrdr mz Yawe
Sa Natwzlr Drtc' kc Tqpile kx Nakabzle Badr**

Nabz ne Devet
Kzdq Nabz ngr A, B, C

A, B (1-4)

Abrtvlz nzwztr-krbzme mz Yawe,
x sa nakabzle dakeng tqpq mz nabzm.

Ale da kxmrlz x abtrpz drtwrm bade,
murde namnc-zpwxq mz drtc'

kc tqpile kx nakabzle bamu.

Bzkq witibz nelzm nzmncr kxdrka'ngng,
murde mzli trnaboju x sc tzbzpeng.

Bzkq kcmnz-ngrbzme nzalengr dakeng tzalelr,
murde nzlu-krdr sa namrbc

nzapulr nabr kxglr mz mzlr nepi.

C, D (5-7)

Clveti-lzbq, x aenzli-lrpi

mz nzabrtr-krbzme drtwrm mz Yawe.

Bzkq nabzm talvzo mz nzrmc-krm leplz

kxnznrgiscng nzvz-nqblq-krdr nqm q scdr kxtrka.

Da kx naaleq, mnc-xgletxpwz Yawe;

x abrtprz drtwrm bade, murde sa naokatrle nim.

Delc nangibatr-ngrbzle zluli r nztubq-krm

nzapu-krde nila r nepi kc tqvz-esz'ngr mzlike bea.

E, G (8-11)

Eu, bzkq drtwrm ngya' x nabzm talvzo

murde dalcng li mz tzkatrprz bam drtwr kxtrka.

Eu, murde kxnzabrtrpzlr drtwrdr mz Yawe

sa nangi nyz'dr drtc' kc tqpil nakabzle badr,

a' kxdrka'ngrng sa namaszlrtpxng.

Glx kx mzli trnaboipeu x kxdrka'ngrng sc tzmrbpeng.

Kxmule-esz' rtangrtiq nidr a' trpengr nzmc-krmlr.

Gct rpile kx leplz kx nzavzo-lzbqng

sa natwzlr drtc' nyz'de,

x sa naabrtzng mz nzmnc-angidr-krdr elr.

I, J (12-15)

Ili! Kxnztubqng x kxtrznrgiscung naaolvetio-lzbqng

murde kxdrka'ngrng nzglalzpclr tokirvea

x popa' scdr mz nznibqti-krdr nidr.

Ili! A' kxdrka'ngrng naaolvetio-lzbqng

murde toki r vea scdr sa nanibq-moule nidr,

x Yawe sa naplameitibzle popa' scdr.

Jzs Yawe nidr kcng tzryrlqng drtwr

kx naatrkatl-ngrdr kxnztubqng

x nzmcpv-zvzbzlr nctr badr.

Jzsl nidr mz nzodati-krde nidr,

x yrpalelvz-zvzle nidr mz nzyangrnge-krdr.

K, L, M, N (16-22)

Kxetu Yawe aolve-zvzle kxnzvz-nqblqlr nide,

x nikeng kabzle badr nangisc-alopedr.

Kabzle badr dakxnzng kxkqlu mz mzli r dzbi,
x okatrle nidr mz mzli kx prtzngr da.
Lalztqamu! Murde kxdrka'ngng sa nabzng.
X nzbzkr enqmi r Yawe lcng naapule nzpq
dake tqplclqom x sa nangiliang naapulr zsikapu.
Mz da kxpipz kxngisc ncblo kxtubq
myaszpxle da kxkqlu kxngisc ncblo kxdrka'ngr.
Murde Yawe sa nakatxpxbzle zmatq scdr kxdrka'ngng,
a' sa naokatrle kxntubqng.
Ncblo kxdrka'ngng nzabi-tpwzlr nzrlxng,
 x trnzkrzlru nzrka-niwzlrngr.
A' leplz kxnmrlzng yc mz drtwrdr
nzrka-niwzlr-krdr vzmi kxnzamnzomzleu.
Ncblo kx amrlzng Yawe sa nangi nyz'dr drtc'
 kc tqpile nakabzle badr.
A' leplz kcng tqpilzeng sa nabzng.

O, P (23-26)

Oblamzngeng, bztipex nzmncngr,
 x ninge ka tqnginipenge letzlvz.
X mclx kx nqm q sc ncblo kxtubq nide sele.
Okatr-zvzle leplz mz nzrlr-nrbalq-krde dtude,
 x doa nedeng ngi da kxmrlz kx kabz Gct bade.
Yawe okatr-zvzle nide
 x doa nedeng trnzrnrpung nadr dakxnzng.
Pq mz drtwr Yawe nzaelwa-krbzle mz leplz
 lrpzki kx naozilir,
x mailz-zvzle nekeng nzabrtz-ngrdr nqm q scde.
Pipxle kxmule-esz' nanycdr miglqpx,
 a' trnztaopnz'ngqu,
murde sc tqlolvz-zvzleng.

R, S (27-29)

Rtxtiamu nibrmu da kxtrka, x aleamu da kxmrlz,
murde neidu nemung namnc-along
mz drtc' kc tqpi Yawe nakabzle bamu.
Rpi Yawe kx mrlz bade da kxtubq,
x okatr-zvzle kxznabrtzlr drtwrdr bade.

Sa natubkir-zvzle nidr,
a' doa ne kxdrka'ngrng sa nabzng.
Sa nangi nyz'dr, nidr leplz kxnmrlzng,
drtc' ke tqpi Yawe nakabzle badr,
x sa namnc-alopeng elr.

T, V (30-33)

Takitrde kx ncblo kxmrlz dekc
tqvzkipxm natq ngr nzyrplapxngr,
x nikeng pitileng tubq.
Takitrde kz nzkrlez-angidr-krde Lou amrlx sc Gct rde,
x nzlolvz-amqngi-zvz-krdeleng.
Vz zvz kxdrka'ngrng nzauczti-krdr leplz kxnmrlzng,
murde nanibqlrng.
Vz zvz Yawe nzkapx-krmlle ncblo kxmrlz
mz mq enqmi rdeng,
x mzlike navzmi-ngrdr nide mz kot,
trnzaovxiolru nide.

W, X (34-36)

Wzti kz ena narmu natq Yawe?
Murde mzlike nzabrtr-ngrbzmu drtwrmu bade,
sa nangi nyz'mu drtc' ke tqpile nakabzle bamu
mz nzamatq-krde nimu.
X sa namclamu nzmaneupx-krde kxdrka'ngrng.
Xlrnamu natqng. Mclx kzdq ncblo kxdrka'ngr
kxtrka-esz'ngr, x atrkati-zvzle leplz.
Mrlx lc xplr-esz'ngr x obqo-ngrde leplz amrlx.
X kxmule-esz' rtangrtix nide, a' trmcpewxu,
Murde mrbrpe.

Y, Z (37-40)

Yrlq-angidr mz drtwrm ncblo kxmrlz kxtubq,
x mnc mz nrwx,
murde doa kxnmika mz neidu lrde nzkqlu-zlwzng.
Yrpalelvzx kxdrka'ngrng murde sa nabzting,
x doa lr neidu lrdr sa nayrkrtxong.
Zvz Yawe arlapxle kxntubqng.
Murde nide kx nzabrkitrlr drtwrdr
mz mzlir nzkxpu-krdr.

Zvz Yawe okatrlé x arlapxlé nldr mz mq kxdrka'ngng,
Murde brti drtwrdr nide mz nztubrkir-krde nidr.

Sam 38

Zmrlepu r Alwx x Nzatrkatikr Enqmi

Nabz ne Devet

- 1 Yawe, kxmule-esz' drtwrm ngya'm bange,
A' bzkq ayrplapxq ninge.
- 2 Murde nipna' scmng tupe bange,
X pnz'plrope-ngrn ninge.
- 3 Xngitxtr-zlwzpx nzngya'tikr drtwrm ninge.
X yangrnga-zlwzpe-ngrne alwx rngeng.
- 4 Zmrlepu r alwx ngrnge ayrngzpupele ninge,
X apupex ncblo kxboo mz alwx ngrdeng.
- 5 Nzngnguplxtr-krnge aetqmlé drtqngé,
Apulé kxsiki kxmibi x brtu.
- 6 Alwx rngeng nzyrlamyro-atwrnr-ngrdr ninge.
Delc tqyrni-zvz-ngrne mz zbqkalvz.
- 7 Nzyagox-krnge nzu lrde
apulé nyr kx ngc'pxm mz drtqngé.
X nzxplr-krnge yrkrtpxpebz.
- 8 Nzetqkr drtqngé wibrti-zlwzle ninge,
X apupex leu kxngibr-ngrde nepi.
Delc tqtangigx-zvz-ngrne.
- 9 Yawe, krlzpeq da amrlx kcng tqpq-zlwz mz drtwrngé
mz nzmnc-zpwx-krnge.
X xlrpe-kzpe' nzyrke-zlwz-krnge.
- 10 Mzlika drtqngé mewepe, nzymini-krnge vz-ebirpengr,
X mzke' obqipele mzkzble.
- 11 Kztengeng nznangrpe-ngrdr ninge murde kxsiki rngeng.
X kxnginingeng trnzesotrpepwqng bange.
- 12 Leplz kcng tzmulr nanibqlr ninge,
nzamwipelr trtxki nge.
X nekeng nzaetqmlr drtqngé, sc tzpplr nzodatingr ninge.
X sc tzryrlq-zvzng drtwr mz nzatrkatikr-krdr ninge.
- 13 Namubr kx trlxrwu enqmi rngeng.

- X angibr-lzbqnge mz trnzymne-krngeu.**
- 14 Eu, apubo badr kx nradrtqde ngq,
X trayzlupo'u natqdr.
- 15 A' nim Yawe kx naayzlubzle nike nzalemlr bange,
Murde nim Gct rnge x abtrpo drtwrnge bam.
- 16 Bzkq rlr-ngrbzme nzabrtzlvz-krdr nzetqkr drtqnge.
X bzkq nzglqpx-lzbqng mz nzayangrnge-krdr ninge.
- 17 Murde ycpe pipz nzodati-krdr ninge,
X nzetq-alokr drtqnge tryrkrtpxpepwq bange.
- 18 Naplztppx nzvz-rbr-krngeng,
Murde nzamnclitqpelr ninge.
- 19 Enqmi rngeng nzxplrng x nzlu-angidrng.
X nzklung mz nidr kx nztrkati nivz lrdr ninge.
- 20 Da kxmrlz keng tqalebo badr nzayzlumlr mz da kxtrka.
Nzlekir-ngrdr ninge murde vz-nqblqx nqm qxtubq.
- 21 Yawe, bzkq amnctxnq ninge esz'-krnge,
X bzkq mnc-zvzme rlu.
- 22 Kxetu, vz-anim mz nzokatr-krm ninge,
Murde nim kxarlapx rnge.

Sam 39

Nzmrbcnekr Nzluqr Lepz Apule Nzwr Nzyrplaokr Nrc Kxesz'

Nabz ne Devet

- 1 Yawe, rpi nabznge kx, "Namnc-lrpitxpwo, a' bzkq alex
alwx mz nzlctr-krbz drtwrnge bam
mz nzkxpu-krngeng.
**Murde kxdrka'ngrng leng tzmnc-aepztrpqng bange,
bzkq nyrtrnga'-ngrdr nzlqngi-krm."**
- 2 X kxmule-esz' trycmnewxu,
**A' nzkxpu-krngeng etunepx zvz,
delc tqtalvzongr nabznge.**
- 3 X mz nzaotikr drtwrnge nzkxpu-krnge,
nztalvzokr nabznge mrilvzole ninge.
**X kx rblxpe kc nzlolvz-krnge nzmnc-lrpi-krnge,
sc tqrpipebo bam kx,**

- 4 “Yawe, nzlu-krnge mrbcnepwz.
 ?Memule tqpxlavxpx-ngrbzme nzkxpu-krnge?
?Myx' mzli kx naesakingr trnmnc-zpwx-krpwo' lc?’”
- 5 Murde nim kx amrbctrp nzlu-krnge.
 X mz nzobq-krm mzli kx lutix ngi da txne.
**Nzmrbcnekr nzlukr leplz
 apule nzwr nzyrplaokr nrc kxesz'.**
- 6 Nzngi-brmrdakr nzww-katongr
 apule nounc kc trpnz'ngr nrade.
X mz nzbzkr leplz trpnz'ngr dtudr kx natwzlr.
- 7 ?Yawe, mz nzngi-brmrdakr mz mzp lc da amrlx,
 myx' kxnamu nzmnc-krnge mz nrlc?
Mux' navz zvz nzbrtikr drtwrnge nim.
- 8 Murde naarlapxq ninge mz alwx rngeng amrlx,
X bzkq kxnzhlukurnngr nzyrpalelvzlr ninge.
- 9 Mzlika dcpixe mz drtwrnge kx nzlctr-krbz drtwrnge bam
 mz nzkxpu-krngeng tmrlzu.
Murde tubq nzayrplapx-krm ninge mz alwx rngeng.
- 10 A' bzkq ayrplatipxpeq ninge,
Murde yepe pipz nzbztr-krbo mz mqmq.
- 11 Mz nzayrplapx-krm leplz,
 odatiq dtudrng kcng tqmrlzbx badr.
 Apusrbzmelr da kx yrti ninz,
 murde naglxlr nzvz-rbr-krdr mz mzp.
**Nzmrbcnekr nzlukr leplz
 apule nzwr nzyrplaokr nrc kxesz'.**
- 12 Yawe, xlrn nzkkrka'krnge x nzyrni-krnge.
**Murde nzmrbcckr nzmnc-krnge mz nrlc apunepwzle
 nzvoukr betepu, dake tzwai kz nzmncckr leplz
 amrlx.**
- 13 Aykrtrpx nzetqkr drtqnge x aotpxpbz drtqnge,
Murde naabrtztx-kaix kx pipz x ninge kc tqbz ate.

Sam 40

Nim Lrpalvc kx Mncpx-ngrmc

Nabz ne Devet kx yrbzle mz Kxrmailz ngr Nzngngr

- 1 Ninge ka tqaenzli-lrpibo mz Yawe
mz nzokatr-krde ninge.
X mzlike tqkqle-ngrne nide, xlrmlle nzkrka'krnge.
- 2 Yrczmle ninge mz gq ngr nzbzng
x mz nabz mu kx rluo.
**Atuomle ninge mz rplz kxetu,
me trpengr da kx namwx'lrtix.**
- 3 Alvztrpqlle bange kc nabz kxmna mz nzrglqlzng nide.
**Mzlike naxlrngr leplz nzng-krnge,
sa naangioldr Yawe x naabrtrpzlr drtwrdr bade.**
- 4 Neipz' leplz kcng tzabrtrpzlr drtwrdr mz Yawe.
**Nidr kcng trnzvz-nqblqlru mqngr drka' kxnzlx,
X trnzprtrpwzu mz leplz kcng nzangioldr gct
kxnpokiang.**
- 5 Yawe, nim Gct rgr x trpnz'ngr kx apule nim.
**Aleme bagr da kxkqlu mz nzatutr-krm drtwr kxmrlz
kx yrlqq mz nzamrlz-krm nigr.**
Drtwrnge yrpz'trpz nzrlwxngr amrlx,
Murde nzkqlu-zlwzng.
- 6 Trsutiu drtwrm nzrkangrbz bam dalr nrlanc ayrnng
x dalr nzrkatxng alwx.
**X trrlx-kzpe' blz x animol
kx naangc'om mz olta nyz'm.**
A' da kx sutitxpwz drtwrm nzxl-krbo natqm,
Murde navz-nqblq-angidrx nim.
- 7 Delc tqka-lzbq-ngrbo bam
Murde nayrlqx dakcng tqyclzm mz Nzryrngrkxtr.
- 8 Gct nge, abrtzlvzx nzale-krnge me pnz' drtwrm,
Murde lolvz-amqngi nabzngc nzalvztr-krmqng.

- 9-10 Yawe, trnayrlq-kapqpwo nzaodu-krm
 x nzangidati-krm badr leplz nemqng.
A' sa napipx-zvzbo nrpa ngr nzarlapx-krm nigr
 Mz nzyrlwrpx-lxblr-krgr.
X krlzq kx nzpipx-krngele trpengr nzrsaki-krde.
- 11 Yawe, krlzq kx yckqti zvz drtwrm ninge.
X nzaodu-krm x nzangidati-krm nzngini-zvzmlr
lrpalvc kx mnepx-ngrmc.
- 12 A' mzlika rblx nzrlwx-krnge nzfxpungrng
 kx nzprtztimqng bange.
X alwx rngeng nzmrlvzlr ninge
x nzayc-kapqmlr bange da kxtubq.
 Murde nzqqlu-zlwz-krdr nzmyaszpxlr nqnginarng.
Delc nabzngc tqtalvzo-zlwz-ngrde.
- 13 Yawe, vz-anim mz nzarlapx-krm ninge.
Kxetu, rnekim mz nzokatr-krm ninge.
- 14 Okatrp ninge mz nzaovxio-krnge kxnmulr naodatilr
 ninge,
Murde drtqdr namya x naobqszong
mzlike nadwasz-ngrdr ninge.
- 15 X nelz leplz lcng tzttrnga'-ngrdr ninge navzdzm
Mzlike nametx-ngrmlr bange.
- 16 A' amrlz nekeng nzbtri drtwrdr nim mz nzabrtz-zlwzng,
Murde naawi-zvz-ngrbzlr bam nzarlapx-krm nidr mz
nzrpi-krbzlr kx, "Gct, nim kx myatxlz-esz'ngr."
- 17 Kxetu, bzqkq mrbrtr mz drtwrm ninge,
 murde yangrng-a-zvzx x trpnz'ngr scnge zmatq.
A' nim txpwz kxarlapx rnge.
Delc navz-ani-ngrme mz nzokatr-krm ninge.

Sam 41

Nzokatrkr Yawe x Nzatrkatikr Enqmi

Nabz ne Devet kx yrbzle mz Kxrmalx ngr Nzngngr

- 1 Neipz' nekeng nzmrlztilr leplz kxnmzaneng,
Murde Yawe sa naokatrle nidr mzlike nakxpu-ngrdr.

- 2 Sa natubrkirpxle nidr x naaolvebze nzlu-krdr.
X trtxpnz'ngr nzrlr-krbze nidr mz mq enqmi rdrng.
**Delc tzipi-ngrbz kx Yawe amrlzpele nidr
mrnyz'dr Israel.**
- 3 Sa naokatrng Yawe mz nzamlz-mou-krde nidr
Mzlike nayagox-ngrdr.
- 4 Yawe, mz alwx rngeng atrkati-ngrne nim,
delc tqyagox-ngrne mz nabznge.
**Krka'-ngrne kx naye mz drtwrm ninge
x amrlz-mou-pwz ninge.**
- 5 Enqmi rngeng nzpibqtilr ninge,
**Nzrpilr kx, “?Myx' mzli kxnabz-ngrde,
murde namrbtxtr mz drtwrgu nide?”**
- 6 Kzdu leplz lng tzoklatimlr ninge,
namubz kx nzyc mz drtwrdr ninge.
**Nzmulr nakrlzlr kxmu nzkxpu-krnge,
murde nayapwxtinedr mz mztea amrlx.**
- 7 Leplz lng tztrkati nivzlrdr ninge
nzpikiti-lrpi-zvzlr ninge.
**X nzaoti-tpwz drtwrdr da kxtrka
kx nadwatimle ninge.**
- 8 Nzrpi-awalr kx, “Mrlztxpe!
Mzlika prtilz-zlwzpe zyagox kxtrka,
X mzli trnzboi-krde x sc tqbzpe.”
- 9 X mzlika kztenge nipe-kzde enqmi nge.
**Mrlx kc tqbrti-zlwz drtwrnge,
x tqmu-zvzkr ncdm mzlike.**
- 10** Yawe, naye mz drtwrm ninge.
**Amrlz-mopwz drtqng murde naayzlu-mopwo
dakng tqtrka tzalemlr bange.**
- 11 X mzlike trnzavxio-ngrdru ninge,
Sc tqkrlz-angidrpex kx abrtzlvzq ninge.
- 12 Mz nzale-krnge da kxtubq, sa naokatrng ninge,
X namnc-alotrpebo bam.

Nabz kx Yrkrpxngr Buk kc Kai

- 13 Naglqpxku Yawe kc tqngi Gct r lr Jiu.
Mzlika x tqyc tqyc, naglqpxku Yawe.

Buk Li

(Sam 42-72)

Sam 42 x 43

Kxmule-esz' Nelznge Vzdzm

Nabz ne Nqvi lr Kora

- 1 Gct, nzmingrti-zlwzkr drtwrnge nim
Apule animol kc drtwrdr tqbrlxkz mqde lue.
- 2 Nim Gct kxlu, nzsutikr drtwrnge nim
apule nzbrlxkztikr drtwrnge lue kxbao.
?Myx' mzli kx naxngi-ngrbo nzmnc-krme bange?
- 3 Mz z bq kang kqlu yrni-zvzx
x mnqtxpuo drlr mzke' kx piz.
**A' enqmi rngeng nzyrpalelvzlr ninge, nzrpimlr kx,
“?Memule Gct rm trtqokatrpe-ngrdeu nim?
?Bzpe?”**
- 4 Gct, mzlika drtwrnge yrnibutx zlwz.
A' depx mou mz drtwrnge
mzlike ena tqmailztr-ngrne leplz Makxtrdau.
**Mzlicde abrtz-zlwzkr
x ngr-katokr mz nzglqlz-krgr nim.**
- 5 Kxmule-esz' drtwrnge mingr x nelznge vzdzm,
A' naabrtxtrpwo drtwrnge bam.
Murde nim Gct rnge kc tqamnale nzlu-krnge.
Delc naglqlz-mou-ngrne nim!
- 6-7 Gct rnge, mzli boipe trnzkr lzpe-krpou Israel.
?Memule tqpulio-zvz-ngrme nzkxpungr bange
nzapu-krde lue?
**Nzvzkr drtwrnge vz-ebirnr-ngrpem bange
apule nrc kcng tzyrplalvzolzr ninge.**

- X nztalvzokr nabznge xplr-zlwzpe
apule nzyrpukr lue kxtalio mz nabzde.
- X ebio ngr srkau amrlx kcng tqatwzlr-ngrme
nzalxlvrti-ebir-ngrdr ninge.**
- A' kxmule-esz', nadcpz mz drtwrnge da kxmyalzng
kcng tqaleq Israel,
- Mrge tqyrlengr Luejodzn
x tqycngr Newz Hemcn x Newz Misa.**
- 8 Murde vz zvz nzpulio-krme nivz lrm mz zbqkalvz.
**X ngrbo bam mz nrlckxbq vzmi nzkrka'-krnge
murde nim Gct kx rkam nzlungr bange.**
- 9 Gct, nim butqbr nyz'nge.
?Memule tqmrbrtitrpengr drtwrm ninge?
**?X memule tqkxpu-zvz-ngrne
mz nzaetqti-krm enqmi rngeng drtqnge?**
- 10 Nzngzlvztilr ninge natq kxtrka,
**X nzrpi-zvzmlr bange kx, “?Memule Gct rm
trtqokatrpe-ngrdeu nim? ?Bzpe?”**
- 11 Kxmule-esz' drtwrnge mingr x nelznge vzdzm,
A' naabrtxtrpwo drtwrnge bam,
Murde nim Gct rngc kc tqamrnale nzlu-krnge.
Delc naglqlz-mou-ngrne nim!
- 1 Gct, pipxbz badr leplz kcng trnzangiolru nim
kx trvz-rbrwxu.
Arlapx ninge mz mq leplz lcng tzpokiang x tztrkating.
- 2 Nim merlakitrx. ?Memule tqrlasz-ngrn ninge?
**?X memule tqkxpu-zvz-ngrne
mz nzaetqti-krm enqmi rngeng drtqnge?**
- 3 Zyzlr ngrm nayzlrn bange
x napime bange natqm angidr,
Mz nzmailz-mou-krdr ninge mz Newz Saeon nyz'm.
Murde nakrlzlbz Makxtrdau kc tqmnc-ngrn,

- 4 X naangiox nim mz elta nyz'm.
Nim Gct kc tqngi neu nzabrtz-krnge.
X naangrlvzx nim mz nzayrni-krnge gita.
- 5 Kxmule-esz' drtwrnge mingr x nelznge vzdzm,
A' naabrtxtrpwo drtwrnge bam,
Murde nim Gct rnge kc tqamrnale nzlu-krnge.
Delc naglqlz-mou-ngrne nim!

Sam 44

Drtwrgr Esz'tipe kx Sa Nabzpekr

Nabz ne Nqvi Ir Kora kx Nzyrbzlr mz Kxrmalz ngr Nzngngr

- 1 Gct, nrpa ngr da kxetuting kcng tqalebzme
badr melrmqgrng mzlikc bqnc xlrpekrng,
Mz nzpi-krmlrle bagr mzlikc.
- 2 Nzayrplapx-krm lr drtqbr kzbleng
apule lxbi kc taboszti mz nrlanc nyz'm.
**X petio-alzq leplz nemqng mz drtc' nyz'dr
mz nzamnc-zpwx-krm nidr.**
- 3 Leplz lcng trzaovxiolru enqmi rdrng
mz dalr nzotangr scdr x mz zmatq scdr esz'-krdr.
**A' nzaovxiong mz zmatq ngrm, mz nzxplr-krm,
x mz nzmnc-krbzme badr mz nzaodu-krm nidr.**
- 4 Gct, nim King rnge.
**Nim kx rngi batrpq nzaovxio-krgr,
nigr neidu lr Jekop.**
- 5 Ayangrngapekr enqmi rngrng mz nzxplr-krm.
X rnzlvzokr kxnzatrkatilr nigr mz zmatq ngr drtqm.
- 6 Murde trbrtiu drtwrnge popa' x tokirvea scnge
Nzarlapx-krdr ninge mz nzotangr.
- 7 A' nim txpwz kx arlapxle nigr mz enqmi rgrng,
Mz nzamyati-krbzme drtqdr.
- 8 Sa naglqlz-zvzkr nim.
X nzawi-krbzkr bam tqvzpe tqvzpe.

- 9 ?A' memule drtqm tqtatr-ngrpemle bagr,
trtqokatr-ngrpewq ncblo ngr vea negrng?
**Mzlika rlrtr-ngrpwzme mz enqmi rgrng
nzamyati-krmlr drtqgr.**
- 10 X ngi batrpe' nzdwasz-krgr nidr,
X nztwzpelr dztugrng amrlx.
- 11 X trarblxpwzmeu badr nznibq-krdr kzdung nigr
mz nzapu-krgr sip,
**X nzrvzmi-krdr nigr mz drtqbr nyz'drng
mz nzwz-nrbalqtr-krbzkr badr.**
- 12 Apule kx amwa'bzme nigr badr mz narncbr kx topwzne,
Mz nzapusr-krm nigr brmrda.
- 13 Lr drtqbrng kcng tzmnc-aepztrpqng bagr nznelvzlr nigr
mz nzamyati-ngrm drtqgr,
X nzrtrnga'-ngrdr nigr.
- 14 X neidu kzbleng mz nrlc tulvo nzobqszolr nigr
Mz nzyrpalelvz-krdr nigr.
- 15 Aputr-zvzbo da kx ngangr mz mztq leplz lcng,
X drtqnge mya zvz.
- 16 Murde xlrx natq kxtrka kcng tzpimlr bange,
X mclx nzmnc-krm enqmi rngeng.
- 17 Kxmule-esz' dalcng prtzmqng bagr,
A' trmrbrtru mz drtwrgr nim x nzesz'tikr drtwrgu.
- 18 Kxmule-esz' traxtxpekru nim,
X ozli-zvzkr nzti rm.
- 19 A' axtxtrpzme nigr mz mq enqmi rgrng
mz nznrbrti-krdr nigr,
**Murde kzdung nigr nayrtzmqpeng
mz gq mz nabz nzlo.**
- 20 Gct rgr, nzmu navecpx-lzbqmgr bam,
Mz nzangio-krgr got kzble,
- 21 Tryc-kapqpwzu bam,
Murde obqplxq nabzgr.
- 22 A' mz nzngine-krm nigr, vz zvz nznibqti-krdr nigr,
**Mz nzapusr-krdr nigr sip kcng tzmnc-nabung
mz nzabzngr nidr.**

- 23 Kxetu rgr, bzkq esablqme. Memule trtqolxlvr-ngrpe'u?
Vz-anim, x bzkq tati alo drtqm nigr.
- 24 Lxlvrn bagr,
**Mz nzdepkr mz drtwrm nzetqkr drtqgr
 x nzkxpu-krgr.**
- 25 Drtwrgr esz'tipe kx sa nabzpekr,
Mz nztangrgxlz-krmgr mz drtc'.
- 26 Get, vzm x okatr nigr.
Arlapx nigr mz nzaodu-zvz-krm nigr.

Sam 45

Nabz ngr Nzyrlzkr King Kc Tqmyalz-esz'ngr

Nabz ngr Nivz kx nzyr Nqvi lr Kora

- 1 King rnge, tqale-ngrne nabz kc nangr-ngrbz bam.
Nabznge esz'ngr natq kxmrlzting.
 X nzngqpx-krm natq mz naonge,
Apule nzyrlep-x-krm lue mz butqbr.
- 2 Alvrn lxngipx-esz'ngr.
 X natq ngr nzamrlzngr ngqpx-zvzm mz naom.
Delc tqamrlz-zvz-ngrkz Get nim.
- 3 Nim ncblo kxmyalz-esz'ngr x xplr zlwz mz naotangr.
Alvco tokirvea scm mz bxli rde kc mz nzkalom.
- 4 Murde kalr mz nzvo-krm mz vea
 naaovxio-zvzq enqmi rmqng mz nzxlp-rkm.
**X naaelwapx-ngrn zmatq ngrm mz nzlolvz-amqngi-
 krm da kxtubq x leplz kxnzavzo-lzbqng.**
- 5 Murde nipna' scmng natu
 x nalvetrng mz dabukr enqmi rmqng,
X leplz ngr drtqbr amrlx namnclzbzng bam.
- 6 Nzyrlqkr Get lc nzngini-krm King tqyc tqyc,
**Mz nzaolve-krm leplz nemqng mz nqm q kx tubq-
 esz'ngr.**
- 7 Mrlz-tpwz bam nztubqngr,
 a' trka-zlwz bam nzvz-rbrngr.
**Delc Get rm tqmcp-x-ngrde nim murde nzabrtz-krm
 namyaszpxle nzabrtzkr king amrlx.**

- 8 Lrpzmqng nzpnz'ti-zvz mz tolo kx mqlrte mrlzvxi.
**X ncblo sc tzayrnibzng bam gita naaelalzmle drtwrm,
 Mz nabz ma nyz'm kx mzte luli-esz'ngr.**
- 9 X olvi kc nangi kwin ngrm tutrpz
 mz nrlar tron nyz'm kxrte.
 Nide kzdq inye king keng tzmncng ma nyz'm.
X nzangrlopliti da kx nzwzngzr mz gol kx pnapr.
- 10-11** Nim kc nangi Kwin, lalztqm bange mz dake napibo.
**Mzli kznike ncblo ngrm nasuti-zlwzngzr drtwrde nim
 mz nzlqngivxikr mzp,**
 Mnelzbz bade mz nznigini-krde King x Kxetu rm.
**X bzkq matq-zlwzpe mz drtwrm trtem
 x kxnginimqng.**
- 12 Kxmule-esz' lr Taea nzrkabzng da kx lulwx bam,
**A' bzkq nzbatrplzr nznrlvo-krm
 me pnz' drtwr ncblo ngrm, kc tqngi king.**
- 13 Mzpq lxngipx-esz'ngr mz nzprtr-krm ma nyz' king.
X lrpzmqng nzksilvztitr gol.
- 14 Nim kc tqkq lrpz kx yaluli nzvzmibzlr nim mz king.
**X kztemqng kxnmnckamelrng nzvz-nqblqlr nim,
 mz nztutr-krbzmu mz mzte.**
- 15 Mz nzprtr-krmu lc ma nyz'de,
Drtwrmu elalzm x abrtz-zlwzamu.
- 16 King nge, doa keng mztr name mz nqvilm
 sa nangini-kzdr king, dake tzwai melrmqdrng mzlikc.
**X nangi batrpzme nzaolve-atwrnrngr-krdr
 drtc' nyz'm.**
- 17 Nabz nenge sa narkatrpz leplz nzmatq-zvz-krdr drtqm,
X nzglqlz-krdr nim tqvzpe tqvzpe.

Sam 46

Yawe Nide Lrpalvc Nyz'gu

Nabz ne Nqvi lr Kora

- 1 Gct kc tqmyatxlz, nide lrpalvc nyz'gu x kxaxplrle nigu,
X nide kxokatr kx nakqleku mzlikc nakxpungr.

- 2-3 Kxmule-esz' nengq aycngrlrle nrlc,
 x newz nzbrkaong prla,
X kxmule-esz' dxivo votrp x nrc oda,
 X newz nzycongrlr-ngrdr kz nzyrpukr nrc kxetuting,
A' trmwx'lrkuu murde abtrpzku drtwrgu mz Gct.
- 4 Gct kc tqmyatxlz mnc mz mztea kxtr nyz'de,
 Mrgc tqpulio-ngrmle nzabrtzng bagu, nigu lr mrnyz'de.
Nzvzo-krmlle bagu apule lue kx yrle-kato.
- 5 X mztea lc rblx nzodatingr murde Gct mncm bagu,
X naokatrle nigu mz zbq kxmrna.
- 6 A' mz nzxlrkr lr nrlc natqde nzmwx'lr-zlwzng.
X nzngya'ti drtwrdr nide
mz nzaovxiongr drtqbr nyz'drng.
- 7 Yawe kxrinz mncpem bagu,
X nide kx ngi lrpalvc nyz'gu.
- 8 Yawe aleti da kx nzketipxng mz nrlc.
Da kx nzaelwapxlr nzrmya'titrngr nide.
- 9 Arsakile vea amrlx mz nrlc tulvzo.
Plameitile popa' x nipna' amrlx
x rtclz-ngrdeng mz nyr.
- 10 X rpimle bagu leplz amrlx kx,
 “Metxpemamu bange murde ninge txpwz Gct.
X ninge txpwz kx myatxlzbx badr lr drtqbrng amrlx
mz nrlc tulvzo.”
- 11 Yawe kxrinz mncpem bagu,
X nide kx ngi lrpalvc nyz'gu.

Sam 47

Yawe kc Tqmyatxlz-esz'ngr

Nabz ne Nqvi lr Kora

- 1 Nigu leplz amrlx naayrlewzku da
Mz nzngr-abrtz-kato-krbzku mz Yawe, Gct rgu.
- 2 Murde namyatitru nide kc tqmyatxlz-esz'ngr,
X tqngi King kxmatq kc tqaolve-atwrnr-ngrde nrlc.

- 3 Nide ke tqrngibatrp nzaovxio-krqu enqmi rgung,
X nzaolve-krqu nidr.
- 4 Nigu leplz ngr nqvi lr Jekop kcng tqmrlzting Yawe,
Bilvzku drtc' ke tqmepxbzle nangi nyz'gu.
- 5 Mzlikc Yawe tqwxbuo-ngrmle
mz tron nyz'de Makxtrdau,
**Sc tqrvxupeku trpu x tqmalq-katopeku
mz nzabrtzlvz-krqu nide.**
- 6 Nanqr-katobzku bade, nide Yawe Gct rgu.
X nide King rgu, nanqr-katobzku bade.
- 7 Naglqlzku nide mz nabz kxyrlvi,
Murde nide King r nrlc tulvzo.
- 8 X wxbuom mz tron kxtr nyz'de,
Mz nzaolve-krde drtqbrng amrlx.
- 9 Kxnzrmailzng mz drtqbr kzbleng nzaxvctrp bagu,
Nigu leplz ne Gct r Ebraam.
**Murde Gct ke tqmyatxlz-esz'ngr
myaszpxle king amrlx mz nrlc.**

Sam 48

Nzmatqkr Jerusalem, Mzteadau Nyz' Gct

Nabz ne Nqvi lr Kora

- 1 Yawe myatxlz-esz'ngr.
**X takitrde nzglqlz-krqu nide mzteadau nyz'de,
ke tqycom mz newz kxtr nyz'de.**
- 2 Gct nide king kx rngisc zmatq.
Newz Saeon nyz'de myatxlz x mzte opx.
X Mzteadau nyz'de rkatrpz nzabrtzngr badr lr nrlc.
- 3 Gct aelwapxpele kx trpnz'ngr da kx nakx mz drtqgu,
**Mz nzmncpx-krmggu badr mz lrpalvc nyz'deng
mz mzteadau lc.**
- 4 Kzdzung king nzvzmqng nztung me esz'.
Nzmulr navecng badr lr mzteadau lc.
- 5 A' kx nzmctr nzmatq-zlwzkr mzteadau Jerusalem,
Nzmx'lrtpnz'ng x sc tzdwapeng.

- 6-7 Zmwx'lr prtilzle nidr
Apule zetqngr drtq olvz kx narmika.
 X nznrceti-lzbqng
Apule lcsu kxrtcnegr srkau ngr nounenq.
- 8 X mzlilcpwz, tqmnc-ngrgu kz mzteadau nyz' Gct rgu,
 Sc tqmcpe-kzku kx Yawe kxrnin
 sa naveclvz-zvzle mzteadau lc,
Dakc tzwai nzyapwxtikr melrmqgung le mzlikc bqnc.
- 9 Gct, aoti zvz drtwrgr nzaodu-krm
Mz nzvztr-krgr Makxtrdau nyz'm.
- 10 Leplz amrlx mz nrlc tulvo sa naglqlzlr nim
 mz nzxlr-krdr nzmatq-krm.
Murde aolve-angidrq mz nqm qxtubq.
- 11 X nigr lr Israel amrlx nzabrtz-ngrgr kz
Nztubqkr nzejzs-krmqng.
- 12 Nigu leplz neng Gct, naolvxtiku Jerusalem,
X nabrti mzku mrkcng tzmncngr kxnzaukz nedeng.
- 13 Naobqlvzti-zpwxku drkq ngrdeng
 x nzmngikr lrpalc ngrdeng,
Murde nayapwxti-zvzbz mz doa ne doa negung
- 14 Nzmatqkr Gct rgu kc tqaelwapx-lzbqng mz mzteadau lc.
Nide kc tqmailzle nigu tqyc tqyc.

Sam 49

Leplz Amrlx Sa Nabzng

Nabz ne Nqvi lr Kora

- 1-2 Lalztqamu x xlramu natqnge,
 nimu lr drtqbrng mz nrlc tulvzo,
Kxmule-esz' nimu kxnzetung, leplz txneng,
bcnyrng, x kxtrnzrngiscung.
- 3 Murde natqnge otxpx,
X alvztr-ngrne nzyrplapxngr,
- 4 Mz nzpipx-krnge natqdr letzlvz ngrgung.
X nayokaetipxx drtwr ngrdr mz nabz nenge.

- 5 Kxmule-esz' kxpux mz nztu-ngalelvzkr
enqmi rngeng ninge,
A' trnamwx'lrwxu.
- 6 Murde kxdrka'ngr leng drtwrdr nzabrtrlr mz trau,
X nzglqplx-lzbqng mz nznigini-krdr bcnyr.
- 7-9 A' trpnz'ngr kxkrklz nzxpepx-krde nzlu-krde esz'-krde.
Murde ncblo trtakitrdeu nide
nzkapx-krde narnabr ngr nzlu-alongr kx yrlq Gct,
Kxmule-esz' ka-atwmnr-ngrde trau x dztudeng amrlx.
Murde rblx nzxpe-krde da kx naarlapxle nide mz gq.
- 10 Leplz amrlx nabzng,
kxmule-esz' kxnzyrplapxng e kxnzngqngung.
X dztudrng amrlx sa nabzszbzl badr leplz kzbleng.
- 11 X kxmule-esz' mzlkc nznigi nyz'ng drtc',
A' gq lrdr dela nangipe ma nyz'dr
mz nzmnc-alope-krdr elr.
- 12 Murde leplz amrlx sa nabzng dake tzwai animol.
X mzlilcde da amrlx kcng tqmatq mz drtwrdr
sa nayrkrpx-kzng.
- 13 Lrpzki r kxnzngqngung kcng tzabrtrlr drtwrdr
mz nidr esz'-krdr x dztudrng,
Yrkrtpxpwx mz nzbzngr.
- 14 Apule kx nzbzngr nide kxetu rdr kc tqmailzle nidr
mz gq lrdr,
Mz nzapu-krdr sip.
X kxnztubqng sa navzneng wq
mrgc tzyrtzmqngr namz ngrdr,
Mz nzmibi-krdr, rlrubz mz ma nyz'dr.
- 15 A' Gct sa naxpetrle ninge mz zmatq ngr nzbzngr,
Mz nzarlax-krde ninge mz gq.
- 16 Bzkq nabzmu talvzo mz nzmc-krmu bcnyrng,
X nzkqlunepxkr dztudrng.
- 17 Murde rblx nzrtwzng dztung mz nzbzngr.
Dztung la tqyc, a' nrkrdrdq la namibi.

- 18 Kxmule-esz' bcnyrng nzabrtz-zvzng mzlিকে তলুবে-ngrdr,
X nzamatqng leplz
murde sc tzakqlunepx-zvzlr dztudrng,
- 19 A' sa navzo-kzng mz gq, dakc tzwai melrmqdrng,
Mz nzmnc-alo-krdr mz nzlo.
- 20 Murde leplz amrlx sa nabzng dakc tzwai animol.
X mzlilde da amrlx keng tqmatq mz drtwrdr
sa nayrkrpx-kzng.

Sam 50

Nzawi-ngrbz mz Gct ngi Blz Angidr

Nabz ne Asap

Nzyrlwrkr Leplz Ne Yawe

- 1-3 Yawe, nide Gct kc tqxplr esz'ngr,
Zluli rde pnamilxtile Makxtrdau Jerusalem,
Mz mzteadau nyz'de kx luli x lqngi.
A' nrlc yengqngilzm mz nzvz-krmlc,
Murde nyr vounepx kai mz nzngc'kr da amrlx,
X ongalelvzle nide nounenq.
X kqlele lr Heven mz nzayrlwr-lxblr-krdr
leplz amrlx mz nrlc.
- 4 Navzmqng mz nzmc-krdr
Nzjzs-krde leplz nedeng.
- 5 X rpibzle badr lr Heven kx,
“Vzmimamu nekeng nzlxnigitlr ninge,
Nidr kcng drtwrgr badr tqesz'ti mz nzangc'-krmlr
bange blz krdr, murde nayrlwr-ngalelvzlr ninge.”
- 6 X lr Heven nzayzlubzlr natqde, nzrpilr kx,
“Gct, tubq-esz'ngn.
Murde nim kxrjzs angidr.”
- Gct Atubqtile Leplz Nedeng
- 7 Rpi Gct kx, “Leplz nengeng, xlrmmamu natqngc.
Murde ninge Gct rmu x naaelwa-ngrbo
mrgc tqvz-rbrtiamu.
- 8 Trngiu da kx myapxbz animol kc tqngi blz
tqkamamu bange,
X tqangc'o-zvzmamu mz olta.

- 9 X trngiu kz da kx myapxbz nzangc'-krmamu bange
Bulumakau e gout kxncblongr dalr nardzng nyz'mu.
- 10 Murde dalr peto amrlx nyz'ngeng,
X wai-kzle bulumakau amrlx mz siu r newzng.
- 11 Kio ngr peto amrlx nengeng,
Nidr badr animol ngr nardzng.
- 12 Nzmu nabrtalex x drtrwng brlxkz trrlxpwou bamu da.
Murde nrlc nyz'nge x dalrdeng amrlx.
- 13 X trmuwxu ncvr bulumakau.
X trrmnqwxu mepyr ngr gout.
- 14 A' mz drtwrnge, blz angidr nangi nzawi-krmamu bange,
X nzangidati-krmu da kx esalz-ngrmamu bange.
- 15 X suti-drtwrnge kx nakrka'mamu bange
 mzlike tqkxpu-ngnamu,
Murde naglqlzamu ninge mz nzarlax-krnge nimu.”

Alwx ngr Kxdrka'ngng

- 16 A' rpibz Gct badr leplz kxdrka'ngng kx, “Trtakitrdeu
 nimu nzyapwxti-zvz-krmu Loukxtr krnge,
Mz nzymnetr-krmu mz Nzryrngrkxtrng.
- 17 Murde px-ngnamu nzatubqti-krnge nimu,
X natqnge rtctx-ngnamu.
- 18 Alwx ngrmu nidr seleng:
 Mrlz bamu nzngi-kzte-krmu ncblo kx pna' da.
**X mrlz kz bamu nzprtr-ngrbz badr leplz
 kcng nrmwimi-zvzngr leplz kx trngiu krnalz.**
- 19 Ycmnetrpwzmu mz da kxtrka,
**X naomu tryclvzou mz nzrpitwzti-krdr
 da kx nzyrlqbrtingr.**
- 20 Pikiti-zvzamu kztemung,
X pibqti-kzamu mzlemung.
- 21 Mz nzale-krmu dalcng ninge kc tqmnc-lrpinebo.
 X mz drtwrmu mrlzm bange nzale-krmulr.
**A' trtingr! Murde dakcng tqvz-rbrtiamu
 delcng tqaplxtipx-atebo bamu.**

- 22 Mzlika tekqtrpeamu nqmq krmu,
Murde mz tqodatitxne nimu
x sc trpengr kx naarlapxle nimu.
Bzkq mrbrtr mz drtwrmu nzamatq-krmu ninge.
- 23 Blz krmu angidr nangi nzawi-krmamu bange.
**Murde narmctiamu nzarlaxngr kx vzpxm bange,
Mz nzvz-nqblq-zvz-krmu ninge.**

Sam 51

Nabz kx Avzo-lzbq

*Nabz ne King Devet kx yrle mznibr nzymnekilvz-krbz
propet Neitzn nzmwimi-krde Batseba.*

- 1 Gct, naye mz drtwrm ninge,
**X tubqtim nzvz-rbr-krngeng, murde aodu-zvzq
ninge.**
- 2 Ycpqbz nabznge mz alwx rngeng amrlx
Kcng tzablqkilor ninge.
- 3 Murde opxpe mz mzke' nzvz-rbr-krngeng,
X plzpxbo nzesablqti-zvz-krnge nim.
- 4 X myapxbz nim kc tqxpqbrlr-ngrne
Mz nznrlvzo-krnge Loukxtr scm.
Delc, takitnde nzayrlapx-krm ninge
Mz nznpi-krme bange kx vz-rbrx.
- 5 Mrlzm bange nzale-krnge alwx
**Murde mzlikc tqmncbe-ngrne mz nelz lxenge,
alwx rnge ycpebz.**
- 6 A' suti-drtwrm kx nabznge navz-nqblqle nqmq angidr.
Delc, naalvztr-ngrn ninge murde nayrplapxx.
- 7 Ycpqti-angidrbz nabznge,
Murde nzprki-krnge namyaszpxle nibia r nrc.
- 8 Ipq ninge murde naabrtzx,
X drtwrnge kc tqavzbzme naelalz-moup.
- 9 Bzkq obqtrpe-mouwq nzmyakr drtqnge mz alwx rngeng,
A' amqtrp drtwrnge mz nzmyakr drtqnge.
- 10 Gct, tekqtrpz nabznge murde natubqx

Mz nzvz-nqblq-krnge nim.

- 11 Bzkq maszlrpx-ngrn ninge mz nzmctr-krbo bam.
X bzkq katxpxq nzokatrkr Mqngm ninge.
- 12 Aelalzngr-moupq drtwrge nzarlax-krm ninge,
Murde nalxngiti-zvzx nim.
- 13 X naalvztrpo nqm qkrmqng badr kxdrka'ngrng,
Murde nayzlungr-moupqlr bam.
- 14 Gct, bzkq ayzlu-mope' bange nzmibq-krmge ncblo,
Murde naangrlvzx nim mz nzarlax-krm kc ninge.
- 15 Kxetu, okatrp ninge
Murde naglqlz-ngrne nim nivz lrm.
- 16-17 Trabrtzlvzwq nzangc'o-ngm blz mz olta nyz'm.
**A' blz kx mrlzbz bam nabz kx avzo-lzbq
x plzpxle alwx ngrdeng.**
Delc trnaangc'o-ngrpwo'u blz mz olta nyz'm,
A' naavzo-lzbq-zvztxpwo bam.
- 18 Krka'-ngrbo bam kx okatrp nigr leplz nemqng
Mz nzamqngi-krgr mou drkq ngr Jerusalem.
- 19 Murde nzangc'o-krmgr blz mz olta nyz'm
vzpxm mz nzka-lzbq-krbzkr bam.
Murde krlc blz kxtubqz mz mzp.

Sam 52

Kxatrkatl Leplz mz Zmatq Scde

*Nabz ne Devet kx yrbzle mz Kxrmalz ngr Nzngmng mzlkc Doek kc Edom
tqvz-ngrbzle mz Sol mz nzrpi-krbzle kx,"Devet mncpe ma nyz' Ahimelek."*

- 1 Kxmule-esz' nim ncblo kxmatq,
a' bzkq lepumi q da kxtrka keng tqaleq,
Murde Gct vz zvz nzangidati-krde natqde.
- 2 A' nim ryrlq-zvzq drtwr kx naatrkatl-ngm leplz.
**X mzlkc tqycmne-ngm, natqm apule toki kx malc,
mz nzpibqti-krm nidr.**
- 3 Nzmlzkr bam da kxtrka myaszpxle da kxmrlz,
X nzpokia-krm myaszpxle nzrpi-krm da angidr.
- 4 Nim Mepokia,
X abrtz-zvzq nzaetq-krm drtq leplz mz natqm.
- 5 Delc sa naabz-alopengr Gct nim,
mz nzkilzpx-krmle nim ma nyz'm.

- X sa naayrkrpxbzle nzlu-krm mz nrle ka.**
- 6 X kxnztubqng sa namyatitrlr Gct
mz nzmc-krdr nzabz-krde nim.
- X sa nayrpalelvzlr nim mz nzrpi-krdr kx,**
- 7 “Melamu ena ncblo kc trmnc-xgleleu Gct.
**A' axplr-lzbq mz nzatrkatikrde leplz
x nztwz-krde trau kxkqlu mz zmatq scde.”**
- 8 A' ninge apux ncunc kc drbrde tqtu-amqngi
mz nzmncpx-krmc Makxtrdau,
Murde vz zvz nzbrtikr drwtrnge nzaodu-alokr Gct.
- 9 Delc Yawe, sa naawi-zvz-ngrbo bam dackng tqaletiqng.
**X sa napipxbo badr leplz nemqng
nzmrlz-esz'ngr-krm.**

Sam 53²

Nzngqngukr Kxtrnzrlxngitiung, No. 2

Nabz ne Devet kx yrbzle mz Kxrmalx ngr Nzngngr

- 1 Leplz kxnzngqngung mz drtwrdr nzrpilr kx,
“Trpnz'ngr Gct.”
**Leplz lcng nzpwxlvipeng
x nzale-tpwzng da kxngangr.
Trpnz'ngr kx ale da kxtubq.**
- 2 Gct mncom Heven, x sc tqmcomle leplz amrlx,
Mz nzmc-krde neke yrplapx x rtangrtile nide.
- 3 A' nzesablqtilr Gct amrlx ngrdr
x drtwrdr esz'ti mz nzale-krdr da kxtrka.
Trpnz'ngr nidr kxes' kx ale da kxtubq.
- 4 Gct rpile kx, “Leplz kxnztrka lcng nznibqtitxdr leplz
nengeng nzapulr kx nznibqng da kx nangqdr.
**X mrbrtr mz drtwrdr nzkrka'-krmlr bange.
?Myx' kxmule, trnzkrzlru da kxtubq?”**

² Nalr Sam 14 x Sam 53 kxnzmulr esz' a' ngi tpxwz nalr 14:5-6 x 53:5 kx blepxngr.

- 5 A' mzlika nzmwx'lr-zlwz-krdr myaszpxpele mzlike.
Murde Gct napxtpx-ngrde enqmi rgung.
 X sa naamyatibzku drtqdr mz nzaovxio-alo-krdu nidr.
X namz ngrdr sa narlxbuliane-ngrbz Gct mz nrle.
- 6 Sutitx zlwz drtwrge kx Gct rgu kc tqmnc Saeon
 naarlaxle leplz nedeng.
Murde mzlike nayzlu-mou-ngrmle
namnc-zpwxku bade. X nigu lr Israel
sa naabrtz-ngrgu mz drtwr kx elalzm.

Sam 54

Nzbrtikr Drtwrgu Gct Mz Nzaovxio-krde Enqmi rgung

*Nabz ne Devet kx yrbzle mz Kxrmalz ngr Nzngngr mzlike lr Zipz
 tzvz-ngrbzlr mz Sol mz nzrpi-krbzlr kx,
 “?Krlzq kx Devet se tqmnc-kapq mztea nyz'gr? “*

- 1 Gct, arlapx ninge mz zmatq ngrm,
X aopxbz drtqnge mz nzxplr-krm.
- 2 Xlrm natqnge
Mz nzkrka'krbo bam.
- 3 Kxdrka'ngrng kxnzqlpx-lzbqng nzmulr natzlr ninge,
X leplz lcng nzxpqbrlr-ngrdr nim,
nzmulr nanibqlr ninge.
- 4 A' nim Gct kx okatr-zvzle ninge,
Mz nzngini-krm Kxetu rnge
kc tqtu-zvzm mz nibrnge.
- 5 Gct, ka-mopwz badr enqmi rngeng da kxtrka
 kcng tzwaisr-ngrdr ninge.
X abz nidr murde nim kx brti drtwr.
- 6 Yawe, sa naabrtzlvzx nzrka-krbo bam blz mz olta nyz'm.
X naawi-ngrbo bam nzmrlz-esz'ngr-krm,
- 7 Mz nzarlax-krm ninge mz nzkxpu-krngeng amrlx,
X nzokatr-krm ninge
mz nzaovxio-krnge enqmi rngeng.

Sam 55

Kxdrka'ngrng x Kxamua'le Kztede

Nabz ne Devet kx yrbzle mz Kxrmalz ngr Nzngngr mz nzayrningr gita

Nzkrka'ngr

- 1 Gct, xlrn nzkrka'-krbo bam.
X bzkq drtqm tatrpq bange.
- 2 Lalztqm bange x ayzlum natqng,
Murde nabzng tropxpeu mz nztalvzo-krde.

Nzetqkr Drtq

- 3 Enqmi rngeng nzrkatrpnqng bange nzxpungr,
Mz nznngitr-krnge nzymne-kato-krdr,
Mz nznzlvzo-krdr ninge,
X nzobq-krmlr bange mz zngya'.
- 4 Nelzng vdz-zlwzm,
Murde ycp pipz nzbz-krnge.
- 5 Rnrcti-lzbqpenge mz zmw'lr,
X nrkrdrdtqng esz'pe-ngrde.
- 6 X rpix mz drtwrge kx,
“Nzmu nabxng naycbzle, dakc tqwai bona,
Nalvcx x nartangrx me namnc-nrwx-ngrne.
- 7 Nalvctr-rlrux lzke,
X namnc-lrpix esz'-krnge mrlcde
- 8 Naanitxpwo mz nzrtangrti-krnge me narlakitrx
Mz tewa x nounenq.

Nzkrka'ngr

- 9 Kxetu, akipx kxdrka'ngrng mz nzarlxlvrtri-krbzme natqdr.
Murde nzota-zvzng x nznani-lzbq-zvzng mz mztea.
- 10 Mz nrlckxngrlx x nrlckxbq
**Mztea esz'tx-ngrpwz nznqpbrrngr nqm q
x nzxpungr.**
- 11 Nzodangr prtz-zvzm mrlcng kqlu mz mztea.
**X me nzmaketqng tresakixpwq mz nzpokianger
x nzangqngutingr leplz.**

Kxamua' Kztede

- 12-14 Mzlikc ryapwx-angidrki mz nzodu-krki,

**X vztr-lxblrki mz Makxtrdau nyz' Get
mz nzangio-krigi.**

A' mzluka trngiu enqmi nge kc tqyrpalelvzle ninge,
A' krlc nim, kc tqmuki me esz' x line-zvzki.
 X trngiu kxpptpx-ngrde ninge kc tqobqszole ninge,
A' krlc nim mrlxkztenge.
 Nabznge trtalvzou x krlzx nzmnc-kapqngr
 mz nzatrkatikr enqmi nge ninge.
**A' nzamua'-krm ninge lc, nim kc tqkztenge angidr,
 delc tqvztx-zlwzngr drtwrnge.**

Nzkrka'ngr

- 15 Gct, ayrkrpxbz nzlukr enqmi ngeng
 Keng nabzdr x nzaokrdr drtwrdr esz'ngr drka',
Murde napwekilvc-ngdrdr nzbz-krdr.
- 16 Yawe, mzlike nayrni-ngrbo bam,
Sa naokatrq ninge mz nzarlax-krm ninge.
- 17 Murde sa naxlrme natqnge mz nourla, bea,
 x mz nrlckxbq,
**Mz nzkalz-zvz-krbo bam nzlckr drtwrnge
 x nztalvzokr nabznge.**
- 18 Kxmule-esz' enqmi ngeng nzklung,
 a' mzlikepe naota-ngrgr badr,
Sa naokatrq ninge mz nzarlax-krm ninge.
- 19 Murde nim Gct kc nzaolve-krde tqyc tqyc.
**X sa naxlrq natqnge mz nzaovxio-krm nidr
 mz nzotangr.**
 Murde pxtpx-ngrdr nztekqtr-krdr nqm qkrdr,
X trnzmyatitr-kzlru nim.

Kxamua' Kztede

- 20 Mrlxkztenge lc mzlike nigr badr dzbede kxesz',
 a' mzluka tratu-kztrpeleu nzesz'tikr drtwrgr badr.
A' se tqrtwztipele nigr zngya' tqotapekr badr.
- 21 Nzprlxpx-krde nivz apule nrw x kc tqvo,
A' mz nabzde la poi kx mu ncblo.
 Nzycmne-krde nide pakrle,
A' natqdeng malc apule tokivea.

Nzkrka'ngr

- 22 Yawe, kxmule-esz', a' nakabzkr nzkxpu-krgrng bam,
Mz nzlolvz-amqngi-krm nigr.

- Murde trlrpx-ngrwq leplz kxnztubqng
Nzaxtx-krbzlr nzlxngiti-krdr nim.
- 23 A' rtcongr mz gq lrd
Lepz kcng tznibqng x tzpokiang,
 Mzlile tzniginibe-ngrdr obla.
A' ninge, sa naabrtr-zvzbo drtwrge bam.

Sam 56

Mzli Kznike Mwx'lr-ngrne Abrtrpo Drtwrge Bam

*Nabz ne Devet kx yrbzle mz Kxrmalz ngr Nzngngr
 mzlike tzolvzng lr Pilisia nide mrgc mztea Gat.*

- 1-2 Yawe, naye mz drtwrm ninge.
Murde enqmi rngeng nzqqlu-zlwzng.
 X vz zvz nzmaneuti-krdr ninge x nzatrkti-krdr ninge,
Murde nzmulr naovxiolr ninge
mz nznzlvzo-krdr ninge.
- 3 A' mzli kznike mwx'lr-ngrne,
Abrtrpo drtwrge bam.
- 4 Trmwx'lrxiwxu zmatq sc leplz lcng
 Murde abtrpo drtwrge mz natqm,
Nim Gct kc tqglqlz-zvzx.
- 5 Yawe, enqmi rngeng vz zvz nzrtangr-krdr
 drtwr kx naatrkti-ngrdr ninge,
Mz nzrkatr-zvz-krmlr nzxpungr bange.
- 6 X nzyrlwr-lxblng me nzmnc-kapq-ngrdr,
Mz nzaukzti-krdr ninge, murde nanibqlr ninge.
- 7 Bzkq rlr-ngrbzme nzdwa-krdr,
A' ayrplapxng mz zngya' ngr drtwrm.
- 8 Krlz-angidrq nzrkxkr drtqng.
Murde aplxtipxpeq nztaliokr dlr mzke' amrlx,
mz nzyrtio-krmlr mz buk scm.
- 9 X krlz-angidrx kx enqmi rngeng sa nadwaszdr ninge,
 mz nzvz-krme mz nzqle-krnge nim.
Murde tu-zvzme mz nibrnge.

- 10-11 Trmwxlrtiwxu zmatq sc ncblo lcong
Murde abrtpo drtwrnge mz natqm,
Nim Gct kc tqglqlz-zvzx.
Yawe, brti drtwrnge natqm amrlx.
- 12 X sa naalebo bam dakng tqpibo,
Mz nzka-krbo blz ngr nzawingr.
- 13 Awi mz nzarlapx-krm ninge mz nzabzkr
enqmi rngeng ninge, x mz trnzmetx-krpwou badr.
Murde namctr-zvzbo bam, mz zyzlr ngr nzu lrm.

Sam 57

Lr Nrlc Tulvzo Namctr Nzaovxio-krm

*Nabz ne Devet kx yrbzle mz Kxrmalx ngr Nzngngr
mzlikc tqrlatr-ngrde mz butqbr mz nzdwasz-krde King Sol*

- 1 Gct, naye mz drtwrm ninge
mz nzaelwa-krme bange nzmrlz-esz'ngr-krm,
Murde vzmc bam mz nzmnc-zpwx-krnge
mz mzli r nzcxpungr kxtrka.
Naapux neibona kc tqmnczbz mz nabx lxedo,
Mz nztu-krme mz nibrnge
navz navz mzlikx ayrkrpx-ngrn nzodangr.
- 2 Gct, myalz-esz'ngn, x sa nakqlex nim,
Murde angidati-zvzq me pnz' drtwrm mz nzlu-krnge.
- 3 Sa naayzlume natqng Heven mz nzarlapx-krm ninge.
X naamyatibzme drtq nekeng nznrlvzolz ninge,
Mz nzaodu-zvz-krm ninge x nzangidati-krm natqm.
- 4 Nztu-ngalelvzlr ninge ncblo ngr nzodangr.
Spiz x nipna' scdr nzapulr nqngi kx malc x natqdr
nzaetq-krdr drtq apule nzrluplx tikr tokirvea.
- 5 Delc, naaelwapx-ngrbzme badr lr Heven
nzmatq-esz'ngr-krm,
X lr nrlc tulvzo namctr nzaovxio-krm.
- 6 Kxmule-esz' nabzng talvzo zlwx
murde enqmi rngeng nzrtxtiolr ninge br.
A' awi Gct, kx nidr esz'-krdr kx nzprtz-moung
mz trtxki kx nzamwti-ngrdr ninge.

- 7-8 Sa naangrlvzx nim mz nabznge atwrnrngr
mz nzayrni-krnge gita,
Murde abrtr-zvzbo drtwrnge bam.
Kxmule-esz' nilz r nepi amelzmlle ninge
mz zbq kang kqlu,
A' mz nzmelz-krmc mz rngalx mz nzglqlz-krnge nim,
Nabz nengeng naapule kx nzameolr nepi.
- 9 Kxetu, sa naawibo bam mz mzlir lr drtqbrng,
X naangrlvzx nim mzlir lr neidung.
- 10 Get, nzaodu-zvz-krm x nzangidati-zvz-krm natqm
Nzmyatxlz-esz'ngrng krlzle bongavz.
- 11 Delc, naaelwapx-ngrbzme badr lr Heven
nzmatq-esz'ngr-krm,
X lr nrle tulvzo namctr nzaovxio-krm.

Sam 58

Kxdrka'ngrng Nzapulr Mz Kcng Tzrtqng

Nabz ne Devet kx yrbzle mz Kxrmalz ngr Nzngngr

- 1 ?Letzlvzng, myx' kxmule, nzrjzs-krmu leplz tubq
X esaklrngr angidr?
- 2 Trtingr! Nikeng aleamu trtubqu.
Murde rtulrtramu da kx amznrpx-ngrbzmu
nabzmz nyz' leplz nemqng.
- 3 Nimu kxdrka'ngrng aletx-aloamu da kxtrka,
Yzuo pnz' mzlike tzmengr mzpu.
- 4 Apuamu mz kcng tzrtqng
Mz nzatrkatikrmu leplz lcng.
- 5 X apuamu kxnardrtqdr ngq
murde pxtpx-zvz-ngrnamu nzxlr-krmu nzyrni-krdr,
X nzayzlu-krbzmu natqdr.
- 6 Yawe, ayrplapx leplz lcng tzapulr mz,
mz nzyrvilz-krme nipna' scdr.
X mz nzapu-krdr poi kz peto taglctr-kzpz nqngidr.

- 7 Mrlzvxitx nzbatr-krbzme nzmyakr nipna' scdr,
X nzmrb-krdr nzapu-krdr lue
kc tqmrbrlqo mz drtc'.
- 8 X mrlzvxix kz nzapu-krdr zbia ngr wagq kc tqlrprnebz mq
 mz nzngrla-krde x sc tqmrbrpe-mou
 mz nztioqr nepi le.
X nzapu-krdr kz doa kx bz murde nzmika
mzlike tqpoobe-ngrde.
- 9 Gct, mzlike tzlube-ngrdr, apusrngr nidr nabr kc tzikzti,
Mz nzodati-krm nidr mz zngya' ngr drtwrm.
- 10 X nigr kxntubq nemqng sa naabrtz-zlwz-ngrgr
 nznibqti-krm kxdrka'ngr lcong.
X sa naelalvzkr nzyrlekr mepyr ngrdr.
- 11 X nigr amrlx sa narpibzkr bam kx, "Gct, dazpwxix!
 Sa nakabzme narnabr badr leplz kxntubqng,
Mz ngrzjs-krm lr nrle mz nqm q x tubq-esz'ngr."

Sam 59

Kxdrka'ngrng Nzapulr Kulidrlr

*Nabz ne Devet kx yrbzle mz Kxmailz ngr Nzngngr mzlike King Sol
 tqatwzlr-ngrde ncblo mz nzaukzti-krdr ma nyz' Devet murde nanibqlr nide.*

- 1 Gct nge, arlapxbz ninge mz enqmi ngeng,
X tubrkiqbz ninge mzlike navz-ngrmlr
mz nztz-krdr ninge.
- 2 Arlapx ninge mz kxdrka'ngr lcong,
Tzrkriz nznibqng leplz.
- 3 Yawe, obqm! Ncblo kxnzayo lcong tzyrlwr-lxblng
 nzaenzling mz nznibq-krdr ninge.
A' trpnz'ngr da kx vz-rbr kx alebo badr.
- 4 Kxmule-esz', a' se tzoliqtilr nztz-krdr ninge.
Tulzm x vzm mz nzokatr-krm ninge.
- 5 Yawe, nim Gct kxrinz, Gct r lr Israel.
 Melzm mz nzayrplapx-krm drtqbr kzbleng.
X bzkq ycngr drtwrm nidr
kcong tzyrlq drtwr kxtrka.

- 6 Nyzyluti-zvzmlr mztea mzlikc milzpq,
**Nzapulr kulidrlr keng tzkclwz
 mz nzvzne-krdr mztea.**
- 7 Drtwrdr nzamqmqrlr x natqdr nzapulr tokirvea kxmalc.
**Mz drtwrdr trpnz'ngr kx rkrلزtrpz
 x trpnz'ngr nzayrplapxngr nidr.**
- 8 A' nim Yawe, yrpalelvzq kxnmnc-mrbr lcng,
X rtrnga'-ngrn nidr.
- 9 Gct nge, abrtr-zvzbo drtwrnge mz nzxplr-krm,
Murde nim lrpalvc nyz'nge.
- 10 X krlzx kx sa naaovxiox enqmi ngeng,
Murde sa naokatrq ninge mz nzaodu-zvz-krm.
- 11 Yawe, nim temz ngr lomrgr.
**Nibqti nidr murde leplz nengeng nadcpz mz drtwrdr
 kx nim Gct kc tqayrplapxle kxnaleng alwx.**
 Ayangrnge nidr mz zmatq ngrm,
Murde nataong mz drtc'.
- 12 Rlr-ngrbz badr nzglqpx-lzbq-krdr naatao-moule nidr.
**Murde natqdr mz nzymne-krdr ngi dalr txpwz alwx,
 Mz nzrpibqtingr x nzpokianger.**
- 13 Odati nidr mz nzmilxtxo-krm nidr mz zngya' ngr drtwrm.
**Murde leplz nakrlzlr kx nim Gct
 kc tqaolvele Israel x lr nrle tulvzo.**
- 14 Nyzyluti-zvzmlr mztea mzlikc milzpq,
**Nzapulr kulidrlr keng tzkclwz
 mz nzvzne-krdr mztea.**
- 15 Nzrtangrng nadr dakxnzng me yctxpww,
X drtwrdr nzamqmqrlr mz trnzkrle-kru nelzdr.
- 16 A' sa nangr-kato-zvzx mz nourla kang kqlu,
Mz nzipx-krnge zmatq ngrm x nzaodu-zvz-krm.
 Murde apu-zvzme bange lrpalvc nyz'nge,
Kxrlakitrz mz mzlr nzxpungr.
- 17 Sa naangrlvz-zvzx nim, Gct kc tqaodu-zvzle ninge.
Murde nim lrpalvc nyz'nge kxxplr-esz'ngr.

Sam 60

Glalzm Ncnqngq Bagr

*Nabz ne Devet kx yrbzle mz Kxrmalz ngr Nzgrngr
mzlike enqmi rdrng tznzlvzo-ngrdr Israel*

- 1 Yawe, mzlike drtqm tatrpe' bagr x batrpe'
nzaovxiongr nigr, murde ngya'ti drtwrm nigr.
A' mzlika suti-drtwrgr nayzlu-moupe' bagr.
- 2 Mzlike avdzme nelzgr x nabzgr talvzo.
Mzlika, amrlz-mou nigr murde trmnc-zpwx-kakr.
- 3 Nigr leplz nemqng aetqitix-zlwzbzme drtqgr,
**X deagr vznepe mz nzvzne-krgr
apukr leplz kx nzrmnqng.**
- 4 Nim Ngrlrvea ngrgr. Glalzm ncnqngq bagr,
nigr kcng tzmyatilr nim,
Murde navzmgr bam mz nztu-mou-krgr me esz'.
- 5 X arlapx nigr kcng tqaodu-zvzq mz zmatq ngrm,
Mz nzayzlu-krme natqgr.
- 6 Gct, rpipxme Makxtrdau nyz'm kx, "Mzlike
naaovxio-ngrne, sa naakipxbo badr leplz nengeng
Drte' kcng mz nrlar Luejodzn rlilr.
- 7 Murde neidu lr Gilead x Manase nengeng.
**X nqvi lr Epriem tum mz nibrnge
x nqvi lr Judz kx naaolve-zvzng mz zmatq rng.**
- 8 A' enqmi rmung trnaaovxiolru nimu. Murde lr Moab sa
nawztrpqng bange x lr Edom sa nametxmqng bange.
X sa namalqlvzx nzaoglc-krnge lr Pilistia."
- 9 ?Gct, sa naatutrq natqm lc mz nzokatr-krm ninge
**Nzprtr-krnge mz lrpalvc ngr mzteadau nyz'dr
lr Edom?**
- 10 Murde mzlike axtxpeq nigr,
X trokatrwq ami negr mz nzotangr.
- 11 A' mzlika trabtrpekru drtwrgr mz prkate-krgr, nigr leplz,
Murde mnc-xgle-txpwzkr nim.

- 12 X krlzkr kx mz nzmnc-krme bagr,
Sa narnzlvzokr enqmi rgrng mz nzokatr-krm.

Sam 61

Vzmibz Ninge mz Butqbr kx Mqngi

Nabz ne Devet kx yrbzle mz Kxrmalz ngr Nzngngr

- 1 Gct, xlrn nzyrni-krnge,
X lalztqm mz nzkrka'-krnge.
- 2 Kqlex nim murde mncx esz'-krnge,
X nabznge talvzo zlvz.
Vzmibz ninge mz butqbr kx mqngi.
- 3 Murde nim lrpalc nyz'nge,
Me rlakitrz mz mq enqmi rngeng.
- 4 Rlr-ngrm bange nzmncpx-alo-krmc mz ma nyz'm.
Murde naapux nei kio
kx mnc-kapqlzbz mz nabx lxedede.
- 5 Gct, aolvzq nzesalz-krngeng mz nzglqlz-zvz-krnge nim.
Murde mrlzbz bam kx leplz kcng tzamatqlr nim
naglqlz-zvzlr nim.
- 6 Kam bange, ninge king nem, nzlungr kxboi,
Murde nzmnc-krnge navz zvz.
- 7 Okatrp ninge mz nzaolve-angidr-krnge leplz nengeng
mz nzmncz-krbo mz zmatq ngrm.
Ayrbqpx ninge mz nzaodu-zvz-krm ninge
x nzangidati-krm natqm.
- 8 Delc navz zvz nzangrlvz-krnge nim,
Mz nzale-krnge dakcng tqesalz-ngrbo bam.

Sam 62

Gct Txpwz Kx Mnc-xgle-zvzku

Nabz ne Devet kx yrbzle mz Kxrmalz ngr Nzngngr

- 1 Gct txpwz kx mnc-xgle-zvzx mz nabznge,
Murde nzmnc-zpwx-krnge vzpxm bade.
- 2 Nide butqbr nyz'nge x mevalu rnge.
Nide lrpalc nyz'nge kx tu-amqngio-ngrne.

- 3 Delc nimu kxdrka'ngrng bzkq tz-zvzpe-ngnamu ninge
mz nzyangrnge-krnge.
**X bzkq apusr-ngnamu ninge
nzawxo-krmu ma kx blzlongr.**
- 4 Ryrlqamu drtwr ngr nzaprcotx-krmamu ninge me matq
ke tqmnco-ngrmc.
**X abrtzlvzamu nzpokiatitr-krmu ninge.
Murde nivzlr naomu prlxmamu bange,
a' mz nabzmu ela ngya'ti drtwrmu ninge.**
- 5 Gct txpwz kx mnc-xgle-zvzx mz nabznge,
Murde nzmnc-zpwx-krnge vzpxm bade.
- 6 Nide butqbr nyz'nge kx abrkitr drtwrnge.
Nide lrpalc nyz'nge kx tu-amqngio-zvz-ngrne.
- 7 Nzarlax-krnge x nzmatq-krnge nzyctr-tpwzng mz Gct,
**Mz nznngini-krde butqbr nyz'nge kx mqngi
kx rlakitr.**
- 8 Leplz nengeng, mz nzangidati-krbzle da kx yc mz
drtwrmu, naabrtr-tpwzmu drtwrmu bade.
Murde nide txpwz merlakitrku.
- 9 A' bzkq brti drtwrmu leplz,
murde nigu amrlx apu-tpwzku zskapu,
Kxmule-esz' nigu kxnzetung e leplz txneng.
**Murde nzmu naesakrlrku nzmlekr Gct x nigu,
nide kx mrle txpwz, a' nigu ngi da-nrbalq.**
- 10 X mz nztwz-krmu da kx suti-drtwrmu, bzkq brti drtwrmu
nzamwx'lr-krmu leplz x nzpna'-krmu dztudrng.
**X kxmule-esz' nimu bcnyrng,
bzkq abtrpzmu drtwrmu mz traucsmu.**
- 11 A' naamqtrku drtwrgu mz nzxlr-krge natq lncg.
Murde Gct txpwz kx matq.
- 12 X da kx myapxbz, nzaodu-krde nigu tresakiu.
**X naayzlu-krmle le bagu
vz-nqblqle da kx alekung mz nrlc.**

Sam 63

Sutitx Zlwz Drtwrnge Nzxplr-krm

Nabz ne Devet mzlike tqmnc-ngrde lzke ngr Judz

- 1 Get rnge, rtangrtix nim.
**Murde nim txpwz kx batrpqle
nzesatpx-zpwskr drtwrnge.**
Apux neblo kx drtwrde brlxkz x mzte telvr mz lrpzki,
Mz nzsutitx-zlwzkr drtwrnge nzmnc-tr-krbo bam.
- 2 Naxngi-ngrbo nzu lrm Makxtrdau
Mz nzmc-krnge zmatq x zluli rm.
- 3 Nzmu trnamncwxu mz nivz lrm, nzlu-krnge ngi brmrda,
A' glqlz-zvzx nim mz nzaodu-zvz-krm ninge.
- 4 X sa naawi-zvzbo bam
Mz nzglalz-krbo mqnge mz nzkrka'-krbo bam.
- 5 Drtwrnge sa naesatpx-zpwx mz nzmnc-tr-krbo bam.
X sa naangrlvzx nim mz nabz kxyrlvi.
- 6 Mz nrlekbq kang kqlu aoti-zvz drtwrnge nim,
Vz vz nrle ngrlx.
- 7 X angrlvzx nim mz nzabrtzngr
Murde okatr-zvzq ninge x tu-zvzme mz nibrnge.
- 8 Mnc-amqngitrpo bam,
X lolvz-amqngiq ninge mz mqm kxxplr.
- 9 A' ayrkrtxong mz drtc'
Nekeng nzmulr nanibqlr ninge.
- 10 Nibqting nidr mz nzotangr,
Murde kulidrlr nangqtilr namz ngrdr.
- 11 X ninge, king nem, sa naabrtzlvzx nim,
Murde ngi batrpe' nzaovxio-krnge.
X leplz kcng tzabtrpzlr drtwrdr bam, sa nabilvzlr nim.
A' kxnpokiang sa nangi batrpzme nzmnc-lrpi-krdr.

Sam 64

Drtwr Kxtrka Trngidapnz'u

Nabz ne Devet kx yrbzle mz Kxrmailz ngr Nzngngr

- 1 Gct, kxputxpex. Xlrm nzkrka'-krnge.
Mwx'Irti-zlwzx enqmi rngeng. Arlapx ninge.
- 2 Tubrkirbz ninge mz drtwr kx nzyrlq kxdrka'ngrng,
Mz nzyrlqbrti-krdr ninge.
- 3 Nzxngitrngr nzymne-krdr
apule nzrlakikr tokirvea kxmalc leplz.
X nznz'lr leplz mz natq kxtrka apule nipna'.
- 4 Nzmnc-kapqng mz nznz'-krdr leplz kxnztubqng
mz natq ngr nzpokianger.
X trnzmwx'lr nzaniti-krdr nzatrkatikr-krdr nidr.
- 5-6 Nzapqtrlr drtwrdr mz drtwr kxtrka kx nzyrlqlr.
X nzarmyalz-tpwzlr nzkrlzkr leplz,
Mz nzrpi-lxblr-krdr kx,
“Naamwiku trtxki mz nzyrlqbrti-krdu leplz.
**X nzbrngztio-krdu lc da kxvz-rbr
trpnz'ngr kx narmc x narkrlzti.”**
- 7 A' Gct sa naayrplapx-anile nidr
naapule kx pnz'le nidr mz nipna' scde.
X napwekilvc-ngdrdr nztupekr nipna' ngrdr.
- 8 Sa naatrkatile nidr murde nzrpiting natq kxtrka.
X sa nayrpalelvzng leplz amrlx kcng nzrmcng nidr.
- 9 X leplz amrlx sa namyatitrlr Gct.
**X sa nayapwxtipxlr da kx aleleng
mz nzaotikr drtwrdr.**
- 10 Leplz kxnztubqng naabrtzlvzlr Yawe
x naabrtpzlr drtwrdr bade.
Leplz kx nabzdr lq naawibzng bade.

Sam 65

Kxaodu, Kxrpalex, Kxrka

Nabz ne Devet kx yrbzle mz Kxrmailz ngr Nzngngr

Kxaodu

- 1 Gct, nzglqlz-krgr nim Jerusalem tubq-esz'ngr,
X naatutr-angidrkr nzesalz-krbzkr bam.
- 2 Murde xlrme nzkrka'-krgr,
Mz nzmnc-xgle-krgr nim.
- 3 X kxmule-esz' nzvz-rbr-krgr mrilvzle nigr,
A' ipqpx zvz alwx rgrng amrlx.
- 4 Neipz' nigr kcng tqmcpqxng
X vzmitrqng Makxtrdau nyz'm.
Murde sa namnc-zpwxkr
Mz nzrtwzng da kxmrlzting mz ma nyz'm.

Kxrpalex

- 5 Mevalu rgr, mzli kznikeng yrni-ngrbzkr bam,
ayzlume natqgr
Mz nzbatr-krme nzaovxio-krgr.
X kxmule-esz' leplz kx nzmnc-kzng drlekeng mz nrlc,
A' nzabrtr-kzpzlr drtwrdr bam.
- 6 Murde mz nzxplr-krm atulzq newz kxetuting,
Mz nzaelwapx-krm nzmyalzkr zmatq ngrm.
- 7 Aoq nrwz mz nzyclwzkr srkau
x arsakiq nzyrpukr natq nrc.
X amnc-nabuq leplz kcng tzxpqbrlr-ngrdr nim.
- 8 Leplz nzmyatitrlr nim mz nzetukr zmatq ngrm.
X mz nrlc tulvzo nzmalqlvzlr dakeng tqaleqng.

Kxrka

- 9 Gct, aolve-angidrq nrlc mz nzadc-krm tewa,
Murde dakxnzng nalvc angidr mz drtc'.
- 10 Tewa lc tqayayrtile drtc' nyz'gr,
Murde da kx petikr mz nrlanc nyz'gr nalvcpulzmqng.
- 11 Mrgcng amrlx tqvzkiq ycng dakxnzng kxkqlu.
X bxli scgrng yrbuti zvz mz da kxmrlzting.
- 12 X nigr leplz abrtz-zlwz-ngrgr
Nzmc-krgr nzplekr nra nounc nyz'grng.

- 13 Angrlvzkr nzyrlvzbqtikr animol negrng,
**X malqkr murde nrlanc nyz'grng brtipeng
x ycepe pipz nyrplilzngr.**

Sam 66

Nzayzlu-zvz-krbz Gct Natq Kznztubqng

Nabz kx Nzyrbz mz Kxrmailz Ngr Nzngngr

- 1 Lr nrlc amrlx
Namalqlvzlr Gct,
- 2 Mz nzangrlvz-krdr nzmatqkr drtqde,
X mz nzglqlz-krdr nide mz nabz kx yrivi.
- 3 X narpibzku bade kx,
“Da amrlx keng tqaleqng nzketitpxng.
**X enqmi rmqng nzmetspebzng bam
mz nzetu-esz'ngrkr zmatq ngrm.**
- 4 X lr nrlc amrlx nzangiokr nim,
Mz nzglqlz-krdr nim x nzramyalz-krdr drtqm.”
- 5 Nadepx mz drtwrgu da kx nzketitpxng,
Keng tqalemqng Gct bagu mz mz leplz kzbleng.
- 6 Akipxle Prla Kxpc x arsakile Luejodzn
**Mz nzyrlq-krbzle me mingrng
kx navzki melrmqngung.
X mzluka nigu kz awi-ngrbzbu bade dalcng.**
- 7 Nide kc tqaolve alo mz zmatq ngrde.
**X tqyrlq-zvz mzte drtqbr kzbleng
murde bzkq nzglqpx-lzbqng
mz nzxpqbrlr-krdr nide.**
- 8 A' nimu leplz kzbleng naglqlz-kzamu Gct rgr,
Mz nzangrlvz-kato-krmu nide.
- 9 Murde nide kc tqaolve-zvzbz nzlu-krgr,
X trrlrpx-ngrdeu nzaovxiokr enqmi nigr.
- 10 Gct, kxmule-esz' atubqtipeq nigr murde nabzgr nalqngi,
**Mz nzapu-krgr silvz kc tqyrleni
murde zblqki rde navztx.**
- 11 X kxmule-esz' rlrpx-ngrn nzyrlqbrtingr nigr,
X batrpzme nzrglq-krgr da kx mzlepu.

- 12 X kxmule-esz' rlr-ngrbzme mz enqmi rgrng
nznrbtri-krdr nigr,
X vztrkr mz nabz nzxpungr kx apule nyr x nrc kxoda,
A' mzlika yzlumi-moupe' nigr me nzrlapx-krgr.
- 13-15 X ayzlu-kzpe' natqng mZ mZlir nzxpukr-ngeng,
X delc naka-ngrbo bam dakeng tqpibo.
Rtwzme animol kxncblongr kx oliqtix mZ olta nyz'm,
Mz nzange'-krbolr bam mZ Makxtrdau.
Murde zsikapu ngrdr navzdzbz,
Nangi dalr nzawi-krbo bam.
- 16 Nimu amrlx keng tzangiokr Gct, lalztqmamu bange,
Mz nzpi-krbo bamu dakeng tqalemleng bange.
- 17 Mz nzbrtikr drtwrge nide, krka'bo bade,
**Mz nzoliqti-krnge nzawi-krbo bade
mz nzayzlu-krmle natqngne.**
- 18-19 X ayzlu-zpwxmle natqng
Murde plztipxbo alwx rngeng.
A' rblx nzxlkrde
Nzkrka'kr doa kx nabzde blqki.
- 20 Awitx-zlwzbo mZ Gct murde trpx-ngrdeu nzkrka'krnge
X nzaodu-zvz-krde ninge.

Sam 67

Lr Drtqbr Naglqpxlr Gct

- 1 Gct, naye mZ drtwrm nigr,
Mz nzamrlz-krm x nzokatr-krm nigr.
- 2 Murde lr nrlc nakrlz-angidrlr nqm q krm
Mz nzarlapx-krm nigr.
- 3 Neidu lr leplz naglqpxlr nim,
X naawibzng bam!
- 4 Lr drtqbr amrlx naangrlvzlr nim,
Murde mailz q x jzsiq nidr mZ nqm q kxtubq.
- 5 Neidu lr leplz naglqpxlr nim,
X naawibzng bam!
- 6 Gct rgu amrlzle nigu,
Mz nZrpilzngr dakxnzng.

- 7 X sa naamrlz-zvzle nigu,
X leplz amrlx namyatitrlr nide.

Sam 68

Gct Tumilzpemle Zmatq Ngrde Mz Nzaolve-krde Lr Israel

Nabz ne Devet kx yrbzle mz Kxrmalilz ngr Nzngngr.

Nzmatqkr Gct

- 1 Gct maneutile enqmi rdeng mz nzvz-krmlle.
X kxnzpx-ngrdr nide nzdwaszdr nide.
- 2 Milxtxole nidr mz nzapu-krdr zsikapu kc tqxwqplx nenq.
**X nibqtile kxdrka'ngrng
mz nzapu-krdr kadol kc tqyrle mz nzngc'-krde.**
- 3 A' nigu kxnztubqng abrtzlvzku
nzmnc-aepztr-krbzku bade,
Mz nzbilvz-krdu x nzmqlvz-krdu nide mz nzelangr.
- 4 Naglqlzku Gct mz nzangrlvz-krdu drtqde.
**Naarmyalzku nide kc tqvooom mz dcbz.
Drtqde Yawe x naabrtzku mz nzmncr-krbzku
mz mzte.**
- 5 Gct mnc Makxtrdau nyz'de,
**Apubzle trte badr doa kxnzbszng
x aolve-kzle olvz kx nzbzszng ncblo ngrdr.**
- 6 Kxnzmncng esz'-krdr amncr-lxblr-kzleng mz neidung,
X kx drtqdr tropxu vzmi-kzleng murde namnc-zpwxng.
**A' krkcng tzesablqtilr nide,
amncng me trnamnc-zpwzngdrdu.**

Mzlike Lr Jiu Tzrlasz-ngrdr Ijip x Tzprtr-ngrdr Lzke

- 7 Mz nzrlaszkr leplz ne Gct Ijip, vzmitrleng lzke.
X mz nzmailz-krde nidr, nginibzle badr nyr x dcbz.
- 8 Nide Gct r Lr Israel
kc tqaelwapxle zmatq ngrde mz Newz Sainai.
**X mz nzvz-krmlle, nengq kxetu
x tewa kxetu nzvz-kzpqng.**

Mzlike Lr Jiu Naprtr-ngrdr mz Drtc' kc Tqipibz Yawe Badr

- 9 Gct avzo-ngrmle tewa,
Murde naalu-moule drtc' nyz'de kc tqmingrpe.

10 Neidu Irde kxtrnzrngiscung amncleng mz drtc' lc,
Mz nzrka-krbzle badr da kx nzmnectpxp-ngrdr.

Mzli nyz' Kxnzrjzsngq [Mc Kxnzrjzsngq 5:16, 24, 30-31.]

11 Kxetu Gct rgu kapxle natqde,
X olvz kxnzkqlung kxmu nzpipx-krdr nrpa se,
12 “King x ami nedrng nzdwang.
**X nigr olvz akitikr dakcng tztwz ncblo ngrgrng
mz vea.**

13 Akitikr da kx lqngi kx lulwx kx nzwzngz mz silvz x gol.
**?Myx' kxmule kzdung nimu ncblo
trnzprtr-ngrdru mz vea?**

14 Murde Gct kxrninr miltxole king kcng,
**X namz ngrdr nztwzbene-krdr
apule lrdz kx lvxlz nrc mepz'.”**

*Mzlikc King Devet Tqyrlq-ngrde Mzteadau Nyz'de Jerusalem
[Mc 2 Samwel 6.]*

15 Mzlikc King Devet tqyrlq-ngrde Mzteadau nyz'de
mz Newz Saeon, newz kzble apule ncblo
kx angya' drtwrde nzyckr Mzteadau mrlc.
A' Devet ayzlubzle natqde mz nzrpi-krbzle kx,
“Newz Basan, kxmule-esz' matq-esz'ngm x myatxlzq,
X nra nyz'mqng ngi rtrngr,
16 A' bzkq obqszoq newz kc tqmcpz Gct kx namnc-ngrde,
Murde sa namnc alo elr.”

Mzlikc King Solomon tqngini-ngrde Bcnyr

17 Mzlikc King Solomon tqwzpe-ngrde
Makxtrdau Jerusalem,
**Opxm kx tzbzle lrpzki r nzprtr-krm Yawe
mz nzaovxiong.**
Gct vom mz siu r sariot scdeng,
**Mz nzprpx-krmle mz Newz Sainai
mz nzprtr-krde Makxtrdau nyz'de.**
18 Mz nzvzdzkr Yawe Gct mz Newz Saeon
murde namnc alo elr,
Aovxiole enqmi kang kqlu.

X mailzle nekeng lolvztileng mz nzka-krbzlr da bade
mz nzngini-krde Ngrlrvea.

X wai-kzle kxnzglqpx-lzbqng mz nzmety-krbzlr bade.

Drtwr Ngr Sam Ka

- 19 Naglqlzku Kxetu kc tqatu-amqngile nigu
mz zby kang kqlu.

Murde nide Mevalu rgu.

Mzlikc Gct Tqnbqti-ngrde King Nede Ehab x Nqvi Lrde

Mz Nzayrplapx-krde Nidr [Mc 1 King 21:19, 2 King 9:24, 36.]

- 20 Gct rgu nide Gct kc tqarlapxle leplz.

**Yawe nide Kxetu kc tqkapxmle nigu
mz mq enqmi rgung.**

- 21 X tqtaputibzle nardr,

Nidr keng tzvz-rbr-zvzng.

- 22 Murde rpimle bagu kx, “Kxmule-esz' enqmi rmung
nzdwalzng mz newz e drlve keng
mz nzakitikr nrlc nidr,

A' sa nayzlutibong.

- 23 Murde navznenamu mz nznzlvzo-krmu mepyr ngrdrng,

**X kuli nemqng drtwrdr sa naesatpx-zpwx
mz nzrmnq-krdr mepyr.**

*Nzakaputr-ngrm Pasovz mz Mzli nyz' King Hesekaea [Mc 2
Kronikol.]*

- 24 Leplz amrlx nzmclr nzvztr-krm Gct King,

Mz nzvzmitr-krde leplz nedeng Makxtrdau.

- 25 Kwaea nzrtwayzng, vz-nqblqbz olvi kx nzelang
x nzayrlewzng nrasrpwale.

X kxnzayrning gita nzrmnr-ngrmqng.

- 26 Kxmu nzngr-krdr nide sele, “Naglqlzku Yawe,
nigu leplz nedeng, mz nzyrlwr-lxblr-krdu.

Naglqlzku nide, nigu keng tqngi nqvi lr Jekop.”

- 27 Neidu lcng tzvz-kzpqng, Benjzmin, Judz,
Sebiulon, x Naptalae.

Neidu kc topwz ne Benjzmin rtwayzbz badr,

X mz nibrde kxnzetur r Judz x leplz nedrng.
X rmwr-ngrbz neidu kx nzmncng mz not,
kxnzetu r Sebiulon x Naptalae.

Lr Jiu Nzkrka'-ngrdr Drtqbr Kzbleng

- 28 Gct, aelwapx mou zmatq ngrm,
Kc tqaewapxq tqokatr-ngrn nigr mzlike.
- 29 Kapxbz natq kx king keng tqaovxiopeq
nartwzmqng da kx nakabzlr bam,
Mz nzmnc-krm Makxtrdau.
- 30 Ayrplapx Ijip kc tqapule trmclogo kc tqmnc-kapqpxm
mz nabr mz nqvi lr lue, nidr badr drtqbr kztedeng
mz nzaodali-krm nidr,
Navz navz mzli kx nzyznguo-ngrbzlr bam,
murde mrlz-zvzbz badr nzotangr.
- 31 Murde kxnzetur ngr Ijip
badr drtqbr kztedeng navzmqng,
Mz nzxpe-krdr nzaovxio-krm nidr mz trau,
silvz, x da kx lulwx.

Nzmatqkr Gct

- 32 Ngrbamu mz nzglqlz-krmu Kxetu rgu Gct,
Nimu lr drtqbrng amrlx.
- 33 Murde nide kc tqvzne mz bongavz,
kc tqwz-ngrde mzlike bqnc.
X nzxplrkr natqde apule natq brlrmei.
- 34 Napipxku zmatq ngr Gct, kc tqaewapxle mz dcbz,
X mz nzaolve-atwrnrngr-krde nigu lr Israel.
- 35 Murde nide Gct rgu kc tqrkam bagu nzxplrngr x zmatq.
X batrple nzmyatitr-krgr nide Makxtrdau.

Sam 69

Nzkxpukr Kxwztr-zvzbz mz Yawe

Nabz ne Devet kx yrbzle mz Kxrmailz ngr Nzngnrgr.

- 1 Gct, pi-zvzbo bam kx, “Arlapx ninge!”
Murde nzkxpu-krngeng nzetunepxpe.
X apupex rplz kc namrbropebz mz nrlr.

- 2 X apu-kzx kx twznede ninge drle ngr nrc.
Opxm kx boopex x nabzpex,
murde trpnz'ngr me nakcblztr-ngrne.
- 3 Gct, drtqnge tatxpe x drtwrnge kaatxpe
mz nzkqle-zvz-krnge nim.
Mzke' ngqbqtxtrpebz mz nzaenzli-krnge nzvz-krme.
- 4 Enqmi rngeng nzmulr nanibqlr ninge
mz nzxplr-zlwz-krdr.
X nzpxtpx-krdr lc ninge trpnz'ngr noude.
X nzkqlu-krdr nzmyaszpxlr nqnginarng.
Nzpokatitrlr ninge mz nzrpi-krdr kx
nakabo trau rde. ?A' myx' kxnamu
nzka-krbo trau r da kx tralewxu?!
- 5 A' Gct, nim txpwz kx rkrlz alwx rngeng,
Murde trnzyc-kapqpzung bam.
- 6-7 Yawe, nim Ngrlrvea r ami nem,
X nim Gct r lr Israel.
Nzatrkatilr ninge mz nzlxngiti-krnge nim,
X nzamyati-zvz-ngrm drtqnge.
A' bzkq rlr-ngrme bange nzamya'ti-krbo drtq
leplz nemqng,
Kcng tzlxngitilr x tzangiolor nim.
- 8 Murde apubo lnarnrlc badr lr mrnyz'nge,
X mzlengeng nzmapulrtr-ngrdr ninge peto.
- 9-10 Kxmule-esz' nzrtnga'-ngrdr ninge
Mz nzavzo-lzbq-krnge mz nzalz-krnge.
A' mz nzpqtitrkr drtwrnge Makxtrdau nyz'm,
Apux da kx nzange' mz nyr x yrkrto.
X natq kcng tzpikiti-ngrdr nim,
Yrplatr-kzpqng bange.
- 11 Nzyrpalelvzlr ninge
Mz nzpxi-krnge lrpz ngr nzvzkr drtwr.
- 12 Lr mztea nzpikitedr ninge.
X ncblo kx nzrmnqng nzngr-rtrnga'-ngrdr ninge.
- 13 Yawe, arlapx ninge mzli kznike mrlzbz bam
Murde nzaodu-krm etu-esz'ngr.

- 14 A' yrclzm ninge mz mu mz nzxpxu-krngeng.
X arlapx ninge mz nzngya'tikr drtwr enqmi rngeng ninge.
- 15 Bzkq rlrpx-ngrn nzyrlemikr drle ngr nrc ninge,
X bzkq botxo-alox mz nzbzlx-krmc mz gqpr.
- 16-17** Yawe, ninge kxwz nem.
 Ayzlum natqnge murde aodu-zvzq ninge.
X amrlz ninge murde ycpengr drtwrm ninge.
 Bzkq mnc-rlru-ngrme bange.
A' okatr ninge, murde nabznge talvzo.
- 18 Vzm bange
X xpepxbz ninge mz mq enqmi rngeng.
- 19 Murde krlzq enqmi rngeng amrlx,
Kxmu nzrpibqti-krdr ninge
x nzamya'ti-krmlr drtqnge.
- 20** Nzobqszo-krdr ninge yrnibungr nabznge.
Yrni-ngrne nzvzkr drtwrnge,
A' trpnz'ngr kxnaokatrle x naamqtrple drtwrnge.
- 21 A' nzkam nange dakxnzng kxpiz,
X mz nzbzlxkzkr drtwrnge,
nzkam mqnge waen kxrkk.
- 22** Yawe, leplz lcng nzmung badr kztedrng Makxtrdau
 mz nqm qkx trtubqpwzu mz mzp.
Dalc ngi da kx naodati-ngrn nidr.
- 23 Atrkatibz mztr
X ayangrnge-zvzbz nrkrdrtdr.
- 24 Ayrplapx nidr mz zngya' ngr drtwrm,
Kc tqapule nyr kx nange'-ngrdr.
- 25 X rlrpxngr nzyrkrtxtr-krdr,
Murde mztea nyz'dr namznrtx-along.
- 26 Rlxtibo bam dalcng murde ayrplapxpeq ninge,
A' nzrtxlvlz-moupqlr nzetqkr drtqnge.
- 27 Delc alwx ngrdrng nartxlvlz-ngdr,
Murde bzkq nzprtrng mz nzripqpx-krm alwx.
- 28 Bzkq yroq drtdr mz Buk ngr Nzlungr,

Mrgc tqyclz-ngrm drtq kxnztubq nemqng.

- 29 Gct, tubrkir-ngrbz x arlapx ninge
Mz nztangrgxbe-krnge mz nzvetqkr drtqng.
- 30 Murde naangrlvzx nim,
X naglqlzx nim mz nzawingr.
- 31 Murde naabrtzlvzq nzangio-krnge nim
Namyaszlze nzangc'-krbo blz bam.
- 32 X leplz txne naabrtzng mz nzokatr-krm nidr,
Mz nzkrka'-krbzlr bam
x nzapqtrkr-mopwzme nabzdr.
- 33 Murde lalztqbzme badr kxtrnzrngiscung,
X trmrbrtru mz drtwrm leplz nemqng
kcng tzkxpung.
- 34 Nimu lr bongavz x lr drtc' glqpxamu Kxrpax.
Nimu prla x dalr prla amrlx glqlz-kzamu nide.
- 35 Murde sa naarlapxle Mzteadau nyz'de
x sa naatulz-mouleng mztea ngr Judz amrlx.
X kxnzvwz nedeng namncng elr x nangi nyz'dr drtc'.
- 36 X sa naaprcbzle drtc' badr doa ne leplz nedeng,
Murde leplz kcng tzmrlztilr nide namnc-zvzng elr.

Sam 70

Vz-anim mz Nzarlapx-krm Ninge

Nabz ne Devet kx yrbzle mz Kxrmalx ngr Nzngngr.

- 1 Gct, vz-anim mz nzarlapx-krm ninge.
Kxetu rnekim mz nzokatr-krm ninge.
- 2 Okatrp ninge mz nzaovxio-krnge
kxnmulr naabzlr ninge,
Murde drtqdr namya mzlike nadwasz-ngdr ninge.
- 3 X drtwr leplz lcng tztrnga'-ngdr ninge namei
Mzlike nametx-ngrmlr bange.
- 4 A' amrlz nekeng nzbrti drtwrdr nim mz nzabrtz-zlwzng,
Murde naawi-zvz-ngrbzlr bam nzarlapx-krm nidr mz
nzrpi-krbzlr kx, "Gct, nim kx myatxlz-esz'ngr."

- 5 Yawe Gct, yangrnga-zvzx x trpnz'ngr scnge zmatq.
A' nim txpwz kxarlapx rnge.
Delc navz-ani-ngrme mz nzokatr-krm ninge.

Buk Tq

(Sam 73-89)

Sam 75

Kap Ngr Waen Kxxplr Ngr Nzayrplapxngr

Nabz ne Asap

- 1 Gct, awitx-zlwzbzkr bam mz nzmnc-aepztr-krme bagr.
Aleq da kxmrlzting. Gct, awitx-zlwzbzkr bam.
- 2 Gct rpile kx, “Yrlqpex mzlikx najzs-ngrne leplz.
X najzsa nidr mz nqm qksesaklrngr.
- 3 Kxmule-esz' nrlc badr da kxnzung nzrnrcng,
A' sa nalolvz-amqngix noude.
- 4-5 Pibo badr kxnzqlqpx-lzbqng kx bzkqpe nzlcpung.
X pi-kzpo badr kxdrka'ngrng
kx bzkqpe nzarmyalz-lzbqng.”
- 6 Murde trpnz'ngr me vzkixm nzarmyalzngr
Mrga mz nrlc.
- 7 A' Gct txpwz kx najzsle leplz amrlx,
Mz nzayrplapx-krde kxdrka'ngrng
x nzarmyalz-krde kxntubqng.
- 8 Yawe ngya'ti zlwz drtwrde kxdrka'ngrng.
X mz nzayrplapx-krde nidr
Naapule kx rkabz badr kap ngr waen kxxplr.
X mz nzmq-krdrle trpnz'ngr kxpipz kx nayctxo,
a' naykrtxlzm.
- 9 A' ninge trtxpnz'ngr nzesakikr
nzyapwxtine-krnge Gct r Jekop,
X sa naangrlvz-zvzx nide.
- 10 Murde rpile kx, “Sa naodatix zmatq scdr kxdrka'ngrng,
A' zmatq scdr kxntubqng sa naaetunepxbo.”

Sam 76
Gct Kx Aovxio Zvz

Nabz ne Asap

- 1 Lr Israel nzkrlyz-angidrlr Gct.
X nzangioldr drtqde.
- 2 Ma nyz'de tuom Jerusalem,
Mz newz Saeon.
- 3 Mrlcde dekc tqtwz-ngrde temz ngr lczmz,
tokirvea, x nipna' scdr enqmi rdeng,
Mz nzodati-krde dalr nzotangr amrlx.
- 4 Gct, nim Ngrlrvea kxmyatxlz-esz'ngr.
X myaszlq newz keng tzmyatxlz-along.
- 5-6 Gct ngr Jekop, mzlike tqplanati-ngrn enqmi rmqng,
Ncblo amrlx keng tzvoneng mz esi x esi nedrng
nztatio-lxblrng x nzbzng.
X nzkrlyzkr ncblo ngr vea x zmatq scdr odatipeq
x nzyangrngapeng.
Nibqtipeq nidr amrlx x twzq da kxngi scdr.
- 7 Delc leplz amrlx tzmwx'lrti-ngrdr nim,
Murde trpnz'ngr kx nzyatrpz bam
mz nzngya'kr drtwrm.
- 8-9 Gct, mzlike tqpio-ngrme ngrjzsngr Heven,
Mz nzarlax-krm kxnzobqszong,
Lr nrlc amrlx nzmwx'lrng
X nzmnc-lrpitxpnz'ng.
- 10 Leplz amrlx sa naglqlz-ngrdr nim,
Mz nzaovxio-krm nzngya'ngr drtwr enqmi rmqng.
Murde ncblo keng trtqnibqtiwqng tzmetyxbzng bam,
Nzpipxbzlr kx nanginipedr ncblo nemqng.
- 11 Delc naangidati-ngrgu da kx esalz-ngrbzku mz Yawe,
Gct rgu.
X drtqbr keng nzesotrpz nartwzmqng mz Gct
kc tzmyatitr-esz'ngr, dalr nzaovxio-krde nidr.
- 12 Murde nide kc tqavzole kxnzetzung,
X ngi batrpzle nzmwx'lrtikr king amrlx mz nrlc nide.

Sam 79

Kxetu, Ayzlu-ebringr-mopwz Badr

Nabz ne Asap

- 1 Gct, leplz kxnmnc-mrbrng nzvztrpqng x nztztilr nigr,
Murde natwzlr drtc' lc tqkame bagr.
Nzatrkatipelr Makxtrdau nyz'm,
X nzodati-atwrnrngrpelr Jerusalem.
- 2 Namz ngr leplz nemqng nzayrlwrtxnedr
Ngi dakxnzng nanq kio ngr peto x animol kxdring.
- 3 Enqmi nzlakitilr leplz amrlx Jerusalem,
X mepyr ngrdr kx yrlenepele apule lue.
Mz nzm-krde lcde, trpnz'ngr nidr kx rlapx,
Kx nayrtzmlr namz ngr kztedrng.
- 4 Lr drtqbrng kcng tzmnc-aepztrpqng bagr nzelvzlr nigr
mz nzamyati-ngrm drtqgr,
X nzrtrnga'ngrdr nigr.
- 5 ?Yawe, ngya'ti-alope drtwrm nigr?
?Myx' kxmule, zngya' ngr drtwrm lc
tqapule nyr kxvou, kx naangc'-alopele nigr?
- 6 Bzkq, a' kx nangya'ti drtwrm kxnmnc-mrbrng
ngr drtqbr kzbleng,
Keng trtzamatqlru x trtzangiolru nim.
- 7 Murde nznibqtipelr nigr leplz ngr nqvi lr Jekop,
X nzatrkatipelr drtc' kc tqkame bagr.
- 8 Gct, bzkq ayrkrpx-ngrn nigr alwx ngr melrmqgrng,
A' naye mz drtwrm nigr
murde nqmqrng nabzgr bao-zlwzpe.
- 9 Mevalu rgr, okatrpq x arlapx nigr, x ipqpbz alwx
ngrgrng,
Murde bzkq leplz kzbleng nzobqszolr nim,
- 10 Mz nzrpi-krmlr bagr kx,
“?Myx'pe Gct rmu?”
A' rlr-ngrm nzmc-krgr nzayrplapx-krm leplz lcng,
Mz nzayzlu-krbzme badr nznibqti-krbzlr
leplz nemqng.

- 11-12 Kxetu, ayzlu-ebringr-mopwz badr
Nikeng nzalelr mz nzobqszo-krdr nim.
 X arlapx kz leplz nemqng keng tzlolvztilr
 murde bzkq nzbzng,
Mz nzayzlu-krme nzyrni-krbzkr bam.
- 13 Murde nigr lcng tzapulr sip nemqng,
Naawi-zvzpebzk bam mz nzglqlz-alope-krgr nim.

Sam 82

Gct Jzsle Kxnzetu Kxnzvz-rbrng

Nabz ne Asap

- 1 Gct wxbuom me matq mz nzaolve-angidr-krde,
Murde najzsle kxnzeturng keng tzmailzlr leplz.
- 2 Rpibzle badr kx,
 “Bzkq rjzsamu leplz mz nqm q kx tresaklrngr.
X bzkq okatramu kxdrka'ngrng
murde namyaszpxlr kxnztubqng.
- 3 A' nzwz-krmu nztu-krbzmu mz nibr kx trpnz'ngr scdr da
 x doa kxnzbzszng,
X nztubrkipx-krmu kxnzkxpung x kxnzyangrngang.
- 4 Murde naarlaxbzmu nranlungr leplz
 keng trpnz'ngr scdr zmatq
Mz mq kxdrka'ngrng.
- 5 Ngqnguplxramu x trpnz'ngr da kx krlzamu,
 murde nqm q semung trka zlwz amrlx.
X trpnz'ngr da kx opxm mzlika mz nrlic.
- 6 Ninge Gct kc tqmyalz-esz'ngr,
 x kapebo bamu zmatq ngr nzaolve-krmu,
Mz nzmncz-krmamu mz zmatq rnge.
- 7 A' kxmule-esz', mrbtr mz drtwrmu kx
 nzkriz nzkrtxpx-ngrbz zmatq kc twz-xgleamu
 dake tzwai kzdung kxnzeturng.
X nabz-kzamu dake tzwai leplz amrlx mz nzbz-krdr.”

- 8 Get, vzm mz nzjzs-krm nrle tulvzo,
**Murde lr drtqbrng amrlx nzmnczbzng
mz zmatq ngrm.**

Sam 84

Lepiz Kxnmncpxmqng Makxtrdau Nyz'm Nzmnc-zpwxng

Nabz ne Nqvi lr Kora kx nzyrbzlr mz Kxrmailz ngr Nzngnrgr

- 1-2 Yawe Kxrninr, nim Get kx lu.
X mrlz-zlwzm bange Makxtrdau nyz'm.
Murde sutitx zlwz drtwrnge
nzmncpx-krmc makoa ngrde,
Mrgc tqngr-abrtz-ngrbo bam mz nabzng atwrnrngr.
- 3 Yawe Kxrninr, nim Get x King rnge.
**Kxnvzdzng Jerusalem mz nzangio-krdr nim
nzlatrng mz olta nyz'mqng.**
Murde mz nqm qcpwz utc tzwz-ngrdr ma nyz' neidr,
**Mz nztapirpx-krdr neimrdr, olta nyz'm
apule ma nyz' doa nemqng.**
- 4 X doa leng nzmncpxmqng Makxtrdau nyz'm
nzmnc-zpwxng
Mz nzangrlvz-zvz-krdr nim.
- 5 Neipz' leplz kcng tzvzdzng mz Newz Saeon
mz nzangio-krdr nim,
Murde axplr-mowq nidr.
- 6 Mz nzkawi-krdr nabzlwz kxmingr
nzmctilr nabzde kx lrtng
Mznibr nzdckr tewa.
- 7 X mz nzesotr-krdr Jerusalem nzxplr-krdr etunepx,
**Murde ycppe pipz nzkriz-krbzlr Newz Saeon mz
nzangio-krdr nim, Get kxmyaszlzle gct kzbleng.**
- 8 Get kx rninr, nim Get r melrmqgr Jekop.
Xlrm nzkrka'-krnge mz nzvztr-krnge ma nyz'm.
- 9 Rlxtibo bam
Kx amrlz-zvzbz king rgr kc tqmcpqx.

- 10 Murde z bq kxes z' nzmnc tr-ngrbz bam
 mz Makxtrdau nyz'm,
**Myaszpxle z bq kang kqlu nzmncngr
 drlve keng mz nrlc.**
 X nzprtr-ate-krbo mz naonrx ngr ma nyz'm,
**Myaszpxle nzmnc-zvz-krnge
 mz ma kxnzeturung nyz' kxdrka'ngrng.**
- 11 Murde Yawe, nim King rgr
 ke tqbatrpqle nzamatqngr nigr.
**X nim temz ngr lomrgr ke tqaolvele nigr
 mz zmlrz ngrm,**
 Mz nzrlrpx-zvz-krbzme da kx mrlzting
Badr kxnztubqng.
- 12 Yawe kxrminz,
Leplz keng tzabrtrpzlr drtwrdr bam nzmnc-zpwxng.

Sam 85

Nzamrlzkr Yawe Mzlike Pnz', Mzlika, x Mzlike Navzm

Mzlike Pnz'

- 1 Yawe, yc ngr drtwrm lr Israel mzlike bqnc,
Mz nzamnc-zpwx-mou-krm nidr mz drtc' nyz'm.
- 2 Sc tqipqpeq nidr leplz nemqng mz nzvz-rbr-krdr,
X katxpxbzme alwx ngrdrng.
- 3 Mzlilcde, lolvz-mowq zngya' ngr drtwrm,
X nrwx ke tqprlxpebzme badr.

Mzlika

- 4 Mevalu rgr, mzlika amnc-zpwx mou kz nigr,
X nikitx nzngya'tikr drtwrm nigr.
- 5 ?Myx' kxmule, nangya'ti-alope drtwrm nigr,
X trpengr nyzlukr drtwrm?
- 6 Trtingr! Axplr-mopwq nzlu-krgr,
Murde naabrtzlvzkr nim.
- 7 Yawe, aelwa-ngrm bagr nzaodu-krm ke tqyc tqyc,
Mz nzarlax-krm nigr.

Mzlike Navzm

- 8 Nabrti drtwrgu natq Yawe,
Murde esalz-ngrmle nrw bagu
mz nzyrlqpx-lzbq-krgru mz dalr nzngqngungr.
- 9 X oliq zvz mz nzarlapx-krde kxnzmyatitrlr nide,
Murde nzu lrde naxngi-alope mz drtc' nyz'gu.
- 10 Yawe aodu-zvzle nigu
murde nangida-zpwx-zvzbzku bade.
X rjzs mz nqm qxtubq murde namnc-zpwxku.
- 11 Mz nzavzo-krmlle nztubqngr lc bagu,
Ayklubzku mz nzngida-angidr-krbzku bade.
- 12-13 Apule kx nztubqngr lc rtwayzbz bade
mz nzatubqti-krde nabz leplz,
Murde naoliqtilr nzvz-krmlle.
Mz nzoliqngr lc, Yawe sa narkatim bagu da kxmrlzting,
X drtc' nyz'gu sa nalvcngr dakxnzng kxkqlu.

Sam 87

Jerusalem Apule Lxe Drtqbrng Amrlx

Nabz ne Nqvi lr Kora

- 1 Yawe wz-ngrde mzteadau Jerusalem
Mz newz kxtr nyz'de.
- 2 X mzteadau lc nzmrlz-krbade
Myaszpxle kzdung mztea ngr Israel.
- 3 Delc nimu lr mztea nyz'de,
Naxlr-ngrnamu natq kxmrlz
kcng tzymnetr-ngdr Jerusalem.
- 4 Gct rpile kx, “Mzlike naaplxtipx-ngrbo leplz nengeng,
leplz ngr drtqbr kcng tzo-ngalelr Israel
sa naptrng mz dzbede nenge,
Krlcng Ijip, Babilon, Pilistia, Taea, x Itiopia.
- 5 X sa narpibzlr kx Jerusalem lxe drtqbrng amrlx
murde nzmctitrpzlr nzlungr bade.
X ninge, Yawe kc tqmyatlx-esz'ngr,
sa naatu-amqngix nide.

- 6 X sa nayrox drtq leplz amrlx keng tzbtri drtwrdr ninge,
Mz nzprtr-krdr mz neidu lr Israel.
- 7 X mzlilcde, leplz nengeng amrlx lcng sa naelang
 x narpilr mz nzngr-krdr kx,
**‘Mztea nyz’gu, Jerusalem ngi narlue ngr
 me vzkixm da kxmrlzting amrlx.’ ”**

Buk Pwx

(Sam 90-106)

Sam 93

King Kc Tqmyatxlz-esz’ngr

- 1 Yawe, nim King kc tqmyatxlz-esz’ngr, x ngiscm zmatq.
**Wz-ngrn nrlc x tu-amqngio me yc-ngrde
 x trycngrlru.**
- 2 Nzmnc-krm tqyc tqyc.
**X nznngini-krm King yc pnz’ kai,
 x sc tqwz-ate-ngrn dalr nrlc ka.**
- 3 Yawe, nzprt-z-krm srkau ngr dxi ngr nrlc,
Natq nrc-ngrde aycngqngile nrlc.
- 4 A’ nzmyalz-krm myaszpxle srkau.
**X zmatq ngrm myaszpxle nzmatqkr natq nrc.
 X nim kc tqmnetxlz matq-esz’ngrn.**
- 5 Yawe, Loukxtr scmqng tqvzpe, tqvzpe.
X Makxtrdau nyz’m nztr-zlwz-krde tqyc, tqyc. Eu.

Sam 95

Namnelzbzku mz King kc Tqngi Kxrpax

- 1 Nangrbzku mz Yawe mz nzabrtzng.
Murde nide Butqbr kc tqrlakitrku.
- 2 Naawibzku bade
Mz nzngr-kato-krbzku bade mz nabz kx yrlvi!
- 3 Murde Yawe nide Gct kxmyalz-esz’ngr,
X nide King kx myaszlxle gct kzbleng.
- 4 Me boongr yc mz mqde.

- X nyz'-kzde newz kxmyalzng.**
- 5 Prla x drtc' nyz'deng
Murde wz-ngrde.
- 6 Naangioku Yawe kc tqwz-ngrde nigu
Mz nzyzngulvzo-krqu nide.
- 7 Murde nide Gct rgu, x nigu leplz nedeng,
Apuku sip kx aolveleng.
- X rpimle bagu kx,
- 8-9 “Bzkq nabzmu mqngipe, dack tzwai melrmqmu,
mz nzmnc-krdr mztea Meriba x Masa mrgc lzke,
Murde drtwrdr litrp bange.
X trtemu leng nzatalzlr ninge
mz nzabctr-krmlr bange mqdr lue,
Kxmule-esz' nzmc-zvzlr nizrka-krbo badr da kxmrlz.
- 10 Yiz nzpnu'pwx nya'ti ngr drtwrnge nidr mzilcde.
Murde trnozozliru nzti rnge.
X nzpntpx-ngrdr natqng.
- 11 X drtwrnge kx nzangya'-zlwzmlrle kc, sc tqesalzpx kx,
Trtxpnz'ngr nzprtrkr leplz leng mz drtc' nyz'nge
mz nzama-krdr elr. ”

Sam 96

Naglqlzku Zluli r King Yawe

- 1 Nigu lr nrle amrlx
Nangr-ngrbzku mz Yawe nabz kxmna!
- 2 Naangrlvzku nide
Mz nzyapwxtipx-krqu kx arlapxle nigu.
- 3 Napipxbzku badr leplz amrlx
Da kx matq x da kx myapxbz kcng tqaleleng.
- 4 Nzmyati-krqu Yawe namyaszlzle gct kzbleng,
Mz nzangio-krqu nide murde nide kx mrlue-esz'ngr.
- 5 Gct ndr leplz kzbleng ngi-tpwz mqngr da kxnzlx,
A' Yawe tpxwz kx rwzngz bongavz x nrle atwrnrngr.
- 6 Mz nzmncr Yawe Makxtrdau nyz'de
Xngibzku zmrlue, zyzlr, zmatq x zluli rdeng.

- 7 Nimu neidu lr drtqbrng naglqlzamu nide
Mz zmatq x zluli,
- 8 X zmlue lcong tqtakitrde nide,
Mz nzrtwz-krmg u blz krgu mz makoa nyz'de.
- 9 Nigu amrlx naangioku Yawe murde tr-esz'ngr.
Namyatitrku nide x narnrctrpzku bade.
- 10 Napipxbzku badr lr drtqbrng kx, "Yawe nide King r nrlc!
Murde nide kc tqatu-amqngile nrlc mz trnzycngrlr-krdeu.
X sa najzsle lr nrlc amrlx mz nzesaklrngr."
- 11 Nimu bongavz x drtc' naelalvzamu nide!
X nimu prla x dalr mqng amrlx drtwrmu naelalzm!
- 12 Nimu nardzng x dalr mqng amrlx naabrtz-kzamu!
Nimu nounc ngr peto amrlx naangrlvz-kzamu Yawe.
- 13 Murde sa tqvzm mz nzaolve-krde lr nrlc.
X sa najzsle leplz amrlx mz nqm q kx mrlz x tubq.

Sam 97

Yawe Nide King Kx Myaszpxle King Amrlx

- 1 Yawe nide King kxmyatxlz, naabrtzlvz lr nrlc amrlx.
X lr trmctu naelalz-ngrm drtwrdr kz nide.
- 2 Zbo kxve x nzlo nzngrlvlzlr nide.
X aolvele leplz mz nqm q kxmrlz x tubq.
- 3 Nyr rtwayznepx kai mz nide,
Nyr kx nange'ngr enqmi
keng tzmnc-brkir-ngrmlr nzti rde.
- 4 Brlrpe ngrde kx pcp xle pnamilxtile nrlc,
X drtc' ycnqngilzm.
- 5 Yawe nide Kxetu r nrlc atwrnrngr.
X mz nzmc-krdr nide newzng nzwxong
nzapulr nzwxokr gq.
- 6 Lr heven amrlx nzpipxlr nztubq-esz'ngr-krde,
X lr drtqbrng amrlx nzglxlr nzmatq-esz'ngr-krde.
- 7 Leplz amrlx keng tzangioldr gct kzbleng
drtqdr la namya zlvz.
Murde gct kzbleng amrlx nzyznguobzng mz Yawe
mz nzmnc lz-krbzlr mz zmatq ngrde.

- 8 Yawe Gct rgr, nigr lr Jerusalem
x lr mztea amrlx ngr nqvi lr Juda nzabrtz-zlwz-ngrgr
Nzayrplapx-krm enqmi rgrng.
- 9 Murde lr nrlc amrlx nzmnczbzng mz zmatq ngrm,
X nzmyalz-esz'ngr-krm myaszpxle gct kzbleng.
- 10 Nigu keng tzmrlztilr Yawe napxtpx-ngrgu da kxtrka.
**Murde tu-zvzbz mz nibr kxnztubqng
mz nzarlapx-krde nidr mz mq kxdrka'ngrng.**
- 11 Yawe amrlzle kxnztubqng kx nabzdr lqngi,
Murde naabrtzlvzlr Gct kxtr.
- 12 Delc, nigu keng nztubqng naabrtzlvzku Yawe,
Mz nzawi-krbzku bade.

Sam 98

Naangioku Zmatq ngr King Yawe

- 1 Nangr-ngrbzku mz Yawe nabz kxmna
Mz nzale-krde dakeng tqmyapx.
**Murde aovxiole enqmi rdeng
mz nzetukr zmatq ngrde.**
- 2 Yawe aelwzpxbzle nztubq-krde badr lr drtqbrng amrlx
Mz nzaovxio-krde enqmi rdeng.
- 3 X aodule nigu lr Israel mz nzatutr-zvz-krde natqde.
**Murde leplz mz nrlc tulvzo nakrlzlr
nzarlapx-krde nigu.**
- 4 Nigu leplz amrlx mz nrlc naangrlvzku Yawe
Mz nabz kx yrlvi.
- 5 Naglqpxku nide
Mz nzayrni-krbzku bade gita,
- 6 X Mz nzvxu-krbzku trpu.
Naangrlvzku Yawe, kc tqngi King!
- 7 Nimu prla x drtc' x da lr mung amrlx
Drtwrmu naelalm!
- 8 Nimu lue naamqmq-lzbqamu
mz nztalio-krmu mz nabzde.
X nimu newz naangrlvzamu Yawe!

- 9 Nigu amrlx nangrbzku bade.
Murde sa tqvzm mz nzaolve-krde lr nrlc,
X sa najzsle leplz mz nqm q kxtubq x esaklrngr.

Sam 99

King Kc Tqtr-esz'ngr

- 1 Yawe nide King, kx myaszlzle enjrl
keng tzmatq tztu-ngalelvzlr tron nyz'de.
**Delc leplz amrlx mz nrlc tulvzo
narnrcti-lzbqtr-ngrbzlr bade.**
- 2 Yawe matq-esz'ngr Jerusalem.
**X nzmyalz-esz'ngr-krde myaszpxle
lr drtqbrng amrlx.**
- 3 Leplz amrlx naglqlzlr nide
Kc drtqde tqtr-esz'ngr.
- 4 King kxrninr, mrlz zvzbz bam da kxmrlz.
**Delc tqjzs-zvz-ngrn nigr mz nqm q kxtubq
x esaklrngr.**
- 5 Yawe lc tqngi Gct rgu nayznguobzku bade,
Mz nzangio-krqu x nzglqlz-krqu nide kc tqtr-esz'ngr.
- 6 Mesis x Eron nidr pris neng Yawe,
X propet Samwel krka'bz bade.
Nzyrnitrpz bade x ayzlubzle natqdr.
- 7 Ycmnebz badr mz nabz dcbz,
X nzvz-nqblqlr natqde x lou scdeng amrlx.
- 8 Yawe, nim Gct rgr, x ayzlume natqgr, nigr leplz nemqng.
**Aelwa-ngrme kx nim Gct kx ripq leplz,
Kxmule-esz' ayrplapx-kaiq nigr mz alwx ngrgrng.**
- 9 Naglqlzku Yawe, Gct rgu, mz nzangio-krqu nide
mz newz kxtr nyz'de,
Murde nide kc tqtr-esz'ngr.

Sam 100

Naawi-ngrbzku mz Yawe Nzaodu-krde

- 1 Nigu leplz amrlx mz nrlc
Naangrlvzku Yawe!
- 2 Naangioku x naglqpxku nide
Mz nzelalz-krm drtwrgu!
- 3 Nalxngitiku kx Yawe nide Gct,
X nigu leplz nedeng murde wz-ngrde nigu.
X apuku sip ngr nardzng nyz'de.
- 4 Mz nzvztr-krgru mz naobz x makoa ngr Makxtrdau,
Navz zvz nzawi-krbzku bade x nzangio-krgru nide.
- 5 Murde Yawe mrlz-esz'ngr.
X aodule nigu mz nzatutr-zvz-krde natqde.

Sam 101

Nqm q ngr Nztubqtikr King

Nabz ne Devet

- 1 Yawe, nangr-ngrbo bam
Nabz ngr da kxtubq x nzangidatingr.
- 2 X namnc-nqblqx nqm q scm kxtubq
mz nzokatr-krm ninge.
**X nabz nge nalqngi zvz mz nzmnc-krgr
badr lrmanyz'nge.**
- 3 Trrlr-ngrpwou nzprtr-krm da kxngangr brma.
X pxtpx-ngrne nekeng nzesablqtilr nim.
- 4 Nartctx-ngrne nqm qkr kxdrka'ngrng,
X nayrlqpx-lzbqng mz da kxnzpxlvi.
- 5 Sa narsakix nekeng nzpikiti-awalr
kxnmnc-aepztrpzng badr.
X kxnzqlqpx-lzbqng trnzmrlzu mz nzobq-krnge.
- 6 A' kxnzlxngiti-angidrlr nim nangi nidr kztengeng,
X kx nabzdr lqngi sa nawztrpqng bange.
- 7 Nekeng nzesabrng x nzpokia-zvzng,
Trtxpnz'ngr nzmncetr-krmlr bange.

- 8 Yawe, mz zbq kang kqlu sa nalolvztix kxdrka'ngrng,
X namaszlrpx-ngrne nidr mz mzteadau nyz'm.

Sam 103

Navz Zvz Nzglqpx-krnge Yawe!

- 1 Naglqpxx Yawe mz nabznge!
Naglqpx-atwrnr-ngrne drtqde kxtr.
- 2 Naaoti zvz drtwrnge
Nqm qxmrlz keng tqalemle bange.
- 3 Ipqle ninge.
Aopxbzle drtqnge.
- 4 Arlapxle ninge mz nzbzngr.
Aodu-zvzle ninge.
- 5 Okatrle ninge
Murde drtqnge naxplr x nzlu-krnge naboi.
- 6 Yawe okatrle kxnzobqszong
Mz nzatubqti-krde da kx nzvz-rbrtrpz badr.
- 7 Aelwa-ngrbzle me pnz' drtwrde mz Mosis,
X zmatq ngrde badr lr Israel.
- 8 Yawe mrlz x aodu-zvzle nigu.
Drtwrde trngya'-aniu, a' okatr-zvzle nigu.
- 9 Trkrlzleu nzaboitr-krmle znga' ngr drtwrde bagu,
A' ani txpwz nzipq-mou-krde nigu.
- 10 Yengr drtwrde nigu,
X trayzlupleu bagu mz nzvz-nqblq-krde nzvzrbr-krngung,
Kxmule-esz' takitrde nzayrplapx-nabztq-krde nigu.
- 11 A' aodu-zvzle nigu keng tzmyatitrlr nide,
Murde nzetu-krm nivz lrde bagu myaszpxle bongavz.
- 12 X nzipqpx-krbzle alwx rgung
**Apule kx rtctx-ngrbzle rlr
me trpengr nzrmc-moungr.**
- 13 X Yawe amqtrple drtwrgu,
Dakc tqwai trte nzamqtr-krbzle drtwr doa nedeng.
- 14 Dcpx mz drtwrde kx nigu leplz yangrngaku,

- Murde wtx-ngrpwzle nigu mz drtc'.**
 15-16 Nigu leplz, nzlu-krgru mrbcnepwz,
Apule nepi ke tqprtm rla, x tqxplr mzlikc bea,
 X sc tqtaope mou milzpq.
Murde mzlikc nabzngr leplz
trpengr nzrmcng mou nide.
- 17-18** A' vz zvz Yawe nzaodu-krde x nzamrlz-krde nigu.
 Murde myatitru nide mz nzyrlq-angidr-krgru natqde,
X nzlolvz-amqngi-krgru nzesz'tikr drtwrgu badr.
- 19 Yawe mz nzngini-krde King, wxbuom
 mz tron nyz'de Heven,
Mrgc tqaolve-ngrde da amrlx.
- 20** Nimu enjrl kxnzmatq keng tzvz-nqblqlr natq Yawe,
Naglqpxamu nide!
- 21 X nimu ami ngr Heven keng twwztrpzng bade
 Mz nzatutr-krbzmu me pnz' drtwrde,
Naglqpx-kzamu nide.
- 22 X nigu amrlx mz nrlc tulvzo naglqpx-kzku nide.
Dazpwtx! Navz zvz nzglqpx-krnge Yawe!

Buk Nzlvqn

(Sam 107-150)

Sam 108

Mnc-xgle-tpwzkr Nim mz Naaovxio-krm Enqmi Rgrng

Nabz ne Devet

- 1-2** Sa naangrlvzx nim mz nabznge atwrnrngr
 mz nzayrni-krnge gita,
Murde abrtr-zvzbo drtwrnga bam.
 Kxmule-esz' nilz r nepi amelzmlc ninge
 mz zbq kang kqlu,
A' mz nzmclz-krmc mz rngalx mz nzglqlz-krnge nim,
Nabz nengeng naapule kx nzameolr nepi.
- 3 Yawe, sa naawibo bam mz mzlir lr drtqbrng,
X naangrlvzx nim mz mzlir lr neidung.

- 4 Yawe, nzaodu-zvz-krm x nzangidati-zvz-krm natqm
Nzmyatxlz-esz'ngrng krlzle bongavz.
- 5 Delc, naaelwapx-ngrbzme badr lr Heven
 nzmatq-esz'ngr-krm,
X lr nrlc tulvzo namctr nzaovxio-krm.
- 6 X arlapx nigr kcng tqaodu-zvzq mz zmatq ngrm,
Mz nzayzlu-krme natqgr.
- 7 Gct, rpiplxme Makxtrdau nyz'm kx,
 “Mzlikc naaovxio-ngrne,
 sa naakipxbo badr leplz nengeng
Drte' kcng mz nrlar Luejodzn rilir.
- 8 Murde neidu lr Gilead x Manase nengeng.
X nqvi lr Epriem tum mz nibrnge
x nqvi lr Judz kx naaolve-zvzng mz zmatq rnge.
- 9 A' enqmi rmung trnaaovxiolru nimu.
 Murde lr Moab sa nawztrpqng bange
 x lr Edom sa nametxmqng bange.
X sa namalqlvzx nzaoglc-krnge lr Pilistia.”
- 10 ?Gct, sa naatutrq natqm lc mz nzokatr-krm ninge,
Mz nzprtr-krnge mz lrpalvc
ngr mzteadau nyz'dr lr Edom?
- 11 Murde mzlikc axtxpeq nigr,
X trokatrwq ami negr mz nzotangr.
- 12 A' mzlika trabtrpekru drtwrgr mz prkate-krgr, nigr leplz,
Murde mnc-xgle-tpwzkr nim.
- 13 X krlzkr kx mz nzmnc-krme bagr,
Sa narnzlvzokr enqmi rgrng mz nzokatr-krm.

Sam 110

King ne Yawe Sa Naaovxio-atwrnr-ngrde Nrlc

Nabz ne Devet

- 1 Yawe rpibzle mz King kc tqngi kxetu rnge kx,
 “Wxbu mrlc tqmatq-esz'ngr mz nrlarngc kxrtc,
Navz nakrlz-zpwxbzle mzlikc nangi batr-ngrbo
nzrnzlvzo-krm enqmi rmqng.”

- 2 Murde Yawe sa nangi batr-kzpzle nzetunepxkr
zmatq scm mz nzvzpx-krme Jerusalem,
Mz nzaovxio-krm enqmi lng.
- 3 X mzlilcde, leplz nemqng sa navqti drtqdr
nzprtr-krbzlr mz ami nem,
Mz nzmailz-krm nidr mz zmatq ngrm kc tqluli tqtr.
**X obla nemqng sa navzmqng naprtr-kzpzng bam
mz nzaxplr-mou-krdr ami nem.
Naapubzlr badr mi kc tqrlxom
mz nzkra-krbzle nzlungr kxmrna badr nabr.**
- 4 X Yawe esalz-ngrde ncnrpc' x trnatekqtrleu drtwrde.
**Rpile kx, "Nim King nenge,
nangi alo kz pris vz-nqblqle nqvi lr Melkesidek."³**
- 5 X Yawe sa natubz mz nibrm,
**Mz nzmilxtxo-krde king kang kqlung
mz zngya' ngr drtwrde.**
- 6 X sa najzsle lr drtqbrng mz nznibqti-krde nidr amrlx.
**X sa naaovxio-atwrnr-ngrde king rdrng
mz nrlc tulvzo.**
- 7 X nim, King rnge, mz nzvz-krm lc,
nzxplr-kato-krm sa namatqnepx kz.
**X mz nqm q lng amrlx,
sa naaovxio-atwrnr-ngrn nrlc."**

Sam 111

Nqm q Kr Gct

Kzdq Nabz ngr ABC

- 1 **A**lelu-ya! Glqpxku Yawe!
Bilvzx nide mz nabzng atwrnrngr,
mz nzyrlwr-lxblr-krgr badr leplz nedeng.
- 2 **C**lvele nrlc x nzvz-krde nzmialzng.
Delc, leplz amrlx naaotingr drtwrdr nzvz-krde lng
mz nzabrtzlvz-krdr.

³ Mc Lr lbru 5:6. Drtq lc tqngi nide 'Melkesidek' drtwr ngrde, 'King kx tubq-esz'ngr.'

- 3 **Eu**, nzwz-krdeng amrlx nzaelwapx-ngrdr
zmrlue x zmatq rdeng.
Glqpxku nztubq-krde kc tqvzpe tqvzpe.
- 4 **Ipqle** nigu mz zmrlz ngrde kxmyalz x ycmgr drtwrde
nigu.
Jzslle nigu x naye zvz mz drtwrgu nzwz-krdeng.
- 5 **Kx** nzesalz-krde dcpz zvz mz drtwrde.
Lepz keng tzmyatitrlr nide, rkabz badr dakxnzng.
- 6 **Mz** nzaprc-krbzle drte' ngr drtqbrng badr doa nedeng,
Nide kc tqaelwapx-ngrbzle zmatq rdeng badr.
- 7 **Okatrlle** nidr mz nzejzs-krdeng kxtubq.
Prlxpx-zvzle daangidr x nzesaklrngr.
- 8 **Rkabz** nzesaklr-krde x nzejzs-krde kc tqyc tqyc.
Sa naatutrleng mz nqm q kx mrlz x tubq.
- 9-10 **Takitrlle** nzangio-krdu drtqde kxtr
mz nzejmyatitrngur murde
Vz-nqblq-zvzle nzesalz-krde x
Witi nelzde nzarlax-krde leplz nedeng.
X aelwapxku nzejrlax-krdu
mz nzejmyatitrl-krdu nide.
Yawe kabzle nzejrlz-angidrngur
badr nekeng nzejrlq-angidrlr natqde.
Zbqkalvz nzejglqpxngr nide navz zvz
x tqvzpe, tqvzpe.

Sam 112

Nqm q kr Lepz Neng Get

Kzdq Nabz ngr ABC

- 1 **Awi Yawe!** Glqpxku Yawe!
Bilvzku natq Yawe x myatitrlku nide,
murde naamlzle nigu.
- 2 **Clveku** mrnyz'gu, x doa negung naolve-lxblrlku badr.
Doa negung kxnztubqng, sa naamlzle.
- 3 **Esalz-ngrmle** bagu da kxmrlzting kxkqlu.
Glqpxku nztubq-krde kc tqyc tqyc.

- 4 **I**pqlē nigu mz zmrlzkxmyalz ngrde,
nzryckr drtwrde, x nzesaklrngr.
Jzslē nigu kxntubqng,
murde nide zyzlr ngrgu mz nzlo.
- 5 **K**abzku da kxkqlu badr leplz kcng trnzrngiscu.
Lalztq! Nzmu kx tqabrtzku, naaleku da amrlx
mz nqm̄q kx esaklrngr.
- 6 **M**urde neblo kxtubq trnrcti-lzbqu, x sa
Nadepx zvz mz drtwr leplz.
- 7 **O**bqtipx-zvzle Yawe x
Pq mz drtwrde x nabzde trtzprlzpqu mz nrpa
kxtrka.
- 8 **R**nrcti-lzbq-ngrde? Trtingr, murde
Sa namcle nzaovxiokr Yawe enqmi rdeng.
- 9 **T**resakiu nzrka-krbzle da mz kxrsuti-drtwr, x
Vz-nqblq-zvzle lrpzki kx tubq x
Wxbu me matq mz mzlir leplz.
X mzlikc kxdrka'ngr name-ngrde nide,
angya' drtwrde.
Yclwz-zlwz apule srkau, a' mznibrde sa namrbr.
Zbz da amrlx kcng tqmrlzbz bade ngitx bqmrda
x sa naapulr zsikapu kx ngqlia.

Sam 113

Naglqlzku Drtq Yawe

- 1 Naglqlzku Yawe!
Nigu kxnzwz nedeng nzarmyalzku drtqde.
- 2 Nayzuo mzlika nzrglqpxngr drtqde
Tqvzpe, tqvzpe.
- 3 Mz zbq kalvz nigu leplz mz nrlc tulvo
Naawi-ngrbzku bade nqm̄q krde.
- 4 Murde nide kx aolve-atwrnr-ngrde
leplz ngr drtqbrng amrlx.
X nzetukr zmatq ngrde krlzlbzle bongavz.
- 5 Trpnz'ngr kx apule Yawe kc tqngi Gct rgu,
Mz nzwxbutxlz-krde mz tron nyz'de heven.

- 6 Sc tqobqlvztile bongavz x drtc',
Mz nzaolve-angidr-krdelr.
- 7 Murde naokatrle leplz kx trnzrngiscung,
Mz nzkapx-krmler nidr mz nzkxpu-krdr.
- 8 X armyalzle nidr murde nangi nidr nradrtq kxnzetzung
Kcng tzmilzlr leplz nedeng.
- 9 Ngi batrpzle mz olvz kvvz-nrbalq nznrgine-krde doa,
Murde naabrtz-ngrde ma nyz'de.

Sam 114

Naglqlzku Yawe mz Nzaelwapx-krde Zmatq Ngrde

- 1 Mzlike lr Israel nzrlaszdr Ijip,
Drtqbr kc trnzypqdru,
- 2 Lr Jiu lcng tznginipedr leplz kxnztrng ne Yawe,
Mz nzaolve-krde drtqbr nyz'dr, Israel.
- 3 Prla Kxpc akipx-lzbq x prlzm.
X Luejodzn lvxpxbzle lrpzki badr.
- 4 X mzlilc newzng x nrang nzyzngr-krdr,
Nzapulr nzblcne-abrtzkr neisip.
- 5 ?Myx' kxmule Prla Kxpc tqakipx-lzbq-ngrde,
X Luejodzn tqlvxpx-ngrde lrpzki?
- 6 ?X nike tzyngrlrngr newzng x nrang
Mz nzapu-krdr nzabrtzkr neisip?
- 7 Dakeng tqwzng Yawe nzvz-nqblqlr natqde.
Nzelalvzlr nzaelwapx-krde zmatq ngrde,
nide kc tqngi Gct ngr lr Israel.
- 8 Murde nide kc tqbatrpzle nzyrlep-x-krm lue mz rplz,
Lue kc tqngi aulz mz rplz.

Sam 117

Naglqlzku Yawe mz Nzaodu-zvz-krde Nigu

- 1 Glqlzamu Yawe lr drtqbrng amrlx.
X nigu leplz mz nrlc tulvzo naglqlz-kzku nide.
- 2 Nzaodu-zvz-krde nigu etu-esz'ngr.
X nzngrida-angidr-krmle bagu tqyc tqyc.
Naglqtxlz-atwrnr-ngrgu Yawe.

Sam 119

Yawe, Natqm Mrlzvxi

Kzdq Nabz ngr ABC

Alvztr-zvzm Ninge mz Natqm

- 1 **A**wi Yawe! Neipz' nekeng trnzvz-rbrung,
A' nzvz-nqblqlr Loukxtr scm.
- 2 X neipz' kz nekeng nzlxngitilr natqm,
X nzrtangrtilr nim mz nabzdr atwrnrngr.
- 3 X nekeng nzalelr da kxtubq,
X nzozlilr lrpzki rm.
- 4 Alvztr-zvzq nigr
Murde nalolvz-amqngikr nqm q krm.
- 5 Navz zvz
Nzrtangrti-krnge me pnz' drtwrm.
- 6 Delc trnanya'-ngru drtqnge,
Mz nzaoti-zvzkr drtwrnge Nzryrngrkxtr.
- 7 Glqlzx nim mz nztubqkr nabznge
Murde alqngitipeq ninge.
- 8 Bzkq amnctxn ninge esz'-krnge,
Murde naalex da kx pitimeng bange.

Bilvz-zlwzx Nzryrngrkxtr

- 9-10 **B**zkq rlr-ngrme nzrlasz-krnge nim,
Murde se tqabzx nzwztr-krbo bam mz drtwr kxpq.
Nzlolvz-amqngikr obla natqm
Dekc natukirpx-ngrde nide mz drtwrdr kx vz-rbr.
- 11 Bilvz-zlwzx Nzryrngrkxtr
Murde natubq-zvzbo mz mzp.

- 12 Yawe, glqlzx nim,
X nakrlz-angidrx nqm q krm.
- 13 Tumi zvz nzetukr natqng
Nzpipx-krnge Loukxtr scm.
- 14 Nzabrtzng kx vzpxm mz nzvz-nqblq-krnge nim
Myaszpxle nzrngisc-krnge trau kxkqlu.
- 15 Nadcp x mz drtwrge me pnz' drtwrm.
Mz nzaoti-zvzkr drtwrge nzalvztr-krm.
- 16 Naabrtzlvzx nzi rm, x tnamrbrtru mz drtwrge natqm.

Clve Ninge Mz Loukxtr Scm

- 17 **C**lve ninge murde ninge kxwz nem,
X nayrlq-zvzx natqm mz nzlu-krnge.
- 18 Okatrp ninge mz nzmcti-krnge
Da kxmrlzting kx prpxm mz Loukxtr scm.
- 19 Ninge kxvztimle nrlc.
Bzkq yrlq-kapqme bange me pnz' drtwrm.
- 20 Pq zvz mz drtwrge
Nzkriz-krnge nqm q krm.
- 21 Ayrplapxq kxnzqlpx-lzbqng
Kcng tzrnzlvzlr natqm.
- 22 Bzkq rlrpx-ngrn nzobqszo-krdr x nzyrpalelvz-krdr ninge,
Murde lxngitix nim.
- 23 X kxmule-esz' kxnzetzung nzpikilitr ninge,
A' sa tqotr zvz ngr drtwrge nzalvztr-krmqng.
- 24 Abrtzlvzx Nzryrngrkxtr
Mz nmailz-krdr ninge.

Da Kx Mailze Ninge Nangi Nqm q Krm

- 25 **D**rtqngewetx-zlwzpe x ycpe pipz nzbz-krnge.
Ka-mopwq nzlungr bange, navz-nqblqle natqm.
- 26 Mzlike tqplzpx-ngrbo bam alwx rngeng,
ayzlume natqng,
X alvztrp bange nqm q krm.
- 27 Okatrp ninge mz nzkrlz-krnge Loukxtr scm,
**Murde naaoti zvz drtwrge nzvz-krmqng kcng
tqmyalz.**

- 28 Nzrtxlvlzkr nzvzkr drtwrnge etutx-zlwzpe.
Amqtrp drtwrnge dake tqwai nzesalz-krmle.
- 29 Okatrp ninge mz nzoqli-zvz-krnge lrpzki kxtubq,
X alvztrp bange Nzryrngrkxtr mz zmrlz ngrm.
- 30 Pnz'pe drtwrnge kx navz-nqblq-zvzpepex nim,
Mz nzale-zvz-krnge me pnz' drtwrm.
- 31 Yawe, bzkq rlrpx-ngrn nzamyati-ngrm drtqnge,
Murde lolvz-amqngix nzalvztr-krmqng.
- 32 Naozlix lrpzki kx tubqbz mz mzp
Mz nzokatr-krm ninge.

Esalz-ngrm x Angidatiq

- 33 **Eu** Yawe, alvztrp bange me pnz' drtwrm,
Murde nayrlq-angidr-zvzx.
- 34 X okatrp ninge mz nzvz-nqblq-krnge Loukxtr scm,
Murde naesz'-ngrde nabznge.
- 35 Abrtzx murde nzabrtz-krnge vzpxm mz
Nzmailz-krm ninge mz lrpzki rm.
- 36 Okatrp ninge mz nzpqtikr drtwrnge natqm,
Murde namyaszpxle nzrngisc-krnge da kxkqlu.
- 37 X bzkq rlr-ngrme nzmatqkr mz drtwrnge
da kxngi brmrda,
A' axplr moup ninge mz nzoqli-krnge nzti rm.
- 38 Angidatim bange nzesalz-krmqng,
Dake tqwaibzle badr leplz kznikeng nzmyatitrlr nim.
- 39 Okatrp ninge murde mw'lrtix nzplanakr enqmi rngeng
A' mrlz-esz'ngrm bange nzejzs-krmqng.
- 40 Kam bange nzlungr kxmna
**Mz nzlolvz-amqngi-krnge nzalvztr-krmqng
x nztubq-krm.**

Gct, Brti Drtwrnge Nzjsz-krmqng

- 41 **G**ct, arlapx ninge mz nivz lrm,
Mz nzangidati-krm nzesalz-krmqng.
- 42 Delc naayzlu-ngrbo natq nekeng nzyrpalelvzlr ninge,
Murde brti drtwrnge nim.
- 43 Okatrp ninge mz nzejpi-zvz-krnge daangidr,
Murde brti kz drtwrnge nzejzs-krmqng.

- 44 X nzmqngitr-zlwzkr drtwrnge mz Loukxtr scm
Tqvzpe, tqvzpe.
- 45 X drtqnge naopx mzlikc navz-ngrne,
Mz nzoqli-krnge lrpzki rm.
- 46 X trtxpnz'ngr nzmyamikr naonge
Nzpipx-krbo natqm badr kxnzetung.
- 47-48 X abrtzlvzx nzyrlq-angidr-krnge
Nqmq krm x me pnz' drtwrm.
Murde nzmrlzmqng bange x nzmatqng mz drtwrnge.
X naaoti zvz drtwrnge nzalvztr-krmqng.
- Ipqpeq Ninge mz Nzdepckr mz Drtwrm Nzesalz-krm
- 49 **Ipqpeq ninge mz nzdepckr mz drtwrm nzesalz-krm.**
Delc tqobqpx-ngrne mz drtwr kxbr.
- 50 X amqtrple drtwrnge mz nzcxpungr.
Murde mz Loukxtr scm, dekc tqrmcti-ngrne nzlungr.
- 51 Kxmule-esz' kxnzqlpx-lzbqng nzrtrnga'-ngrdr ninge,
A' trrsablqtiwxu Nzryrnrkxtr.
- 52 Yawe, mz nzaotr-zvzkr drtwrnge Lou scm kc bqnc,
Okatrple ninge.
- 53 Drtwrnge apulzmle nyr,
Mz nzpctxpxkr kxdrka'ngrng nqmq krm.
- 54 Mzlika tqmncbe-ngrne mz nrle,
Natqm nangi zvz nabz nenge.
- 55 Yawe, mwibleo-zvzx nim mz nrleqxbq,
Delc nayrlq-angidr-ngrne me pnz' drtwrm.
- 56 X naabrtz-zlwz-ngrne
Mz nzale-zvz-krnge nzalvztr-krmqng amrlx.
- Jzs Ninge, Murde Suti Txpwz Drtwrnge Nim**
- 57 **Jzs ninge, murde suti txpwz drtwrnge nim,**
X mrlzm bange nzlolvz-amqngi-krnge natqm.
- 58 Mz nabznge atwrnrngr, rlxibio bam
Nzmrlzti-krm ninge dakc tqwai nzesalz-krmle.
- 59 Mzlikc tqdwa-rbrti-ngrne lrpzki rnge
mz nzvz-nqblq-krnge nim,
Yzlu-mopwc' nzoqli-krnge nzti rm.
- 60 Mz trnzaenzli-krngeu,

- Rnekitixpwo nzyrlq-krnge Loukxtr scm.**
 61 X kxmule-esz' prtzx mz trtxki se kxdrka'ngrng,
A' trmrbrtru mz drtwrnge Nzryngrkxtr.
 62 Tulzmc mz nzawi-krbo bam mzlike mz awnrnc,
Murde nzejzs-krmqng tubq-esz'ngr.
 63 Ninge kzte leplz amrlx kcng tzmyatitrlr nim,
X nzalelr nzalvztr-krmqng.
 64 Yawe, nzaodu-krm yc-ngalelvzle nrlc tulvzo.
Delc naalvztr-ngrme bange nqm q krm.

Kxakrlz, Alvztrp Bange Mz Lrpzki Rm

- 65 **K**xetu, aleme bange da kxmrlz,
Mz nzvz-nqblq-krde nzesalz-krm.
 66 Kxakrlz, alvztrp bange nzkrlzngr x drtwr kxmrlz,
Mz nzlxngiti-krnge Nzryngrkxtr.
 67 Mzlike ena vz-rbrpex, x ayrplapxq ninge,
A' mzlika ale-zvpex da kx tubqbz mz mzp.
 68 Mrlz-esz'ngrn x nqm q krm mrlzvxi.
Delc navz-zvzngr nzalvztr-krm ninge mz nqm q krm.
 69-70 Drtwrnge elalzm mz Loukxtr scm.
A' kxnzqlpx-lzbqng trpnz'ngr nzkrlzngr.
 Kxmule-esz' nzpokiatitrlr ninge,
A' lolvz-amqngi-zvzx nzalvztr-krm mz drtwr kxbr.
 71 Mrlzm bange nzayrplapx-krm ninge,
Murde nakrlz-ngrne nzvz-rbr-krnge.
 72 Natqm nzmrlz-krmle bange
Myaszpxle blzmr trau mz nrlc.

Loukxtr Scm Mrlzm Bange

- 73 **L**od, wz-ngrn ninge x aolve-angidrq ninge.
Delc, naokatr-ngrn ninge
mz nzkrlz-krnge me pnz' drtwrm.
 74 Leplz kcng nzmyatitrlr nim naabrtzlvzlr ninge
Mz nzlxngiti-krnge natqm.
 75 Yawe, krlzx kx nzejzs-krm tubq
 mz nzayrplapx-krm ninge
Murde nqm q krm nzokatr-zvz-krm leplz nemqng.
 76 Amqtrp drtwrnge mz nzaodu-zvz-krm ninge,

Dakc tqwai nzesalz-krme bange.

- 77 Mz nzabrtzlvz-krnge Nzryrngrkxtr,
Nayc mz drtwrm ninge, murde bzkq bzx.
- 78 Amyatxbz drtq kxnzqlpx-lzbqng
 mz nzpokiatitr-krdr ninge,
Murde aoti-zvz mz drtwrnge nzalvztr-krm.
- 79 Kxnzmyatitrlr nim naaxvetrpqng bange,
Murde nakrlz-angidrlr Loukxtr scm.
- 80 X nabzng natubqbz mz mzp,
Murde drtqng bzkq mya.

Mevalu, Mailz Ninge Murde Navz-nqblqx Me Pnz' Drtwrn

- 81-82 M**evalu, mewepengr drtqng x mzke' ngqbqtxtrpebz
Mz nzaenzli-krnge nim.
 ?Myx' mzli kx naarlax-ngrn ninge,
Mz nzangidati-krm nzesalz-krm kc tqbrti drtwrnge?
- 83 Kxmule-esz' nzobqszong apux da kx nzrtctxpengr,
A' depx zvz mz drtwrnge me pnz' drtwrm.
- 84 ?Myx' mzli kx naykrpxngr nzxpxu-krngeng?
**?X myx' mzli kx najzs-ngrn leplz
 keng tzatrkatilr ninge?**
- 85 Kxnzqlpx-lzbqng nzekqng gq kx nangi trtxki mge,
Mz nzpxtpx-krdr Loukxtr scm.
- 86 A' trpnz'ngr badr nou nzatrkati-krdr ninge.
**Delc namailzq ninge
 murde brti drtwrnge Nzryrngrkxtr amrlx.**
- 87 Kxmule-esz' ycpwz pipz naamzlrtpx-krbzlr ninge,
A' sc tqlolvz-amqngix nzalvztr-krmqng.
- 88 Arlapx ninge mz nzaodu-krm ninge.
Delc nayrlq-angidr-ngrne natqm.

Natqm Tqyc Tqyc

- 89 N**atqm tqyc, tqyc,
X yc-amqngi-zvz Heven.
- 90 Wz-ngrn nrlc x yc-amqngi-zvz.
Delc tqbrti-zvzng drtwr nim.
- 91 Da amrlx mz nrlc nzvz-nqblqlr me pnz' drtwrm,
Murde nzwztrpzng bam.

- 92 Trbzwxu mz nzkxpu-krngeng,
**Murde rmctipex nzokatrkr Loukxtr scm
mz nzaelalz-krmle drtwrnge.**
- 93 X trtxpnz'ngr nzmrbtrkr mz drtwrnge Nzryrngrkxtr,
Murde nztubrkir-ngrdr ninge mz nzvz-rbr-krnge.
- 94 Arlapx ninge, murde ninge doa nem,
X abzx nzale-zvz-krnge nzalvztr-krm.
- 95 Kxmule-esz' kxdrka'ngrng nzrtxolr br
ngr nznibq-krdr ninge,
A' naaoti zvz drtwrnge nqm qrm.
- 96 X kxmule-esz' da kxnzmyapxbzng amrlx nzyrkrpxng,
A' natqm tqyc tqyc.

Okatrp Ninge Nzozli-krnge Nzti Rm

- 97 **O**liq-zvzx mz nzmwingrgzti-krnge Loukxtr scm,
Murde mrlz-zlwzm bange.
- 98 Nzrkrlz-krnge myaszpxle enqmi rngeng,
Murde Nzryrngrkxtr yc-zvz mz drtwrnge.
- 99 X nzvzkr narng myaszpxle kxnzalvztrlr ninge,
Murde ale-zvzx me pnz' drtwrm.
- 100 X nzyrplapx-krnge myaszpxle letzlvz,
Murde yrlq-angidrx natq kx kame bange.
- 101 Yrlqpx-lzbqng mz nqm qxtrka,
Mz nzvz-nqblq-krnge da kx tubqz mz mzp.
- 102 Trpx-wrneu nzejzs-krmqng,
Murde nzalvztrlr ninge.
- 103 Natqm nzlqngi-esz'ngr-krde mz nzxlngr,
Myaszpxle nzmrlzkr nilwztq dakxnzng amrlx.
- 104 Nzalvztr-krmqng okatrl ninge
mz nzkrlz-krnge nzti kxtubq.
Delc tqpxtpx-ngrne lrpzki kx vz-rbr amrlx.

Pqtr Zvz mz Drtwrnge Natqm

- 105 **P**qtr zvz mz drtwrnge natqm,
Kc tqngi zyzlr ngr nzti rnge mz nzmailz-krde ninge.
- 106 Nzesalz-krngeng nayrlq-angidr-zvzxng,
Mz nzozli-krnge lrpzki rm kxtubq.
- 107 Okatrp ninge dakc tqwai nzesalz-krmle,

- 108 **Murde nzxpu-krngeng amrlx mz tznibqlr ninge.**
Yawe, alvztrp bange nztjzs-krmqng
X aolvz nabz nenge mz nzglqlz-krnge nim.
- 109 Kxmule-esz' nzbzngr oliq-zvzm bange,
A' trmrbrtru mz drtwrnge Loukxtr scm.
- 110 X kxmule-esz' kxdrka'ngng nzamwtilr ninge trtxki,
A' vz zvz nzlxngiti-krnge nzalvztr-krmqng.
- 111 X lolvz-amqngi-zvzx Nzryrgrkxtr,
Murde nzaelalzmlr drtwrnge.
- 112 Pnz' txpwz drtwrnge nzvz-nqblqng me pnz' drtwrm,
Murde nzokatrngr kx vzpxm elr vztx alo.
- R**blxm bange nzmrlzti-krnge nekeng drtwrdr litrpz bam
- 113 **R**blxm bange nzmrlzti-krnge nekeng drtwrdr litrpz bam,
A' mrlz-zlwzm bange Loukxtr scm.
- 114 Nim me rlakitr x temz ngr lczng,
X abtrpo drtwrnge mz natqm.
- 115 A' kxnaleng alwx nadwaszlr ninge!
Murde suti-drtwrnge nzvz-nqblq-krnge nqm qrm.
- 116 Bzkq mya ngr drtqng nzbtrtkr drtwrnge nim,
A' arlapx ninge dakc tqwai nzesalz-krmle,
murde bzkq bzx.
- 117 Namatq zvz mz drtwrnge nztjzs-krmqng.
Delc natu-ngrme mz nibrnge mz nzarlapx-krm ninge.
- 118 Pxtpx-ngrn nekeng nztjzs-ngrdr Nzryrgrkxtr.
Murde nzvz-rbrng mz nzryrlqbrti-krdr amrlx.
- 119 Nzobqszo-krm kxdrka'ngng apule dvi.
Delc tqmrlz-ngrm bange
nzlolvz-amqngi-krnge nzalvztr-krmqng.
- 120 **R**nrti-lzbqng me nzmyati-krnge nim,
Murde amwx'lrle ninge trnztubq-krpwou mz mzp.
- Suti-drtwrnge Nzryrgrkxtr
- 121 Suti-drtwrnge nzarlapx-krm ninge mz mq enqmi ngeng,
Murde nqm qrm esaklrngr x tubq.
- 122 Bzkq rlr-ngrbzme badr kxnzglqpx-lzbqng
nzatrkatikrdr ninge.
A' amnc zpwx ninge.

- 123 Mzke' ngqbqtxtrpebz mz nzaenzli-krnge nim,
Mz nzvz-nqblq-krm nztubqkr nzesalz-krm.
- 124 Alvztrp bange nqm q krm
Mz nzaodru-zvz-krm ninge.
- 125 Okatrp nzrkriz-krnge,
Murde nakrlz-angidrx nzrjzs-krmqng.
- 126 Yawe, mzli r nzayrplapx-krm leplz dekafe.
Murde nznzlvzo-zvzlr Loukxtr scm.
- 127 X natqm nzmrlz-krmle bange
Myaszpxle da kx lulwx amrlx.
- 128 Murde nzalvztr-krmqng amrlx tubqm bange,
X pxtpx-ngrne nzoilir lrpzki kx vz-rbr.

Takitrde nzlolvz-amqngi-krnge nzalvztr-krmqng

- 129 **T**akitrde nzlolvz-amqngi-krnge nzalvztr-krmqng
Murde nzmrlz-zlwzng.
- 130 Zyzlr vzpxm mz natqm,
X aelwa-ngrbzle drtwr kxtubq badr leplz amrlx.
- 131 Nzsutikr drtwrge nqm q krm
apule nzbrlxkztikr drtwrge lue,
Murde narmcti-ngrne nzlungr angidr.
- 132 Nayc mz drtwrm ninge,
Dakc tqwaibzme badr leplz amrlx
kcng tzmyatitrlr nim.
- 133 Okatrp ninge mz nzozi-krnge nzti rm,
Murde bzkq alwx nzmailzlr ninge.
- 134 Arlapxbz ninge mz mq leplz kcng tzakxputilr ninge,
Murde nayrlq-zvzx da kx tubqbz mz mzp.
- 135 Okatrp ninge mz nznngi-krnge nim,
X alvztrp bange Nzryrngrkxtr.
- 136 Yrnitx-zlwz-ngrne
Nznzlvzokr leplz Loukxtr scm.

Vz-nqblq-zvzq Nqm q Kxtubq

- 137 **V**z-nqblq-zvzq nqm q kxtubq,
X nzrjzs-krmqng tubq-esz'ngr.
- 138 Natq kcng tqkapxq nzabrkitr drtwr,
Murde nzesaklrng.

- 139 Zngya' ngr drtwrnge apule nyr kc tqnge',
Murde enqmi rngeng mrbrtr
mz drtwrdr Nzryrngrkxtr.
- 140 Nzesalz-krm pq zl wz mz drtwrnge
Murde angidati-zvzme bange.
- 141 Kxmule-esz' leplz nzobqszolr ninge,
A' trmrbrtru mz drtwrnge nzalvztr-krmqng.
- 142 Yawe, nztubq-krm tqyc, tqyc,
X Loukxtr scm daangidr zvz.
- 143 Delc kxmule-esz' nzxpungr
x nzvzkr drtwr nzprtzmqng bange,
A' abrtzlvzx nzozli-zvz-krnge nzti rm.
- 144 Okatrp ninge mz nzkriz-krnge
Nztubqkr natqm, murde bzkq bzx.
- Wztx-ngrpwo Nzkrka'-krbo Bam**
- 145 **Wztx-ngrpwo nzkrka'-krbo bam.**
X ayzlum natqnge, murde naozlix lrpzki rm.
- 146 Yrnimi-zvzbo bam nzarlax-krm ninge,
Murde nayrlq-angidrx Loukxtr scm.
- 147 Kqle-zvzx nim mz rnalx mz nzokatr-krm ninge,
Murde abtrpo drtwrnge mz nzesalz-krm.
- 148 Obqtx-alox mz nrlekxbq,
Mz nzaotrkr drtwrnge me pnz' drtwrm.
- 149 Mz nzaodu-zvz-krm ninge, xlrn natqnge,
X mailz ninge mz nzalvztr-krmqng.
- 150 Kxmule-esz' kxnzesapulr-ngrdr nqm q krm
Nzesolvztilr ninge, a' trmwx'lrwxu.
- 151 Murde nim kx eso-aepztrp bange,
X brti drtwr nzejzs-krmqng.
- 152 X mzlike pnz', alvztr-lzbq-ngrne natqm,
Kc nzye-amqngi-krde tqvzpe, tqvzpe.
- Xlrn natqnge Dakc Tqwai Nzesalz-krmle**
- 153 **Xlrn natqnge x arlapx ninge mz nzxpu-krnge,**
Murde dcpz zvz mz drtwrnge Loukxtr scm.
- 154 X pipxbz badr leplz kx nqm q krnge tubq,
Dakc tqwai nzesalz-krmle, murde bzkq bzx.

- 155 Kxdrka'ngrng trtxpnz'ngr nzrlapx-krdr,
Murde trnzrtangtilru lrpzki rm.
- 156 Yawe, axplr-mou-ngrn ninge mz nzetukr nzaodu-krm,
Mz nzvz-nqblq-krnge nzejzs-krmqng.
- 157 Kxmule-esz' myx' kxmu nzkqlukr enqmi rngeng,
A' trtxpnz'ngr nzdwasz-krnge Nzryrngrkxtr.
- 158 Ptxpx-ngrne kxdrtwrdr litrpz bam,
Murde trnzlxngitilru da kx tubqz mz mzp.
- 159 Yawe, arlapx ninge mz nivz lrm,
Murde mrlzm bange nzalvztr-krmqng.
- 160 Natqm mqngio mz da kxtubq.
Delc nzejzs-krmqng amrlx nztubq-zvzng.

Yrlq-angidrx Nzalvztr-krmqng

- 161 **Y**awe, kxnzeting nzatrkatikrdr ninge trpnz'ngr noude,
A' amatq-zlwzx natqm.
- 162 X mz nzabrtzlvz-krnge Nzryrngrkxtr
Apux bcnyr mz nzmcti-krde da kxpqtr mz nabzde.
- 163 Trkam bange natq ngr nzpokianger,
A' mrlz bange natqm.
- 164 Glqpx-zvzx nim mz zbq kang kqlu,
Murde nzejzs-krmqng tubq-esz'ngr.
- 165 Leplz keng nzmrlz badr Loukxtr scm, nzmnc-zpwxng,
Delc trpnz'ngr da kx naataole nidr.
- 166 Yawe, brti drtwrnge nzarlapx-krm ninge,
Mz nzale-zvz-krnge da kx pitimeng.
- 167 Lolvz-amqngix nqm q krm,
Mz nzmrlz-zlwz-krmle bange.
- 168 Yrlq-angidrx nzalvztr-krmqng,
Dakc tqwai nzmc-krmle.

Zyzlr ngrm Napnamilxtile Nabzng

- 169 **Z**yzlr ngrm napnamilxtile nabzng,
Mz nzayzlu-krmle natqng navz-nqblqle nzesalz-krm.
- 170 Lalztq-ngrm nzkrka'-krnge,
X arlapx ninge navz-nqblqle natqm.
- 171 Naglqlz-zvz-ngrne nim
Nzalvztr-krm ninge mz nqm q krm.

- 172 Naangrlvzx nzesalz-krm,
Murde nvrjzs-krmqng amrlx tubq-esz'ngr.
- 173 Oliqm mz nzokatr-krm ninge,
Murde lolvz-amqngi-zvzx me pnz' drtwrm.

- 174 Yawe, obqtipxx nzarlapx-krm ninge,
Murde mrlzm bange Loukxtr scm.
- 175 Okatrp ninge mz Nzryrngrkxtr
Murde naglqpxx nim mz nzlu-krnge.
- 176 Yawe, kqlelvzti-zvzm ninge
**Murde kzdu mzli vecpx-lzbqbo bam,
 A' trmrbrtitru drtwrnge lrpzki rm.**

Sam 120

Nc blo ngr Nrwx

Nabz kx nzngnelzng r Jerusalem mz nzangiong r

- 1 Mzlikc tqmnc-ngrne mz nzxpxungr kqlex Yawe,
X aylumle natqnge.
- 2 Rpibo bade kx, "Yawe, arlapxbz ninge
Mz leplz kxnpokiang x nzesabrng."
- 3 ?Nimu leplz kxnpokiang,
Krlzpeamu da kx nawaisrng r Yawe nimu?
- 4 Sa naayrplapx-nabztqle nimu
Mz nipna' sc nc blo ngr vea x mz nyr kxpq zlwz.
- 5 Nzmcn-krbo bamu trka-zlwzm bange,
Apule kx mnckr badr leplz kxdrlngr.
- 6 Mzli boitx-zlwz mnctibo bamu,
Nimu leplz kcng nzpx-ngrdr nrwx.
- 7 Dekc mzli kznike ryapwtr-ngrne mz nrwx,
Suti-alzu drtwrmu nzotangr.

Sam 121

Gct Aolve-angidrlc Nigu

Nabz kx nzngnelzng r Jerusalem mz nzangiong r

- 1 ?Myx' me narmcti-ngrne kxnaokatrle ninge?
?Sa navzom mz newz ngr mz nrlc ka?
- 2 Trtingr. Murde Yawe kc tqwz-ngrde bongavz x drtc',
Nide txpwz kx naokatrle ninge.

- 3-4 Dazpwx! Murde Yawe kc tqaolve-angidrl
nigu lr Israel, obq-zvz.
A' trantau x trmwiu, murde bzkq taoku.
- 5 Yawe ngi tegu badr,
X tu-zvzm mz nibrgu,
- 6 Murde trpnz'ngr da kx naatrkatile nigu
Ngrlx x mz nrckxbq.
- 7 Yawe arlapxle nigu mz nzxpu-krung amrlx,
Murde namnc-zpwxku.
- 8 Yawe obqlvz-zvzle nzvz-krug x nzmnc-krug,
Tqyc, tqyc.

Sam 122

Jerusalem ngi Mzteadau nyz' Yawe

Nabz ne Devet kx nzgrnelzngr Jerusalem mz nzangiongr

- 1-2 Drtwrnge elalzm mz nzrpi-ngrm bange kx,
“Navzpeku mz Makxtrdau nyz' Yawe.”
Zbz sc tqvztrpekr mz naobz ngr Jerusalem.
- 3 Jerusalem lc nzlrnzio nzwzng,
X mzte opx nzmwitr-lxblrkr ma ngrdeng.
- 4 Nigu neidu lr Israel vzmgu mrlcde
mz nzawi-krbzku mz Yawe,
Dakc tqwai nzpi-krdele.
- 5 X Jerusalem ngi mzteadau nyz' king rgung,
X nide kc tzejzs-zvz-ngrdr leplz nedrng.
- 6-7 Delc, nakrka'-ngrgu Jerusalem kx,
“Gct rgr, aolve-angidr nigr lr Jerusalem,
Murde leplz nemqng keng tzmrlztilr nim
Namnc-zpwxng mz ma nyz'dr,
X narmetilir nrwx mz nzmncpx-krmlr
mz nabxbz ngr mzteadau nyz'm.
- 8-9 Yawe, rlxibzkr bam
Kx naaolve-kzpzme lr mrnyz'gr
x kztegrng keng trzmneng elr.

Amrlz zvz leplz amrlx kcng tzmncng elr
Mz nzmrlzti-krdr Makxtrdau nyz'm. Eu."

Sam 123

Yawe, Nayc mz Drtwrm Nigr

Nabz kx nzgrnelzngr Jerusalem mz nzangiongr

- 1 Yawe, mnc-xglex nim
Mz nzwxbuo-krme mz tron nyz'm Heven.
- 2 X nzmnc-xgle-zvz-krgr nim
navz navz mzli kx ycngr mz drtwrm nigr.
**Murde apukr ncblo x olvz kx nzawzng
kx nzmnc-xglelr kxnzetu rdrng.**
- 3 Yawe, nayc mz drtwrm nigr mz nzokatr-krm nigr.
Murde kxnzakxputing nzapusr-ngrdr nigr brmrda.
- 4 X drtqgr tatxtrpebz nzrtnga'titrkr kxnzngiscng nigr,
X kxnzqlz-lzbqng nzobqszo-zvzlr nigr.

Sam 124

Yawe Arlapxle Leplz Nedeng

Nabz ne Devet kx nzgrnelzngr Jerusalem mz nzangiongr

- 1 Nigu lr Israel nakrlz-angidrku
Kx Yawe ngite-zvzgu badr mz nzotangr.
- 2 X mz nzngite-zvz-krgr badr
Mzlike enqmi rgung nzmulr nzatrkat-ngrdr nigu,
- 3 Rblxbz badr nzmiltxo-krdr nigu
Mz nzngya'ti-zlwzkr drtwrdr nigu.
- 4-5 X trznibqlru nigu mz nzapu-krdr srkau
kx mrilvzole nigu.
X nrc kxetu ngr srkau lc trabooleu nigu.
- 6 Delc naawi-ngrbzku mz Yawe
Mz trnzrlr-krpwzleu nigu mz mq enqmi rgung.
- 7 Mzlilc apuku utc mz nzdwapx-krmgu
mz br sc kxnzmua'ng,
X drtqgu opxpe murde Yawe pingebzle br scdr.
- 8 Yawe kc tqwz-ngrde bongavz x drtc',
Nide kc tqarlapxle nigu.

Sam 125

Kxnztubqng x Kxdrka'ngrng

Nabz kx nzgrnelzng Jerusalem mz nzangiongr

- 1 Nigu kcng nzabtrpzlr drtwrdr mz Yawe,
Apuku Newz Saeon kx trycnglr x tutx alo.
- 2 X Yawe apule newz kcng nztu-ngalelvzlr Jerusalem,
**Murde vz zvz nztu-krmle mz nibrgu,
nigu leplz nedeng.**
- 3 Yawe trlr-ngrpwzleu badr kxdrka'ngrng
nzaolve-alo-krdr drtqbr nyz'gu, nigu kxnztubqng.
Murde bzkq vz-nqblqku nqm qkxtrka scdr.
- 4 Delc Yawe, krka'ngrgr kx naamrlzq kxnztubqng
Mz nzyrlq-angidr-krdr natqm.
- 5 A' mrlz bagr nzayrplapx-krm kz kzdu nigr lr Israel
Kcng tzpxpe-ngrdr nzvz-nqblqng nim,
Mzlikc naayrplapx-ngm kxdrka'ngrng.
X amnc-zpwx nigr.

Sam 126

Yawe Tqamnc-zpwx-ngrmoule lr Jerusalem

Nabz kx nzgrnelzng Jerusalem mz nzangiongr

- 1 Mzlikc Yawe tqamnc-zpwx-mou-ngrde
nigu lr Jerusalem,
Opxm kx trngiu dazpwx, a' rmwibleku.
- 2 Mzlicde, yrpaletwzku x ngr-katoku,
mz nzabrtz-zlwz-krgr.
**Zbz sc tzrpipe lr drtqbrng kx, "Yawe rwz-ngrbz
da kxetuting kx okatr-ngrde nidr."**
- 3 X abrtztx-zlwz-ngrgu
Dalc deng tqetuting tqwz-ngrmleng bagu.

- 4 Delc Yawe, tqamnc-zpwx-mou-ngrde nigu
mz nzwrde ka,
Dakc tqwai tewa nzdc-krde
x lrtng mou ningali kx pztipeng.
- 5 Murde leplz keng tzyrning
mzlike tzpe-ngrdr dakxnzng mz drtc',
Naabrtzng mzlike narplilz-ngrdr.
- 6 Zbz leplz keng tzyrning
mzlike tzrtwz-ngrdr dakxnzng kx napetilr mz nrlanc,
Sa nangr-abrtzng mzlike nartwz-ngrmlr dakxnzng
brma mz mzli r nzrpilzng.

Sam 127

Nqvi lr Ncblo

Nabz ne Solomon kx nzgrnelzng Jerusalem mz nzangiongr

- 1 Nzmu Yawe trnangiu Kxetu r nqvi lrgu le,
mane nzaetunepx-krqu nqvi lrgu.
Nzmu trnaaolveleu mrnyz'gu,
mane nztubrkirpx-krqu mrnyz'gu.
- 2 Nzmu trnaabrtrpwzkuu drtwrgu mz Yawe
Mz nzrka-krmlc dakxnzng bagu,
Mane nzorlangr mz nzwz-katongr
x nzyzlu-ngrm mz nina,
Murde krlz-kzle nzrka-krmlc da bagu
mzlike tqmwi-ngrgu.
- 3-5 X Yawe nide kz kx rkam doa kxnztopwng mz nqvi lrgu,
Mzlike tqngi oblabe-ngrgu.
Murde mzlike tqngi letzlvz-ngrgu,
doa lenc naaolvele nigu.
Neipz' ncblo kc mrlxde tqkqlu.
Murde mzlike kzdq ncblo narnqniti-lzbq-ngrdr bade,
Mrlxdeng sa natubzng mz nibrde.
X mz nzrka-krbz kxnzrmailzng drtwr kxtubq,
Drtqde trnamyau murde nztu-krbz mrlxdeng
mz nibrde.

Sam 128

Trte kx Mailzle Lr Manyz'de

Nabz kx nzngnelzngr Jerusalem mz nzangiongr

- 1 Yawe naamrlzle trte kx myatitrle nide,
X ozli-zvzle lrpzki rde.
 - 2 Da kx naokatrle lr manyz'de sa navzpxm mz nzwz-krde,
X naabrtzlvzle nzmnc-zpwx-krdr.
 - 3 Olvz nalzde naapule nc bia kc nrade tqkqlu.
**X doa nedrng kalr naapulr nztrngr nc brpi
Mz nzwxbu-ngalelvz-krdr nyr mnrde.**
 - 4 Delc Yawe tqamrlz-ngrde trte kx myatitrle nide.
- 5-6** Yawe, amrlz nigr Makxtrdau,
X kam nrw bagr, nigr lr Israel.
Murde trtegr leng namc-zvzlr da kxmrlzting
keng tqaleme bagr, nigr lr Jerusalem.
**X namc-kzlr nzmncr doa ne doa nedrng,
x nidr kc tzbz-ateng.**

Sam 129

Enqmi ngr lr Israel

Nabz kx nzngnelzngr Jerusalem mz nzangiongr

- 1 Nigu lr Israel nadcpz mz drtwrgu
kx enqmi rgrung nzatrkati lr nigu,
Yzuo mzlike drtqbr nyz'gu tqtopwzbe-ngrde.
- 2 A' kxmule-esz' enqmi rgung nzatrkati-zlwzlr nigu,
**Yzuo mzlike drtqbr nyz'gu tqtopwzbe-ngrde,
A' trnzaovxio-pnz'lru nigu.**
- 3 X kxmule-esz' nzikla-nabztq-ngrdr nigu,
X bzmz bz scdr mnzaboitxtr-alom mz nibrgu,
- 4 A' Yawe kc tqtubq-esz'ngr,
Aopxpebzle drtqgu mz mqdr.
- 5 Yawe, maneutipxbz enqmi rgrng amrlx, nigr lr Saeon,
Murde drtqdr nzmya'tx-zlwzng.

- 6 X ayangrnga nidr
Mzlic tztopwzbe-ngrdr.
- 7 Murde bzkq takitrde nidr nzotangr,
X bzkq kx kqlele nidr mz nzokatrngr.
- 8 X bzkq rlrpx-ngrn leplz kzbleng nzirpi-krbzlr badr kx,
“Amrlzkr nimu mz drtq Yawe!”

Sam 130

Nzoliq-zvzkr Yawe mz Nzokatr-krde

Nabz kx nzngernelzngr Jerusalem mz nzangiongr

- 1 Yawe, kqlex nim mz nzokatr-krm ninge
Mz mzlir nzkxpu-krngeng.
- 2 Kxetu, lalztqm mz nzkrka'-krnge,
X ayzlum natqng.
- 3 Yawe, nzmu napx-ngrn nzipqpx-krm alwx ngrgr,
Trpnz'ngr kx narlapx mz nzayrplapxngr.
- 4 A' oliq-zvzq mz nzipq-krm nigr,
Murde namyatitrkr nim.
- 5 Yawe, obqtipxx nzokatr-krm ninge.
Murde brti drtwrnge kx natqm sa naatutrq.
- 6 Dakc tzwai kxnzaukzng
mz nzsutikr drtwrdr rngalx nzvoolz-ani-krmle,
**A' nim kx myapxbz nzsutikr drtwrnge
nsvz-ani-krme.**
- 7 X nigu lr Israel, naabrtrpzku drtwrgu mz Yawe,
murde aodu-zvzle nigu.
X oliq zvz mz nzarlapx-krde nigu.
- 8 X sa naxpepxle nigu
Mz alwx ngrgung amrlx.

Sam 131

Apux Doa kx Yrpz Lxede

Nabz ne Devet kx nzngnelzng Jerusalem mz nzangiong

- 1 Yawe, trglqpx-lzbqpou bam,
mz nzvzlvz-krnge bz kc tqyrlqme bange.
**X tramatq-lzbqwxu mz nzprtr-krbo
badr kxnzeturng mz nzymnetr-krdr
mz da kxmyaszpxle nzkrlz-krnge.**
- 2 Murde abrtzlvzx
nzapu-krnge doa kxtpowz kx yrpz lxede.
Delc tqmnc-zpwx-ngrne mz nrlc.
- 3 X nigu lr Israel navz zvz
nzabrtr-krbzku drtwrgu mz Yawe,
Murde namnc-zpwxku.

Sam 132

Nzesz'tikr Drtwr Yawe Ncdr Devet

Nabz kx nzngnelzng Jerusalem mz nzangiong

- 1 Yawe, naaoti drtwrm nzkxpukr Devet,
Mz nzwztr-krbzle bam.
- 2 Nim Gct kxrnr kc tqangio Jekop.
X Devet esalzbz bam.
- 3-4 Rpibzle kx, "Yawe, trtxpnz'ngr nzvz-krnge ma nyz'nge
e mz nelvq nyz'nge,
X trtxpnz'ngr nzama-krnge x nzmwi-krnge,
- 5 A' nawzti-kaix dq ma kx namnc-ngrn,
Nim Gct ngr Jekop."
- 6 Mzlike Devet x ncblo nedeng tzmnc-ngrdr Eprata,
Nzxlrlr nrpa ngr
Bokis kc tqyclz-ngm Nzesz'tikr Drtwrdr Badr Gct.
X sc tzmctipelr mz mztea Jerim mz nrlarnrlc lcde.
- 7 X sc tzrpipekr kx, "Naglqpeku Bokis lc
mz Matelqkxtr nyz' Yawe.
Naangioku nide me wxbuo-ngrmle mz tron."

- 8 X sc tzipibzlr bade kx, “Yawe, vzm Matelqkxtr nyz'm,
**Murde namnc-zvzq mrgc tqycngr Bokis ngrm
 kc tqmatq.**
- 9 Murde pris nemqng naaelwapxbzlr nztubq-esz'ngr-krm
 badr leplz nedrng,
X leplz lcng namalqlvzlr nim.”
- 10 Yawe, mzlika bzkq tati drtqm king ngrgr
 kc tqmcpxbzme,
**Mz nzatutr-krm nzesalz-krbzme mz kxwz nem,
 King Devet.**
- 11 Murde esalz-ngrbzme bade ncnrpc' kx trnzkatxu,
**Mz nzrpi-krbzme bade kx, “Sa nayrlqbo dq mrlxm
 kx nangi nide king kx naaolvele lr Israel mz nibrm.**
- 12 X nzmu mrlxdrng nayrlq-angidrlr nzesz'tikr drtwrgr badr,
**X navz-nqblqlr natqnge kc tqkapxbo badr,
 Sa nangini-zvzdr king,
 Badr mrlxdrng, tqyc tqyc.”**
- 13 Yawe, rlxtibzkr nzamrlz-krm king nem.
Murde mcpqx Jerusalem nangi mztea nyz'm,
- 14 Mz nzrpi-krm kx, “Krlc mztea kx namnc-alo-ngrne,
Vz-nqblqle me pnz' drtwrnge.
- 15 Sa nakabo badr lr mztea nyz'nge lc
 da kxkqlu kxmrlzting.
**X sa naaputrx kxtrnzrgiscung
 murde nelzdr nakrlc x naesatpx-zpwx.**
- 16 Sa nabatrpo mz pris nengeng nzaelwapx-krbzlr
 nzarlax-krnge badr leplz nengeng,
X kxnztr lcng namalqlvzlr ninge.
- 17 Sa nayrlqx king kxmatq Jerusalem mz nqvi lr Devet,
X zyzlr ngr nzaolve-krde trtxpnz'ngr nzesaki-krde.
- 18 Sa naamyalz drtq Devet mz nzalao-krbo
 kraon mz narde,
A' sa naamyatibo drtq enqmi rdeng.”

Sam 133

Naesz'tikr Drtwrgu

*Nabz kx nzgrnelzng Jerusalem mz nzangiong
Nabz ne Devet. Nabzng nrvdzng mz nzangiong Makxtrdau.*

- 1 Lqngipx x mrlzvxi
Mzlike leplz tzmncr-lxblr-ngrdr mz drtwr kxesz'.
- 2 Drtwr kx esz' lqngipx apule nzyrleokr tolo
Mz nar Eron x nzplr naode x krlzo-kzpzle lrpz yzde,
Mzlike tzaelu-ngrde tolo mz nzgini-krde narpris.
- 3 X drtwr kx esz' mrlzvxi apule nzdcokrm tewa
Mz newz nyz'gung mrgc tqmingr zvz.
Murde da kxmrlz amrlx keng tqkam Yawe bagu
nzvzpxmqng Jerusalem,
Myapxbz nzmnc-zpwx-zvz-krgru mz drtc' nyz'gu.

Sam 134

Naglqpxku Yawe

Nabz ngr nrvdzng mz nzangiong Makxtrdau

- 1 Naglqpxku Yawe, nigu kxnzvw nedeng.
Naangioku nide Makxtrdau nyz'de.
- 2 Glalzku mqgu Mrgc Tqtr.
Glqpxku Yawe mz nrlckxbq.
- 3 Naamrlz Yawe nimu mz nzmnc-krde Mzteadau nyz'de.
Nide kc tqwz-ngrde bongavz x nrlc.

Sam 135

Nigu Nqvi Lr Israel Naglqlzku Yawe

Nabz ngr nrvdzng mz nzangiong Makxtrdau

- 1-2 Naglqlz-zvzku Yawe, murde nide Gct rgu.
**X nimu kxnzvw nedeng naamrlueamu nide
mz nzkrka'-krmu mz Makxtrdau x makoa ngrde.**
- 3 Naamatqku nide murde mrlz-esz'ngr.
X angrlvz-ngrgu nide nivz lrde.
- 4 Murde mcpxpele nqvilr Jekop, nigu lr Israel,
Nzngini-krgru leplz nedeng.

- 5 Krlzku kx Kxetu rgu, Yawe, myatxlz-esz'ngr,
Myaszlzle gct kzbleng amrlx.
- 6 Vz-nqblq-txpwzle me pnz' drtwrde mz da kx alele
Mz bongavz, nrlc, prla, x me boongrng.
- 7 Wz-ngrde zbo nzvzdz-krdr mz lclxlr mz bongavz,
X brlrpc nzvzmi-krm trlipule.
X batrpzle nzwqkr nenq.
- 8 Nide kc tqrnibqti doa aynrngr Ijip,
Krne leplz x krne animol.
- 9 Rwngr da kxnzketipxng kxkqlu mrlcde,
Mz nzayrplapx-krde king x kxnzetu nedeng.
- 10 Aovxiole drtqbr kxkqlu
Mz nznibqti-krde king kxnzxplr-zlwzng.
- 11 Krlcng King Sion, King Cg, x kzdung kz king
Kcng tzaolveng mz drtc' Kenan.
- 12 X drtc' nyz'drng katimleng bagu,
Nigu lr Israel dakc tqwai nzpi-krmelele bagu.
- 13 Drtq Yawe tqyc tqyc.
X nzrkrlngr nide tqvzpe tqvzpe.
- 14 Sa natum mz nibrgu,
Mz nzaodu-krde nigu leplz nedeng.
- 15 Leplz kznzmnc-mrbrng nzangioldr mqngr da kx nzlz.
Gct rdr nzwzng ncblo mz silvz x gol.
- 16 Mqngr lcng naodr x mztr ycbz,
A' trnzycmneu x trnzrmcu da.
- 17 Nradrtqdr x nctqdr ycbz,
A' trnzxlru da x trnzycmini-kzu.
- 18 Leplz kcng nzwzngng nzapu-kzlr mqngr lcng.
**Murde nranabung, trnzobqung, nradrtqdr ngq,
x trpnz'ngr nzlungr badr.**
- 19 Nigu nqvi lr Israel, naglqlzku Yawe.
X nimu pris, nqvi lr Aron, naamrlue-kzamu nide.
- 20 X nimu kxnzwz nedeng, nqvi lr Livae, naamatqamu nide.
Nigu amrlx kcng tzmyatitrlr nide, naangrlvzku nide.

- 21 Naangioku Yawe Jerusalem, mz Newz Saeon.
Naglqlz-zvzku Yawe.

Sam 136

Aodu-zvzle Nigu

- 1-2 Aodu-zvzle nigu, Yawe kx mrlzvxi.
Myaszlzle gct kzbleng. Aodu-zvzle nigu.
- 3 Aodu-zvzle nigu. X naglqpxku Kxetu
R kxetung amrlx. Aodu-zvzle nigu.
- 4-5 Aodu-zvzle nigu. Wz-ngrde rkx kxmatq.
Bongavz mz nzyrplapx-krde. Aodu-zvzle nigu.
- 6 Aodu-zvzle nigu. Wznedz-ngmle drtc'
Meboongr prla. Aodu-zvzle nigu.
- 7-8 Aodu-zvzle nigu. X wz-ngrde nepi
Nayzlr mz nrlckxngrlx. Aodu-zvzle nigu.
- 9 Aodu-zvzle nigu. Wz-ngrde temz badr vring
Nayzlrng mz nrlckxbq. Aodu-zvzle nigu.
- 10 Aodu-zvzle nigu. Nibqtile enqmi rgung,
Kxnzrdrlvzng ne lr Ijip. Aodu-zvzle nigu.
- 11 Aodu-zvzle nigu. Rkamilzmle nigu
Lr Israel mz mzlir lr Ijip. Aodu-zvzle nigu.
- 12-13a Aodu-zvzle nigu. Mz zmatq ngrde kxxplr,
Akipxle Prlakxpc. Aodu-zvzle nigu.
- 13b-14 Aodu-zvzle nigu. X mailzkile nigu,
Leplz nedeng mz nzti lc. Aodu-zvzle nigu.
- 15 Aodu-zvzle nigu. A' rto-ngrde prla
King x ami r lr Ijip. Aodu-zvzle nigu.
- 16 Aodu-zvzle nigu. X mailztrle nigu
Leplz nedeng lzke. Aodu-zvzle nigu.
- 17-18 Aodu-zvzle nigu. Aovxiole king kxnzetung.
Nibqtile king kxnzplrng. Aodu-zvzle nigu.
- 19 Aodu-zvzle nigu. Nibqle King Sihon,
King r lr Amctq. Aodu-zvzle nigu.
- 20 Aodu-zvzle nigu. Aovxiole King Cg,
King r lr Basan. Aodu-zvzle nigu.

- 21-22 Aodu-zvzle nigu. Aprcbzle drtc' nyz'dr
Badr lr Israel, kxnzvw nedeng. Aodu-zvzle nigu.
- 23 Aodu-zvzle nigu. Trmrbrtru mz drtwrde
Nzkxpu-krgr. Aodu-zvzle nigu.
- 24 Aodu-zvzle nigu. Arlapxle nigu
Mz mq enqmi rgung. Aodu-zvzle nigu.
- 25 Aodu-zvzle nigu. X rkabz dakxnzng
Badr da kxnzung amrlx. Aodu-zvzle nigu.
- 26 Aodu-zvzle nigu. Glqlzku Gct kc Heven,
X awi-ngrbzku bade. Aodu-zvzle nigu.

Sam 137

Rblx Nzng-abrtz-krgr mz Nzmc-krgr Babilon

- 1 Kx dcpx mz drtwrgr nzodatingr Jerusalem,
**Nigr kc tqyrnipekr mz nzwxbune-krgr
 mz nqlvir ningaling mz drtqbr Babilon.**
- 2 X gita negrng adotxlzpekrng
Mz nounc mrlcde.
- 3 Leplz keng nzlolvztilr nigr nzrpimlr bagr kx,
**“Ngr-ngrmamu du bagr
 nabz ngr Makxtrdau Jerusalem.”**
- 4 A' mz drtwrgr kx, “Rblx nzng-abrtz-krbzkr mz Yawe,
Mz nzmc-krgr mz mztea nyz' kxnzmc-mrbrng.
- 5 Nzmu kx tqmrbrtitr drtwrnge Jerusalem,
**Namrbrtitr kz drtwrnge
 kxmu nzayrni-krnge gita nenge.**
- 6 X nzmu kx tqrbx nzdcpx-kaikr Jerusalem mz nabzngc,
Narblx kz nzng-krnge nabz ngrde.”
- 7 Yawe, nadcpwpz mz drtwrm natqdr lr Edom,
**Mzlike lr Babilon tzodati-ngrdr Jerusalem,
 mz nzrpi-krbzlr badr kx,
 “Odatiamu! Odatiamu x natutxlxlrngr.”**
- 8 Yawe, amrlz leplz keng naodati-atwrnr-ngrdr lr Babilon,
Mz nzayzlu-krbzlr badr dakng tzwaisr-ngrdr nigr.
- 9 Murde naabrtzlvzlr nzlolvzti-krdr doa leng,

Mz nztamyrтитx-krdr nidr.

Sam 138

Drtq Yawe x Natqde

Nabz ne Devet

- 1 Yawe, awibo bam mz nabznge atwrnrngr.
X angrlvzx nim mz mztq kxnzmatqng.
- 2 Obqkibo Makxtrdau nyz'm mz nzglqlz-krnge nim
Mz nzaodu-zvz-krm x nzangidati-krm.
Murde drtqm x natqm nzmyatpx-esz'ngr.
- 3 Mzlikc tqkrka'-ngrbo bam, ayzlume natqnge,
Mz nzaetunepx-krm nzxplr-krnge.
- 4 Yawe, king amrlx mz nrlc sa naglqlzlr nim
Mz nzxlr-krdr nzmrlzkr natqm.
- 5 X sa naangrlvzlr nqm q ngr nzale-krmqng da,
Mz nzglx-krdr kx myatxlz-esz'ngrn.
- 6 Kxmule-esz' myalz-esz'ngrn,
sc tqaolve-zvzq leplz kxnzavzo-lzbqng.
A' avzome kxnzglqplx-lzbqng.
- 7 Kxmule-esz' nzxpungr nzprtzmqng bange,
A' amnc-angidrq ninge.
X tu-zvzme mz nibrnge
mz nzngya'tikr drtwr enqmi rngeng ninge.
X arlapxq ninge mz zmatq ngrm.
- 8 Yawe, krlzq kx sa naangidatiq drtwr amrlx
keng tqyrlqz' liti-ngrn ninge,
Mz nzvz-nqblq-krm nzaodu-zvz-krm.
Delc navz-zvzngr nzatutr-krm
me pnz' drtwrm mz nrlc.

Sam 139

Yawe Obqplxle Nigu X Esz'tx-ngrde Nrlc

Nabz ne Devet kx yrbzle mz Kxrmalx ngr Nzngnrngr

- 1 Yawe, obqplxq ninge,
X krlz-atwrnr-ngrn ninge.

- 2 Krlzq da amrlx keng tqalex.
Kxmule-esz' mncme rlr,
a' krlz-zvzq nzaokrnge drtwrge.
- 3 Kxmule-esz' wzx e amax, a' sa tqmc-zvzq ninge.
Krlz-kaiq da amrlx keng nartrngztibo mz zbzq kxesz'.
- 4 Abzo pnz' mzlikc trtqycmnekalrne,
Nzkriz-kai-krm natq kznike napixng.
- 5 Tubrkir-ngrn ninge
Mz nzngrelvzkr zmatq ngrm ninge.
- 6 Nzetu-zlwzkr nzkriz-krm ninge
Myaszlzle nzkriz-krnge.
- 7 ?Drive kc navzkix kx trnanc-ngrwq ninge?
Trpnz'ngr me namule lcde mz nzesz'ngr-krm lc nrlc.
- 8 Murde kxmule-esz' vzdzx Heven, a' nim la tqmncq elr.
X kxmule-esz' bzx x nzyrtzmqng,
a' nim la tqmnc-kzq elr.
- 9 Kxmule-esz' alilvc-kzx me prkilzm nepi
E me takiole,
- 10 A' nim la tqmncq elr mz nzmailz-krm,
X nzokatr-krm ninge.
- 11 Kxmule-esz' mnc-kapqx mz nzlo
X mz drtwrge ngrlx nangitx nrlckxbq,
- 12 A' nzlo x nrlckxbq rblx nzamnc-kapq-krdr ninge,
Murde nzlo x zyylr kxnmuxpwzlr esz'
mz nzobq-krm.
- 13-15** X mc-kzq ninge mz nelz lxnge
Mzlile nim txpwz kx rkriz
nzmnc-nabupx-krmc mrlcde.
Wz-ngrn dalr drtqngc x nrvr ngeng.
X amwitr-lxblr-kzqng amrlx,
vz-nqblqle me pnz' drtwrm.
X kctipxx x awitx-ngrbo bam
Nzlrmtio-krm ninge.
- 16 X mzlikc trtzmc-kangr mzke',
Yrlqpe-kaiq me nakrlzbx
me nangi bz ngr nzlu-krnge.

- 17 A' rblxm bange nzkriz-angidr-krnge me pnz' drtwrm
Murde nzkqlu-zlwzng.
- 18 A' nzmu narlwxxleng drtwrnge mrbrtzpz,
Murde nzmyaszpxlr drta' ngr prla amrlx.
X nzmu nayrkrpx nzrlwx-krngelr,
Tryatrkapo nzkriz-angidr-krnge nim.
- 19 Murde rblxbep bange drtwr ngr nqm q krm.
?Memule tqasa-ngrn mz nzayrplapx-krm kxdrka'ngrng?
?Myx' kxmule trnamilxtxokalq nidr?
- 20 Nzpiti-ngrdr nim natq kxtrka,
X nznrlvzolzr nqm q krm.
- 21-22 Yawe, pxtxpx-ngrne nekeng nzpx-ngrdr nim
X nidr kz enqmi rngeng.
Murde trnzmnczpwzu mz zmatq ngrm.
- 23 Gct, obqplxti zpwx nabzng
Mz nzkriz-krm nzao-krnge drtwrnge.
- 24 Murde naaelwa-ngrne bange nqm q krnge kxtrka,
Mz nzmailz-krm ninge mz nqm q kxtubq.

Sam 140

Kxnaatrking Ninge

Nabz ne Devet kx yrbzle mz Kxrmailz ngr Nzngngr

- 1 Yawe, arlapx ninge mz leplz kxdrkan'ngrng
Kcng tzsuti-drtwrdr nzatrkingi-krdr ninge.
- 2 Nzryrlq-zvzng drtwr kxtrka mz nabzdr,
X nzapqtr-zvzlr drtwrngr nzotangr.
- 3 Natqdr rtq leplz apule nipna'kr mz kc tzlvati,
Mz nznrpikitingr x nznrpibqtingr.
- 4 Yawe, tubrkiirpxbz ninge mz zmatq scdr kxdrka'ngrng.
**X aolve-angidrbz ninge mz leplz lcng tzryrlq drtwr
kx naatrkingi-ngrdr ninge.**
- 5 Ncblo kxnzqlqpx-lzbq lcng nzryrlqpe trtxki
kx naprtz-ngrne
Mz nzatu-krdr br mz nzti rnge.

X nzoliqpeng mz drtwr kx nalolvz-ngrdr ninge.

- 6 Yawe, xlrn nzkrka'-krnge,
Murde rpi-zvzbo bam kx, "Yawe, nim Gct rnge."
- 7 Kxetu rnge, nzxplr-krm arlapxe ninge.
X nim kx amyale narng m z nvecngr.
- 8 Bzkq rlr-ngrbzme nzngidatkr drtwr keng tzyrlq
kxdrka'ngrng leng mz nzbilvz-krdr nzlolvz-krdr ninge,
Kxmule-esz' nzsuti-zlwz drtwrdr.
- 9 Enqmi rngeng leng tztu-ngalelvzlr ninge.
**Batrpz badr natq ngr zngya' keng tzpimlr bange
mz nzngq-mou-krde nidr.**
- 10 X nyr natatiom nange'-ngrdr,
X rtctiongr nidr mz gq kx trnarlapx-ngrdru.
- 11 Kxnzpokia leng nzmnc-krdr mz drtc' natangqneo.
**X da kxtrka nadwatibzle leplz leng
tzota-zvzng naodatile nidr.**
- 12 Yawe, krlzx kx tuq mz nrlarde nyz'
kx trpnz'ngr scde zmatq,
Mz nzatubqti-krm da kx vz-rbr.
- 13 X leplz kxnztubqng sa namncamu badr,
Mz nzglqlz-angidr-krdr nim.

Sam 141

Arlapx Ninge Mz Zmatq ngr Alwx x Kxdrka'ngrng

Nabz ne Devet

- 1 Yawe, kqle-zvzx nim. Xlrn natqnge.
Vzanim x okatr ninge. Yawe, kqle-zvzx nim.
- 2 Aolvz nzkrka'-krnge nzvzdz-krbzle bam
naapule zskapu ngr blrninr kc tzangc'bz bam,
**X nzgla-krnge mqnge
nzapu-krbzle bam blz ngr milzpq.**
- 3 Yawe, mailz ninge murde bzkq rpix natq kxtrka,
X nzymne-krnge natubqpwx.
- 4 Batrp bange trnzmlz-krp bange alwx.

Murde bzkq prtrpo badr kxdrka'ngrng

Mz nzale-krdr da kxvz-rbr.

X bzkq mrlzm bange nilwztq da kxngangr.

- 5 A' mz nzprtr-krbo badr, mrlzvxix
mz nzayrplapxng ninge.

Murde nzatubqtingr apule tolo ngr nzamrlzng.

Bzkq narng mqnqi

**Murde krka'-zvz-ngrne kx nayrlqpx-lzbqng
mz nzvz-rbr-krdr.**

- 6 X natq ngr nzatubqti-krnge ncblo

Sa naaolvzlr

Mzlike namc-ngdr kxnzetu r kxdrka'ngrng

Nzayrplapxng mz nzbz-krdr.

- 7 X nrvr ngrdr sa natwzbetxne mz drtc'

Mz nzapu-krdr lrdz keng tqlvxlz nrc.

- 8 Yawe, nim Gct rnge, abrtr-zvzbo drtwrnga bam.

Nangi nim lrpalc nyz'ng, murde bzkq mnc-lrlxlqx.

- 9 Mailz ninge murde bzkq prtzx mz trtxki scdr,

X bzkq taox mz gq kx nzekqti kxdrka'ngrng.

- 10 Mrlzvxix nzprtz-mou-krdr mz br scdr,

A' drtqng naopx vz.

Sam 142

Aopxbz Drtqng mz Nzxpukrngeng

Nabz ne Devet mzlike tqmncpx-ngrmle mz butqbr

- 1 Yawe, natqng etutx mz nzyrni-krbo bam,

Mz nzokatr-krm ninge.

- 2 Pibo da kx lctr-ngrbz drtwrnga bam,

X nzxpungr keng tqprtzmqng bange.

- 3 Kxmule-esz' nabzng baonepe,

A' nim kc tqrtwayz-zvz mz nzvz-krnge.

Murde enqmi rngeng nzryrlq-kapqpeng trtxki

Mz lrpzki rnge.

- 4 Kx obq-ngalrx kc nrlc,

trpnz'ngr kx mclx kx naokatrle ninge,

X trpnz'ngr kz kx naolve-angidrle ninge.

- 5 Yawe, kqlx nim,
Murde nim merlakitrx
x suti txpwz drtwrnge nim mz nrlc ka.
- 6 Ayzlum natqnge
Murde nabznge talvzo zlwz.
- 7 Aopxbz drtqnge mz nzkxpu-krngeng
murde naawibo bam.
X kxnztubqng natu-ngalelvzlr ninge mz nzglqlz-krdr
nim mz nzmrlztikr nivz lrm ninge.

Sam 143

Nzamncpxmlr Ninge Mz Nzlo

Nabz ne Devet

- 1 Yawe, xlrn nzkarka'-krnge x ayzlum natqnge,
Murde tubq-esz'ngrn x angidati-zvzq.
- 2 Bzkq jzsq ninge, kxwz nem,
Murde trpnz'ngr leplz mz nrlc kx tubqbz mz mzpq.
- 3 Enqmi rngeng nzmaneutlir ninge
x nznrbriolr ninge mz drtc',
X zamncpxmlr ninge mz nzlo
apule kxbz kx mnelzm mz gq.
- 4 Nabznge baonepe,
X nabznge talvzo-zlwz.
- 5 A' amqtrx drtwrnge mz nzaoti-moukr drtwrnge
zbq kcng tqvztxpeng.
X dcpx mz drtwrnge da kxnzkctipxng
kcng tqalemeng bagr.
- 6 Delc tqglalz-ngrbo mqnge bam,
Murde brlxkztitx-zlwz drtwrnge nim.
- 7 Yawe, ayzlu-anim natqnge murde nabznge baonepe.
Bzkq rlaszn ninge, mz tqbzx.
- 8 Pi-zvzm bange mz rngalx kang kqlu kx aodu-zvzq ninge,
murde abtrpo drtwrnge bam.
X mailz ninge mz lrpzki kx naozlix,
murde mnc-xgle-zvzx nim.

- 9 Yawe, bzkq nzlolvz enqmi rngeng ninge,
Murde nim me rlakitr.
- 10 Gct nge, alvztrp bange nzale-krnge me pnz' drtwrm.
**X rtwayzm bange mz zmrlz-ngrm
murde namnc-zpwxx.**
- 11 Yawe, arlapx ninge murde bzkq bzx
dakc tqwai nzpi-krmlle.
**X tum mz nibrnge mz nzkxpu-krngeng amrlx
murde tubq-esz'ngrn.**
- 12 Lolvzting enqmi rngeng x miltxo-alo nidr.
Murde aodu-zvzq ninge, kxwz nem.

Sam 144

Neipz' Drtqbr Kc Tqamrlz Yawe

Nabz ne Devet

- 1 Yawe, nim butqbr nyz'nge x glqpxx nim.
**Murde alvztrpe' bange nzrpnz'ngr
x axplr q ninge mz nzotangr.**
- 2 Brti drtwrnge nzngini-krm lrpalvc nyz'nge.
Nim Mevalu kxxplr x merlakitr.
Nim temz ngr lomrnge kc tqyrputrngr nipna'.
X okatr-zvzq ninge mz nzaovxio-krnge lr drtqbrng.
- 3 ?A' memule tqmatq-ngrgr mz drtwrm?
**?X memule tqmrlzti-ngrn mrlx leplz?
Murde nigr leplz txne.**
- 4 Nzmrbcnekr nzlukr leplz
apule nzwr nzyrplaokr nrc kxesz'.
X mzli kx lutix ngi da txne.
- 5 Yawe, lvxpx bongavz mz nzvzo-krme.
Maletr newzng murde nasikapung nzapulr trmami.
- 6 Atwzlo-ngrm brlrpc mz nzaodaliti-krm enqmi rngeng.
Pnz'ting nidr mz nipna' scmng murde navotxng.
- 7 Yawe, rtrngztiom ninge mz nzokatr-krm ninge,
Naapule kx veclzme ninge me boongr prla.
X arlapx ninge mz mq lr drtqbr kzbleng.

- 8 Murde nide pakrle mz nzymne-krdr nide pakrle.
X trnzatu-kztrlru nzesz'tikr drtwrgr badr.
- 9 Gct, sa nangr-ngrbo bam nabz kxmrna.
X naangrlvzx nim mz nzayrni-krnge gita.
- 10 Yawe, okatr-zvzq king nemqng mz nzaovxio-krdrng.
**X arlapxq ninge Devet mz tokirvea kxmalc,
murde ninge kxwz nem.**
- 11 Arlapx ninge mz mq lr drtqbr kzbleng
murde nide pakrle mz nzymne-krdr.
X trnzatu-kztrlru nzesz'tikr drtwrgr badr.
- 12 Delc mz nzqqlukr enqmi rgrng,
Krka'ngrgr kx naamlzq nigr lr drtqbr nyz'm.
Obla negrng naxplnelzm mz nzapu-krdr nounc kxxplr.
**X olvi negrng naatubxlz-zvzlr lrmrnyz'drng
mz nzapu-krdr nctrpou ngr ma nyz' king.**
- 13 Dalr nrlanc nyz'grng nalvc-angidrng,
Murde bxli scgrng nayrbu zvz mz dakxnzng.
X animol negrng naelotweng
Murde neidrng natwzbetxne.
- 14 X kxnzrmailz ngrngrng natumilz-angidrlr nzwz-krdr.
Murde leplz bzkq nztangetrplr drkq ngr mztea
mz nzvzmi-krdr nigr mrnyz'dr,
**X lr mztea nyz'grng bzkq nzodalineg
mz nzvzdz-krm nelzdr.**
- 15 Yawe, rlxibzkr bam
murde neipz' drtqbr kc tqamrlzq mz dalcng.
X leplz keng tqngi Get rdr nim nzmnc-zpwx-zvzng.

Sam 145

Zluli x Zmatq Ngr Yawe

Nabz ngr Nzrglqpxngr ne Devet

Kzdq Nabz ngr A, B, C

- 1 **A**wi-zvzbo bam mz nzglqpx-krnge nim,
Murde nim Gct rnge x mnclzbo bam.
- 2 **B**ilvzx nim mz nzawi-krbo bam.
X sa naglqpx-zvzx nim mz zbqkalvz.

- 3 **C**lveq nrlc mz zmatq ngrm kx trpnz'ngr kxrkrlz.
Yawe, myatxlz-esz'ngrn x takitrde nzrglqlzngr nim.
- 4 **D**oa nemqng sa nayapwxti-zvzbzlr badr doa nedrng,
Da kxetuting kx matq keng tqaletiqng.
- 5 **E**u, x ninge kz sa naaoti-zvz drtwrnge
 nzwz-krmqng kxmrlzvxi,
X nzetu-esz'ngr-krm mz zmatq.
- 6 **G**ct, leplz sa nayapwxtipxlr da kxznkctipx
 keng tqwz-ngrn.
X sa napipxx nzmyalz-esz'ngr-krm.
- 7-8 **I**pq-aniq leplz mz nzyckr drtwrm nidr.
Murde nivz lrm x nzaodu-krm tqyc tqyc.
Jzsiq leplz mz nqm qxtubq-esz'ngr
 x sa naangrlvzlr nim.
Sa nalepxlr nrpa ngrm mz nzmrlz-esz'ngr-krm.
- 9 **K**xetu, mrlztiq leplz amrlx,
X yc-zlwz mz drtwrm da amrlx keng tqwz-ngrn.
- 10 **L**eplz nemqng amrlx sa naawibzng bam,
X da amrlx keng tqwz-ngrn sa naglqlzlr nim.
- 11 **M**z nrlc tulvzo, sa nayapwxtipxlr nzmyalz-esz'ngr-krm
X nzetukr zmatq ngrm mz nzngini-krm king.
- 12 **N**rpa ngr nzwz-krmqng kxetu
 x da kxmrlzting keng tqwz-ngrn mz nzaolve-krm,
Sa nakrlz leplz amrlx.
- 13 **O**bqom mz nrlc mz nzaolve-krm kc tqyc tqyc,
X nzngini-krm king tqvzpe tqvzpe.
- P**ipx-zvzq natq kx naangidatiq.
X aelwapx-zvzq nivz lrm mz da amrlx keng tqaleq.
- 14 **R**ngiscm zmatq kx okatrle leplz keng tzkxpung,
X axplrle nabz leplz keng tqtalvzo.
- 15 **S**a narkabzme dakxnzng badr da kxnzlung amrlx,
Murde nzmnc-xglelr nim mz da amrlx.
- 16 **T**ekqtrq nzbrtale-krdr mz nzakrlc-krbzme nelzdr,
X drtwrdr nzesatpx-zpwx.
- 17 **V**z zvz nzale-krm da kx tubq-esz'ngr,
X aelwapx-zvzq nivz lrm mz da amrlx keng tqaleq.

- 18 **W**xbu-aepztrpzme badr nekeng nzqlelr nim,
Mz nzbrti-angidrkr drtwrdr nim.
- 19 **X**lrq nzyrnkr leplz keng tzmyatitlr nim,
X ayzlubzme natqdr mz nzarlapx-krm nidr.
- 20 **Y**awe, tu-zvzbzme mz nibr nekeng nzmrlztilr nim,
A' odati-atwrnr-ngrn kxdrka'ngrng.
- 21 **Z**bq kalvz sa naglqlz-zvzx nim.
X da amrlx keng tqwz-ngrn, nzangio-krdr nim,
tqyc tqyc.

Sam 146

Naabrtxtrpwzku Drtwrgu mz Yawe

- 1 Glqpx Yawe!
Naangiox nide mz nabznge.
- 2 Naglqlzx Gct rnge mzlika tqlube-ngrne,
X naangrlvzx nide.
- 3 Bzqk abrtprzku drtwrgu badr kxnzrmailzng,
Murde leplz trnzkrzlru nzarlapx-krdr nigu.
- 4 Nabzng x nzyrtzmqng mz drtc',
X mzlilepwz drtwr keng tzyrlqlr botxpx-kzpz.
- 5 A' nzabrtz-krqu navzpxm mz Yawe,
Mz nzabrtr-krbzku drtwrgu bade.
- 6 Murde Yawe nide kxrpax x wz-ngrde dalcde seng:
Wz-ngrde bongavz, drtc' x prla, x daldrng amrlx.
X atutr-zvzle natqdeng amrlx.
- 7 Yawe jzsle kxnzkxpung mz nqm qxtubq.
X rka-zvzbz dakxnzng badr kxnzbrtaleng.
X aopxbzle drtq kxnzmncng mz mq enqmi.
- 8-9 X nide-kz kx aopxbzle mzku mz nrkrdrdq x mqngr.
X atulzmlle kxnzobqsng.
Yawe aolvele lnarnrlc kxmncung badr.
X okatrle kxnzbzszng x kxnzabzong.
Mrlztile kxnztubq nedeng,
A' odatile me pnz' drtwr kxdrka'ngrng.

- 10 Yawe ni-alode King!
Nzaolve-krde tqvzpe tqvzpe.
Nigu lr Jerusalem naglqpxku Yawe, Gct rgu!

Sam 147

Yawe Amrlzle Nigu Leplz Nedeng Mz Zmatq Ngrde

- 1 Naglqlzku Yawe!
Mrlzvxix nzangrlvz-krdu Gct rgu.
Brngzvxix x takitrde nzglqlz-krdu nide.
- 2 Yawe yrlq-zpwx-moule Jerusalem,
Mz nzvzmi-krmopqle lr Israel
kcng tzlolvzting enqmi rdrng.
- 3 Rka-mopwz nzabrtzng badr leplz lcng drtwrdr tqvz,
Mz nzawxo-krbzle drtwrdr
apule kx plutibzle kxsiki rdr.
- 4 Krlzle mekrlzbx nzklukr vring,
X yrlqtibzle drtqdrng amrlx.
- 5 Yawe etu-esz'ngr x rngisc zmatq kxxplr.
X trpnz'ngr kx rkrlzpxbz nzyrplapx-krde.
- 6 Atubxlzle kxnzobqszong,
A' rnrbrtiole kxdrka'ngrng mz drtc'.
- 7 Nangr-ngrgu nabz kx yrlvi
mz nzayrni-krbzku gita mz Yawe,
Mz nzawi-krbzku bade.
- 8 Murde yrlqtibzle dcbzng mz bongavz
x adco-ngrmle tewa nalrprngr drtc',
Murde nalutingr nabz kxvo mz nra.
- 9 Rkabz dakxnzng badr animol amrlx,
X aputrle nei utc amrlx mz nzyrni-krbzlr bade
mz zbrtale.
- 10 Delc trtqmrlz-ngrpwzleu mz Yawe
nzabrtr-ngrbz drtwr mz nzxplrkr hcsi ngr vea
X nzaovxiokr ncblo ngr vea.
- 11 A' mrlzbx bade nekeng nzmyatitrlr nide,

X nekeng nzmnc-xglelr nzaodu-zvz-krde nidr.

- 12 Nigu lr Jerusalem kcng tzangioldr Yawe mz Newz Saeon,
Nagqlzku nide, kc tqngi Gct rgu.
- 13-14 Murde amqngitibzle nacbz ngr Jerusalem
x bz ngr drtqbr nyz'gr.
Amrlz-zvzle lr mzteadau nyz'de,
X amnc-zpwxle nigu leplz nedeng amrlx
Mz nzrka-krmlle bagu da kxmrlzting.
- 15 Mzlikc tqycmnepx-ngrde
Dalr nrlc nzvz-nqblq-anilr natqde.
- 16 Mz mzlr zbao sncu prlxlvztxde drtc' apule lrpz kxprki.
X dcbz vzom mz nrlc apule zskapu.
- 17 X muli-aes rlxom apule da kx nzrlxtitxne.
X da amrlx lcng namnctrng mz zbao lc.
- 18 A' ycmnetile nzpqr nrlc,
X nzwqkr nenq kxpq ayrle-mouleng lue.
- 19 X natq kxmatq lc pim Yawe bagu, nigu leplz nedeng,
Murde nayrlq-angidrku nzalvztr-krde
x Loukxtr scde.
- 20 Trpipxpwzleu lou scdeng badr leplz ngr drtqbr kzbleng,
A' nigu txpwz.
- Nagqlzku Yawe.**

Sam 148

Nzrglqlz-zvzngr Yawe

- 1-2 Glqlz-zvzamu Yawe, nimu lr Heven amrlx.
Nimu enjrl nedeng, glqlz-zvzamu Yawe.
- 3 Glqlz-zvzamu Yawe, nepi ncdri temz.
X nimu vri amrlx, glqlz-zvzamu Yawe.
- 4 Glqlz-zvzamu nide, bongavzng amrlx.
X lue kcng tzvoong elr, glqlz-zvzamu nide.
- 5 Glqlz-zvzamu drtqde. Nide kc tqwz-ngrde nimu,
Mz natq kx kapxle. Glqlz-zvzamu drtqde.
- 6 Natqde tqyc tqyc. Yrlqti-lxblrbzle
Me namnc-alo-ngrnamu. Natqde tqyc tqyc.

- 7 Glqlz-zvzamu Yawe, nimu nc x mwepwz
Ngr prla x meboongrng, glqlz-zvzamu Yawe.
- 8 Vz-nqblqamu natqde, brlrpc x muli aes,
Dcbz, nenq x tewa, vz-nqblqamu natqde.
- 9 Glqlz-zvzamu Yawe, newz x nra amrlx.
Nimu nounc ngr peto, glqlz-zvzamu Yawe.
- 10 Glqlz-zvzamu nide, animol x utc amrlx.
X da kx nzngriang, glqlz-zvzamu nide.
- 11 Naglqlz-kzku Yawe, nigu lr nrlc amrlx.
Kxnzung x kxnzrmilng, naglqlz-kzku Yawe.
- 12 Naglqlz-kzku nide, nigu obla x olvi.
Doa x letzlvng, naglqlz-kzku nide.
- 13 Naglqlzku drtqde, nigu amrlx ngrgu.
Drtqde myatxlz-esz'ngr. Naglqlzku drtqde.
 Nzmatq-esz'ngr-krde myaszlzle drtc',
X bongavz kz. Nzmatq-esz'ngr-krde!
- 14 Naglqlz-zvzku Yawe, nigu lr Israel nedeng.
Axplr x aodule nigu, naglqlz-zvzku Yawe.

Sam 149

Nzbilvz-krku Nzaovxiokr Yawe

- 1 Naglqlzku Yawe!
 Nanng-ngrbzku dq bade nabz kxmna.
**Naglqlzku nide mz nzyrlwrpx-krm
 leplz nedeng Makxtrdau.**
- 2 Nigu lr Israel naabrtzlvzku Yawe
 mz nznngini-krde Kxrpax.
X nigu lr Jerusalem naelalz-ngrm drtwrgu King rgu.
- 3 Naelabzku bade
Mz nzrta-krku kcte x nzayrni-krku gita.
- 4 Murde Yawe abrtz-zlvz-ngrde nigu leplz nedeng,
X aovxiote enqmi rgung mz nzmnc-xgle-krku nide.
- 5 Delc nigu kxnztrng nabilvzku nzaovxio-krku.
Ngr-bqtiku nrlckxbq mz nzngr-abrtz-krku.
- 6 Naogu namalqlvzlr Gct.
X narmaleku toki r vea mz mqu.


- 7 Murde naayrplapxku drtqbr kzbleng,
Mz nzatutr-krgru nzjzskr Gct leplz ngrdrng.
- 8 X nape-amqngiku king rdrng,
Badr kxnzrmailz rdrng amrlx
mz nzaovxio-krgru nidr.
- 9 Mz nzamatqkr Gct nigu, rlr-ngrmle bagu,
nigu leplz nedeng,
Nzprtr-krgru mz nzatutr-krde natqde
mz nzayrplapx-krgru lr drtqbrng.
Naglqlzku Yawe!

Sam 150

Naelabzku mz Yawe

- 1 Naglqpxku Yawe mz nzmnc-krde Makxtrdau,
X nzmnc-krde Heven kc tqmyalz.
- 2 Naangrlvzku nide nzmyalz-esz'ngr-krde
Mz nzale-krde dakcng tqmatq.
- 3-5 Naelamibzku nrasrpwale
X natz-katobzku bade kote.
Naelabzku bade navzmi nzayrpla-krgru da,
Nzrta-krgru bena, x nzayrlegz-krgru da mz mqgu.
Navxubzku trpu x ncblei bade.
X naayrniku gita x uklele mz nzglqlz-krgru nide.
- 6 Da kxnzlung amrlx, naelalz-ngrm drtwrdr Yawe.
Naglqpxku Yawe, tqyc, tqyc. Eu.

Nabz Kxtrng



A. Nabz Ngr Zbq Kang Kqlu

1 Nabz Kcng Kai

1 Navztrpamu Makxtr

Enter, Rejoice, And Come In

Navztrpamu makxtr! 2x
Mz nzabrtzlvz-krmu nide,
Navztrpamu makxtr!

Kabzmu nabzmu mz Gct! 2x
Mz nzabrtzlvz-krmu nide,
Navztrpamu makxtr!

Ngramu "Awi Yawe!" 2x
Mz nzabrtzlvz-krmu nide,
Navztrpamu makxtr!

Xlramu natqde! 2x
Mz nzakrlz-krmu nide,
Xlramu natqde!

Kabzku nabzgu mz Gct!
X ngrku "Awi Yawe!"
Mz nzabrtz-zlwz-krgr,
Kabzku nabzgu mz Gct!

2 Nigu Lr Nrlc Amrlx

Sam 100

All People That On Earth Do Dwell

Nigu lr nrlc amrlx
Nangr-abrtz-zvzku
Mz nzmyatitr-krgr Gct,
Nzwztr-krbzku bade.

Yawe nide Gct angidr.
Nide kx wz-ngrde nigu.
Nigu amrlx leplz nedeng,
Apuku sip kx aolveleng.

Navztrku mz Makxtr,
Naawi-zvzbzku bade,
X naangio-zvzku nide.
Mrlz nz-ale-krgrule.

Murde Yawe mrlz-esz'ngr.
X aodu-zvzle nigu.
Vz zvz nzatutr-krde
Natqde x nzesalz-krde.

Delc lr heven x lr nrlc
Naglqlz-zvzlr Gct Trte,
Mrlxde, x Mqngrkxtr,
Tqvzpe, tqvzpe. Eu.

3 Yawe, Namailz-zvzq Nigr

Guide Me, O My Great Redeemer

Yawe, namailz-zvzq nigr
Dakc tzwai lr Israel,
Mz debz mz nrlckxngrlx
X mz nyr mz nrlckxbq.
Navz-nqblq-zvzkr nim,
X nayrlqkr natqm.
Nayrlq-angidrkr natqm.

Yawe, nangi nigr doa nemqng,
Dakc tzwai lr Israel.
Namu-kzkr dakxnzng angidr,
Mz nzmnc-zpwx-krgr mznrlc.
Jiszs, nim dakxnzng kxtr,
X suti-drtwrgr nim.
Suti xpwx drtwrgr nim.

Yawe, ka-zvzmq bagr lue,
Dake tqwaibzme mz Mosis,
Mzlike tqtztr-ngrde rplz
Vz-nqblqpxm lue kxmrlz.
Amrlz zyagox ngrgrng,
Mz nzmrlzkr lue,
Mz nzmrlzkr Lue kxlu.

Yawe, naokatr-zvzq nigr
Dake tq-wai-zvz-pnz'q.
Yangrngakr, a' nim kxxplr zlwz.
Natubr-kir-zvzq nigr.
Mevalu rgr kxarlapx,
Nim merlakitrkr.
Namnczkr mz zmatq ngrm.

Yawe, namailzq ami rgr,
Dake tqwai doa lr Israel,
Mz nzprtr-krdr mz drtc'
Kc tqpiq nakabzme badr.
Trmwx'lrkru mz nabzgr
Murde nim Kxokatr.
Abtrpzkr drtwrgr bam.

Yawe Gct, na-apqtrq drtwrgr,
Dake tq-wai-zvz-pnz'q.
Murde nzprtr-krgr Heven
Naapule nzkawingr Jodzn.
Naglpqpxkr nim, Trtegr,
Murde nim Kxarlapx!
Murde nim kx matq-esz'ngr.

Kzrzs

4 Mz Nzvztr-krgr Mz Naobz X Makoa

I Will Enter His Gates With Thanksgiving

Mz nzvztr-krgr mz naobz x
makoa
Ngr Makxtr nyz' Yawe Gct ,
Navz zvz nz-awi-krbzku bade
X nzangio-zlwz-krgr nide.

Gct mrlz-esz'ngr, Gct mrlz-
esz'ngr.
Abrtzlvzku nzmrlz-krde.
Gct mrlz-esz'ngr, Gct mrlz-
esz'ngr.
Abrtzlvzku nzmrlz-krde.

5 Yawe Naxlrq Natqnge

Sam 5:1-3

Give Ear To My Words O Lord

Yawe naxlrq natqnge,
X na-aoti kz drtwrmq.
Atutr nzkrka'krnge,
Nim King x Gct rnge.
Krka'bo bamq,
Kxetu, natqnge navzbz bam.
Mz zbq kang kqglu
Nakrka'-zvzbo bam.
X aenzlibo natqmq.

Nabz Negung

6 Nangr-katobzku Bade

Sam 47:6

Nangr-katobzku bade,
Nide Yawe Gct rgu.
X nide King rgu,
Nangr-katobzku bade.

2 Nabz Ngr Kxrmnr-ngrbz

7 Glqpxku Gct

Doxology

Praise God From Whom All Blessings Flow

Glqpxku Gct, nou da kxmrlz.
Glqpxku Gct, leplz nedeng.
Glq~~z~~amu Gct, enjrl nedeng.
Trte, Mrlxde, x Mqngkxtr.

8 Kxetu, Prpxx Mz Drtqm

Forth In Your Name, O Lord, I Go

Kxetu, prpxx mz drtqm
Mz nzale-krnge nzwzngr.
X na-aelwatpxpo nim
Mz nzaongr drtwr amrlx.

Kxetu, suti drt~~w~~rnge
Namncq mz nrlarnge kxrtc,
Mz nzobqplx-krm nabznge,
Murde nawz-angidrx.

X nawztr-zvzbo bam
Mz da kx kamengq bange.
X navz-nqblq-zvzx nim,
Nakrlzlbzle Heven.

Kzrzs

9 Murde Ni-zvzde King

1 Tim 1:17

Now Unto The King Eternal

Murde ni-zvzde King,
Kx lu zvz, trnzmcu,
Nide txpwz Gct,
Naglqlz-zvzku,
Na-angio-zvzku nide. Eu!
Naglqlzku nide,
na-angioku nide, Eu!

3 Nabz Ngr Nourla

10 Bzkq Ayrkrpx Ninge

Dismiss Me Not Your Service, Lord

Bzkq ayrkrpxq ninge
Mz nzwztr-krbo bam.
A' alvztrpq ninge murde
Naalex du da kxtpwz.
Trpnz'ngr kx rlx~~t~~ibo bam,
A' nzmrlzti-krgr nim.

Lod, suti zlwz drtwrmq
Nzmrlzti-lzbq-krgr.
X abrtzlvzq nigr
Mz nzwz-krgr lc.
X okatr-zvzq nigr
Mz nzwz-krgr lc.

Trtegr, awi kx nigr
Doa x kxwz nemqng.
Mz nzaxvctr-lzbq-krgr
Mz nzwzkr Jiszs.
Nawztr-zvzbzkr bam,
Nigr doa nemqng.

11 Enjrl Nemqng Nzaolveir

Through The Night Your Angels Kept

Enjrl nemqng nzaolveir
Ninge mz nrlckxbq.
X nzlo esablqpemq.
Awi mz nourla ka.

Lod, naglqlz drtqm kxtr
Mz nrlc ka tulvzo.
Naalekr me pnz' drtwrmq,
Dakc tzwai lr Heven.

Lod, rkam nagr dakxnzng.
Ipqpxbz alwx rgrng.
Aolvebz nigr mz zbqka,
Mz da kxtrka amrlx.

12 Gct, Awi-zvz-ngrbo Bam

My Father For Another Night

Gct, awi-zvz-ngrbo bam
Nzaolve-krm ninge kau,
Nzmwi-krnge kxmrlzvxi,
Krlzmle mz zbqka.

Trtenge, ka-lzbqbo bam
Murde mz z**q**ka,
Navz-nqblq-angidrx
Me pnz' drtwrm nangi da.

Kxmule-esz' alex da
Kxetu e kxtpwz,
A' mz da amrlx lcdeng
Naglqlzx drtqm.

Trte, okatr-zvzm ninge
Mz zmrlzkxmyalz.
Mailz ninge mz nztu rm
Mz nztubq-esz'ngr-krm.

13 Mzlika Nrlc Ngrlxpe

Now That The Daylight Fills The Sky

Mzlika nrlc ngrlxpe,
Gct nakrka'-zvzbzkr bam.
Murde naarlpxq nigr
Mz da kx prtz mz zbqka.

Mzlikc nataongr nepi,
X nzwzng yrkrpxpe,
Yzlu-moukr mz Ma nyz'mq
Mz nz-awi-krbzk bam.

Trtegr Gct, Mevalu rgr,
Amrna-zvzq da amrlx.
Pulio-zvzm Mqngm bagr,
Murde namnc-kzkr Heven.

14 Yawe Gct Rnge, Nim

Kxrpalz

Morning Has Broken

Yawe, Gct rnge, Nim Kxrpalz,
Kc tqwz-ngrde, Nrlc atwrngr.
Ycmneq x natqm, Amrna-zvzle
Da amrlx mz, Nourla kc kai.

Mz nourla ka, Mz nzmelz-krmc
Amrna-kzq, Zbq rnge.
Nepi yzlrpx, Kio nzngr-ngrdr.
Awi kxetu, Mz dalc deng.

Zyzlr kc esz, ' Tqyzlr-ngrn Iden.
Nim kz zyzlr rnge, Mevalu rnge.
Glqlz-zvzx nimq - Amatqx nimq
X angiox nimq - Mz zbq kxmrna.

Kzrzs

15 Krlc Zbq

This Is The Day

Krlc zbq, krlc zbq
Kx wzpengr Gct,
Kx wzpengr Gct.
X naawi-, x naawi-
Ngrbzku mz Gct, -ngrbzku mz
Gct.

Krlc zbq kx wzpengr Gct.
X naawi-ngrbzku mz Gct.
Krlc zbq, krlc zbq
Kx wzpengr Gct.

Nabz Negung

16 Memwitzmc Jiszs E

Memwitzmc Jiszs e.
Wzkr ncd r ngrlx.
Mwio-moukr ncd r,
Memwitzmc Jiszs, e.

17 Mzte Luli Rla

Mzte luli rla.
Nepi kxp r tzm.
Da amrlx nzglqlzlr lrmqng e,
Mzte luli rla.

18 Mzte Lulipe Rla E

Mzte lulipe rla e
Nepi kxp r tzm.
Da amrlx nzglqlzlr lrmqng e,
Mzte lulipe rla e.

19 Yawe, Kqle-zvzx Nim

Sam 141:1

Yawe, kqle-zvzx nim.
Xlrm natqng e.
Vz-anim x okatr ninge.
Yawe, kqle-zvzx nim.

4 Nabz Ngr Milzpq

20 Jiszs Rng e, Xlrm Natqng e

Jesus, Tender Shepherd Hear Me

Jiszs rng e, xlrm natqng e
Amrlz ninge mz loz bq.
Esotr p mz nzmwi-krng e
Nakrlz bzle nourla.

Mz z bqka mailzpeq ninge.

X awitx-ngrbo bam.
Aputrq x apxiq ninge.
Xlrm nzkrka'-krng e.

Ipqpxbz alwx rngeng.
X amrlz bz kztengeng.
Mz nzbzng r, vzmi ninge
Mz nzmnc-krng e Heven.

21 Kxetu, Nepi Taope

As Now, O Lord, The Sun Has Set

Kx-etu, nepi taope,
Mzli r nzlo vzpem.
X ngrlx namrbrope,
Mz nzykrpx-krde.

Mevalu, bz-ome mz kros
Mz nzarlax-krm nigr.
Namrlzti-zvzkr nim,
X nabz trpzkr bam.

Glqlzku zluli r Trte,
Zluli r Mrlxde,
X zluli r Mqng r kxtr,
Mz nzmnc-krdr Heven.

22 Merlakitrx,

Mnc-zvzm Bange

Abide With Me

Merlakitrx, mnc-zvzm q bange,
Lo-zbq x nzlo anitrpm.
Kxmule-e sz' nzdwaxpenge,
A' Kxokatr, namncme bange.

Mz nrlc ka, da amrlx bletipxng.
X da amrlx nzatrkatng.
Kxmule-esz' zluli rdr vzpe,
A' Gct kc trlr tui, namncm bange.

Puliom Mqngrm mz zbq kang
kqlu,
Natu-amqngix mz nzatalzng.
Kxmule-esz' nzetqkr drtqng,
A' nim txpwx kx namncme
bange.

Trmw'lrwxu nzatrking ninge,
Mz zvetq x nzvzkr drtwr.
Kx mule-esz' nzyrtmq-kzng,
A' trmw'lrwxu! Mncme bange.

Jiszs, mzlikc nabzpe-ngrne
Yzlr mz nzlo x mailz ninge.
Kxmule-esz' lubex mz nrlc,
E bzx kalr, a' mncme bange.

23 Ngrlx Yrkrpxpe Now The Day Is Over

Ngrlx yrkrpxpe.
Nrlckxbq vzpem.
Zmio ngr milzpq
miopengr bongavz.

Jiszs, okatr-zvzm
nigr kxngangrpe.
Aelalzm drtwrgr mz nzmwi-krgr.

Kabz badr doa
nzmwiblengr kxmrlz.
X aolve angidr kz
kxnalilvcng prla.

Amqtrpz drtwr kx drtqdr etq.
Le-kirpx kxnzryrlq
drtwz ngr alwx.

Mz nzmelz-krmc,
nzmnc-krnge nalq,
Namrlz x natubq,
mz nzobq-krme.

Glqlzkr zlui rmu Trte x Mrlxde,
X Gct Mqngrkxtr, tqyc, tqyc. Eu.

24 Nim Zyzlr Rnge Round Me Falls The Night

Nim zyzlr rnge,
A' mncx mz nzlo.
X mz nz-rmwible-krnge,
Namclx nim kx lu alo.
Pnamilxtile
Nabzng zvv.

Nzwzng yrkrpxpe.
Nrlc yc-lrpipe.
Mz nzama- x nzmwi-krnge,
Naycmne-lrpime bange,
Mz nzmwible-krnge.
Mz nzmnz-krnge.

Kxarlapx rnge,
Aolveq nzmwi-krnge,
Mz natqm kc tqmatq zvz,
X mz mqm kc tqxplr zlvz.
Nim kc tqyzlr
Mz nabz nzlo.

25 Wzpe-ngrn Drtc', Bongavz God Who Made The Earth & Heaven

Wzpe-ngrn drtc', bongavz,
Nzlo x zyzlr.
Ngrlx nzwzng, x nzlo,
Nz-amangr.
Enjrl nem naaolveir nigr,
Na-rmwiblekr da kxtr
Mz nzmwi-angidr-krgr.
Mz nrlckxbq.

Mzlike nabzpe-ngrgr,
Mz nrlc ka,
Vzmi nigr mz nzmnc-krgr,
Badr Heven.
X mz zbq kx rmnr-ngrm,
Rlr-ngrbz badr doa nemqng
Nzaolve-lxbllr-krgr badr,
Mz zluli rm.

26 Yawe, Kxrpalz Nrlc

Before The Ending Of The Day

Yawe, Kxrpalz nrlc,
Mz nzyrkrpxkr ngrlx,
Aolve-zvz-angidr nigr
Mz nzaodu-zlwz-krm nigr.

Bzkq rmwiblekr ztrka.
Bzkq mw'lrkr mz lozbq.
Rnzlvzo Setzn kxayo,
Murde bzkq alekr alwx.

Trtegr, rlxtibzkr
Kx naamrnaq nzlu-krgr
Mz mrlxm kc esz' Jiszs,
Mz zmatq ngr Mqngrkxtr.
Nabz Negung

27 Amwile Ninge Lrmqnge

Amwile ninge lrmqnge,
Trkr da kx tzdrtnge.
Ameo-mopwzle ninge.
Amwile ninge lrmqnge e.

28 Jiszs E Yzlr Mz Nzlo

Jiszs e yzlr mz nzlo,
Mz nzmwi-krnge.
Trkr da namwx'lrtix,
Jiszs e yzlr mz nzlo.

5 Nabz Ngr Zbq Sc Kxetu

29 Atwzlr-ngrm Gct

Mrlxde Jiszs

God Sent His Son

Atwzlr-ngrm Gct Mrlxde Jiszs
Mz nzarlapx-krde leplz,
X mz nzxpepx-krde alwx.
Mz gq kxmznrngr krlzx
Kx lupe mou.

Tu-amqngix murde lupe mou.
Trmw'lrwxu murde nide.
Nzlu-krnge mrlz-zlwzm bange.
Murde nzlungr angidr vzpxm
bade.

Mrlzm bagu itoto negung.
A' da kx myapxbz zlwz,
Nzkrlz-krgr kx doa negung
Nzmnc-zpwxng murde Jiszs,
Kx lupe mou.

X mzlike nabz-kz-ngrne
Na-aovxio-kzx nzbzngr.
Zbz mz nzprtr-krnge
Heven sa namc-angidrx
Kx lupe mou.

30 Jiszs Nide Nctrpou Ngr

Makxtr Nyz' Gct

The Church's One Foundation

Jiszs nide nctrpou
ngr makxtr nyz' Gct,
Kc tqwz-zpwx-ngrde
mz lue x natqde.
Vz-om nartangrtile olyz rde
angidr.
Kx xpepxle mz mepyr
ngr nzbz-krde.

Kxnzrlxngiting amrlx
ngi neidu kx esz',
Kc tqyapwxtipxle
Nrpa ngr Jiszs Kraes.
Mz nide, Kxetu rgu,
drtwrgu naesz',
Mz nzmungrkxtr
x mz nzangio-zvzngr.

Kx-mule-esz' leplz nzyrpalelvzlr
Da kx prtzmq bagu,
lr makxtr nyz' Kraes.
A' mz nzyzlu-krmlc
mz nz-aolve-krde,
Sa na-abrtzlvzku nz-aovxio-krde.
X aodutr-lxblrle nigu mz Tqtrbz.
Axvctr-lxblrbzle nigu mz
kxnztrng.
Nidr kcng tzbzpengq
x tzabrtz-zvzng.
X krlzku kx nigu
namnc-kzku Heven.

31 Nzabrtzlvz-krgr
We Love The Place, O God

Nzabrtzlvz-krgr
Makxtr nyz'mq, Gct
Myaszpx-zlwzle
Nzabrtzngrng amrlx.

Nigr kxnzvwz nemqng
Yrlwr-lxblr-zvzkr
Mangrnzkrka'ngr
Nzrmcti-krgr nim.

Awi-ngrbzkr bam
Nzrmcti-kz-krgr nim
Me tr mz nabzgr
Mz nzkrka'-krgr.

Abrtzlvz-kzkr
Nzwzkr Mqngrkxtr
Nzrpuliongr Lue
Mz nzawrkxtrngr.
Mrlzti-zvzkr
Nz-xngi-krgr nim
Mz nzmnc-aepztr-
Krmgr mz olta nyz'm.

Bilvzkr natqm kxlu,
Kc tq-rkam nrwz
Nzmnc-krgr mz nrlc,
X nzabrtz-alongr.

Mrlzm bagr nabz
Ngr nivz lrm kxetu.
X nangr-ngrgr kz
Zmatq ngrm Heven.

Lod, suti-drtwrgu
Nz-etunepxkr
Nzmrlzti-krgr
Nimq mz nrlc ka.

Suti-drtwrgu kz
Nzmnc-krgr Heven,
Nzangio-krgr nim
Tqyc, tqyc. Eu.

32 Sade Ngi Zbq Kx Myapxbz
Mz Nrlc

The Lord's Day Is Our Great Delight

1. Sade ngi zbq kx
myapxbz mz nrlc,
X aelalz-ngrmle drtwrgu.
Mz zbq lc krka'bzku mz Gct,
Kx na-amrlzle nigu.

Krlc z bq kx wzpxngr Gct,
Mz nz-angio-krgru nide.
Delc, naabrtzku mz z bq lc,
Mz nzglqpx-krgru nide.

Kraes tu/zm mz nzbzngr mz
Sade,

Aovxiole zmatq sc Setzn.
Arlapxle nigu mz zmatq ngr
alwx,
X nzbzngr x nzayrplapxngr.

Delc mz nz-elalz-krmq drtwrgu,
Na-angio-zvzku nide.
X yrlqtxoku nzwzngr amrlx,
Mz nzwztr-krbzku bade.

X nangrbzku mz Gct nabz
kxmna,

Mz nzawi-krbzku bade.
Murde nzxplr-krde x zmatq
ngrde

Nzmyapxbzng mz daamrlx.
Nabz Negung

33 Mqngrkxtr Vzom Mz Sade

Mqngrkxtr vzom mz Sade.
Wzpe nyr kxvou x.
Zmatq kxxplr-esz'ngr.
Mqngrkxtr vzom mz Sade.

34 Sade Zbq Sc Gct

Sade zbq sc Gct.
Sade esz'-krde,
Nzangio-ngrgru nide.
Sade zbq sc Gct.

035 Sade Zbqkxtr

Sade zbqkxtr,
Matq-esz'ngr mz nrlc.
Jiszs lupe-mopq elr.
Sade zbqkxtr a.

6 Nabz Ngr Nrpakxmrlz

36 Axplr Mou Nzwz-krm, Kx Lod

Revive Your Work

Axplr-mou nzwz-krm, kx Lod.
Aelwapx-lzbq-ngrm bagr.
X ycmnetrp mz nabzgr
mz zmatq ngrm
Mz nzxlr-krgr natqmq.

Axplr-mou nzwz-krm, kx Lod.
Angiokr nimq mzlika.
Kxetu, vzm mz nivz lrmq,
X apqtrp nabzgr.

Axplr-mou nzwz-krm, kx Lod.
Naglqlz drtqmq kxtr.
Nzpqkr nivz lrm mz nabz amrlx
Naapule nilz r nyr kxvcu.

Axplr-mou nzwz-krm, kx Lod.
Amrlz nigr mz natqm.
X atubqtibz nabzgr amrlx,
Murde natqm ngi daangidr.

Axplr-mou nzwz-krm, kx Lod,
Mz nzwzo-krm Mqngrkxtr.
Murde zyzlr vzpxm bam
esz'krmq,
X aelalzmle drtwrgr.

37 Be Kc Pnz' Nide Sele

I Heard An Old, Old Story

Be kc pnz' nide sele:
Mevalu vzom Heven,
Bz-ngrde mz Newz Kalvari
Nzarlapxngr ninge.
Xpexp mepyr ngrde
Alwx rngeng amrlx.
Mz nzlxngiti-krnge Kraes,
Twzx zmatq ngrde.

Zmatq ngr Jiszs,
Arlapxle ninge.
Xpexle ninge mz
Mepyr ngrde kxtr.
Mrlzti-kaile ninge,
X mrlzti-kzx nide.
Zmatq nge vzpxmq
Mz mepyr ngrde.

Nzwz-krde nide sele:
Amrlzle nabz leplz,
X amrlzle nrkrdrdq
Kxnzyagoxngq.
X krka'-ngrbo bade,
“Jiszs, amrlz kz ninge.”
X ammale nabznge
Mz zmatq ngrde.

Nrpa ngrde nide sele:
Mz nzlxngitingr nide
Leplz nedeng nalu-along
Heven mz zluli rde.
Murde aovxiole Setzn
Mz nzbz-krde nigu,
X mz nztulz-mou-krmlle
Mz zmatq ngr Trte.

38 Eu Zmrlz Ngr Jiszs

Kxmyalz

The Wonderful Grace

Eu zmrlz ngr Jiszs kxmyalz
Ka-nrbalqmle bagu.
Rpi natqde kx zmrlz ngrde
Vzpxm mz nivz lrde.

Bes: Zmrlz ngr nzarlapxngr.
Trebol: Z-mr-lz myalz-esz'ngr
Bes: Vzpxmq mz nivz lrde.
Trebol: Nivz nide zmrlz.
Bes: Zmrlz kxetu.
Trebol: Kx-e-tu-esz'ngr.
Bes: X kxmyalz.
Trebol: Kx-mya-lz esz'ngr
Bes: Zmrlz kx myalz-esz'ngr
Trebol: Ka-nrbalqmle bagu.

Kzdzq mzli na-mncbzku bade
Mz nzarlapx-krde nigu.
X nabrti-zvz kz drtwrgu
Nide x zmrlz ngrde.

Oliqpeku. Navz-aniku
Mz nzqle-krmlle nigu.
Okatrlle nigu mz da kxprrt
Mz zmrlz kxmyalz.

39 Jiszs, Nzmlz-esz'ngr-krm

Jesus, Good Above All Other

Jiszs, nzmlz-esz'ngr-krm
Myaszpxle leplz amrlx.
Nzlxngiti-krgr nimq
Navz-zvz mz nrle.

Jiszs, rlaszme Heven
Mz nzvz-krme mz nrle,
Murde naarlapxq nigr.
Mzlika nim King rgr.

Jiszs, bz-ngrn leplz nemqng,
X tulzpeq mz nzbzng.
Naxngibzkr nim mz nabzgr
Nzmnc-krgr mz nrlc.

Jiszs, okatr-zvzmq nigr
Mz da kx prtz mz nrlc.
Okatrp nxlr-krgr
Natqmq mz nabzgr.

Jiszs, mailz zvz nigr
Mz nzesz'tikr drtwrgr.
Navz-nqblq-zvzkr nim
Mz nzabrtz-zlwzng.

40 Lod, Natqm Okatrle

Lord, Your Word Inspires Us

Lod, natqm okatrle,
X mailzle nigr.
Ma nalxngitikr natqm,
Aelwaple zyzlr.

Apqtrle drtwrgr,
Mzli kx mwz'lr-ngrgr.
Nrpa ngr nzabrtzng,
Kx arlapxq nigr.

Lod rgr, mzli kx
Nzmnc-krgr trka,
Nzryrngkrxtr
Mailz-zvzle nigr.

Rblx nzpipx-krgr
Nzetukr nzyrlapx-krm,
Kx mctrkr mz natqm,
Mz nzavzo-lzbqng.

Nrpa ngr nzipqng,
Okatrle kxnzclubeng.
Nrpa ngr nzlungr kxboi,
Okatrle kxnabzpeng.

Lod, namyatitrkr nim,
Namnc-zvzbzkr bam,
Mz nzvz-nqblq-krgr
Nzalvztrkr natqm.

41 Nangr-ngr-mopwa'mu Bange

Sing Them Over Again To Me

Nangr-ngr-mopwa'mu bange,
Natq ngr nzlungr.

Murde namcx nzmrlzkr,
Natq ngr nzlungr.

Natq ngr nzlungr kxboi,
Alvztr-ngrde ninge.

Natq kxtr, kxmrlzvxi:
Natq ngr nzlungr kxboi.
Natq kxtr, kxmrlzvxi-
Natq ngr nzlungr.

Jiszs pi-zvzmle bagu,
Natq ngr nzlungr.

Xaveatimle nigu mz,
Natq ngr nzlungr.

Kx na-rlxngitiku,
Murde namncku Heven.

Napipx-kzku Nrpa lc,
Natq ngr nzlungr,
Kc tqao nrwz mz nrlc,
Natq ngr nzlungr.

Jiszs, Kxarlapx rgu,
Ipqpele nigu.

?Nike tqngi nrpakxmrlz,
 Natq ngr nzlungr?
 Trtwz~~ka~~x natq lc,
 Natq ngr nzlungr.
 Kxetu, alvztr ninge,
 Mz natq ngr nzlungr!

Jiszs bz-ngrde nim x ninge!,
 Natq ngr nzlungr.
 Xpepxle nigi mz alwx!,
 Natq ngr nzlungr.
 Nalxngitiki nide,
 Mz nzmnc-krge Heven.

Ngr-zvz-ngrmamu bange,
 Natq ngr nzlungr lc!
 Murde naxngibo nzmrlzkr,
 Natq ngr nzlungr.
 Natq ngr nzlungr kxboi,
 Okatr-zvzle ninge.

42 Nigr Makxtr Nyz' Jiszs
 What Ship Is This

Nigr makxtr nyz' Jiszs,
 Apule dq lcsu.
 X mz nz-alilvc-krgr
 Nide 'Kapten' ngrgr.

X nigr 'kru' nede.
 X navzkr Heven.
 Aveati-zvz-kzle nim
 Nzprtr-krme bagr.

“?Jiszs, nike na-xpe-ngrn
 Kxvz-nqblqle nim?”
 “Nivz, nrwx, nzabrtznggr,
 X nzlungr kxboi.”

“?Jiszs, nekeng nzwztrpzng
 Bamq mz lcsu lc?”
 “Leplz keng tqmcpX Trte,
 Tztwzlr natqngge.”

TrmwX'lrtrkru prla
 Nzaboo-krde lcsu.
 Murde Kxetu yalvz-zvzle
 Lcsu scgr prla.

Axtxbz nuzmu' la topwz
 X prcm mz lcsu ka.
 A' navzpeme mzlika
 Murde mz tqbzq.

Naveclzku nqni scgu,
 Mz nztwz-krge nenq.
 Naalilvclzpeku Heven,
 Me naabrtz-ngrgu.

X nigu 'kru' nede.
 X navzku Heven.
 Abrtzlvz-kzle nimq
 Nzprtr-krme bagr.

43 Nigu Kxnzlxngitilr Jiszs
Kraes

How Firm A Foundation

Nigu kxnzlxngitilr Jiszs Kraes
 Rmctiku da kx amqngile nigu
 Mz natq Yawe, nzryrgr~~kr~~xtr.
Naxlrku da kx napimle bagu.

Rpimle bagu kx,
 “Bzkq mwX'Iramu,
 Murde namncpx-zvzmc
 mz nabzmu.
 Sa naaxplrx x na-amqngix
 Nzrlxngiti-krmu mz zmatq rnge.”

Rpimle bagu kx,
“Kxmule-esz' da
Kx prtz, a' nabrti drtwrmu ninge.
Murde nike nzprtztibzng bamu
Ngi me vzkpaxm nzatubqtingr
nimu.”

Rpimle bagu kx, “Mnc-xgleamu
Jiszs mz nzlolvz-zvz-krde nimu.
Trpnz'ngr nz-a-xtx-krbo nimu
Nz-apu-krmu doa kxnbzszngq.”

Kzrzs

44 Jiszs Natqm Ngi Lrpzki

X Daangidr

Jesus Your Word Is The Way And The Truth

Jiszs, natqm ngi lrpzki x
daangidr.
X natqm ngi lrpzki r nzlungr.
Natqm ngi zyzlr ngr nanyonge,
Kx ma-nqblqxx
mz nzlungr kxmrlz.

Jiszs, atwzlr-ngrm Mqngrkxtr
nem,

Bz namailzle, namailzle
ninge mzlika.

Jiszs, male mqnge x mailzbz
ninge,

Bz namncx mz nzlungr kxmrlz.

45 Natqm Nide Lam Kx

Rmailz

Sam 119:105

Thy Word Is A Lamp Unto My Feet

Natqm nide zyzlr ngr nzti rnge
nzmailz-krde ninge. **2x**

Mzlikc mw'lr, x nabznge
ngrgo,

Nim kx mncme bange.

Delc trpnz'ngr kx namwx'lrtix.

Namnc-zvzme bange.

Nivz lrmq etu yc zvz mz
drtwrnge.

A' nabznge ngrgobe.

Mailz-zvzq ninge, x mncme
bange,

X namrlzti-zvzx nim.

46 Rtangrti Kai

Matiu 6:33, 4:4, 7:7

Seek Ye First

Rtangrti-kai me pnz' dr-twr Gct,

X nztubq-esz'ngr-krde.

X da amrlx sa nakabzle bam.

Awi Yawe, awi Yawe.

Trlu-tpwzkuu mz dakxnzng,

A' lu-kzku mz natq amrlx,

Kcng nzvzpxmqng mz

nao Yawe Gct.

Awi Yawe, awi Yawe.

Rlxti da, x sa nakabz Gct.

Rtangrti x sa narmctiq.

Abc x naonrx sa nalvpxm.

Awi Yawe, awi Yawe.

Nabz Negung

47 E Prpxamu Mz Nrlc

E prpxamu mz nrlc,

Yapwxtipx e ninge.

X awrkxtr mz drtqng.

Prpxamu mz nrlc.

7 Nabz Ngr Nzrkangr

**Mz Mzli R Nzrkangr Nabz Kx
Nangrngrng Name Mrgc 09 Nabz
Ngr Nzawingr X 11 Nabz Ngr
Nzamqngitr-Lzbq-Mou-Ngrpwz**

8 Nabz Ngr Nzmungrkxtr

**48 Da Kx Ipqle Alwx Ngi
Txpwz Mepyr Ngr Jiszs**

Nothing But The Blood Of Jesus

Da kx ipqle alwx
ngi txpwz mepyr ngr Jiszs.
Da kx atrle nabz
ngi txpwz mepyr ngr Jiszs.
Ipqpxle alwx rngengq amrlx.
X aulz kxmrlz
ngi txpwz mepyr ngr Jiszs.

Nzatubqtingr ninge
ngi txpwz mepyr ngr Jiszs.
Da kx namnc-xglex
ngi txpwz mepyr ngr Jiszs.

Da kx xpele ninge
ngi txpwz mepyr ngr Jiszs.
Trngiu da kx alex a'
ngi txpwz mepyr ngr Jiszs.

Me vzkixm nrwx nge
ngi txpwz mepyr ngr Jiszs.
Nztubq-krnge amrlx
ngi txpwz mepyr ngr Jiszs.

049 Gct, Nim Kxokatr Kc Bqnc

O God, Our Help In Ages Past

Gct, nim Kxokatr kc bqnc,
Obqtipxkr nim.
Nimq Merlakitrkr.
Ma nyz'gr yc Heven.

Kxnztr nemqng nzmnc-zpwxng
Mz nzaolve-krm nidr.
X nzxplr-krm takitrde
Nzarlapxngr nigr.

Siu r yiz mz nzobq-krmq
Apule zbq kxesz'.
Mzli kxboi mz drtwrgr,
Mz drtwrm trboiu.

Gct, nim Kxokatr kc bqnc.
Obqtipxkr nim.
Okatr nigr mzlika
X mzlikc navzm.

Mz nzqle-krme nigr
Mzlikc nabz-ngrgr
Sa nakrlzkr drtwr ngr
Nzlungr angidr.

Da amrlx nzmnc-ateng.
A' nim kx mnc pnz' kai.
Ngini-zvzm Gct angidr.
Tqyc, tqyc, eu.

50 Jiszs Bz-ngrde Nigu Amrlx

Once, Only Once

Jiszs bz-ngrde nigu amrlx
Nzwrde esz'txu.
Lxngitiku arlapxle nigu
Mz nzbz-krde lc.

X da kx xpe-ngrde nigu
 Mz nzbz-krde lc,
 Vz zvz nzka-krmle bagu
 Mz zbq kang kqlu.

Nztubq-krgr mz mz Gct,
Nzipqpxngr alwx,
 Nzokatrkr Mqngrkxtr,
 X nzlungr kxboi.

Mzlike bqnc pris neng Gct
 Mz nqvi lr Eron
 Nzrpuliolr mepyr Mrgc
 Tqtr mz nzipqkr Gct.

Mzlika Kraes nide pris ngrgu
 Kc tqbz-ngrde nigu,
 Nzpulio-krde mepyr ngrde
 Mz Newz Kalvari.

Wxbuopem mz tron nyz'de
 Mz nzokatr-krde nigu,
 Murde narmctiku nide
 Mz nzmungrkxtr.

Lod, navz-zvz nzmu-krgr
 Dakxnzng nam kxtr,
 Mz nzyapwxti-zvz-krgr
 Kx nim bz-ngrn nigr.

Mzli kx vz-ngrmqgr mrga
Mnc-aepztrpzkr bam,
 X lxngitkr xlrq nigr
 Mz nzkrka'-krgrng.

051 Jiszs Vz-zvzmc Bamq

In The Garden

Jiszs vz-zvzmc bamq
 Mz nzmnc-krgi esz'-krgi,
 X xlr-zvzx natqm kxtr
 Kx pimq Mqngrkxtr.

Mncme bange x ycmneme
 bange.

X rblxm bange kxnamu
 Nzpipx-krnge nzabrtz-krnge
 Mz nzmnc-lxblr-krgi,

Jiszs, xngibo nzu lrm
Mz nzmnc-lrpi-krnge,
X nabznge nangr-ngrde
 Nabz kx pime bange.

Kxmule-esz' nzabrtz-krnge,
 A' yzlu-moux mz nzale-krnge
 Nz~~w~~zngr kc tqkame bange,
 Mz nzvz-nqblq-krnge nim.

52 Kxmule-esz' Alex Alwx

Just As I Am

Kxmule-esz' alex alwx,
 A' mz mepyr ngrm kx kame
 bange,
X mz nzaveati-krme ninge,
 Neisip ne Gct, navzbo bam.

Kxmule-esz' nabznge ngrgo,
 X rblx nzvz-nqblqngr nim.

Kxmule-esz' mw'lx, a'
 Neisip ne Gct, navzbo bam.

Kxmule-esz' yangrnga-zlwzx
 Mz nabznge, drtwrnge,
 x drtqnge.

A' mz nzmcti-krnge nivz lrm,
 Neisip ne Gct, navzbo bam.

Kxmule-esz' ninge doa txne,
A' arlapxq x ipqq ninge
Mz nzlxngiti-krnge nimq, Lod.
Neisip ne Gct, navzbo bam.

Kxmule-esz' narnge mqnge,
A' mz nivz lrm tekqtrq ninge.
Namncx naapux doa nem.
Neisip ne Gct, navzbo bam.

Kxmule-esz' mncx mz nrlc,
E namnc-lxblrki lc Heven,
A' nivz lrm tqyc tqyc.
Neisip ne Gct, navzbo bam.

53 Kxmule-esz' Nabznge

Yc-zvz Mz Nrwx

It Is Well With My Soul

Kxmule-esz' nabznge
yc-zvz mz nrwx,
E drtqnge etq zlwz.
A' krlz-x nz-rpi-zvz-krnge kx,
“Mnc-zpwxx. Mnc-zpwxx
mz nabznge.”

Mnc-zpwxx, mz nabznge.
Mnc-zpwxx. Mnc-zpwxx
mz nabznge.

Kxmule-esz' Enqmi
Setzn vzmq bange,
A' sa natu-amqngi-zvzx.
Jiszs Kraes bz-ngrde
nzarlapxngr ninge,
X nz-atr-krde nabznge.

Abrtzlvz-zlwzx nzkrlz-krnge kx
Alwx mgeng ipqpe Kraes,
Mz nztqlvztr-krdr nide mz kros.
X glqlzx nide mz nabznge.

Mevalu, yzlu-mouppq mz zluli
rm,
Nz-vz-o-krme mz dcbz,
Mz nztumilz-krme zmatq ngrmq.
Mzliic namnc-zpwxx mz
nabznge.

54 Lod, Aoti-zvz Drtwrgr

According To Your Gracious Word

Lod, aoti-zvz drtwrgr
Kx bz-ngrn alwx ngrgrng.
X vz-nqblqle natqm, Lod,
Nayc mz drtwrgr.

Nevr drtqm ke tqngi dakxznzg
Kx okatrle nigr,
X kavznz mz mepyr ngrmq,
Nayc mz drtwrgr.

Nzkxpu-zlwz-krmq lc
Mz nzkrka'krm nigr
Mz nrlanc Getsemani,
Nayc mz drtwrgr.

Neisip ne Gct, nztqlvztrngr
Nim mz kros Kalvari,
X nzbz-krm leplz nemqng,
Nayc mz drtwrgr.

Nz-etq-zlwzkr drtqm
Mz nzaelwapx-krme
Nivz lrm kx etum bagr,
Nayc mz drtwrgr.

Mzli kx mewe ngr drtqgr,
X rblx nzaongr drtwr,
Jiszs mz nznngini-krm King,
Nayc mz drtwrm nigr.

55 Lod, Butqbr Kc Bqnc

Rock Of Ages

Lod, butqbr kc bqnc,
 Jiszs, nim me rlakitr.
 Lod, ipq alwx rngeng
 Mz lue x mepyr ngrm.
Murde nabznge nalq
 X natubqx mz mz Gct.

Nim txpwz Kxarlapx
 Kxvz--nqblqle Loukxtr.
 A' nim kx xpepx alwx.
Trngiu nz-ale-krnge da,
Nzwz-krnge, x drlr mzke'.
 A' nim txpwz Kxarlapx.

Trpnz'ngr nzlqngi-krnge,
 A' mz nzakipo-krm ninge.
Trpnz'ngr lrpz kx pxirnge,
 A' lrpz ngr nztubq-krm.
Trpnz'ngr da kx kabo bam,
 A' nzlxngiti-krnge nim.

Lod, butqbr kc bqnc,
 Krka'zvz-ngrne kx,
 Mz mzli r nzbz-krnge,
 Mz nzjzs-krmq ninge,
 Na-rlatrp bamq,
 Mz nivz lrm kcet.

56 Lod, Kalzbzkr Bam

We Offer You, O Lord, Bread And Wine

Lod, kalzbzkr bam bret x waen.
 Kalzbzkr bam bret x waen. 2x
 Aolvz da kx kalz bzkrng.

Lod, mz nzmungrkxtr lc
 Aetubz nzabrtz-krgr,
 X ayrkrpx nzvzkr
 Drtwrgr mz nrlc ka.

Lod, rmetikr nzxplnrg, 3x
 Mz nzmungrkxtr lc.

Lod, a-om nrw ngrm bagr, 3x
 Nrwx ngrm mz nabzgr.

57 Lod, Krka'zvzbzkr Bam

Strengthen For Service, Lord The Hands

Lod, krka'zvzbzkr bam
 Amrlzbz nrkrdrqtgr,
 Murde nrkrdrqtgr atwrngr
 Nawztr-zvz-kzpzng bamq.

Lod Jiszs Kraes, okatr mqgr
 Kcng tzobzng da kxtr,
 Murde nawztr-zvzbzng bam,
 Vz-nqblqle me pnz' drtwrm.

Kxetu, krka'ngrbzkr kx
 Nigr kcng tzxlrlr nabz nem
 Bzkq nradrtqdr obq
 Mz nzrliplakr natq kxetu.

X bzkq naogr nzpokiang
 Kcng tzngr-ngrdr "Drtqm Tr".
 X bzkq bilvrq nanycgr
 Kcng tzayong makxtr nyz'mq.

X amqngibz nabzgr
 Kcng tzxngibzlr nivz lrm.
 X kamq bagr nzlungr
 Mz nzm-krgr ncvr drtqm.

58 Lod, Mz Nzmungrkxtr

Here, O My Lord, I See You Face To Face

Lod, mz nzmungrkxtr lc mrga
 Na-rmeti-angidrkr nimq.
 X mz nzlxngiti-krgr nimg
 Nakrlzkr du da kxyckapq.

Nakrlz-angidrkr nivz lrmq,
X nzetukr zmlrz ngrm kxmyalz.
Rlxtibzkr okatr nigr
Mz nzngrgo-zlwzkr nabzgr.

Namu-angidrkr bret kxtr na Gct,
X namnq-kzkr waen mq King
rgr.

Na-rmctikr nrwx mz nabzgr
Mz nzipqpx-mou-krmq nigr.

Nim txpwz kx okatrle nigr.
X nim txpwz kx tum mz nibrgr.
Mz zmatq ngrmq a-xplrq nigr
Mz nz-okatr-zvz-krm nigr.

Alekr alwx, a' nim trtxpnz'ngr.
Ipq-q nigr mz mepyr ngr Kraes.
Nztubq-esz'ngr-krmq, Lod Jiszs,
Nangi merlakitr-zvzkr.

59 Lod, Namnc-aepztrpo Bam

Nearer, My God, To Thee

Lod, namnc-aepztrpo bam
Namnc-zvzbo bam.

Kxmule-esz' kros ngrmq
Arlapxle ninge.

A' nabz nenge nangi...

Namnc-aepztrpo bam.
Namnc-zvzbo bam.
Namnc-zvzbo bam.

Kxmule-esz' apux Jekop
Mz nzvz-rlru-krnge,
X mz nrlckxbq
Glz-ngme rplz,
A' mz nzrmwible-krnge...

X nzrmwible-krnge lc
Navz-ngrne Heven
Mrgc enjrl nemqng
Nakqle-ngrmlr ninge.
Navz-nqblqx murde...

Mzlike tqmelz-ngrmc
Na-abrtz-zlwzx,
Murde nzkxpu-krngeng
Trnaaovxiolru ninge,
Nzmu nakrlz-zpwxx kx...

Kxmule-esz' nzlu-krnge
Mrbc txpwz kalr,
X vzdzx Heven,
A' nangr-zvz-ngrbo
Nabz nenge bamq...

60 Lod, Oliqti Zvz Nabznge

Lord, Prepare Me To Be A Sanctuary

Lod, oliqti zvz nabznge
Nangi ninge Me Tr-esz'ngr
nyz'mq.

Murde nalu-zvzbo bamq
Mz nzmnc-krnge mz nrlc.

Lod, alqngi zvz nabznge
Murde bzkq taox mz alwx.
Namrlzti-zvzx leplz
Mz nzvz-krnge mz nrlc.

Lod, okatr-kzpq nabznge
Nzale-krde me pnz' drtwrmq
Mz nzwztr-zvz-krbo bam,
Mz nzlu-krnge mz nrlc.

Lod, glqlz-zvzx nim mz nabznge.
Awi-zvz-ngrbo bamq
Nzatubqti-krm nzoqli-krnge
Mz nztjrmq mz nrlc.

Lod, oliqti zvv nabznge
Nangi ninge Me Tr-esz'ngr
nyz'mq.
Murde nalu-zvzbo bamq
Mz nzmnc-krnge mz nrlc.

61 Mepyr Ngr Kraes Apule Lue

There Is A Fountain

Mepyr ngr Kraes apule lue
Vzpxm mz neli rde.
X neke wr mz lue lc
Nzipqpx alwx rdeng.

Mz kros ncblo kc tqpna' da
Wrpe mz lue lc.
X ninge kc tqapule nide
Wr-kzx mz lue lc.

Zmatq ngr mepyr ngrde
Navz zvz mz nrlc
Nakrlzbzle z bq kx
Trpnz'ngr alwx mou.

62 Mnc-aepztrpo Mz Kros

Jesus, Keep Me Near The Cross

Mnc-aepztrpo mz kros
Murde rmctix
Nzipqngr alwx rngeng
Mz Newz Kalvari.

Kx-etu, kros ngrmq
Ngi zvv bz rnge,
Mzli kx kawio-ngrne
Lu-e mz nzbzngr.

Mnc-aepztrpo mz kros,
Niyz x zmrlz ngrm
Nzrmctipelr ninge
Mz nzmwx'lr-krnge.

Mnc-aepztrpo mz kros.
Lod, okatrp ninge
Nadcpx mz drtwrnge
Nz-etqkr drtqm ninge.

Mnc-aepztrpo mz kros.
Lxngiti-zvzx
Mzlikc nabz-ngrne
Sa namncx Heven.

63 Nangq-lxblrkr Dakxnzng Kxtr

Let Us Break Bread Together On Our Knees

Namu-lxblrku dakxnzng kxtr. 2x

Mzlikc narweobzkr zpr
Mz mrlxm kx lu,
Trte, yc mz drtwrm nigr.

Na-r-mnq-lxblrku waen mq Gct.
2x

Na-awi-zvz**bz**ku mz Gct. 2x

Naglqlzku Yawe, Trtegu. 2x

64 Nigu Neidu Kxesz'

Sons Of God, Hear His Holy Word

Nigu neidu kxesz',
Mz nzlungr kxmna.
X mz Mqngrkxtr,
Sa nalu-alopeku.

Naxlrku natq Gct kxtr
Mz nzm-ngr**kxtr** lc!
Nangqku ncvr drte,
Namnqku mepyr ngrde.
Glqlzku, glqlzku, glqlzku,
glqlzku-Kraes!

Nangrbzku mz Kxetu,
Murde kamle bagu
Nzabrtzngr kxetu,
X nzlungr kxboi.

Jiszs kapxle natqde,
Namrlzti-lzbqgu.
Nakrlzبزle nzmnc-alo-
krgu badr Heven.

Mz nzlu-krgu mz Kraes,
Bzkq glqpx-lzbqku,
X bzkq aleku alwx,
Nzmu nalu-alopeku.

A' namncku mz nrw, x,
Nakrlzبزle nzlu-krgu
Badr Trte, Mrlxde,
~~X~~ Mqngrkxtr.

Aenzliku nzyzlu-krm,
Jiszs Kraes Kxetu rgu
X nzaolve-krde nrlc,
X nzlu-krgu kxboi.

65 Ninge Dakxnzngr Ngr Nzlungr

I Am The Bread Of Life

“Ninge dakxnzngr ngr nzlungr.
Neke lxngitile ninge, trbrtaleu
X trbrlxkzu drtwrde.
Trpnz'ngr kx navztxnem bange,
A' kx vectrp Trte.”

“X naatulz-mopwc' **3x**
Mz z bq kxemwrnr-ngrm.”

“Dakxnzngr lc ncvr drtqnge.
Sa nakapxx ngrde nalungr lr nrlc.
Neke ngqde dakxnzngr lc,
Sa nalu-zvzpe,
Sa nalu-zvzpe.”

“Ma trnangqwq ncvrnge,
X trnamnqwq mepyr nge,
Ninge Angidr Mrlx Lepz,
Trpnz'ngr nzlu-krm.
Trtxpnz'ngr nzlu-krm.”

“Atulz-mopwc' leplz,
Kabo badr nzlungr kxmrna.
Neke lxngitile ninge,
Kxmule-esz' bzpe,
Sa nalu-zvzpe.”

“Lod, lxngitigr nim,
Kx nim Lod Gct rgr,
Mrlx Gct kc Esz'txu
Navzm mz nrlc,
Naarlapxle nigr.”

“Sa naatulzme nigr, **3x**
Mz z bq kxemwrnr-ngrm!”

66 Nrwx Ngr Yawe Gct Apule Lue

Like A River Glorious

Nrwx ngr Yawe Gct apule lue,
Nzyrleo-krde mz da amrlx.
Mrlz-esz'ngr, a' etunepx zvz.
Myalz-esz'ngr, a' yrlvi zvz.

Doa kx mnc-xgle-zvzle Yawe
Rmctile nivz x nrw ngrde.

Nzmnc-kapqtr-krqu mz mq
Yawe
Trpnz'ngr da kx naptrpq elr.
Trpnz'ngr nztalvzokr nabzgu,
Trpnz'ngr nzvzkr drtwrgu elr.

Kxmule-esz' da kx prtz,
narlxngitiku.
Nabrti drtwrgu nzokatrkr Kraes.
Navz-nqblq-angidrku nide kx
Vz-nqblq-angidrle
me pnz' drtwr Gct.

67 Nzluli-zlwzkr Nrlc

For The Beauty Of The Earth

Nzluli-zlwzkr nrlc,
X zluli r bongavz.
X nivz lrm kx yc zvz
Mz nzmnc-krgr mz nrlc

Jiszs, awibzkr bam
Mz dalc deng amrlx.

Nabz nepi amrlx:
Nzwzng ng mzlikc ngrlx,
Nzmwingr mz nrlckxbq,
X mzli kx nzangiongr-

Da amrlx mz nrlc ka:
Nepi, temz, x vri kz,
Prla, lue, x nrlanc,
Rplz, newz, x nounc-

Nzabrtzng ng mz nabzgr
Kxvzpxm mz nivz lr
Trte x lxegr x doa negr,
Lrmnyz'gr x kztegrng-

Leplz nemqng mz nrlc ka
Kc tzodung makxtr nyz'm,
Mz nzglalz-krdr mqdr
Mz nzmungrkrxtr lc-

Kxnzyapwxtipxlr nim:
Propet nemqng kc bqnc,
Kxnzrlxngiti nznibqng,
X aposol nemqng kz-
Zmrlz ngrmq kxmyalz,
Nivz lrmq kxetu,
Nzokatrkr Mqngkrxtr,
Nzaodu-zvz-krm nigr-

Nimq kx myalz-esz'ngr,
Nim kxtr, nim kxtubq,
Nim kxarlapx kx lu zvz,
Nim kx naamatq-zvz-

Jiszs, awibzkr bam
Nim esz'-krm kx myalz.

68 Nzryckr Drtwr, X Nrwx

To Mercy, Pity, Peace, And Love

Nzryckr drtwr, x nrwx,
Nzipqng x nivz,
Nzvzpxmqng mz Gct Trte,
Kc tqaodule nigu.

Mz nzt~~ao~~-krqu mz alwx
Rlxtibzku kx,
Gct naycng drtwrde nigu,
X naipqle nigu.

Murde namnc-zpwx-mouku
Mz nrwx x nivz.
X naawi-ngrbzku bade
Nzaodu-krde nigu.

Gct Trte aelwapx-ngrde
Nzryckr drtwrde
Mz nzatwzlr-krmle bagu
Mrlxde kc esz'txu.

X ipqpxle alwx rgung
Murde Kraes Mrlxde
Bz-ngrde na-xpepxle
Alwx ngr lr nrlc.

Delc, mz nzwzkr Jiszs
Twzku nrwz ngr Gct,
Kc tq-aodule nigu mz
Nivz lrde kxetu.

69 Trtegr, Nzmungrkxtr
My God, And Is Your Table Spread

Trtegr, nzmungrkxtr
Aelwapx-ngrde nivz lrm,
X do-a nemqng amrlx
Narmctilr nzamlz-krm.

Jiszs, mz nzmungrkxtr
Kame ncvr x mepyr ngrm,
Murde naabrtz-zlwzkr
Mz nzaodungr kxtr mrga.

Lod, naamatq-zvzkr nim.
Krka'-ngrbzkr bamq kx,
Leplz kxkqlu naaevctrng
Mz nzmungrkxtr lc.

Nigr leng tzmukxtrngq
Mz nz-xngi-krgr nimq,
Rlxtibzkr bamq kx
Narmctikr nzlungr kxboi.

70 Trte, Angiokr
X Mrlztikr Nimq.

Glorify Thy Name

Trte, angiokr x mrlztikr nimq.
Glqlzkr drtqmz mz nrlc.
Glqlzkr drtqm 2x
Glqlzkr drtqmz mz nrlc.

Jiszs, angiokr x mrlztikr nimq.
Glqlzkr drtqmz mz nrlc.
Glqlzkr drtqm 2x
Glqlzkr drtqmz mz nrlc.

Mqngr, angiokr x mrlztikr nim.
Glqlzkr drtqmz mz nrlc.
Glqlzkr drtqm 2x
Glqlzkr drtqmz mz nrlc.

71 Yawe, Aolve-zvzq Ninge

The King Of Love My Shepherd Is

Yawe, aolve-zvzq ninge
Apux sip nemq.
Delc trtxpnz'ngr da kx
Mnctxpx-ngrmengq.

Vzmiq ninge me ycngr dakxnzng
X me na-ama-ngrne.
Mailzq ninge me ycngr nrwz,
X me narmnq-ngrne lue.

Amrnaq nzlu-krnge.
X aelwapx-zvzme
Lrpzki kxtubq bange.
Murde drtqm tr zlwz.

Nctrko scmz tzmle
Lrpzki rmq bange.
X bz scm abrmle drtwrnge
Mz da kx naprtzmq.

Kxmule-esz' vztrx mz nzlo,
A' trtxpnz'ngr da kx
Namwx'lrtix murde Yawe,
Nim kc tqmncme bange.

Alebzme nange dakxnzng,
Aelume narngé tolo,
Mz mzlir enqmi mgeng.
Drtwrnge elalzmq.

X krlz-angidrx kx
Sa naka-zvzme bange
Zmrlz x nzokatr-krm,
X namnc-zvzx ma nyz'mq.

72 Yrlwr-lxblramu Makxtr

Fill My House

Yrlwr-lxblramu makxtr
Nyz'nge mz nzmungrkxtr.
Aodux nimu amrlx.

Lod rgr, rlrpx-lzbqzkr bam.

Nabrti drtwrmu ninge,
Murde mrlztix nimu,
X na-aolve-kzx nimu.

Ninge Kraes, Kxetu rmu,
Mz nzbz-krnge mz kros,
Aelwapxx nivz lrnge.

Mz nzngine-krnge nimu,
Mrlzti-lzbqamu,
Vz-nqblqle nivz lrnge.

Naesz'tiamu mz nivz lrnge,
Mz nzmncngr kxesz'.
A' bzkq vecpx-lzbqamu.

73 Zmrlzkxmyalz

Amazing Grace

Zmrlzkxmyalz,
Kx mrlztile ninge,
Ka-nrbalqm Gct bange!
Mzlikc ena vz-rbrx,
Mzlika ipqpele ninge!

Zmrlzkxmyalz,
Kx arlapxle ninge,
Ka-nrbalqm Gct bange!
Mzlikc ena pe alwx ninge,
Mzlika drtqngé opxpe!

Zmrlzkxmyalz,
Kx xpele ninge,
Ka-nrbalqm Gct bange!
Mzlikc ena mnc-rlrubo,
Mzlika vz-nqblqpex nide!

Zmrlzkxmyalz,
Kx okatrle ninge,
Ka-nrbalqm Gct bange!
Mzlikc ena mw'lr-zlwzx,
Mzlika lxngitipex nide!

Zmrlzkxmyalz,
Kx mailzle ninge,
Ka-nrbalqm Gct bange!
Mzlikc ena mrbrnene,
Mzlika rmctipele ninge!

Zmrlzkxmyalz,
Kx amrlzle drtqngé,
Ka-nrbalqm Gct bange!
Mzlikc ena mzke' trka,
Mzlika mzke' opxpe!

74 ?Myx' Kxmu, Brtipengr

Drtwrm Jiszs?

Have You Been To Jesus?

?Myx' kxmu, brtipengr
drtwrm Jiszs?

?Wrpeq mz mepyr ngr Neisip?

?Rlrpx-ngrn nzokatr-krde nim?

?Wrpeq mz mepyr ngr Neisip?

?Wrpeq mz mepyr
Kc tqammale nabzmq?
?Murde natubqzme
mz mz Yawe?

?Wrpeq mz mepyr ngr Neisip?

?Vz-nqblq-zvzq Mevalu rmq?

?Wrpeq mz mepyr ngr Neisip?

?X nrwx ngrde ycppe mz nabzmq?

?Wrpeq mz mepyr ngr Neisip?

?Narlxngitibeq mz nyzylu-krm
Kraes?

?Wrpeq mz mepyr ngr Neisip?

?Oliqtipeq nzmnc-krm Heven?

?Wrpeq mz mepyr ngr Neisip?

Bzkq vz zvz nzale-krm alwx,
Mz nzwr-krm mz mepyr ngrde.
Rlr-ngrbz bade nabzm kxtrka,
Mz nzwr-krm mz mepyr ngrde.

Kzrzs

75 Awi Yawe

Hallelujah

Awi Yawe. &x

Nimq mrlz. &x

Kxarlapx. &x

Glqlzkr nim. &x

Mrlztikr nim. &x

Angiokr nim. &x

76 Gct Trte, Naawibo Bamq

Heavenly Father, I Appreciate You

Gct Trte, naawibo bamq.

Gct Trte, naawi-ngrbo bam.

Mrlztix, glqpxx, vz-nqblqx nim,

Gct Trte, naawibo bamq.

Mrlx Gct, nim kxmyalz-esz'ngr.

Mrlx Gct, nim kxmyalz-esz'ngr.

Arlapxq ninge, kapeme

Mqngrkxtr.

Mrlx Gct, nim kxmyalz-esz'ngr.

Mqngrkxtr, apqtrq nabznge.

Mqngrkxtr, apqtrq nabznge.

Mailz-zvzq ninge. Mnc-zvzme
bange.

Mqngrkxtr, apqtrq nabznge.

77 Krlc Bret Nam

We Bring You Bread

Krlc bret nam, krlc waen mqm.

Kx kalzbzkr bam, Lod.

Aolvz bret lc, aolvz waen lc,

X kam bagr nzlu-krm, Lod.

Aolvz bret lc, aolvz waen lc.

Aolvz dalcng, Lod,

X kam bagr nzlu-krm, Lod.

78 Ma Namncku Mz Zyzlr

1 Jon 1:7

If We Walk In The Light

Ma namncku mz zyzlr,

Dakc tqwai Kraes,

Odutr-lxblrku **badr** Gct

X mepyr ngr Mrlxde Kraes

Jiszs ycpqpxle alwx rgung amrlx.

79 Mnc-lrpiamu X Glxamu Kx
Be Still And Know

Mnc-lrpiamu x glxamu kx
Trnipu'u, a' ninge txpwz Gct.
Naglxamu kx ninge txpwz Gct.

Ninge Lod kx amrlzle nimu.

Lod, abtrtpo drtwrnge bam.

80 Mqngrkxtr, Gct Kxlu
Spirit Of The Living God

Mqngrkxtr, Gct kxlu,
vzo-moupq bange.
Mqngrkxtr, Gct kxlu,
vzo-moupq bange.
Murde nametxbo bamq.
Mqngrkxtr, Gct kxlu,
vzo-moupq bange.

Mqngrkxtr, Gct kxlu,
vzo-moupq bange.
Mqngrkxtr, Gct kxlu,
vzo-moupq bange.
Atr x atubqti ninge.
Mqngrkxtr, Gct kxlu,
vzo-moupq bange.

81 Neke Aenzlile Lod
Asaea 40:31

They That Wait Upon The Lord

Neke aenzlile Lod,
sa naxplr-moule,
Sa nalvclz naapule lr.
X mz nzvz-krde bzkq
Drtqde ta, eu.
Alvztr ninge nzaenzlingr.

82 Neke Brtipe Drtwrde Nim

Thou Shalt Keep Him In Perfect Peace

Neke brtipe drtwrde nimq,
Neke brtipe drtwrde nimq,
Neke brtipe drtwrde nimq,
Namnc-zpwx mz nrwx.

83 Nivz Apule Lue

I've Got Peace Like A River

Nivz apule lue 3x
Mz nabznge.

Nrwx apule aulz, 3x
Mz nabznge.

Nzabrtzngr apule tewa, 3x
Mz nabznge.

84 Trte, Aesz'ti Nigr

Father, Make Us One

Trte, aesz'ti nigr. 2x
Lr nrlc nakrlzlr kaome mrlxm,
Trte, aesz'ti nigr.

Jiszs aesz'ti nigr. 2x
Trte atwzlr-ngrde nimq.
Jiszs, aesz'ti nigr.

Mqngr aesz'ti nigr. 2x
Vz-nqblqle me pnz' drtwr Gct,
Mqngr, aesz'ti nigr.

Gct, glqpxkr nim. 2x
Jiszs bz-ngrde naarlapxle nigr,
Gct glqpxkr nim.

85 Vzm Mqngrkxtr

Come, Holy Spirit

Vzm Mqngrkxtr, krka'ngrne.
 Vzm Mqngrkxtr bange.
 Vzm mz zmatq x nzxplrngr.
 Ycm~~ne~~-lrpim bange.
 Yrletrp mz nabznge,
 X yrlepxbz badr lr nrlc .
 Apule lue kx yrleom,
 Mz newz krlzbzle
 Prla, Mqngrkxtr, yrlepxm bange.

Nabz Negung**86 Krlc Nzmungrkxtr**

Krlc nzmungrkxtr,
 Yzuo Mevalu rgu.
 Vzmamu namu-lxblrku e.
 Krlc nzmungrkxtr.

87 Sam 23

Yawe, aolveq ninge,
 Apux sip nemq.
 Kame bange da amrlx.
 Yawe aolveq ninge.

Mailz-zvzq ninge,
 Me ycngr lue x dakxnzng,
 Murde naamax mz nrwx.
 Mailz-zvzq ninge.

Amrnaq nzlu-krnge.
 Aelwapxq lrpzki kxtubq.
 Murde drtqm tr zlwz.
 Amrnaq nzlu-krnge.

Abtrpo drtwrnge bam
 Nctrkom tzmlc nnti,
 X bz scm brti drtwrnge.
 Abtrpo drtwrnge bam.

Kxmule-esz' vztrx mz nzlo,
 A' trmwx'lrwxu e.

Yawe, mncme bange,
 Kxmule-esz' vztrx mz nzlo.

Mz mzlir enqmi rngeng.
 Alebzme nange dakxnzng,
 Aelubzme narnge tolo,
 Mz mzlir enqmi rngeng.

Drtwrnge elalzmq,
 Mz mzlir enqmi rngeng.
 Rkame bange zmrlue,
 Drtwrnge elalzmq.

Sa namnc-zvzx ma nyz'm.
 Sa naka-zvzme bange
 Zmrlz x nzokatr-krm.
 Sa namnc-zvzx ma nyz'm.

88 Silc Ningya' Drtqngc

Silc ningya' drtqngc
 Mnqo xngiobz.
 Nilwztq lue mq lr Bongavz,
 Silc ningya' drtqngc.

9 Nabz Ngr Nzawingr**89 Da Amrlx Kx Wzngr Gct**

All Creatures Of Our God And King

Da amrlx kx wzngr Gct,
 Nangrlvz-lxblr lr nide.
 "Awi, Yawe! Awi, Yawe!"
 Nim nepi mz nyzlr-krm,
 Nim temz mz zluli rm-

Glqpxamu Kxetu rmu,
 "Awi, Yawe! Awi, Yawe!
 Awi, Yawe!"

Nim nenq mz nzwq-krmq,
Nimu debz ngr bongavz,
Ngrngrnamu “Awi, Yawe!”
Nim zngalx mz nourla
Nim zyzlr mz nrlckxbq-

Nimu lue nangr-kzamu,
Murde naxlr Gct natqmu,
“Awi, Yawe! Awi, Yawe!”
Nimu, nyr mz nzngc-krmu
Mz nzokatr-krmu leplz-

Nimu, drtc' mz nrlanc
Kamamu bagr dakxnzng.
Ngrngrnamu “Awi, Yawe!”
Nimu nranc amrlx
Na-angrlvz-kzamu nide-

Nigu leplz, mz nabzgu,
Naipq-zvzku kztegu,
Nangr-zvzku “Awi, Yawe!”
Mz nztalvzokr nabzgu,
Na-obqtipxku Yawe-

Naglqpxku Kxetu rgu,
“Awi, Yawe! Awi, Yawe!
Awi, Yawe!”

Naglqlzku Kxrpalz
Mz nzavz-o-lzbq-krmu.
Nangr-zvzku “Awi, Yawe!”
Glqlzku Trte, Mrlxde
X Mqngrkxtr, Gct esz'-

90 Gct, Awibzkr Bam

Now Thank We All Our God

Gct, awibzkr bam
Mz nabzgr x natqgr.
X angiokr nimq
Mz da amrlx kx wz-ngrn.
Murde amrlzq nigr
Mzlikc tzmengr mzkr
Krlzmle mz zbqka
Mz nivz lrm kxetu.

Mz zmrlz ngrm kxmyalz,
Mnc-aepztrpq bagr,
X aom nrwx bagr
Murde naabrtz-ngrgr.
Amqtrp drtwrgr
Mz nzvzkr drtwrgr.
X arlapxq nigr
Mz daamrlx kxtrka.

Trte, x Mrlxde,
X Gct Mqngrkxtr
Glqlz-zvzkr nimu,
Nim Gct kc esz'txu.
Dakc tqwai-pnz'le,
Krlzmle mzlika,
X kxnamu-zvzpele lc,
Tqyc, tqyc eu.

91 Jiszs Nide Lod Kxaolve Nrlc

Give Thanks To The Risen Lord

Awi Yawe, Awi Yawe,
Awi-ngrbzkr Lod kxlu.
Awi Yawe, Awi Yawe,
Glqpxkr drtqde.

Jiszs nide Lod kxaolve nrlc.
Jiszs ngi King r da amrlx.

Lepiz amrlx naxlrlr nrpa.
Tulzpe mz nzbz-krde.
Mz nzbz-krgru badr Kraes,
Rmctipeku nzlungr kxboi.
Naglqpxku Gct rgu kxlu,
Nangrbzku mz Jiszs Kraes.

92 Kxetu, Aodu-zvzq Ninge
Lord I Accept Your Gentle Care

Kxetu, aodu-zvzq ninge,
Mz nivz lrm kc etu.
Dakxnzng x lrpz scngeng,
Katiomengq Heven.

Nimq kx arlapxe ninge,
Mz da kxtrka zvz.
Nzlu-krnge yc-zvz-ngrde,
Murde zmatq ngrm.

Enjrl nemqng nzaolvelr ninge,
Mzli kx mwi-ngrne.
Murde krlzq nzmcngr ninge,
Kxmule-esz' mncx mz nzlo.

Kame bange trte x lxenge,
Kztengeng x nzlu-krnge.
Trpnz'ngr scenge da kxmrlz,
A'ngi da kx vzpxmqng bam.

Tryatpou nzayzlu-krbo,
Zmrlz x nivz lrm.
A' namrlzti-zvzx nim,
X yrlqx natqm.

93 Nigr Lr Trmctu Amrlx
Let All The Islands Rise And Sing

Nigr lr trmctu amrlx
Naangrlvzkr nim, Kxrpalz,
Mz nzrta-krgr kote negr.
Naglqlzkr zluli rm!

Abrtzlvzkr prla kxetu,
[Trmctu, trmctu]
Maboi kxlu, drta' ngr mepz,
Nc, x kcyx, x besilr.
Awi-ngrbzkr bam dalcng.

Mz nzmc-zvz-krgr vri
Mz nzvo-krdr mz bongavz,
X zluli r nepi x temz,
Glqlzkr nim mz nabzgr.

Nzmrgekr doa negrng,
Nzxlrngr nzyrpale-krdr,
Nivz lrdr adcpxmle
Kx nim kc tqmnc-aepzme.

Nenzlu x nabxdr amrlx,
Nzvokr dcbz, zbo ngr tewa,
Nzlvckr kio mz bongavz,
Nzaelalz-ngrmlr drtwrgr.

Nim Gct kcng tq, Gct esz'txu-
Trte, mrlxde, x Mqngrkxtr.
Jiszs, amrlz zvz nigr
Mz nzokatrkr Mqngrkxtr.

94 Yawe, Naglqlzkr Zluli Rm
O Lord Of Heaven And Earth And Sea

Yawe, naglqlzkr zluli rm,
Nim King r Heven x nrlc.
Kx-e-tu, mrlztikr nimq.
Kxrkam da amrlx.

Nepi, nounc, dalr nrlanc,
X daamlrx mz nrlc ka,
Nz-aelwapxlr nivz lrm.
Kxrkam da amrlx.

Kxetu naawi-ngrbzkr bam,
Mnc-angidrkr mz nrwx,
X ayrkrpxq zyagox,
Nim kxrkam da amrlx.

Rlrpx-ngrn mrlxm kc esz'txu.
Arlapxle kxnztrkang.
X mz Jiszš kxmrlzvxi,
Ka-nrbalqq da amrlx.

Avzo-zvzme Mqngrkxtr,
Nou zmatq, nivz, x nzlungr.
Nide kx okatrle nigu,
X kamle da amrlx.

Arlapxq x ipqpeq nigr,
X obqtipxkr Heven.
Trpnz'ngr scgr da kx takitrde
nim,
Kxrkam da amrlx.

Da amrlx kx prlvz mzkr,
Sa namrbr-alo, eu.
A' yc-zvz da kx kabzkr bam,
Nim kxrkam da amrlx.

Gct, namnc-zvzbzkr bam.
Nzlu-krgr, x trau scgrng,
Nzvzpxmqng bam, Kx-e-tu,
Nim kxrkam da amrlx.

Kzrzs

95 Yawe, Naawibo Bam

Sam 57:9-11

I Will Give Thanks To Thee

Sa na-awibo bam,
Mz mzlir lr drtqbrng.
X naangrlvzx nim
Mzlir lr neidung.
Murde nzaodu-zvz-krm
Myalz krzlzle bongavz,
X nz-angidati-zvz-krmq natqm.

Lr Heven namclr
nzmatq-esz'ngr-krm.
Lr nrlc namctr nz-aovxio-krm.

Lr Heven namclr
nzmatq-esz'ngr-krm.

Lr nrlc namctr nz-aovxio-krm.

Nzaovxio-krm. Nzaovxio-krm.

Lr nrlc namctr nz-aovxio-krm.

Nabz Negung

96 Bongavz Puliom E Mqngr

Bongavz puliom e Mqngr,
Lzodu-krgr kxmrlz
lzodu-krgr kxtrx.

97 Gct, Awitx-zlwzbzkr Bam

Sam 75:1

Gct, awitx-zlwzbzkr bam
Mz nzmnc-aepztr-krme bagr.
Aleq da kxmrlzting.
Gct, awitx-zlwzbzkr bam.

10 Nabz Ngr Nzglqpxngr

98 Armyalzkr Nimq,

King R King

We Will Glorify The King Of Kings

Armyalzkr nimq, King r king.
Gqlzkr nimq, Neisip.
Amatqkr nimq, Kx-e-tu
R kxnzeturung amrlx.

Kxetu Yawe aolve-zvzq
Mz zluli rm Heven.
X nimq kx angio-tpwzkr
Nzyrnqgo-krbzkr bam.

Nimq king r heven x nrlc,
Nimq kxaolve alo,
Nimq kxetu r daamrlx,
Angrlvz-zvzkr nimq.

Mevalu Kraes, nimq King r king.
Jiszs Kraes, nimq Neisip.
Mevalu Kraes, nimq Kx-e-tu
R kxnzeturung amrlx.

Armyalzkr nimq, King r king.
Gqlzkr nimq, Neisip.
Amatqkr nimq, Kx-e-tu
R kxnzeturung amrlx.

99 Da Amrlx Nzyclzbzng

Mz Zmatq Gct

1 Tim 6:15-16

The Glorious King

Da amrlx nzyclz-bzng

mz zmatq ngr Gct,

Mz nznngini-krde

King r king amrlx,

X Kxetu r kx-nzetung amrlx.

X nide txpwz nou nzlungr kxboi.

Nilz r nzpnaprkr zyzlr ngrde

Xplr-esz'ngr mz zluli rde.

X rblx nz-esotr-ngrbz bade.

Trnzmcu x trnamcu leplz nide.

X nide kx nagqlz-zvzku,

X na-angio-zvz-~~kz~~ku nide.

Murde amncz-zvzbzle nigu

Amrlx mz zmatq ngrde. Eu.

100 Elax Mzlike

Tqwz-ngrde Nrlc

I Danced In The Morning

Elax mzlike tqwz-ngrne nrlc-

Drct', temz, vri, x nepi.

Vzo-ngrmc Heven naelax mz

nrlc.

X mzke' nzmc Betleem.

E-la nzmnc-krm mz nrlc

Ninge Kxetu r nzelangr.

X namailzx nim

mz nzmnc-zpwx-krm,

Mz nz-ela-kato-zvzng.

Elambo badr kxnzetu r lr Jiu,

A' trnzprtru mz nzela-krnge.

X ela-kzpo mz Jemes x Jon,

X nzprtrng mz nzela-krnge.

Amrlzx kxyagox mz
Zbqkxznzamati
A' nzrpi lr Jiu kx alex alwx.
Nzbiatilr x nziplalr ninge.
X nztqlvztrlr ninge mz kros.

Mz Zbqkranzlvqn nrlc wx-
nzlongr.
Atrkati Setzn nzela-krnge.
Nzqlqtr namz rnge mz butqbr.
A' nzela-krnge kc tqvz alo.

Kxmule-esz' nznibqlr ninge,
A' nzlu-krnge kc tqvz alo.
X nalu-zvz-kzx mz nabzm,
Mz nzprtr-krm mz nzela-krnge.

101 Gct Esz'txu X Mesaea

1Tim 2:5-6, 3:16
True Faith

Gct esz'txu. X Mesaea
Kc tqngi mrlx leplz,
Ao-nrwx mz nzaxvctr-
Krbz leplz mz Trtede.

Jiszs Kraes rlrpx lzbq
Mz nz-xpe-krde
Alwx ngr leplz amrlx,
Mz nzbzo-krmle mz kros.

Mz mzlike tqyrlq Gct
Xpexle nigu.
Murde sutipe drtwr Gct
Nzrlapxkr leplz amrlx.

Jiszs Kraes aelwapx lzbq
Mz nrkrkrtq leplz.
Aelwapxngr Mqngrkxtr
Nztubq-zlwz-krde.

X enjrl neng Gct nzmctr
Nzalu-mou-krdele.
Nzyapwxtipxbz badr
Lr nrlc nrpa ngr Kraes.

X leplz mz nrlc tulvzo
Nzlxngitilr nide.
X sc tqvzmilzpqe Gct
Me matq-esz'ngr Heven.

102 Gct, Leplz Trname- zpwxlru Nimq

Immortal, Invisible, God Only Wise

Gct, leplz trname-zpwxlru nimq.
Rblxbz badr murde zluli rm.
Nimq Gct kc bqnc kx matq-
esz'ngr.

Kx-aovxio zvz, naglqlzkr nim.

Nim kx lu zvz. X nim
nou da amrlx.

Tramawq mz nzaolve-zvz-krmq.
Nztubq-esz'ngr-krmq vzdz zvz.
X ka-ome bagr nivz lrm kxtr.

Okatr-zvzq da kxlu amrlx.
X nzlungr angidr vzpxmq bam.
Nqm q krm kxmrlz sa tqvz zvz,
A' nabzgr natekqtr-lzbq-zvzng.

Gct Trte, enjrl nem rblxbz badr
Nzmc-angidr-krdr zluli rm.
A' kxmule-esz' okatrp nigr
Nzmc-zpwx-krgr nim mz nabzgr.

103 Gct, Nimq King R Heven

Praise The Lord Who Reigns Above

Gct, nimq King r Heven,
Kc tqaolvele nrlc.
Nivz lrm tr-esz'ngr.
Yawe, glqlzkr nim.
Glqlz-zvzkr nzetukr
Nzmatq-esz'ngr-krmq.
Da kx mrlzting amrlx
Nzvzpxmng bamq.

Bilvzkr nim kx lu zvz,
Mz nabz kxyrvi.
Angrlvzkr nim vzmi
Ncblei x kcte kz.
Murde nabz negrngq
Naaelalzml drtwrg.
Naelabzkr bam murde
Nabzgr naabrtzng.

Yawe, naglqlzkr nim,
Kc tqngi nzlungr.
Amatq-zvzkr nim
Mz nzabrtz-krgr.
Malqlvzkr drtqm,
Kc tzangio-zvz enjrl,
Tqyc, tqyc. Eu.

104 Jiszs Kztegu Kxmyapxbz

What A Friend We Have In Jesus

Jiszs, kztegu kxmyapxbz.
Bz-ngrde alwx ngrgung.
Mzlika nakrka'ngrgu
Da kx yc mz drtwrgu.
Trpnz'ngr nrwx mz nabzgu
X drtqgu etq zvz,
Murde pxtpx-zvz-ngrgu
Nzkrka'-krbzku mz Gct.

Mz nzatalzkr Setzn nigu,
Tatxoku mz alwx,
A' bzkq bao mz drtwrgu,
Nakrka'-ngrbzku mz Gct.
?Neke kztegu kxmnc zvz,
X mrlztile nigu?
Jiszs kx okatrle nigu,
Ma nakrka'bzku bade.

Mz nzngrgokr nabzgu,
Nzmnc-krqu mz nrlc,
Jiszs ngi merlakitrku.
Nakrka'bzku bade.
Mz nzatrkatkr leplz,
Nakrka'bzku bade.
X lolvzle nigu mz mqde.
Jiszs ngi kztegu zvz.

105 Jiszs Mrlzti-zvzle Ninge

His Banner Over Me Is Love

Jiszs mrlzti-zvzle ninge.
Mrlzti-kzx nide.
Jiszs mrlzti-zvzle ninge.
Mrlzti-kzx nide.
Jiszs mrlzti-zvzle ninge.
Mrlzti-kzx nide.
Mz nzaodu-angidr-krde ninge.

Vz zvz nzaptr-krde ninge
Mz nzmungrkxtr.
Vz zvz nzaptr-krde ninge
Mz nzmungrkxtr.
Vz zvz nzaptr-krde ninge
Mz nzmungrkxtr.
Mz nzaodu-angidr-krde ninge.

Jiszs, nide merlakitrx
Nide Mevalu rnge.
Jiszs, nide merlakitrx
Nide Mevalu rnge.
Jiszs, nide merlakitrx
Nide Mevalu rnge.
Mz nzaodu-angidr-krde ninge.

Amncle ninge me matq-esz'ngr
Mz nzmnc-krnge Heven.
Amncle ninge me matq-esz'ngr
Mz nzmnc-krnge Heven.
Amncle ninge me matq-esz'ngr
Mz nzmnc-krnge Heven.
Mz nzaodu-angidr-krde ninge.

106 Jiszs, Apqtr Drtwrnge
Jesus, The Very Thought Of Thee

Jiszs, apqtrp drtwrnge,
Nzaotikr drtwrnge nim.
A' da kx namyalz-esz'ngr
Nzmnc-krme bange.

Trpnz'ngr natq, trpnz'ngr drdq
Kx myaszpxle nim.
Jiszs, drtqm yrlvi zlzw.
Nim Mevalu rnge.

Amqtr zvz drtwr leplz
Kxnzavz-o-lzbqng.
X ayzlu-kzq natq
Kx nzqlelr nimq.

Kxnlxngtilr nimq,
?Nike nzrmctilr?
Nzrmctilr nivz lrmq
Zvz mz nabzdr.

Jiszs, nim txpwz bz ngrgr,
Nzmnc-krgr mz nrle,
X mz nzmnc-krgr Heven
Kalr mz zluli rm.

107 Jiszs, Glqlz-zvzkr Nim
Praise My Soul, The King Of Heaven

Jiszs, glqlz-zvzkr nim,
Kc tqxpele alwx.
Tubqbkzkr mz mz Trte
Mz nzamrlz-krm nabzgr.
Glqlzkr nim! Glqlzkr nim!
King rgr kc tqmnc-alo.

Awi mz nzokatr-krmq
Lr mrnyz'gr mz nrle.
Drtwrng trngya'-aniu,
A' nivz lrmq etu.
Glqlzkr nim! Glqlzkr nim!
Kc tqbrti drtwrgr.

Aolveq nigr doa nemqng,
Mz nznrgokr nabzgr.
Arlapx-zvzbzme nigr
Mz mq enqmi rgrng.
Glqlzkr nim! Glqlzkr nim!
Nzyckr drtwm nigr.

Enjrl nemqng naptrpqng
Mz nzglqlz-krgr nim.
Nepi x temz nzpi-zvzlr
Nabz ngr zluli rm.
Glqlzkr nim! Navz zvz!
Tqvz, tqvzpe. Eu.

108 Jiszs, Ninge Doa Nem**X Mrlztix Nim.**

My Jesus, I Love You

Jiszs, ninge doa nem x mrlztix
nim.

Yrlqpx-lzbqnge mz

nzangqgukr alwx.

Nim Mevalu nge kc tqxpele
ninge.

Jiszs, nivz lrnge etunepx zvz.

Mrlzti-kaiq ninge, x mrlztix nim,

Mz nzbzo-krme ninge

mz kros Kalvari.

Mrlztix nim mz nzavzo-lzbq-
krmq.

Jiszs, nivz lrnge etunepx zvz.

Navz zvz nzmrlzti-krnge nimq

Mz nzlu-krnge x mz

nzbz-krnge kz.

X mzlikc nabz-ngrne,

napipxbo bamq,

“Jiszs, nivz lrnge etunepx zvz.”

Mz nzprtr-krnge mz nzlungr

kxboi,

Namncx Heven mz zluli rm kxtr.

X naangrlvz-ngrne

nim nzrpi-krnge kx,

“Jiszs, nivz lrnge etunepx zvz.”

109 Kxrpalz, Mzlikc**Name-ngrne**

Oh Lord, My God

Kxrpalz, mzlikc namc-ngrne

Dalcng amrlx kx wz-ngrn mz

nrlc:

Vri r bongavz, x brlrmei kxetu,

Glx-angidrx nzetukr zmatq ngrm.

Kxarlapx, ngr-zvz-ngrbo bam,

Nim kc tqmyalz-esz'ngr. **2x**

Kxetu nge, mzlikc tqvzne-ngrne

Mz nzti r peto e mz newz,

Zluli rm o-ngalelvzle ninge,

X glxx kx nimq Kxrpalz.

X mzlikc na-aotingr drtwrnge,

Kx kapeme mrlxm kc esz'txu,

X bz-ngrde murde naipqq ninge,

Glx-angidrx kx nivz lrm etu.

Mzlikc Jiszs nayzlungr-mouple,

Mz nzatulz-krde leplz nedeng,

Narweobo zpr mz nzamluengr,

Kxetu, nim kx myalz-esz'ngr.

110 Lod, Glqlzkr Nimq**Mz Nabzgr**

Lift Up Your Hearts

Lod, glqlzkr nimq mz nabzgr.

X nim txpwz kx namc-zvzkr.

Angiokr nim mz drtwr kxeszi.

Glqlzkr nim kc tqmyalz-esz'ngr.

Nim Zyzlr, x krka'bzkr bam-

Pnz'milxti nabzgr kxtrka.

Ipq alwx, x katx zmw'lr.

X apqtr drtwrgr mz nivz lrm.

Natq angidr, rlx~~t~~ibzkr bam-
Atubqti nzvz-rbr-krgr.
Murde bzkq myapengr drtqgr,
Mz nzplzpx-krgr alwx ngrgrng.

Nim kx rkam da amrlx bagr,
X amrlzq dakcng tqalekr.
X naayzlu-mopwzkr da scmqng,
Mz nzwztr-zvz-krbzkr bam.

Yawe, nim Lod, x naglqlzkr nim,
Mz nrlc ka, x mzlikc Heven.
Angiokr nim mz drtwr kxesz'.
Glqlzkr nim kc tqmyalz-esz'ngr.

111 Lod, Vzbo Bamq Amrna-zvz Nabznge

Zmatq Ngr Nivz Lrm
The Power Of Your Love

Lod, vzbo bamq.
Amrna-zvz nabznge
Mz zmrlz kx vzkimle bamq.
Krlz-angidr~~x~~ kx ztrka ngr
nabznge,
Naayrkrpxq mz,
zmatq ngr nivz lrm.

Nivz lrm natu-ngalelvzle ninge.
Vectrpz ninge mz nrlarmq.
X sa na-apux lr kx lvcne wq,
Mz nzlvc-nqblq-krnge
Mqngrkxtr mz
Zmatq ngr nivz lrm.

Aopxbz mzke'. Namc-zpwxx
nimq.
Lod, aelwapx-lzbq-ngrmq bange.
Atr nabznge mz
nzvz-nqblq-zvz-krnge
Me pnz' drtwrmq mz
zmatq ngr nivz lrm.

112 Mqngrkxtr Vzmq

Rushing Wind

Mqngrkxtr vzmq, mz nivz lrmq.
Obqplxti nabznge kx~~blqki~~.
Angc da kxtrka mz nyr pnrn
kxtr,
Mz nzangio-zvz-krnge nim.

Mqngrkxtr, nimq nyr kxtr,
Kam bange da
kx napqtrngr drtwrnge.

Nim kx myapxbz mz
kztengeng amrlx
Mz nzaodu-zvz-krmq ninge.
Okatrpq ninge nzmnc-krnge Trte.
Murde naaelwapxx nivz lrm.

Nimq txpwz kx mnc
-zvzm mz nabznge
Nzng-krme nabz bange.
X atubqti-zvzbz nabznge
Mz nzaenzli-krnge nimq.

113 Mrlz Nzmnc-krgr Badr

Sam 16
For You Are My God

Mrlz nzmnc-krgr badr
Leplz nemqng mz nrlc ka.
A' kxnzangiolr gct kzbleng
Nzkxpu-krdr nartxlvzlz.

Nim Kxetu nge.
Brti drtwrnge nim.
Tubr-kirngr ninge.

Gct, apume bange drtc'.
Nzlu-krnge yctrpz bamq.
Mrlzm bange me ngi bz ngr
Da kx katimengq bange.

Drtwrnge elalz-ngrmle
Mz nzmnc-zpwx-zvz-krnge
Trrlrpx-ngrwq nzbzng
Nzlolvz-krde ninge mz gg.

Naglqlz-zvz-ngrne nim
Mz nzmailz-krmq ninge.
Aopxme nabzngz mz nzaongr
Drtwr kxmrlz mz lozbq.

Dcpz zvz mz drtwrnge
Nzmnc-lxblr-zvz-krngi.
Trpnz'ngr nzmwx'lr-krnge.
Tu-zvzme mz nibrnge.

Aelwa-ngrm nzlungr angidr:
Nzabrtzngz vzpxm bamq
X da kxmrlzting amrlx
Nzvzpx-zvzmqng mz mqm.

114 Mz Zmatq R Drtq Jiszs!

All Hail The Power

Mz zmatq r drtq Jiszs,
Enjrl naavzo-lzbqng.
Nakabzlr bade kraon scde,
Mz nz-angiongr King.
Nakabzlr bade kraon scde,
Mz nz-angiongr King Kxetu.

Nimu kxnznibqngr Kraes,
Kx nzmncng mz olta,
Glqlz-amu Mesaea rmu,
Mz nz-angiongr King.
Glqlz-amu Mesaea rmu,
Mz nz-angiongr King Kxetu.

Nimu lr Israel kxmcpz Gct,
Kxnzrlapxng mz alwx,
Awi-ngrbzmu nivz lrde,
Mz nz-angiongr King.
Awi-ngrbzmu nivz lrde,
Mz nz-angiongr King Kxetu.

Nimu nqvi lr King Devet,
Naglqpx-amu Kraes,
Kx-e-tu r melr-mqmu,
Mz nz-angiongr King.
Kx-e-tu r melr-mqmu,
Mz nz-angiongr King Kxetu.

Nimu kx nz-aleng alwx,
Nadcpx mz drtwrmu.
Nz-atu-o-krbzmq zpr
Mz nz-angiongr King.
Nz-atu-o-krbzmq zpr
Mz nz-angiongr King Kxetu.

Nigu lr neidu amrlx,
Naglqpxku nide,
Kxmyalz x kxmatq-esz'ngr,
Mz nz-angiongr King.
Kxmyalz x kxmatq-esz'ngr,
Mz nz-angiongr King Kxetu.

X nigu badr kxnztrng,
Glqlz-zvzku nide.
Nangr-zvz-ngrgu nabz kxmna,
Mz nz-angiongr King.
Nangr-zvz-ngrgu nabz kxmna,
Mz nz-angiongr King Kxetu.

115 Naglqpxku Kxetu Yawe

Sam 136

Let Us With A Gladsome

Naglqpxku Kxetu Yawe,
Murde nide mrlzvxi.

Aodu-zvzle nigu
mz nivz lrde kxetu.

Gct kc tqmyaszpxle,
Gct kzbleng amrlx.

Naglqpxku Kxrpalz,
Kxetu r kxetung.

Wz-ngrde zyzlr amrlx,
Mz nzyrplapx-krde.

Wz-ngrde nepi nayzlr,
Mz nrlc kxngrlx.

Temz x vring nayzlrng,
Mz nzlo r nrlckxbq.

Mailztrle leplz nedeng,
Mz nzvz-krdr lzke.

Trmrbtrru mz drtwrde,
Nzkxpu-krdu amrlx.

A' arlapxle nigu,
Mz mq enqmi rgung.

Rkabz dakxnzng badr,
Da kxnzung amrlx.

Naglqlzku Gct kc Heven,
Naawibzku bade.

Naglqpxku Kxetu Yawe,
Murde nide mrlzvxi.

116 Naglqpxku Yawe

Kx Matq-esz'ngr.

To God Be The Glory

Naglqpxku Yawe kx matq-
esz'ngr.

Aodule lr nrlc mz Kraes Mrlxde,
Kc tqbz-ngrde naarlaxle nigu,
X naprtrku mz nzlungr kxboi.

Glqpx Gct! Glqpx Gct!
Pipxbz natqde.

Glqpx Gct! Glqpx Gct!
X bilvz zvz nide.

Vz kim mz Trte mz Mrlxde, Jiszs.
X naglqlz-zvzku zmatq ngrde.

Kxmule-esz' vz-rbr-zvzq mz nrlc,
A' Gct na-ipqpxle alwx rmqng,
Mz nzlxngiti-angidr-krmq Kraes,
Kc tqxpele nimq mz mepyr
ngrde.

Kxmule-esz' nz-abrtz-krdu etu
Mz da kxmrlz kc tzyng
mz nrlc ka.

A' da kx namyapxbz mz
dalcdeng

Nzrmcti-lzbq-krdu badr Jiszs.

117 Naonge Nakqlu-pwz Elx

O, For A Thousand Tongues

Naonge nakqlu-pwz elx,
Naglqpxx Jiszs.

Nangr-ngrbo zluli r
Zmrlz ngrde kxmyalz.

Okatr drtq Jiszs nigu
X trmwx'lrpekuu.
Na-aelalz-ngrm drtwrgu
Nrwx x nzlungr.

Aovxiopelle alwx,
Drtqgu opxpe.
Lqngiku mz mepyr rde,
Kxarlapxle nigu.

Lr nrlc narlxngiting,
Nabzdr naabrtzng,
X kxnzbzng nalu-moung kz,
Mz zmatq ngr Lod.

Lalztq kxnardrtqdr ngqng!
Ycmne kxnznabung!
Obqamu kxmztr trka!
Amrlzpe Kraes nimu.

Yawe, nim Lod x Gct rnge.
Okatr natqng,
Mz nzyapwxtipx-krbo
Nrpa ngrm mz nrlc.

118 Nigu Lr Nrlc X Lr Heven

The Lord Is King, Lift Up Your Voice

Nigu lr nrlc x lr heven
Nzngr-krgru nayrlvi zvz.
Mz nz-abrtzlvz-krgru
King Yawe kx matq-esz'ngr.

Naaleku me pnz' drtwrde,
Navz-nqblqku natqde,
X nalxngitiku nide,
Mz nzngini-krde Kxetu.

Yawe nide king kx matq,
Nzrjzs-krde tr-esz'ngr.
Nqmq krde tubq zvz.
Na-angio-zvzku nide.

Gct Trte aolvele nrlc
Nzngini-krde King Kxetu,
Nidr ncdr Kraes Mrlxde,
Jiszs nztqlvztr mz kros.

Yrlq mzte nrlc amrlx:
Nrlc nyz'gu, x nyz' enjrl,
Nyz' drka', x kxnzbzpeng,
Nzngini-krde Kxrpalz.

Nide King kx matq-esz'ngr.
X nzbzng x nzlungr
Vzpxm mz zmatq ngrde
Kc tqvz, tqvzpe. Eu.

119 Nzmingrtikr Drtwrnge

Nim

Sam 42:1

As The Deer Panteth For The Water

Nzmingrtikr drtwrnge nim,
Apule kxbrlxkz.
Nim txpwz kx mnc mz nabzng,
X naglqlz-zlwzx nim.

Nim txpwz kxarlapxle ninge,
Ka-lzbqbo bamq esz'krm.
Nim txpwz kx mnc mz nabzng,
X naglqlz-zlwzx nim.

Nim mzlenge x kztenge kz,
Kxmule-esz' nipem King.
Mrlztix nim myaszpxle
Da amrlx mz nrlc.

Myaszpxq trau kxkqlu,
Suti txpwz drtwrnge nim.
Nzelalzkrm drtwrnge vzpxm mz
Nimq nou da amrlx.

120 Nzodutr-lxblngr,

Nzabrtz-zlwzng

Leaning On The Everlasting Arms

Nzodutr-lxblngr, nzabrtz-
zlwzng,

Nzmnc-xgle-krnge mq Jiszs.

Rmcti-zvzx nivz x nrwx,

Nzmnc-xgle-krnge mq Jiszs.

Mnc-x-gle-x nide kc tqrlakitr.

Mnc-x-gle-x.

Mnc-xgle-zvzx mq Jiszs.

O-zli-ngrne nzti r Mevalu,

Nzmnc-xgle-krnge mq Jiszs.

X vzne-ngrne mz zyzlr ngrde

Nzmnc-xgle-krnge mq Jiszs.

Trmw'lrwxu mz nzlu-krnge

Nzmnc-xgle-krnge mq Jiszs.

X vz zvz nzbrtkr drtwrge

Nzmnc-xgle-krnge mq Jiszs.

121 Nzrlxngiti-krnge Mqngipe

Blessed Assurance

Nz-r-lxngiti-krnge mqngipe

Murde Jiszs, kxarlapx nge.

Xpele ninge mz mepyr ngrde.

Mqngkrxtr nou nzlungr kxboi.

Nangi be nenge x nabz nenge,

Jiszs kc tqarlapxle ninge.

Nzmc-krnge zluli rde,

X nzalalz-krmq drtwrge,

Nzvzpxmqng mz nzvz--nqblqngr

Kxarlapx nge x natqdeng.

Enjrl nedeng nzvzomqng Heven

Mz nzyapwxtipx-kmlr bange

Kx zmrlz ngrde okatrl ninge,

X mnc-zvzx mz nivz lrde.

Mz nzaxvctr-lzbq-krbo bade

Amrlzle ninge x abrtzlvzx,

Xngi-zvzbo nivz lrde,

X obqtipxx nzyzlu-krmle.

122 Yawe, Glqlzkr Nim

Nzngini-krm Kxrpalz

Praise To The Lord, The Almighty

Yawe, glqlzkr nim

nzngini-krm Kxrpalz,

Kc tqarlapxle nigr, tqrkam

nzlungr.

Nigr amrlx yrlwr-lxblr-zvzkr

Mz nz-angio-krgr nimq.

Yawe, glqlzkr nim

mz nzaolve-angidr-krmq.

Tu-zvzm mz nibgr

murde namnc-zpwkr.

Kame bagr da kx suti-drtwrgr,

Nzatutr-krm me pnz' drtwrm.

Yawe, glqlzkr nim

mz nzamrlz-krmq nigr.

Awi mz nzokatr-zvz

-krme nzvz-krgr.

Awi mz nzaodu-zvz-krmq nigr

Mz nivz lrm kc tqetu.

Yawe, glqlz-zvzkr, nim
mz nabzgr atwrngr.
Nigr amrlx angrlvz-zvzkr
lrpzki rmq.
Pi-lxblrkr kx naamatqkr nimq,
Tqvzpe, tqvzpe. Eu.

123 Yawe, Nipem Gct Rgr

Rev 4:11
Thou Art Worthy

Yawe, nipem Gct rgr.
X takitrde nim,
Nzrglqlzngr, x nz-angiongr,
X nzrglxngr zmatq-ngrm.
Murde wz-ngrn da amrlx,
Eu, wz-ngrn da amrlx.
Wz-ngrn da amrlx mz nrlc.
X nzmnc-krdr x nzye-krdr
Nzvz-nqblqlr natqmq.

Nimq txpwz kxtr-esz'ngr,
X nzmyatitrlr nim.
Trpnz'ngr leplz kx napxtxpx-
ngrde
Nzglqlz-krde nimq.
Nqm q krmqng kxtubq,
Lr nrlc sa navzmqng
Mz nz-angio-krdr nim.
Aelwapxpe-ngrn nqm q
krmqng kxtubq,
Tubq-esz'ngr, eu.

Gct rgr sa naarlapxq
Leplz nemqng mzlika.
Sa natumilzpeme zmatq ngrmq,
Nangi nimpe King mz nrlc.
Mesaea nem tumilzpele
zmatq ngrde,
X Setzn kc tqpibqtitr
-zvzbzle kztegrng
Mz mztq Gct rgr,
Nzrtcpxpenger Heven.

Nimq Nei-sip kc tznibq,
X takitrde nim
Nzrglqpxngr zmatq ngrm,
Nzkrz-angidr-krm,
Kx nim angidr bcnyr,
X xplr-esz'ngrn.
X takitrde nim kz
Nz-rglqlzngr x nz-angiongr,
X nzrglqpxngr zvz.

Nim kx rvzmimqng
leplz lcng amrlx,
Nigr kxnzprpxmqng
Mz nou, natq, drtqbr,
x neidu, amrlx,
Mz nrlc atwrngr tulvzo.
Murde nangini-ngrgr
Pris neng Gct rgr,
Mz nzwztr-krbzkr bade.
Nigr kx na-aolve-lxpxng mz nrlc,
Mz nrlc atwrngr, eu.

Nimq kc tqngi Nei-sip,
X Gct kc tqwxbuom mz tron,
Naglpqkr nimu, na-angiokr
nimu,
Na-awi-ngrbzkz bamu.
X naglxngr zmatq ngrmu,
Kx myalz-esz'ngr.
Me tutr-ngrde lape!
Naglpqkr nimu, na-angiokr
nimu,
Tqvzpe tqvzpe! Eu!

124 ?Neke Aodule Ninge?

Who Is This?

?Neke aodule ninge?
Drtqde Jiszs.
?Neke bz-ngrde ninge?
Drtqde Jiszs.

Gct rnge, King rnge,
Aodu-zvz ninge,
Murde abrtxtrpwo
Drtwrnge bamq.

?Neke arlapxbzle ninge?
Drtqde Jiszs,
?Mz zmatq sc Setzn?
Drtqde Jiszs.

Mrlzti-zvzx nim,
Drtqmq Jiszs.
Ni-zvznge doa nem,
Drtqmq Jiszs.

Nim King r king amrlx,
Drtqmq Jiszs.
Kx-e-tu r kxnzetung,
Drtqmq Jiszs.

Nimq Kxrpalz kz,
Drtqmq Jiszs.
Wz-ngrnq da amrlx,
Drtqmq Jiszs.

Kxetu, glqlzx nimq,
Drtqmq Jiszs.
Mz me matq ngrm Heven,
Drtqmq Jiszs.

**125 Awi Gct, Awi Gct,
Awi Gct, Awi Yawe**

Praise Ye The Lord, Alleluia

Awi Gct, awi Gct, awi Gct,
awi Yawe,
Glqpxkr nimq.
Awi Gct, awi Gct, awi Gct,
awi Yawe,
Glqpxkr nimq.
Glqpxkr nim kx
Tr-esz'ngr!
Glqpxkr nim kx
Tr-esz'ngr!
Glqpxkr nim kx
Tr-esz'ngr!
Glqpxkr nimq!

126 Drtqde Mrlzvxi

His Name Is Wonderful

Drtqde mrlzvxi, 3x
 Jiszs, Lod rnge.
 Nide kxetu-esz'ngr,
 Kxaolve da amrlx.
 Drtqde mrlzvxi, Jiszs, Lod rnge.
 Kx-aolve sipq, Butqbr kc bqnc,
 Nide Gct Kxrnr.
Atuobo zprnge bade,
 Mz nzangio-krnge nide.
 Drtqde mrlzvxi, Jiszs Lod rnge.

127 Gct, Alrtibzme*Sam 30:11-12*

You Have Turned My Mourning Into Dancing

Gct, alrtibzme
 Nzymibu-krnge,
 Mz nzteqqr-krbzme
 Nzyz-zlwzkr drtwrnge.
 Mz nzabrtzngr,
 Nzabrtz-zlwz-krnge.
 X mzluka trnamnc-lrpiwpxu.
 A' naangrlvz-zvz-pex nimq!
 Awi kxetu, Yawe, Gct rnge!

128 Gct Mrlztile Nigu*1 Jon 3:1*

Behold, What Manner Of Love

Gct mrlztile nigu.
 Nzmlzti-krde nigu,
 Etu-esz'ngr delc tqrpi-ngrgu
 Nigu doa nedeng.

Tq-r-pi-ngrgu nigu doa nedeng.

2x**129 Glqlz Jiszs Wq**

Lift Jesus Higher

Glqlz Jiszs wq, glqlz Jiszs wq.
 Mz nzrmengr nide mz nrlc.
 Rpile kx, "Ma naglqlzngc mz
 kros,
 Sa navectrpc' leplz bange."

130 Glqlzku Zluli R Kraes

Majesty

Kraes, glqlzkr zluli rmq.
 X angiokr zmatq x zluli rmq.
 Awi mz zmatq r drtqmq,
 Vzom Heven krlzbzle
 leplz nemqng.
 Angiokr, glqlzkr wq drtqmq,
Jiszs,
 Nzglqlz-krgr nim, King rgr,
 nayrlvinepx.
 Glqpxkr zluli rmq.
 Jiszs, nim King, kc tqlupe,
 tqmncpe Heven.

131 Glqlz-zvzx Yawe

To God Be The Glory

For The Things He Has Done

Glqlz-zvzx Yawe. 3x
 Nivz lrde etu.
 Arlapxle ninge. Atulzpele ninge.
Glqlz-zvzx Yawe. Nivz lrde etu.

132 Glqpxku Yawe*Sam 134*

Come, Bless The Lord

Glqpxku Yawe,
 Nigu kxzwz nedeng.
 Angioku nide makxtrdau.
 Glalzku mqu Mrgc Tqtr.
 Glqpxku Yawe mz nrlckxngrlx.

Glqpxku Yawe,
 Nigu kxzwz nedeng.
 Angioku nide makxtrdau.
 Glalzku mqu Mrgc Tqtr.
 Glqpxku Yawe mz nrlckxbq.

Naamrlz Yawe
 Nimu mz nzmnc-krde
 Mzteadau nyz'de mrgc
 Jerusalem.

Nide kc tqwz-ngrde
bongayz x nrlc.

Naamrlz Yawe nimu doa nedeng.

133 Glqpxku Yawe, Kxetu

Let's Just Praise The Lord

Glqpxku Yawe, Kxetu.
 Naglalzku mqu Heven,
 Mz Lod rgu.

Glqpxku Yawe, Kxetu.
 Glqlzku nabzgu Heven,
 Mz Lod rgu.

Glqpxku Yawe, Kxetu.
 Nangrbzku nabz Heven,
 Mz Lod rgu.

134 Glqpx Drtq Jisz

Praise The Name Of Jesus

Glqpx drtq Jisz. Merlakitrx.
 Butqbr, Mevalu rnge.
 Abrtr-zvzbo drtwrnge bade.
 Glqpx drtq Jisz.

135 Glqpx Yawe*Sam 103:1*

Bless His Holy Name

Glqpx Yawe, mz nabzng.
 Glqpx-atwrr-ngrne drtqde kxtr.

136 Jisz

Jesus

Jisz. 5x

Jisz bzpe 2x
 bzpe 2x,
 Jisz bzpe.

X tulz-moup 2x,
 tulz 2x,
 x tulz-moup.

Jisz. 5x

137 Jisz Kraes, Lqngipx

Isn't He?

Jisz Kraes, lqngipx.
 Lqngipx, Jisz Kraes.
 Mrlx Gct, Lod r nrwx.
 Jisz Kraes.

Jisz Kraes, mrlz zlwz.
 Mrlz zlwz, Jisz Kraes.
 Kxrmailz, Kxmatq zlwz.
 Jisz Kraes. 3x

138 Jiszs Ngi Lrpzki

Jesus Is The Way

Jiszs ngi lrpzki, daangidr,
 nzlungr,
 Zyzlr ngr ma nyz' Trtegu Gct.
 Trtegu Gct ngi lrpzki,
 Ngi daangidr, x nide nzlungr.
 Jiszs ngi zyzlr, zyzlr kx luli,
 Luli ngr nrlc kx wzpxngr Gct,
 Wzpxngr Gct. Ngi lrpzki,
 Ngi daangidr, x nide nzlungr.

139 Jiszs Ngi Lrpzki**Ma Nyz' Trtenge**

To My Father's House

Jiszs ngi lrpzki
 Ma nyz' Trtenge. 3x
 Jiszs ngi lrpzki ma nyz' Trtenge,
 Me nzabrtzngr.
 Vzmq navzpeki
 Ma nyz' Trtenge. 3x
 Vzmq navzpeki ma nyz' Trtenge,
 Me nzabrtzngr.
 Trycpu rlr
 Ma nyz' Trtenge. 3x
 Trycpu rlr ma nyz' Trtenge,
 Me nzabrtzngr.

140 Jiszs, Drtq Kxmyalz

Jesus, Name Above All Names

Jiszs, drtq kxmyalz,
 Mevalu rnge, Lod r zluli kxetu.
 Imanuel, Gct mncpem bagu.
 Mesaea kxmrlz, Natq kxlu.

141 King R King

King Of Kings & Lord Of Lords

King r king, Kx-e-tu r kxnzetung.
 Yawe, glqpxkr nim. 2x
 Jiszs, kxetu r nrwx.
 Eu! Glqpxkr nim. 2x

142 King R King Amrlx

He Is The King Of Kings

King r king amrlx.
 Kxetu r kxetung amrlx.
 Drtde Jiszs, Jiszs, Jiszs, Jiszs-
 O-o-o-o-o-o Nipede King!

143 Krlz-zpwxx Kx**Sa Navz Zvz**

Surely Goodness And Mercy Shall Follow Me

Krlz-zpwxx kx sa navz zvz
 Nzka-krme bange
 zmrlz x nzokatr-krmq.
 Krlz-zpwxx kx sa navz zvz
 Nzka-krme bange
 zmrlz x nzokatr-krm.
 X namnc-zvzx ma nyz'mq,
 Kx-e-tu.
 Na-alebzme nange dakxnzng.
 Krlz-zpwxx kx sa navz zvz
 Nzka-krme bange
 zmrlz x nzokatr-krmq.

144 Lod, Krlzq Daamrlx

I Will Run To You

Lod, krlzq daamrlx
 Mz nz-aodu-krm ninge.
 X suti-drtwrnge, kx nivz lrmq lc
 Nakrlzbzle lr nrlc.

Navo-zvzbo bam
 Mz natqm kxtr.
 Nzvz-nqblq-krnge nimq
 Vzpxm mz Mqngrkxtr.
 Nzkrlz-krnge nim
Naopx-zvzpwz.
Namncx mz nzokatrkr nivz lrm.

Kqle-zvzq ninge
 Nzvz-nqblq-krnge nim.
 Vectrpq bam, leplz mz nrlc ka
 Mz zmatq ngr nivz lrm.

145 Lod, Mrlztikr Nim

Lord, We Love You

Mrlztikr nim. 3x
 Eu, mrlztikr nim.

Glqpxkr nim. 3x
 Eu, glqpxkr nim.

Awi-ngrbzkr bam. 3x
 Eu, awi-ngrbzkr bam.

146 Lod, Naangio-zvzx Nim

Tis My Desire

Lod, na-angio-zvzx nim,
 Mz nzamatq-zvz-krnge nim.
 Glqlzx nim mz nabznge atwrngr.
 Kxetu, myatitxtrx nim.
 X kabo bamq
 Nabznge mz z bqka.
 Nim txpwz Lod rnge.
 Lod, atutr me pnz' drtwrm
 mz nzlu-krnge.
 Vz-nqblq-zvzx nim.

147 Lod, Okatr NigrOpen Our Eyes, Lord, We Want To See
Jesus

Lod, okatr nigr. Namckr Jiszs.
 Nalolvzkr nide. Mrlztikr nide.
Lod, okatr nigr. Naxlrkr Jiszs.
 Lod, okatr nigr. Nakrlzkr Jiszs.

148 Lxngitiku Jiszs

Praise Him

Lxngitiku Jiszs.

Eu, mz nourla
 X mzlikc bea.
 Lxngitiku Jiszs,
 X mz nrlckxbq kz.

Mrlztiku...

Vz-nqblqku...

Wztrpzku mz

Awi-ngrbzku mz

149 Mrgc Wq
Mz Newz Kalvari

There Up On Mt. Calvary

Mrgc wq mz newz Kalvari
Jiszs nztqlvztr mz kros
Nzviplalr, nzbyatilir.
Jiszs kc tqabrtzne ye.

150 Myaszpxq Siu R Silvz

Lord, You Are, More Precious Than Silver

Myaszpxq siu r silvz,
Myaszpxq gol kxlulwx.
Myaszpxq trau kxetu-esz'ngr,
Trpnz'ngr kx myaszpxle nimq.

151 Naaoti Drtwrgu Jiszs

Turn Your Eyes Upon Jesus

Naaoti drtwrgu Jiszs.
Mz nzprlvzkr mzku le.
X dalr Heven naopx-angidr
Mz zyzlr ngr zluli rde.

152 Naelalz-zvz-ngrm

Drtwrmu

Pilipae 4:4

Rejoice In The Lord Always

Naelalz-zvz-ngrm drtwrmu
Kxetu Lod rgu.
Naelalz-zvz-ngrm drtwrmu.
Napi-mopwo kx,

Naelalz-ngrm drtwrmu,
Kxetu Lod rgu. **2x**

Naelalz-zvz-ngrm drtwrgu
Kxetu Lod rgu.
Naelalz-zvz-ngrm drtwrgu.
Bzkq drtwrgu vz.

Naelalz-ngrm drtwrmu,
Kxetu Lod rgu. **2x**

153 Naglqlzku Jiszs Wq

We Will Lift Jesus Higher

Naglqlzku Jiszs wq. **2x**
Zxplr sa tqycpxm mz drtqde. **2x**
Naglqlzku Jiszs wq. **2x**
Drtqde naamrlzle nzyagoxngr. **2x**
Naglqlzku Jiszs wq. **2x**

Zxplr sa tqycpxm mz drtqde.
Drtqde naamrlzle nzyagoxngr.
Gct mncku badr. Prins ngr nrwx.
Nide zyzlr ngr nrlc.
Naglqlzku Jiszs wq. **5x**

154 Naglqpxx Yawe

Sam 103:1

Bless The Lord, O My Soul

Naglqpxx Yawe, mz nabzngc.
Naglqpx-atwrmr-ngrne drtqde
kxtr.

155 Nalolvz Mrlx Gct Nigu

Spirit Song

Nalolvz Mrlx Gct nigu
Mz Mqngrkxtr x nivz.
Nakatrpel nzlungr mz nabzngu.
Naplzpxku alwx rgung
X Mqngrkxtr kxlu
Navzom bagu, naamrlzle nigu.
Jiszs, o Jiszs, nigr doa nemqng.
Jiszs, o Jiszs, vzm x mncm bagr.

156 Nangrbo Mz Gct Rnge

I Will Sing Unto The Lord

Nangrbo mz Gct rnge,
 Murde aovxiole,
 X rtco-ngrde prla lr Ijip.
 Nangrbo mz Gct rnge,
 Murde aovxiole,
 X rtco-ngrde prla lr Ijip.

Kx-e-tu, nim nzxplr-krnge
 Kxarlapxle *ni-nge*.
 Kx-e-tu, nim nzxplr-krnge
 Kxarlapxle *ninge*.

Eu, nide Gct, x naglqpxx nide,
 Gct r Trtenge, x na-glq-lz-x ni-
 de!
 Eu, Nide Gct, x naglqpxx nide,
 Gct r Trtenge, naglqlzx nide!

157 Nide Lod

He Is Lord

Nide Lod (nide Lod),
 Nide Lod (nide Lod).
 Tulz mou mz nzbz-krde, nide
 Lod.
 Da amrlx naatuong zpr, napipxlr
 Kx “Jiszs Kraes nide Lod.”
 Nim Lod (nim Lod),
 Nim Lod (nim Lod).
 Tulzq mz nzbz-krmq, nim Lod.
 Da amrlx naatuong zpr, napipxlr
 Kx “Jiszs Kraes, nim Lod.”

158 Nim Kxmatq!

The Lord Reigneth

Nim kxmatq! Nim kxmatq!
 Naglqlz-zvzngr drtqm!
 Yawe, nimq kx matq-esz'ngr!
 Tumilzq mz zmatq ngrm!

159 Nimla King Jiszs

All Hail King Jesus

Nimla King Jiszs,
 Gct kc tqmncm bagr.
 King r King, Lod rnge, Paglx
 nrlc.
 X naglqlz-zvzx nim,
 mz nabz nenge.
 X nzaolve-krgi nrlc navz zvz.

160 Nivz Lr Yawe**Kxetu-esz'ngr***Sam 89:1*

I Will Sing Of The Mercies

Nivz lr Yawe kxetu-esz'ngr.
 Nangi-zvz nabz nenge.
 Nivz lr Yawe kxetu-esz'ngr.
 Nivz lr Ya-we kxetu.
 Napix mz na-onge
 Nivz lrde, nivz lrde.
 Napibo mz na-onge
 Nivz lrde mz leplz amrlx.
 Nivz lr Yawe kxetu-esz'ngr.
 Nangi-zvz nabz nenge.
 Nivz lr Yawe kxetu-esz'ngr.
 Nivz lr Ya-we kxetu.

**161 Sutitx Drtwrnge
Nzkrlz-krnge Nim.**

The Greatest Thing In All My Life Is Knowing
You

Sutitx drtwrnge
nzkrlz-krnge nim. 2x
Namyaszpxle mzlika. 2x
Sutitx drtwrnge nzkrlz-krnge
nim.

Sutitx drtwrnge
nzmrlzti-krnge nim. 2x
Namyaszpxle mzlika. 2x
Sutitx drtwrnge
nzmrlzti-krnge nim.

Sutitx drtwrnge
nzwztr-krbo bam. 2x
Namyaszpxle mzlika. 2x
Sutitx drtwrnge nzwztr-krbo
bam.

Sutitx drtwrnge
nz-angio-krnge nim. 2x
Namyaszpxle mzlika. 2x
Sutitx drtwrnge
nz-angio-krnge nim.

162 Trpnz'ngr Dalr Heven

Whom Have I In Heaven But Thee

Trpnz'ngr dalr Heven x nrlc.
Kx suti-drtwrnge, a' nim Trte.
Kxmule-esz' nabznge nrggo,
A' nim nzxplr-krnge,
X namncme bange,
Tqvzpe, tqvzpe, eu.

163 Trte, Mrlztix Nim

Father, I Adore You

Trte, angiox nim.
Kabo bam nzlu-krnge.
Mrlztix nim. Eu.

Jiszs...

Mqngr...

164 Tulzamu X Ngramu

Stand Up And Sing

Tulzam x ngram,
nimu doa lr Saeon,
Kc murde Gct arlapxle nimu.
Tulzam x ngram,
nimu doa lr Saeon,
Kc murde Gct arlapxle nimu.

Lvxpxamu nabzmu
x abrtzbzmu bade,
Lvxpxamu
x abrtzbzmu bade,
Kc murde Gct arlapxle nimu.

165 Yawe Nim King,

Kxmyalz-esz'ngr

We Exalt Thee

Yawe, nim King, kxmyalz-
esz'ngr.
Myaszpxle god kzbleng amrlx.
Naglqlzkr nim, naglqlzkr nim,
Naglqlzkr nim, Lod rgr.

166 Yawe, Glqlzx Drtqm

Lord, I Lift Your Name On High

Jiszs, glqlzx drtqm.
Angrlvzx nqm kzrmq.
Abrtzlvzx nimq,
Nzarlapx-krm lr nrlc ka.

Vzome Heven nzelwangr lrpzki
rm.

Bzome mz kros nzxpengr
alwx rngeng.
Nzyrtmq kz mz gq,
a' sc tqvzdzpeq wq.
Jiszs, glqlzx drtqm.

167 Yawe, Kabo Bam

Unto Thee O Lord

Yawe kabo bam nabznge
atwrngr.

Mrlztix nim mz nabznge atwrngr.

Abrtrpo drtwrnge bam.
Bzkq drtqng naamya.
Bzkq enqmi rngeng
nzaovxiolr ninge.

Bzkq drtqde na-amya neke
Abrtrpzle drtwrde bamq.

Aelwa-**ngrm** bange
nqm q krm kxmrlz.
Alvztrp bange lrpzki kxtubq.

Lod, ipqpxq alwx rngengq,
X yc zvz mz drtwrmq ninge.

168 Yawe, Nivz Lrm Tqvzpe

The Steadfast Love Of The Lord Never
Ceases

Yawe, nivz lrmq tqvzpe, tqvzpe.
Lod, yc zvz mz drtwrmq nigr.
Mrlzti-zvzq nigr,
mz z bq kang kqlu.
Nivz lrm etu-esz'ngr.
Nivz lrmq etu.

169 Yawe, Rlr-ngrbzkrm Bam

We Bring The Sacrifice Of Praise

Yawe, rlr-ngrbzkrm bam
Blz ngr nzrglqlz-krgr.
Yawe, rlr-ngrbzkrm bam
Blz ngr nzrglqlz-krgr.

Yawe, kabzkrm bamq
Blz ngr nzawi-krbzkrm bam.
X nzawingr lng vzmi
Nzelalz-krm drtwrgr.

Nabz Negung

170 Aodu-zvzle Nigu

Sam 136
Psalm 136

1-2 Aodu-zvzle nigu
Yawe kx mrlzvxi.
Myaszlzle gct kzbleng.
Aodu-zvzle nigu.
3 Aodu-zvzle nigu.
X glqpxku Kxetu
R kxnzeturung amrlx.
Aodu-zvzle nigu.

4-5 Aodu-zvzle nigu.
Wz-ngrde rlx kxmatq,
X bongavz mz nzkrlz-krde.
Aodu-zvzle nigu.
6 Aodu-zvzle nigu.
Wznedz-ngrmle drtc'
Meboongr prla.
Aodu-zvzle nigu.

7-8 Aodu-zvzle nigu.
X wz-ngrde nepi.
Nayzlr mz nrckxngrlx.
Aodu-zvzle nigu.
9 Aodu-zvzle nigu.
Wz-ngrde temz x vring
Nayzlrng mz nrckxbq.
Aodu-zvzle nigu.

10 Aodu-zvzle nigu.
Nibqtile enqmi rgung,
X doa ayrrngrng.
Aodu-zvzle nigu.
11 Aodu-zvzle nigu.
Rkamilmle nigu
Mz mzlr lr Ijip.
Aodu-zvzle nigu.

12-13a Aodu-zvzle nigu.
Mz zmatq rde kxxplr,
Akipxle Prlakxpc.
Aodu-zvzle nigu.
13b-14 Aodu-zvzle nigu.
X mailzkile nigu,
Lepz nedeng mz nztic.
Aodu-zvzle nigu.

15 Aodu-zvzle nigu.
A' rto-ngrde prla
King badr ami nede.
Aodu-zvzle nigu.
16 Aodu-zvzle nigu.
X mailztrle nigu
Lepz nedeng lzke.
Aodu-zvzle nigu.

17-18 Aodu-zvzle nigu.
Aovxiole kxnzeturng.
Nibqle king kxnzexplng.
Aodu-zvzle nigu.
19 Aodu-zvzle nigu.
Aovxiole King Sihon.
Nide king ngr Amctq.
Aodu-zvzle nigu.

20 Aodu-zvzle nigu.
Nibq-kzle King Cg.
Nide king ngr Basan.
Aodu-zvzle nigu.
21-22 Aodu-zvzle nigu.
Aprcmle drtc' nyz'dr
Bagu, kxnzvw nedeng.
Aodu-zvzle nigu.

23 Aodu-zvzle nigu.
Trmrbrtru mz drtwrde
Nzkxpu-krgu amrlx.
Aodu-zvzle nigu.
24 Aodu-zvzle nigu.
Arlapxle nigu mz
Mq enqmi rgung.
Aodu-zvzle nigu.

25 Aodu-zvzle nigu.
Rkabz dakxnzng badr
Da kxnzung amrlx.
Aodu-zvzle nigu.
26 Aodu-zvzle nigu.
Glqlzku Gct kc Heven,
X awi-ngrbzku bade.
Aodu-zvzle nigu.

171 Get Kxrpax Nrlc

Gct kxrpax nrlc,
 Trkr kxrwngr x.
 A' wz-ngrde da amrlx.
 Gct kxrpax nrlc.

172 Glqlzkr Glqlzkr Nim

Glqlzkr glqlzkr nim,
 Gct rgr kx myaszlzle
 Da amrlx.
 Glqlzkr glqlzkr nim x.

173 Lepukxtr

Lepukxtr
 Tzngrom mz bongavz.
 Glqlzam lrmqnge mz zluli,
 Lepukxtr.

174 Naglqpxku Yawe!*Sam 134*

Let Us Praise Yahweh

Naglqpxku Yawe
 Nigu kxnzww nedeng.
 Makxtrdau nyz'de,
 Naglqpxku Yawe!

Naangio-zvzku Yawe
 Mz nrlckxbq e.
 Glalzku mqu Mrgc Tqtr.
 Naangio-zvzku Yawe!

Naamlz Yawe nimu
 Mz nzmnc-krde
 Mzteadau nyz'de,
 Naamlz Yawe nimu!

Nide kc twz-ngrde nrlc,
 Bongavz x drtc',
 X daamlx mz nrlc.
 Nide kc twz-ngrde nrlc.

175 Naglqpxku Yawe*Sam 41:13*

Naglqpxku Yawe,
 Kc tqngi Gct r lr Jiu.
 Mzlika x tqyc tqyc,
 Naglqpxku Yawe.

176 Ngrgzpe Nzsrpwale

Ngrgzpe nzsrpwale.
 O-ngalrde lrmqnge.
 Kc tqwxbom mz tron.
 Ngrgzpe nzsrpwale.

177 Nzrglqlz-zvzngr Yawe*Sam 148*

1-2 Glqlz-zvzamu Yawe,
 Nimu lr Heven amrlx.
 Nimu enjrl nedeng,
 Glqlz-zvzamu Yawe.

3 Glqlz-zvzamu Yawe,
 Nepi ncdt temz.
 X nimu vri amrlx,
 Glqlz-zvzamu Yawe.

4 Glqlz-zvzamu nide,
 Bongavzng amrlx.
 X lue kcng tzvoong elr,
 Glqlz-zvzamu nide.

5 Glqlz-zvzamu drtqde.
Nide kc tqwz-ngrde nimu,
Mz natq kx kapxle.
Glqlz-zvzamu drtqde.

6 Natqde tqyc tqyc.
Yrlqti-lxblrbzle
Me namnc-alo-ngrnamu.
Natqde tqyc tqyc.

7 Glqlz-zvzamu Yawe,
Nimu nc x mwepwz
Ngr prla x meboongrng,
Glqlz-zvzamu Yawe.

8 Vz-nqblqamu natqde,
Bzlrpc x muli aes,
Dcbz, nenq x tewa,
Vz-nqblqamu natqde.

9 Glqlz-zvzamu Yawe,
Newz x nra amrlx.
Nimu nounc ngr peto,
Glqlz-zvzamu Yawe.

10 Glqlz-zvzamu nide,
Animol x utc amrlx.
X nimu kx nznglaneng,
Glqlz-zvzamu nide.

11 Naglqlz-kzku Yawe,
Nigu lr nrlc amrlx.
Kxnzetung x kxnzrmailzng,
Naglqlz-kzku Yawe.

12 Naglqlz-kzku nide,
Nigu obla x olvi.
Doa x letzlvzng,
Naglqlz-kzku nide.

13 Naglqlzku drtqde,
Nigu amrlx ngrgu.
Drtqde myatxlz-esz'ngr.
Naglqlzku drtqde.

Nzmatq-esz'ngr-krde
Myaszlzle drtc',
X bongavz kz.
Nzmatq-esz'ngr-krde!

14 Naglqlz-zvzku Yawe,
Nigu lr Israel nedeng.
Axplr x aodule nigu,
Naglqlz-zvzku Yawe.

178 Trlipu E Vzo Mz Dcpwe

Trlipu e vzo mz dcpwe,
Gct e ayo prla.
Me vzkile tzmwengr ncblo,
Trlipu e vzo mz dcpwe.

179 Ycmnpxme Mz Zbo

Ycmnpxme mz zbo
Natqm yrpu brlrmei x.
Tzrnrcr lr Israel,
Ycmnpxme mz zbo e.

11 Nabz Ngr Nzamqngitr- lzbq-mou-ngrpwz

180 Aolve-zvzq Sip Nemqng

Loving Shepherd Of Your Sheep

Aolve-zvzq sip nemqng,
X ninge neisip nemq.
Jiszs, trtxpnz'ngr kx
Navecpxmlle ninge mz mqm.

Nim Kxarlapx rgr,
Bzq murde nalukr.
Nztulvztr mqm mz kros,
X mqm amrlzle nigr.

Nagqlz-zvzx nim,
Nalxngitix nimq,
Dakc tzwai lr Heven,
Mz nzabrtz-zlwz-krnge.

Mnc-aepztr-zvzm bange,
Murde naxlrx natqm.
Bzkq taox mz alwx,
A' navz-nqblqx nim.

Na-ozlix nzti rm
Mz nzmnc-krnge mrga.
Oliqtix Heven murde
Nakrlz-angidrx nim.

181 Gct, Kam Bagr Zmatq

God Gives His People Strength

Gct, kam bagr zmatq,
Kxnlxngitilr nim.
Murde okatr-zvzq
Kxanzwztr-nrbalqbnzng bamq.
Gct, kam bagr zmatq.

Brti drtwrgr nim
Kx sa naangidatiq
Nzrkrka'-krgrng.
Aveati-zvzq kxnzaleng alwx.
Brti drtwrgr nim.

Gct, kam bagr nivz,
Mz nabzgr atwrngr.
Namrlztikr nim
Kc tqmrlztipe-kaile nigr.
Gct, kam bagr nivz.

Gct, kam bagr nrwx,
Mz nzvzkr drtwrgr,
X nzngrgokr nabzgr.
Murde namnc-angidrtx-moukr.
Gct, kam bagr nrwx.

182 Gct, Kxarlapx Rnge

My Faith Looks Up To Thee

Gct, kxarlapx rnge,
Neisip ngr Kalvari,
Mnc-xglex nim!
Gct, krka'ngrne kx,
ipqpx alwx rnge,
X drtqngc trmyau. Ninge doa
nem.

Apqtr drtwrnge
mz zmrlz ngrmq kx
Myalz-esz'ngr!
Murde bz-ngrn ninge,
navz-nqblqx nim
X namrlztix nim, mz nabzngc!

Lod, mz nzkqlukr
nzkxpu-krngengq,
Mailz ninge!
Okatr nabzngc tnadwaszpewxu
Nzvz-nqblq-krnge, nqm q krmq.

Mzlikc nabz-ngrne,
katxpx zmw'lr
Mz nabzngc.
Murde naabrtrpo,
drtwrnge bamq kx,
Vzmi ninge Heven, mz nivz lrm.

183 Gct, Nivz Lrm

Myapx-esz'ngr

Love Divine, All Loves Excelling

Gct, nivz lrm myapx-esz'ngr
Mz nzvzo-krmle mz nrlc.
Namnc-zvz mz nabzgr
Mz nzokatr-krde nigr.
Jiszs yc mz drtwrn nigr.
Aodu-zvzq leplz nemqng.
Arlapx nigr mz alwx,
Murde namnc-zpwxkr.

Jiszs, yzlu-moup mz nrlc
Mz nznngini-krm King Kxetu.
Vzm mz nzmnc-alo-krmq
Mz Makxtrdau kxmna.
Murde naangio-zvzkr nim!
Naglqlz-zvzkr nimq!
X naangrlvz-zlwzkr nim!
Dakc tzwai enjrl nemqng.

Alqngi nigr lr makxtr,
Natubqzkr mz mzp.
Arlapx-atwrngr nigr
Mz nzmrlzkr zmatq ngrm.
Tekqtr-ebir-ngrbz nabzgr
Murde namnc-zpwxkr Heven,
Mz nzavzo-lzbq-krbzkr bam
Mz nzglqlz-alo-krgr nim!

184 Glqlz Kros Ngrm

Take Up Your Cross

“Glqlz kros ngrm,” rpi Jiszs,
“Mz nznngini-krm doa nenge.
Yrlqtxo da kx vecole nim
Mz nzyz-nqblq-krm ninge.”

“Glqlz kros ngrm, doa nenge.
Navqti drtqm da lcng li:
Nzpxtxpxkr leplz nim
X nzatrkatingr nimq.”

“Glqlz kros ngrm, kxmule-esz'
E-tq-zlwz mz drtqm,
X bzq mz nzrlxngitingr,
Mz nzyz-nqblq-krm ninge.”

“Glqlz kros ngrm, zbz bzkq
Mwx'lrtiq nzmrl-krde.
Murde natubo mz nibrm,
Mz zmatq x nzxplnrg.

“Glqlz kros ngrm, zbz bzkq
Drtqm mya e glqlz-lzbq.
Murde bz-o-ngrmc mz kros
Mz nzarlapx-krmge nimq.”

“Glqlz kros ngrm. Zmatq ngrde
Namailz-zvzle nimq
Mz nzaovxio-krm nzbzng,
Mz nzprtr-krmq Heven.”

“Glqlz kros ngrm. Zbz bzkq
Yrlqo-mouq mz nrlc ka.
Nide txpwz kx glqle kros
Kx natwzle kraon ngr Heven.”

185 Jiszs, Kabo Bam

Da Amrlx,

I Surrender All

Jiszs, kabo bam da amrlx,
Ka-nrbalqbo bamq.
Abrtrpo drtwrnge bam
X namnc-zvzme bange.

Da amrlx, Lod! Da amrlx, Lod!
Nakabo bam, Kxarlapx,
Da amrlx, Lod!

Jiszs, kabo bam da amrlx,
Avzo-lzbqbo bam.
Esablqtix dalr nrlc.
Jiszs, naaolvzq ninge.

Jiszs, kabo bam da amrlx.
Nangi ninge doa nem.
Nangi batrp Mqngrkxtr
Kx da zpwxtx nim Lod rnge.

Jiszs, kabo bam da amrlx,
Nabznge atwrngr, Lod.
Kam nivz x zmatq bange,
Amrnabz nabznge.

186 Jiszs, Nawztr-zvzbo Bam

O Jesus, I Have Promised

Lod, nawztr-zvzbo bam
Nakrlzbzle nzbz-krnge.
A' mnc-aepztrp bange
Mz nzokatr-krm ninge.
Trpnz'ngr nzmwx'lr-krnge
Mz mzli r vea.
Trpnz'ngr nzvz-rbr-krnge,
Nzmu namailzq ninge.

Naxgni-zvzbo nimq
Murde mz nrlc ka
Mc-ngrne da kxkqlu
Kx prlvz zvz mzke'.
Enqmi rngeng amrlx
Nztu-ngalelvzlr ninge.
Lolvz-amqngi ninge
Murde bzkq alex alwx.

Lod, ycmnem mz nabznge,
Murde naesakiq
Nzale-krnge da kxtrka,
A' naalex da kxmrlz.
Bzkq rlr-ngrme bange
Me pnz' txpwz drtwrnge,
A' naxlr-zvzx
Natqm mz nabznge.

Jiszs, rpi-zvzq kx
Doa nemqng amrlx
Namncamu badr Heven.
X ninge kz doa nemq.
Jiszs, okatr ninge
Mz zmrlz ngrm kxmyalz
Mz nzvz-nqblq-krnge
Me pnz' txpwz drtwrmq.

Naozlix nnti nyz'm
Mz nzmnc-krnge mz nrlc
Murde nim nou nzxplrngr
Kx tum mz nibrnge.
Okatr-zvz ninge
Nakrlzbzle nzbzngr.
X vzmi ninge Heven
Murde nim Kxarlapx rnge.

187 Kxmule-esz' Nabznge

My Spirit Longs For Thee

Kxmule-esz' nabznge
Trtakitrdeu nim,
A' suti drtwrnge kx
Namncq mz nabznge.

Namncq mz nabznge
Murde trpnz'ngr nrwx
Mz nabznge a' ngi
Nrx kx kame bange.

Nrwx kx kame bange,
Trnamcu mz nrlc.
Nrwx kx vzpxm bam
Ngi nrwx angidr.

X nrwx angidr
Apqtrple drtwrnge.
X krka'ngrne kx
Kam nrwx ngrm bange!

188 Lod, Aolve X Mailz Ninge

Be You My Guardian & My Guide

Lod, aolve x mailz ninge,
X xlrn natqnge.
Bzkq rlrpx-ngrnq ninge
Nztao-krnge mz alwx.

Nzatalzngrng kxnzkqlung
Yc-zvzmqng bange.
Mevalu, arlapxbz ninge
Mz zmatq ngr Setzn.

Kx-mu-le-esz' da kxkqlu
Nzprlvz z vz mzke',
Bzkq nzavz-rbrlr ninge,
A' nabznge natr.

Mzlike Setzn vzm bange
X nabznge ngrgo,
A' nakrka'-z vz-ngrne
Nzokatr-krm ninge.

189 Lod, Navz-nqblqx Nim

Just A Closer Walk With Thee

Lod, nabznge ngrgobe,
A' nim kx xplr-esz'ngr.
Navz-nqblq-zvzx nim
X bzkq ale-zvzx alwx.

Lod, navz-nqblqx nim,
Mz nabznge atwrngr.
Na-mnc-aepztrpo bam.
Lod, naokatr-zvzq ninge.

Lod, nzmnc-krnge mrga,
Trpnz'ngr kx obqm bange,
X kx mrlztile ninge,
A' nim txpwz mz nivz lrmq.

Lod, mzlike nabz-ngrne,
Rlxtibo bamq kx,
Namailzq ninge ma nyz'm,
Mz nzlungr kxmna Heven.

190 Lod, Rlrpx-lzbqbo Bam

Take My Life

Lod, rlrpx-lzbqbo bam,
Mz nztekqtr-krmq ninge.
Nqm qkrnge naglqpxle nim,
Navz-nqblqx me pnz' drtwrm.
Okatrp mqnge nzale-krdr,
Da kxaelwapxle nivz lrm.
X nanyenge nzvo-krdr,
Mz nzwztr-krbzlr bam.

Lod, okatrp nzngr-krnge,
Nabz ngr nzrglqpxngr nim.
X nacnge napipxbzle,
Nrpakxmrlz badr leplz.
Lod, dztungeng amrlx,
Kabo bamq mz nzwz-krm.
X okatrp narng kx,
Nzaoti zvx drtwrnge nim.

Lod, nzsutikr drtwrnge,
Navz-nqblqle me pnz' drtwrm.
X nabznge rlrpx-lzbq
Mz nzmailz-zvz-krm ninge.
X okatrp nivz lrnge,
Mz nzaetunepx-krngele.
X nangi ninge doa nem,
Mz nzlu-zvz-krnge Heven.

191 Ma Navz-nqblqku Gct

Trust And Obey

Ma navz-nqblqku Gct
X me pnz' drtwrde,
Kamle bagu zyzlr ngrde.
Ma naaleku nate,
Mnc-zvzmq bagu,
X neke lxngitile nide.

Trp-moungr nqm,
Kx namnc-zpwx-ngrgu
Badr Kx-e-tu Jiszs,
A' nalxngitiku.

Da kx trka amrlx,
Sa namrbr ani,
Mzli kx okatrngrde nigu.
Da kx mw'lr~~rt~~iku,
Trnayc-zvzu,
Nzmu nalxngitiku nide.

Nzyrmi-krgu amrlx,
Nzvzkr drtwrgu,
Ayzlumle mz da kxmrlz.
Nzyckr drtwrgu,
Naamrlz-zvzle,
Nzmu nalxngitiku nide.

Narlr-lzbqzkzku
Mz nzkrz-krgu
Nivz lr Kxarlapxle nigu.
Murde da kxmrlzting,
Nakabzle badr
Neke nzlxngitilr nide.
X naabrtz-ngrgu
Nzmnc-krgu badr
X nzwztr-krbzku bade.
Vz-nqblq-zvzku
Natqde amrlx,
Murde lxngiti-zpwxku nide.

192 Nabznge, Nalalztq

Hark, My Soul! It Is The Lord.

Nabznge, nalalztq
Murde naxlrx natq Lod.
Rpi-zvz Jiszs kx,
“?Mrlzti-angidrdq ninge?”
“Murde arlapxepex nim.
Amrlx zyagox ngrm.
X mzli kc tqvz-rbr-ngrn
Atubqtix nimq.

“Kxmule-esz' nivz lr
Lae doa nzesaking,
A' nivz lrnge etu.
Yc-zvz mz drtwrnge nim.

“Nivz lrnge tresakiu.
Nivz lrnge myalz-esz'ngr.
Nivz lrnge etu-esz'ngr.
Nivz lrnge tqyc tqyc.

“Doa, mzli tnaboio
Namnc-lxblrki Heven.
A' rpi-mopwo bam kx,
“?Mrlzti-angidrdq ninge?” ”

Kxetu Lod, kxmule-esz'
Nivz lrnge topwz zlwz,
X nabznge ngrgobe,
A' mrlztix nimq.

Lod, okatr ninge kx
Nivz lrnge naetu,
Murde namrlztix nim
Myaszpxle mzbqka.

193 Namncx Naapux
Doa Ne Gct

I Want To Walk As A Child Of The Light

Namncx naapux doa ne Gct.
Navz-nqblqx Jiszs.
Murde nabznge natubq-esz'ngr,
Dakc tqwai Kraes Jiszs.

Mz nide trtxpnz'ngr nzlo.
Mz nide nrlckxbq apule ngrlx.
Jiszs lc nide zyzlr ngr nrlc,
Pna'milxtile nabznge.

X namcx zluli r Gct.
Naobqtix Jiszs.
Zyzlr ngrde nayzlrn bange,
Nzaopxngr lrpzki r Jiszs.

Na-aenzlix nyzylu-krm Kraes,
Namnc-zvztrpo mz Jiszs.
Murde mrnyz'nge ycpe Heven,
X nabrtzlvz-x Jiszs.

194 Navz-nqblqku Jiszs,
Nigu Ami Nede

Stand Up, Stand Up For Jesus

Navz-nqblqku Jiszs, nigu ami
nede.

Murde drtq Jiszs Kraes,
bzkq amyabzku.

Mailz-zvzle nigu,
mz nzaovxio-krqu,

Murde Mevalu rgu,
mcpx-pnz' Gct rgu.

Navz-nqblqku Jiszs,
kc tqkqlele nigu,

Naptrku mz vea lrde mz zbqka.
Kxmule-esz' da kx prtz,

a' drtwrgu napq.

Natu-amqngi-zvzku,
nigu ami nede.

Navz-nqblqku Jiszs,
murde xplr-esz'ngr.

Bzkq brti drtwrgu, nigu esz'-
krqu.

A' na-aoti drtwrgu, da kx
alvztrple,

Mz nzvz-nqblq-krqu
me suzi drtwrde.

Navz-nqblqku Jiszs,
a' bzkq esamgu.

Murde nzlungr kxboi,
vzpxm mz nzaovxio-krqu.

X naaxvctr-lxblrku mz zluli rde,

Mz nzaolve-krqu badr,
tqvzpe, tqvzpe.

195 Neipz' Kx Nabzdr Lqngi

Blest Are The Pure In Heart

Neipz' kx nabzdr lqngi,
Murde sa nakrlzlr Gct.
X nayrplapxng mz nzkrlzkr
Jiszs,
X Kraes namnc mz nabzdr.

Jiszs rlaszmle Heven,
Mz nzmnc-krde mz nrlc.
Kaomle nzlungr x nrwx bagu.
King rgu mailzle nigu.

Aelwapx-lzbq-zvzng
Mz doa kx avzo-lzbq.
Nabz kxlqngipx ngi ma nyz'
Kxetu
X tron kx wxbuo-ngrmle.

“Kx-e-tu, krka'bzkr bam,
Kx namnc-zvzme bagr.
Nabzgr navzo-lzbq x nalqngipx
X namnc-zvzq elr.”

Kzrzs

**196 Lod, Atutr Zvz
Me Pnz' Drtwrn**

Have Thine Own Way, Lord

Lod, atutr zvz, me pnz' drtwrn.
Nim Kxrpalz. Wz-ngrn ninge.
Kxetu mge, atr ninge.
Atutr zvz, me pnz' drtwrn.

197 Mz Zmatq Ngr Kraes

Pilipae 4:13

He Gives Me Strength

Mz zmatq ngr Kraes,
Mz zmatq ngr Kraes,
Krlzx nzalengr da amrlx
Mz zmatq ngr Kraes.

Mz nzxplrkr Kraes,
Mz nzxplrkr Kraes,
Krlzx nzalengr da amrlx
Mz nzxplrkr Kraes.

198 Gct, Tekqtrpz Nabzng

Sam 51:10-12

Create In Me A Clean Heart

Gct, tekqtrpz nabzng. Natubqx
Mz nzvz-nqblq-krnge nim.
Gct, tekqtrpz nabzng. Natubqx
Mz nzvz-nqblq-krnge nim.
Bzkq maszlrpx-ngrn ninge
mz nzmncr-krbo bam.
Bzkq katxpxq nzokatrkr
Mqngm.
Aelalz-ngrm drtwrnge,
Mz nzarlax-krm ninge.
Nalxngiti-zvzx nimq.

199 Trvz-nqblqpewxu Alwx

Gal 2:20

It's No Longer I That Liveth

Trvz-nqblqpewxu alwx,
A' vz-nqblqx Jiszs.
Murde nide Mqngkxtr
Kc tqlupxmq bange.
Lupxm! Lupxm!
Jiszs lupxmq bange.
Trvz-nqblqpewxu alwx,
A' vz-nqblqx Jiszs.

12 Nabz Neng Doa Kxnztopwzng

Kzrzs

200 Gct Rgne Etu

My God Is So Big

Gct rnge etu kx xplr-esz'ngr,
King kx aolvele da amrlx. 2x
Newz nyz'deng, lue nyz'deng,
X nyz'de bongavz kz. 2x
Gct rnge etu kx xplr-esz'ngr,
King kx aolvele da amrlx. 2x Eu!

201 Mrlzti Jiszs Doa Kxnztopwzng

Jesus, He Loves The Little Children

Mrlzti Jiszs doa kxnztopwzng,
Doa kxnztopwzng,
Doa kxnztopwzng,
Mrlzti Jiszs doa kxnztopwzng,
Dazpwtx! Dazpwtx!
Dazpwtx!

Trkati Setzn doa kxnztopwzng,
Doa kxnztopwzng,
Doa kxnztopwzng,
Trkati Setzn doa kxnztopwzng,
Dazpwtx! Dazpwtx!
Dazpwtx!

Jiszs aovxiole Setzn,
Aovxiole Setzn, aovxiole Setzn.
Jiszs aovxiole Setzn,
Dazpwtx! Dazpwtx!
Dazpwtx!

202 Mrlzti Jiszs Doa Kxstopwz X Ninge

Jesus Loves The Little Ones Like Me

Mrlzti Jiszs doa kxstopwz x
ninge,
Mrlzti Jiszs doa kxstopwz x
ninge.
Nigr doa nedeng
Wxbuom mz nanycde.
Mrlzti Jiszs doa kxstopwz x
ninge.

203 Nigu Amrlx Neidu Kxesz'

We Are One Big Happy Family

Nigu amrlx neidu kxesz',
Neidu lr Trte, neidu lr Trte.
Nigu amrlx neidu kxesz',
Neidu lr Trte.

Nide inwenge (ilenge),
Nide mzlenge (mzlwenge).
Trtegu kc Heven mrlztile nigu.

204 Nimu Doa, Naglqlzamu Jiszs

Praise Him, Praise Him, All Ye Little Children

Nimu doa, naglqlzamu Jiszs,
Nide nivz. Eu, nivz.
X namrlzti-kzamu Jiszs,
Nide nivz. Eu, nivz.

Nimu doa, naawibzmu bade,
Nide nivz. Eu, nivz.

Nimu doa, naamatqamu Jiszs,
Nide nivz. Eu, nivz.

205 Noa X Lcsu

The Flood

Tulzamu x ngramu,
X glqpxamu Yawe Gct. **2x**
Tulzamu x glqpxamu Yawe.
Lalztqamu doa nedeng.

Yawe mcpele
Nzalekr leplz alwx,
Rpile kx, “Namilxpex nidr.”
Lalztqamu doa nedeng.

Noa vz-nqblqle
Nqmq kr Lod rde.
Rpibz Gct kx,
“Noa, tubq-esz'ngrn.”
Lalztqamu doa nedeng.

Rpibz Gct bade
Kx, “Wz lcsu kxetu,
Nawz-ngrn mz nounc saeprtzsi.”
Lalztqamu doa nedeng.

Kzrs

Rpibzle bade kx,
“Sa naatwzlrnc nubla.
Otibz animol kang kqlu.”
Lalztqamu doa nedeng.

Mz nzmukrde lcde,
Wz-ngrde lcsu lc.
Vz-nqblqle da kx pibz Gct bade.
Lalztqamu doa nedeng.

Animol kang kqlu
Nalinetrng mz lcsu.
Kio, poi, trputi, x *trmzlcgo*.
Lalztqamu doa nedeng.

Kzrs

Tewa dc zvv
Mz nrlckxbq x ngrlx,
Krlzbzle zbq nzpnu'pwx.
Lalztqamu doa nedeng.

Mz zbq kratrtqki-
Esz' Nzpnu'-nzlvqn,
Nenq x nepi **amingrlr** drtc'.
Lalztqamu doa nedeng.

Tqyrlq-ngrbz Gct
Nrpc' mz bongavz.
Trpengr nzaboo-mou-**krnge** nrlc.
Lalztqamu doa nedeng.

Kzrs

206 Yawe Mrlz

God Is So Good

Yawe mrlz, **3x**

mrlztile nigu

Jiszs bzom mz kros,

Zbz tulz moup, ...

Arlapxle nigu,...

Ipqle nigu,...

Drtqgu opxpe,...

Mrlztiku nide...

Glqpxku nide...

Yawe mrlz...

**B. Nabz kx Nangrngr
Mz Zbq Kxetu**

**13 Nabz Ngr Nzvz-ngrm
(Advent)**

207 Kraes Tumilzm Zmatq

Your Kingdom Come, O God

Kraes, tumilzm zmatq

Mz nzaolve-krm nrlc.

X aovxio zvz

Zmatq ngr alwx.

Aenzlikr mzli r

Nrwx x nivz lrm.

Murde nivz mz nrlc

Naapu-kzle Heven.

X suti-drtwrgr

Kx naesakiq vea,

X na-odati-kzq

Ztrka amrlx.

Yzlu-moup mzlika

Mz zmatq ngrmq,

Mz nz-amrna-krm

Nabzgr kx talvzo.

Nzrtnga-ngrdr nim,

X nzatrkatilr

Nigr doa nemqng,

Nrgongr nabzgr.

Kxnmnc-mrbrngq

Nzmnbcng mz nzlo.

Nimq Paglxnrlc,

Pna'milxti nidr.

208 Kxanzawz Neng Gct

You Servants Of The Lord

Kxanzawz neng Gct,

Naaenzliku nide.

Nalalztq-ngrbzku nate,

Mz nzklqle-krde nigu.

Naoliqti-lz**u**q-zvzku

Mz nzvz-krmle bagu.

Nabzgu nalqngi zvz,

Nide tr-esz'ngr.

Nate nide sele:

“Mzli trnzboi-krde

Ninge kc tqyzlu-mopwc'.

Aenzliamu ninge.”

Nigu kcng tzoliqpeng

Naabrtz-zlwzku.

Murde naaelalzmgu

Drtwr Kxetu rgu.

Mz nzmu-krqu Heven,

Nabilvzle nigu

Mz nzamatq-krde nigu

Mz mz enjrl nedeng.

209 Lalztqamu Natq Enjrl!

Hark! A Herald Voice Is Calling

Lalztqamu natq enjrl!

Rpile kx, “Jiszs navzm.

Bzkq lolvzamu dalr nzlo,

Nipemu dalr zyzlr.”

Naayzlubzku natqdr

Mz nz-aolvz-krqu Kraes,

Kc tqngi nepi kx yzlr

Mz nzlo r nabzgu.

Nide Neisip kc tqaenzliku
Murde naipqle nigu.
Navz-anibzku bade,
Naplxpxku alwx rgung.

Mz nyzylukr-moupqle
Lr nrlc namwx'lr-zlwzng,
Nangi nide lrpalvc nyz'gu,
Kc tqvzomq Heven.

Gct Trte, x Gct Mrlxde,
X Gct Mqngkxtr kz,
Gqlz, amatq, x amrluekr
Nimu, tqvz, tqvzpe.

210 Mevzlu Rgr, Vz-anim Bagr!

O Come, O Come Immanuel

Mevalu rgr, vz-anim bagr,
Mz nz-arlax-krm leplz nemqng,
Nzmnc-krdr esz'-krdr
Krlzbzle nzvz-krme, Mrlx Gct.

Vzmq bagr,
Murde naaelalz-ngrm
Drtwrgr, nigr leplz nemqng.

Zyzlr rgr, vz-anim bagr,
Mz nz-apqtr-krme drtwrgr.
Aovxio nzlo x nzbzng
Mz nzpnamilxti-krmq nrlc.

Kx-a-krlz, vz-anim bagr,
Mz nz-alvztr-krmq nabzgr.
Murde navz-nqblq-zvzkr
Lrpzki rm, natqm x nqm qrm.

Aenzlikr nim! Vz-anim bagr,
Mz nz-atutr-krm me pnz' drtwrm.
Murde drtwrgr naesz'ti,
X leplz a-mr-lx namnc-zpwxng.

211 Mzlike Nayzlu-ngrm Jiszs

When The Roll Is Called Up Yonder

Mzlike nayzlu-ngrm Jiszs
trpu rde nayrni.
Mz nourla ngr zbq kxmna lc,
Kxnzrlxngiting amrlx
nayrlwr-lxblrng Heven.
Drtqngc nayc mz Buk r Nzlungr!

Drtqngc naycom Heven. **3x**
Drtqngc nayc mz Buk r Nzlungr!

Mzlike kxnbzpeng
na-atulz-moupq Jiszs,
Mz nzevctr-krdr mz nzlu-krde,
X mzlike lrmnyz'de
namncpe-ngdrdr badr,
Drtqngc nayc mz Buk r Nzlungr!

Nzwztr-krbzk bade
mzlike mz nrlc ka,
X nayapwxtipxku nivz lrde.
Murde mzlike navzm
mz nz-aolve-zvz-krde,
Drtqngc nayc mz Buk r Nzlungr!

212 Vz-anim, Mevalu Rgr

Come, Thou Long-Expected Jesus

Vz-anim, Mevalu rgr,
Mz nzarlapx-krm nigr.
Ipqpx alwx x zmw'lr
Murde namnctrbzk bam.
Nim nz-xplrkr leplz nemqng
Lr nrlc nzlxngitilr nim.
Drtqbrng a-mr-lx nz-aenzlilr
nim,
Kc tqaelalz-mle drtwrdr.

Do-a kxtpwz kc tqngi kz king,
Mzp nzmc mz nzarlapxngr.
Murde na-mailz-zvzq nabzgr
Mz nznngini-krgr leplz nem.
Mailz nigr mz Mqngrkxtr
Murde nakrlzbzkr Heven,
Mz nz-aolve-lxblr-krgr *badr*,
Mz nzwxbuo-krgr mz tron.

213 X Mcpeku Zluli R Nzvzkr Kxetu Rgu

Mine Eyes Have Seen The Glory

X mcpeku zluli r
nzvzkr Kxetu rgu.
Na-ayrplapxle leplz
kcng tzpx-ngrdr *nide*,
Mz nzodati-krde *nidr*
mz toki r vea *scde*.
Na-tq-de *tqvzpe*.

Glqzku zluli rde, glqzku zluli
rde.

Glqzku zluli rde Mevalu *tqvzpe*.

X leplz nedeng nzatulzlr
clta mz ma nyz'*de*,
Mz nzangio-krdr *nide* *tqvzpe*,

tqvzpe.
Mu-r-*de* najzsle leplz
mz nztubq-zlwz-krde,
Mz li rde *tqvzpe*.

X Kraes **Jiszs** vxule **trpu** kc
tqkqle-ngrde **nigu**.
Obqplxle nabz leplz
mz mzte kxtr **zvz**.
X navz-nqblqku **nide**
mz nzti rde **kxtubq**.
Gct rgu *tqvzpe*.

Mz nzlxngiti-krgr **Jiszs**
tekqtrle nabzgu.

Bz-ngrde leplz amrlx
mz nzatr-krde **nidr**.

Nalebzku nrpa **ngrde**
badr leplz amrlx.

Nr-**pa** lc **tqvzpe**.

X zluli rde namyasz-
pxle mz nourla.

Aelwa-lzbqbz **badr**
kx nzrtangrtilr *nide*.

X leplz amrlx **na-atuobzng**
zpr *bade*.

Lod rgu **tqvzpe**.

Nabz **Negung**

214 Bzkq Mwipeamu E

Bzkq mwipeamu e
Lwalzpemamu x.
Krlzpebzle mzli nyz' zyzlr.
Bzkq mwipeamu e.

215 Nabzm Oliqlrpx E

Nabzm oliqlrpx e
Natakitrde King.
Kc navzom mz Bongavz
Nabzm oliqlrpx.

216 Obqlz Mz Nzrnewz

Obqlz mz **nzrnewz**
Rngalx voupe.
Mz tqmwisxn nepi kxpztm,
Obqlz mz **nzrnewz**.

217 Tekqtramu Drtwrmu E

Tekqtramu drtwrmu e
Nzlo ycpe pipz.
Tqmwapulrpxngr zyzlr
Tekqtramu drtwrmu e.

218 Tzleem Nrpa

Tzleem nrpa
King ngr Bongavz.
Oliqti me namnc-ngrde ma
nyz'm,
Tzleem nrpa.

14 Nabz Ngr Krismas

219 Doa Kxtopwz Mzte Nzmc

A Little Child (Susani)

Doa kxtopwz mzte nzmc.
Eu. Eu. Vz-anim, vz-anim,
vz-anim.
X vzpxm mz tron nyz' Jiszs.
Mevalu rgu. Mevalu rgu.
Mz nz-arlapx-krde nigu.

X doa kc drtqde Jiszs.
Eu. Eu. Vz-anim, vz-anim,
vz-anim.
X lxedede drtqde Mxri.
Mevalu rgu. Mevalu rgu.
Jiszs, amqtrple drtwrgu.

Mzlike mz nrckxbq
Eu. Eu. Vz-anim, vz-anim,
vz-anim.
Zluli r vri yzlrpx.
Mevalu rgu. Mevalu rgu.
X enjrl nz-angrlyzlr Gct.

X king kcng tq nzyzbzng bade,
Eu. Eu. Vz-anim, vz-anim,
vz-anim.
Mz nzrka-krbzlr tolo,
Mevalu rgu. Mevalu rgu.
Gol x bqlrncninz kz.

Mzlike krka'ngrbzku
Eu. Eu. Vz-anim, vz-anim,
vz-anim.
Mz Yawe Gct kc esz'txu,
Mevalu rgu. Mevalu rgu.
Mz nz-okatr-krde nigu.

220 Doa Kxtr Mzte Nzmc

He Is Born, The Divine Infant

Doa kxtr mzte nzmc.
Abrtzlvzku itoto lc.
Nangr-lxblr-zvzku
Mz nz-angio-krge nide.

Nzrpi-pnz' propet kcng bqnc
Nrpa lc txlrku mzluka.
Jiszs Kraes mzte nzmc
Mz nz-arlapx-krde leplz.

Neke nalxngitile nide,
X brti kz drtwrde nide,
Rmctile nzlungr kxboi
Murde mrlzti Gct nide.

Jiszs, nim Kxetu kxmatq.
Jiszs, nim King kc tqmyalz.
Jiszs, nim Kxarlapx rgr.
X ka-lzbqbkzr bamq.

221 Itoto Jiszs Mzte Nzmc

Baby Jesus

Itoto Jiszs mzte nzmc
Ngi batrpz Mqngrkxtr
Atwzlr-ngrm Gct menrpa nedeng
Atwzlr-ngrbzle mz Mxri.

Nivz mzte nzmc mz nrlc.
Mevalu rgu kc esz'.
Nivz mzte nzmc mz nrlc.
Mevalu rgu, Jiszs.

Rkx aelwapx-lzbqngr
Ngi vri x nzvz-nqblq
Krlzbzle mzte Betleem
X sc tzmcepe me mnz-ngrde.

Nzrka prakinsens, gol x mrr
Mz nzabrtzlvzng nide
X mz nz-angiongr nide
Mz nzapusrng nide Bcnyr.

222 Itoto Nzamikam Bagu

Unto Us A Boy Is Born

Itoto nzmikam bagu,
Nide king r nrlc.
Kxetu r drtqbrng amrlx
Naokatrle nigu.

Amnzo Mxri mz ma nyz' kzu,
X animol lcngr amrlx
Trrbxpwzu badr nzglx-krdr
Nzmyalz-zlwz-krde.

King Erot mwX'Irtile
Nznginikr Jiszs King
R lr Jiu amrlx mz nrlc,
X yrlqle drtwr.

Trkrlzleu me mnc-ngrde.
X mz zngya' kx trka,
Nibqtile doa ncblo
Kcng tzmncng Betleem.

A' Gct Trte arlapxle
Lr manyz'de kxtr,
Mz nz-mailz-krde nidr
Mz drtqbr Ijip.

X narlr-kzpzku bade
Nzmailz-krde nigu,
Mz nivz lrde kc etu,
X mz Mrlxde Jiszs.

Kxrtwayz x kxrmnr-ngrbz,
Nim kx naangrlvzkr.
X natqgr naetu-zlwz
Nzmalq-kato-krgr.

223 Jiszs Mzpq Nzmc

Mz Zbq Ka

White Coral Bells

Jiszs, mzpq nzmc mz zbq ka.
Nim kc tqarlapxpele lr nrlc.
Nimq do-a kc tzangrlvz enjrl,
X kc tz-angio-zvz kx-nzakrlzng.

Nim Kx-etu x Mevalu rgr,
Lrpalvc rgr kc tqrlakitrkr.
Nim kx tubq x matq-esz'ngr,
Kxmrlz, kxtr, x kxmyalz-esz'ngr.

Sa naglqlz-zvzkr nim Heven,
Mz nz-angio-alo-krgr nimq.

Jiszs, mzpq nzmc mz zbq ka.
Awi mz nz-arlapx-krm lr nrlc.

224 King Kxtopwz Jiszs,

Mzte Nzmc

Away In A Manger

King kxtopwz Jiszs, mzte nzmcp

Ma nyz' animol mz nrlckxbq.

X vri r bongavz nzobqomqng

bade

King kxtopwz Jiszs

mwi-om mz nabr.

Kxmule-esz' animol nzyrning a'

King kxtopwz Jiszs trymineu.

Mrlztix nim Jiszs x krka'ngrne

Kx namncme bange, tqyc x tqyc.

Jiszs, rlxtibo bam, esotrpq bange,

Mz nzmrlzti-zvz-krmq ninge.

X aolve-angidr doa nemqng

amrlx,

X oliqtiq nigr nzmncngr Heven.

225 Kxnzaolveir Sipq Nedrng

While Shepherds Watched

Kxnzaolveir sipq nedrng,

Nzaolveng mz lozbq.

Zbz enjrl ne Gct vzom,

Pnamilxtiong zyzlr.

Rpibzle “Bzkq mw^xlramu,

Mz nzpwrkilvc-krmu,

Murde rtwzmc nzabrtzngr

Bamu x leplz amrlx.”

“Kxetu rmu Kraes Kxarlapx

Nzmika Betleem.

Vzpxm mz nqvi lr Devet,

X narmetiamu nide.”

“Itoto kc tqvzom Heven

Mncpe manyz' kzu.

Mwipe mz bokis ngr nabr,

Nzbxti dzlq lrpz.”

Mznibr natq enjrl lc,

Enjrl kqlu nzvzomqng.

X nzglqpxlr Gct Trte,

X nzrpibzlr kx,

Naglqpxku Gct kc Heven,

Nrwx ycbz mz leplz,

Kcng tqabrtzlvz Trte,

Ablzo-pnz' x trrsakiu.

226 Kzdz Mzli Kzdz kc Olvz

Once In Royal David's City

Kzdz mzli kzdz kc olvz

Drte Mxri kxmnckamelr.

Mikapxle itoto nede

Mz mztea Betleem.

Jiszs Kraes itoto kc,

Nelvq nyz'de da kx nzmutio kzu.

Nide Gct x Kxetu r da amrlx.

Vzom Heven mrga mz nrlc ka.

Kx-mule-esz' nide Gct angidr,

A' vz-om bagu, nigu leplz.

Kxarlapx mncpe mz nrlc,

Nide kc tqtr-esz'ngr.

X Jiszs bz-ngrde nigu

Namnc-zpwxku badr Gct.

X kamle bagu nztubq-krde,

Mz nzlxngiti-krdu nide.

Murde natubqbkzu

Mz mz Gct, Kxetu rgu.

Mz z**bc** kc tqrmwr-ngrmq,
Sc tqmc-ateku nide.
Murde itoto kc tqmrlztiku,
Nide Kxetu r Heven kc wq.
Mailzle nigu mz nrlc ka
Murde na-vz-nqblqku nide.

A' trnampeku nide
Betleem mz ma nyz' kzu.
Murde mnc-zvzpe Heven,
Mz nrlar Gct kxrtc.
Nakqku lrpz kxprki,
Naapuku vri r bongavz.

227 Leplz Amrlx Mz Nrlc Ka
From East To West

Leplz amrlx mz nrlc ka
Na-angrlyzlr itoto,
Kc tqmikapxbz Mxri.
Krlcde Jiszs, King rgu.
Gct kc tqwz-ngrde nrlc,
Vzm mz nzngini-krde leplz,
Murde naarlapxle nigu,
Kcng tz-ale-zvzng alwx.

Krlc me pnz' drtwr Yawe.
Mcpxle kxmncamelr
Mz nz-aelwapx-krbzle
Zmrlz ngrde kxmyalz.

Mxri a-vz o-lzbqzbz
Mz me pnz' drtwr Gct Trte.
X pwekilvc nzmncpekr
Mevalu rde mz nelzde.

Mevalu ayzo-lzbq kz
Mz nzmnz-krde mz ma nyz' kzu.
X kxrkam da kx nzmng
Yq-kzle neyr **lxede**.

Mzlilc tzngr-ngrbz enjrl
Badr kxnz-aolvengq sipq,
Jiszs, Kxaolve-angidr
Aelwapx-lzbqzbz badr.

Gct Trte, angiokr nimq,
Jiszs, awibzkr bamq,
Mqngrkxtr, glqlzkr nim,
Tqvzpe, tqvzpe. Eu.

228 Leplz Ne Kraes, Abrtzamu
Good Christian Men, Rejoice

Leplz ne Kraes abrtzamu
Mz nabzmu atwrnrngr.
Lalztq-ngrnamu nrpa, [Nrpa]
Kraes nzmika mz zbqka.
X mnzlpem mz nabr.
X nz-angio animol.

Kraes mzte nzmc. **2x**

Leplz ne Kraes abrtzamu
Mz nabzmu atwrnrngr.
Naabrtz-nztiqamu. [Nztiq]
Kraes nzmikapx-ngrde
Nzarlapx-krde nigu.
Le-plz naabrtz-zvzpe.

Mevalu nzmika. **2x**

Leplz ne Kraes abrtzamu
Mz nabzmu atwrnrngr.
Avzom Kraes nrwx bamu.
[Nrwx]
Kraes nzmikapx-ngrde
Katxpxle zmw'lr.
Na-amatqku nide.

Kxokatr vzpem. **2x**

229 Mz Nrlekbq, Lozbq Kxtr

Silent Night

Mz nrlekbq, lozbq kxtr,
 Nrwx x zyzlr kxetu
Nzngrelvzlr kxmckamelr
 Ncdr itoto nede kxtr.
 Nzmneng mz nrwx ngr Gct. 2x

Mz nrlekbq, lozbq kxtr,
 Kxnzaolveir sip nedrng,
 Nz-angioler itoto kc.
Nzrpilr kx, "Glqlzku Yawe.
 Mevalu mzte nzmc." 2x

Mz nrlekbq, lozbq kxtr,
 Mrlx Gct, nim zyzlr,
 Kc tqvzom mz nrle ka,
 Mz nz-arlax-krmq nigr,
Kxetu, mz nzrmengr mzp. 2x

230 Mz Zbqka Da Kx Nzkcipx

A Great And Mighty Wonder

Mz zbqka da kx nzkcipx
 Vz-opem mz nrle ka.
 Olvz kxmckamelr
 Mikale Mrlx Gct!

Napiku nabz lc! Napiku nabz lc!
 "Glqlzku Gct kc tqmyalz.
 Avzomle nrwx bagu."

Mrlx Gct mnchz bamu,
 Leplz kc tqngi Gct.
 Enjrl nzngr-ngrbzlr nabz
 Badr kxnzaolveng sip.

Mzlilc nz-angrlvzlr
 King rmu Kcetu,
 Nimu newz x prla
 Drtwrmu naelalzm!

Kxarlapx kc tqngi Kx-e-tu,
 Nide King kxtpwz.
 X leplz keng tqokatrle
Nzangioler nide.

Nide txpwz Gct angidr.
Naatubqtile da amrlx,
 Mz nzaolve-krde mz nrle,
 Tqyc tqyc. Eu.

231 Mzlikc Pnz' Mz Nrle Ka

It Came Upon The Midnight Clear

Mzlikc pnz' mz nrle ka,
 Nzng-ngrbz enjrl badr
 Leplz nrpa kxmrlz ngr Gct,
 Mz nzrpi-krbzlr kx,
 "Yawe kc tqngi King r Heven
 Ayzobzle nrwx bamu.
 Murde aodu-zvzle nimu."

Krlc Nrpa kxmrlz.

"Mz yiz kang kqlu nimu leplz
Vz zvz nzvz-rbr-krmu,
 X nzatrkati-lzbq-krmu,
 X nzale-krmu alwx.
 Rblxbz bamu nzxlr-krmu
 Nabz ngr niyz lr Gct.
 Mnc-lrpi x lalztqamu."
 Krlc Nrpa kxmrlz.

"Nimu amrlx kx nzyangrngang,
 Nimu kx nabzdr ngrgo,
 Nimu kx trnzrngi-scung da,
 X nimu kx drtwrdr vz,
 Nalxngitiamu Jiszs kc
Naapqtrpze drtwrmu
 Mz nz-arlax-krde nimu."
 Krlc Nrpa kxmrlz.

“X mzli trnaboi-zlwzpeu
Mevalu nayzlu-mouppq,
Mz nz-atutr-alo-krde
Nzaolve-krde mz nrlc.”
Mzliic leplz kcng nzbtri
Drtwrdr Kraes naabrtzpeng.
X naayzlubzlr natq enjrl,
“Krlc Nrpa kxmrlz.”

232 Mztea Kc Topwz Betleem

O Little Town Of Bethlehem

Mztea kc topwz Betleem,
yc-lrpi mz nrlckxbq.
Mzlike vri r bongavz,
tzvzng mz lrpzki rdr.
A' doa kc tqaenzliku,
mzlike pnz' bqnc,
Nide kc tqngi zyzlr,
mzlika mzte nzmc.

X nz-r-mikangr kxtr,
avzomle nrwx bagu.
Delc naglqpx-zyzku,
Yawe Gct, King rgu.
X enjrl nedeng amrlx,
nzyrlwr-lxblrngq
Mz nzmc-krdr Kxarlapx rgu,
kx mikapx Mxri.

Mz Jiszs Kraes, Gct nakamle,
nzungr kxboi bagu.
A' Gct trbatrpleu bagu,
nzmnc-krgu Heven.
Doa kx avz-o-lzbq,
x lxngitile Kraes,
Alwx ngrdeng nzipqpxpe,
x Kraes mnc mz nabzde.

Doa kxtr ngr Betleem,
vz-om bagr mzlika.
Ipq nigr, mnc mz nabzgr,
mz nzrmikangr kxmrna.
Enjrl nemqng nzipxmlr
Nrpakxmrlz bagr.
Vzmq x namncme bagr,
Mesaea Imanuel.

233 Natq Enjrl Nide Sele

Hark The Herald Angels Sing

Na-tq enjrl nide sele,
“Naglqpxku itoto King.
Avzole nrwx mz nrlc,
X Gct ipqle alwx.”
Na-elalz-ngrm drtwrgu,
Nangrlvzku badr enjrl,
Mz nz-rpi-krdu kx,
“Kraes mzte nzmc Betleem.”

Na-tq enjrl nide sele,
“Naglqpxku itoto King!”

Lr Heven nzglqlzlr nide,
Jiszs Kraes, kc tqngi Lod.
Mzlika vzbem mz nrlc,
Mikapx Mxri, lxede.
Gct mz nrkrdrdq leplz,
Aelwapx-lzbq-ngrm bagu.
Mrlx Leplz mncpem bagu,
Jiszs Merlakitrku.

Glqpxku Kxetu r Nrwx,
Murde tubq-esz'ngr.
Kamle bagu zyzlr ngrde,
X rmetiku nzlungr.
X nide a-vz-o-lzbq,
Murde naarlapxle nigu.
X atulz-mople nigu,
Mz nzrmikangr kxmRNA.

“Vzmq, Kxarlapx lr nrlc,
Mncpxmq mz nabzgr.
Nim kx mikapxpe Mxri,
Aovxiopeq Setzn.
Tekqtr nqm q kr Adam
Mz nqm q krm mz nabzgr.
Nim q kx vzom Heven,
Namnckr mz nivz lrm.

234 Nigu Kxnzrlxngiting

O Come All You Faithful

Nigu kxnzrlxngiting,
Navzku Betleem,
Mz nzmc-krqu King r enjrl ne
Gct.

X naabrtz-zvzku,
murde aovxiopele.

X naglqlzku Jiszs. 3x
Mevalu rgu.

Gct vzpxm mz Gct,
Zyzlr mz zyzlr.
Rlrpx-lzbqzbz mz nzmikapxkr
Mxri nide x nide Gct angidr.

Ngramu enjrl neng Gct
Mz nzabrtz-zlwzng.
Nimu lr Heven na-rpibzlr kx,
“Gct, glqlzkr nim
kc tqmyalz-esz'ngr.”

“Nimla, Lod Jiszs,
Mzp nzmc mz zbqka
Leplz a-mr-lx naglqlz-kzlr nim.
Nim natq Gct Trte,
vzome mz nrkrdrdq.”

235 Nigu Leplz, Namnc-zpwxng

God Rest You Merry, Gentlemen

Nigu leplz, namnc-zpwxku.
Bzkq drtwrgu vz.
Murde Jiszs, Kx-arlapx,
Kc mzte tzmC.
Ao-vxiole Drka' Setzn
Mz zmatq kc etu.

Drtwrgu naelalz-zlwzmq.
Naabrtzku.

Drtwrgu naelalz-zlwzmq.

Enjrl kxtr vzom mz Trte,
Nzle-krmle nrpa
Badr kx-nz-ao~~ly~~elr
Sipqng mz nardzng.
“Zbqka Mrlx Gct mzte
Nzmc Betleem.”

X rpibzle badr kx,
“Bzkq mwX'lramu!
Murde kxmncamelr
Mikapele itoto,
Kc naarlapxle leplz mz
Zmatq sc Setzn.”

Na-angrlvzku Yawe mz
Nivz lrde kxetu,
Mz nz-atwzlr-krmle
Mrlxde kc esz'txu,
Mz nzarlapx-krde nigu
Kcng tz-rlxngiting.

236 Nimu Enjrl Ne Gct Heven

Angels From The Lands Of Glory

Nimu enjrl ne Gct Heven,
Mcepeamu nzrwzng nrlc.
Mzlika nalepx-amu nrpa,
Kx-ar-lapx nzmikape.

Naglqlzku, naglqlzku!
King rgu nzmikape.

Nimu ncblo kx aolveamu
Sip nemung mz lozbq.
Mzlika Gct mncbz bamu,
Mz nzrmikangr itoto.

Nimu kxnalvztr leplz,
Rtangrtiamu doa kc,
Tqmcepeamu vri rde.
Nide kc tqaenzliamu.

Nimu kxnztrng ne Yawe,
Rlxtiamu Mesaea.
Sa napwrkilvc-ngrnamu Kraes,
Namnc mz Makxtrdau.

Kxmule-esz' nide itoto,
A' nangi King r nrlc.
Leplz sa navzmqng bade,
Mz nz-angiongr nide.

237 Nivz Vzom Mz Krismas

Love Came Down At Christmas

Nivz vzom mz Krismas.
Nivz kx lxngipx, nivz kx lq.
Nivz nzmika mz Krismas,
Vri, enjrl nzaelwapx-ngrdr rkx.

Angioku Mrlx Gct,
Nivz kxlu, nivz kxtr.
X angio-zvzku Jiszs.
?A' nike nangi rkx ngrgu?

Nivz nangi rkx ngrgu,
Mz nzaelwapx-zvz-krgru
Nz-mrlzti-krgru leplz
X nzmrlzti-krgru Gct.

Narlxtibzku nivz,
X narkabzku nivz bade,
Mz nzavz-o-lzbq-krgru
Mz nz-angio-krgru nide.

238 Nrpa Ayrnrngr

Lemq Enjrl Ne Gct

The First Nowell The Angels Did Say

Nrpa ayrnrngr lemq enjrl ne Gct
Badr lr na-rdzng mz nzaolve-krdr
Sipq nedrng mz nrlckxbq.
Nzrpibzlr badr nchlo lcong kx,

Nrpa kxmrlz, Nrpa kxmrlz!
King rmu nzmikape mzbqka.

Nzobqlzbzngq nzmclr kc vri
Pnaprm-rlru me prkilzm nepi.
Pnamilxti zyzlr rde nrlc.
Yzlrtr alo mz lozbq x ngrlx.

X mz z-yzlr ngr vri lcede pwz
Ncblo tqmailzmle lr nar-nrlc rlr.
Pq mz drtwrdr kx na-
rtangrtilr King
Nzvz-nqblqlr me vzki vri lcede.

Vri lc tqvzkile metakio nepi
Krlzbzle Betleem sc tqtu-amcpe.
Nztu-krde mrlcde tryzngrlrpeu
Tu-xbzomle mrgc tqmnzngr
Jiszs.

Ncblo kcng tq nzvztrpzngq
Nzyzngulvzolzr Kxetu Kxtopwz.
Sc tzkapebzlr bade da kxlulwx,
Gol, x tolo, x bqlrncninz.

Naglqlzku Kx-etu rgu kc Heven.
Kxrpalz kc tqwzpx-ngrde nrlc.
X xpepxle nigu leplz nedeng
Mz nzbz-o-krmle mz kros.

239 Nzabrtzngr Vzm Mz Nrlc
Joy To The World

Nzabrtzngr vzm mz nrlc.
Jiszs mzte nzmc.
X leplz amrlx
Nalxngitilr nide,
Kxarlapx rdr. Kxarlapx rdr.
Kxar- Kxar-lapx rdr.

Nzabrtzngr vzm mz nrlc.
Tumilzpe Kraes zmatq.
X a-olvele lr nrlc,
Mz nzyrplapx-krde,
X nide King rgu. X nide King
rgu.
X ni-, x nide King rgu.
Bzkq rlrpx-ngrn nzetukr alwx.
X nzvzkr drtwrmq.
Murde na-ipqle nigu,
X naamrlzle nigu,
Ma nalxngitiku. Ma nalxngitiku.
Ma na, ma na-lxngitiku.

Aelwapx-ngrde zluli rde,
X nztubq-krde,
X da angidr ngrde,
Badr lr nrlc murde
Nivz lrde etu. Nivz lrde etu.
Nivz, nivz, lrde etu.

240 Vzbz Mz Leplz Amrlx
Go Tell It On The Mountain

Vzbz mz leplz amrlx
mz mztea mz nrlc tulvzo,
Mz nzrpi-krm nrpa kx
Jiszs mzte nzmc.

Mzlikc ncblo tzaolve-
ngrdr sipq nedrng,
Zyzlr kxluli pna-milxtile nrlc.

Nzmwx'lrng mz nzpwrki-
lvc-krdr natq enjrl,
Mz nz-angrlvz-krdr
nzrmikangr Mevalu.

Jiszs Kraes mzte nzmc
mz ma txne nyz' kzu.
Kx-arlapxle nigu,
avzo-lzbqzbz mz Gct.

241 Vzm, Kxarlapx R Lr Nrlc
Come Thou Redeemer Of The Earth

Vzm, Kxarlapx r lr nrlc,
Mz nz-rmikangr kxtr.
Murde naglqlzlr leplz
Nim kc tqngi Gct angidr.
Nzngini-krmq kc leplz
Ngi batrpz Mqngrkxtr.
Nim Mrlx Gct kc tqvzmq
Mz nzokatr-krmq nigr.

Kxmule-esz' mikale nim,
A' Mxri kxmneckamelrbe.
X Trte amatqle nide,
Murde nqm qkrde tubq.

Nimq Mrlx Gct mikapx
Mxri mz nzqlngi-krde.
Kraes, ni-zvzm Gct angidr,
X nimq kz leplz txne.

Vzpxme mz Gct Trtemq
Nzale-krm me pnz' drtwrde.
X nayzlu-mopwzme bade
Mz nzwxbuo-krmq mz tron.

Nim x Trte da kxesz',
A' nangini-kzpq leplz.
Mz nz-okatr-krm nigr,
Leplz kx nzyangrngangq.

Mz nz-vz-o-kirme bagr,
Zyzlr ngrgr etunepx.
Trmwxlrtipekru nzlo,
Murde nim zyzlr ngrgr.

Angio-zvzkr nim, Trte.
Amatqkr nim, Mrlxde,
Glqlzkr nim, Mqngrkxtr,
Yawe, tqyc tqyc. Eu.

242 Xlrku Enjrl Neng Gct Angels We Have Heard On High

Xlrku enjrl neng Gct
Keng tzngr-ngrdr nrpa.
X natqdr nzayzlu-
bz newz mz nrlc ka.

Glg-lzku Kxetu kc tqmyalz.
Glg-lzku Kxetu kc tqmyalz-
esz'ngr.

Kxnzaolveir sip nedrng
Nz-angrlvz-kzlr Gct.
Nzmpelr itoto,
Jiszs, Kxarlapx rgu.

Na-angio-zvz-kzku
Itoto ngr Betleem.
X enjrl lemle nrpa
Ngr King kc mzte tzmc.

Namrlztiku nide.
Na-amatqku nide.
Naatuobzku zpr mz
Jiszs Kraes, Kxetu rgu.

243 Yawe Kxrpalz, Wz-ngrn The Maker Of The Sun & Moon

Yawe Kxrpalz, wz-ngrn
Nepi, temz, x nrlc.
X mz nibrde sc tqvzpepe
Mz nzngini-krmq leplz.

X mz nz-vz-o-kirme lc,
Twzme nrwx bagr.
X nztubq-esz'ngr-krm,
Amrlzq nabzgr.

Rblxbz badr vri r Heven
Nzrlasx-krm nidr.
Mz nzaelwapx-lzbq-kirme
Bagr, nigr lr nrlc.

Nzpxpx-ngrdr leplz nim,
A' bz-ngrnq alwx.
X kqle-zvzq leplz
Mz nivz lrm kxetu.

Rblxm bagr nzglx-krgr
Nivz x zyzlr ngrm.
Yzlu-moup bagr mzlika.
Vztrp mz nabzgr.

244 Zbq R Zluli

O Sanctissima

Zbq r zluli, nrwx, x nzabrtzngr,
Zbqka mz Jiszs nzmc.

Nzpi**z** enjrl kx sa na-arlapxle
nrlc.

Naglqlzku Jiszs Mevalu rgu.

245 Zvz Mz Krismas**Kang Kqlu**

I Heard The Bells On Christmas Day

Zvz mz Krismas kang kqlu,

Ngr-ngrgu nabz ngrde,

Kcng tz-rpi-zvzlr kx,

Gct a-vzomle nrwx bagu.

X mzlike pnz' mz nrlc,

Lepz nzngr-ngr-zvzlr

Nrpakxmrlz ngr Jiszs.

Gct a-vzomle nrwx bagu.

Mz nzatrkati-krdr nigu,

Lr nrlc nzngr-ngrdr kx,

“Trpnz'ngr nrwx mz nrlc.

Drlve ke ycngr nrwx ngr Gct?”

Ayzlubzku natqdrng,

“Gct trbzu x trmwiu.

Naaovxiole da kxtrka.

Gct a-vzomle nrwx bagu.”

Delc naangrlvzku Gct.

Nangr-ngrgu nabz nede,

Mz nzrpi-zvz-krgru kx,

“Gct a-vzomle nrwx bagu.”

Nabz Negung

246 Amnzo Mxri Mz Nabr

Amnzo Mxri mz nabr

Prmilzm vri r nrlc.

Itoto kxtopwz

Amnzo Mxri mz nabr.

247 Bcnyr Kaputrpem

Bcnyr kaputrpem

Mz ma nyz' kzu x.

X nrpade naleepx mz nrlc.

Bcnyr kaputrpem x.

248 Itoto Nzangrlvz

Itoto nzangrlvz

Enjrl kx nzvzom x,

Nzxlrir nardzng

Itoto nzangrlvz x.

249 Kaputrpq Mz Lozbq

Kaputrpq mz lozbq

Yzngulvzoamu x.

Jiszs Bcnyr kc tzmneti mz nrlc

Kaputrp mz lozbq.

250 Leepxam Nrpade

Leepxam nrpade

X King ngr Bongavz.

Kaputr-atem mz nrlc,

Leepxamu nrpade.

251 Lepu Rde Om E

Lepu rde om e

Lrnardzng x.

King kxtopwz tzangiolr

Lepu rde om x.

252 Ma Nyz' Kzu yengqngipe

Ma nyz' kzu yengqngipe,
 Mesaea kaputrpem x.
 Nrlc yzlr-rde zluli.
 Ma nyz' kzu yengqngipe e.

Dakc tqwai nzrka-krbzlr
 Da kx lulwx zlwz bam,
Narka-kzpzkr bamq
 Da kx pqtr mz drtwrgr
 Mz nzabrtzngr kxtr,
 Murde nim King r Heven.

253 Mz Nrlc Rlapxpe

Mz nrlc rlapxpe
 Benyr kaputrpem x
 Nrpade naleepx
 Mz nrlc rlapxpe z.

Jiszs, okatrpq nigr
 Nzvz-nqblq-krgr nim.
 X mzlikc nabz-ngrgr
 Mailz kz nigr Heven,
 Mz nzrmcng zluli rm
 Kc tqyzlrpx zvz.

15 Nzyrlqzbzlr Drtq Jiszs

Mc Me Naobqtrngr Nabz

Nimq zyzlr ngr Heven,
 Nim nzabrtz-zvzngr,
 Nim King kc tqaodu-zvz
 Nim nepi kx trtaou.
 Nangr-zvzbzkr bam
 Nabz ngr nzangiongr.

16 Nabz Ngr

Nzaelwapx-ngrbz Jiszs
Badr Lepz Kcng Trngiu
Lr Jiu (Epiphany)

255 Nigr King Vz-nqblqkr Vri
We Three Kings**254 Dakc Tqwai Ncblo Kc Bqnc**

As With Gladness Men Of Old

Dakc tqwai ncblo kc bqnc
 Mz nzmc-krdr vri rm,
 X nzabrtz-ngrdr zyzlr
 Kc tqmailzle nidr,
 Navz-nqblq-kzkr nim,
 Tqyc tqyc eu.

Nigr king vz-nqblqkr vri.
 Vzkingr me prkilzm nepi.
 X bztipegr nzyz-ngrm,
 Nzrvz-nqblqngri vri.

E-u, vz-nqblqkr vri kxngi
Rkx ngr King kc mztc tzmc.
 Vzkile me takio nepi,
Krlzbzle itoto kxmatq.

Dakc tqwai nzvz-krmlr
 Mz nelvq txne nyz'mq,
 X nzatuobzng zpr bam,
 Nim kc tzangio zvz,
 Navz-kzpqgr bamq
 Mz nzokatr-krm nigr.

Kabo bade gol kxlulwx,
 Gol kx nawzngri kraon scde.
Murde ni-zvzde King kc
Tqaolvele lr nrlc.

Kabo bade bqlrncninz,
Mz nz-krka'-krbo bade.
Murde ni-zvzde Gct kc
Naglqpx lr nrlc.

Kabo mrr dalr nzbz-krde,
X nzaelungr nrkrdrtdqde.
Murde nide Kx-arlapx kc
Tqbz-ngrde lr nrlc.

Natulz mou mz zluli rde.
Lr Heven nagqlzlr nide.
King, x Gct, x Kxarlapx,
Naglqpx lr nrlc.

256 Vri Kx Lqngipx Ngr Betleem

Oh Beautiful Star Of Bethlehem

Vri kx lqngipx ngr Betleem,
Pnamilxtiq mz nzlo,
Mz nzmailz-krm leplz keng **bq-**
nc,

Myapxbz kxnzakrlzng keng tq
Krlzbzle me mnzngr Jiszs.

Vri kx lqngipx, yzlrpx-z-vz!

Vri kx lqngi-px ngr Betleem,
Pnamilxti nabz leplz **ne Gct**,
Mz nzmailz-zvz-krm nigr
Mz nzvz-nqblq-krgr Kraes.
Vri kx lqngipx, yzlrpx-zvz!

Vri kx lqngipx, yzlr ngrm
Mailzle kxnzrtangrtlr Gct
Nzrmcti-krdr nzlungr **kx boi**
Heven, mz nztubqkr Kraes,
Mz zbq kx rmnr-ngrm.
Vri kx lqngipx, yzlrpx-zvz!

Vri kx lqngi-px, nrwx ngrm
Avz-om bagr mz Mevalu.
Murde Kraes kc tqngi king r

He-ven,

Nide kz Vri Kxetu Kxtr.

Zyzlr ngrde naetunepx.

Vri kx lqngipx, yzlrpx-zvz!

Nabz Negung

257 E Gol, Bulxipwr, Teinu E

E gol, bulxipwr, teinu e

Leka'mgr nim x.

Dakx takitrpwzle king kxtr

E gol, bulxipwr, teinu e.

258 E Ma-nqblqmgr Vri

E ma-nqblqmgr vri

Rkx Nceapu x.

E lekamgr. ?Myx' me mnc-
ngrde?

Ma-nqblqmgr vri x.

259 Ma-nqblqn Vri Kxpertz E

Ma-nqblqn vri kxpertz e

Yzlr mz nrlc.

Angio yzngulvzo Bcnyr

Ma-nqblqn vri kxpertz e.

260 Prtzm Vri Kxngrlxl

Prtzm vri kxngrlxl

Vri rkmqng.

Traovxiou nepi

Prtzm vri kxngrlxl.

261 Vzkimgr Meprkilzm Nepi

Vzkimgr meprkilzm nepi.
 Ma-nqblqmgr vri,
 Kxatutile ma nyz' kzu.
 Vzkimgr meprkilzm nepi.

17 Nabz Ngr
Nzwrkxtrkr Jiszs
262 Jiszs Kx Traleu Alwx
 The Sinless One To Jordan Came

Jiszs kx traleu alwx
 Nzawrkxtr Luejodzn.
 Atutrlle me pnz' drtwr
 Trte mz nqm q kx tubq.
Natq Gct Trte rpile kx,
 "Nim mrlxnge kc esz'txu.
 X mrlzti-zvzx nimq.
 X aolvz-angidrx nim."
 Mzlilc Mqngrkxtr vzom
 Bade mz zmatq ngrde.
 Nide r kx kx mcp x Gct
 Nzngini-krde natqde.
 X glqlzmlle nzwz-krde
 Nzarlax-krde lr nrlc.
 Mz nztamitkr Setzn
 Trtao-pnz'u mz alwx.
 Kraes, nigr kxnzwrkxtrng
 Natwz-kzkr Mqngrkxtr,
 Murde mz nzokatr-krde
 Nigr, bzkq taokr mz alwx.
 Trte, awi-ngrbzkcr bam
 Mrlxmq, Mevalu rgr,
 X zmatq ngr Mqngrkxtr,
 Kx amqtrple drtwrgr.

Nabz Negung**263 Wrlrn X Luekxtr**

Wrlrn x luekxtr,
 Navzom mz bongavz.
 Jiszs Mrlx Gct kc esz',
 Wrlrn x luekxtr.

18 Nabz Ngr Jiszs
Nzprmitr Makxtrdau
264 Wiki Esz'mz**Mz Nzlukr Kraes**

See This Child But Six Weeks Old

Wiki esz'mz mz nzlukr Kraes,
 Jiszs Nzprmitr
 Makxtrdau nzatutrngr
 Natq Propet ne Gct.
 Simion x blangq Anna
 Nzmetr Mevalu,
 Kc naamqtrpze
 Drtwrdr lr Israel.
 X opx mz mz Simion
 Kx Jiszs nangi r kx.
 Kzdung nalxngitilr nide,
 A' kzdung trtingr.
 Naglqlz-zvzku Gct Trte,
 X mrlxde Jiszs,
 Kc tqngi leplz, tqngi Gct,
 X Mqngrkxtr kz.

19 Nabz Ngr Nzoliqtingr Nabz Leplz (Lent)

265 Kraes, Rlrpx-lzbqme Bagr

All You Who Seek A Comfort Sure

Kraes, rlr-lzbqme bagr

Nzbzo-krme mz kros.

Mrlztiq nigr mz nabzmq

Naokatrq nigr.

Delc nekeng drtwrdr vz,

Nzkxpu-krdr etu,

Navzbzng bam murde nimq

Kxapqtr drtwr.

Awi mz nzrpi-zvz-krm

Mz natqm kxmrlz,

Neke drtqde ta navzm

Bamq mz nzamangr.

Lod, vz-nqblqle natqm lcng,

Krka'ngrbo bamq.

Lr Heven x lr nrlc ka

Nzabrtz-ngrdr nim.

Kxetu, ipqpx alwx rnge

Mz mepyr ngrm kxtr.

Mz z-mrlz-ngrm kxmyalz,

Amrna nabznge.

266 Krlc Da Kx Mrlz-esz'ngr

It Is A Thing Most Wonderful

Krlc da kx mrlz-esz'ngr

X nzketitxpx zlww -

Mrlx Gct, nzvzo-krme

Mz nzbz-krm ninge mz kros.

Da kx aleq mz nrlc ka
Vzpxm mz nivz lrm kxetu,
Kc tqmrlzti-zvz-ngrm
Kxnpzpx-ngrdr nim.

Rblxm bange nzglx-krnge

Nz-aodu-krmq kx etu,

Kc tqbz-ngrde alwx rnge

Namrlzti-zvzx nim.

Mz nzaotikr drtwrge kros

Nome-angidrx nivz lrm-

Nilz mz mqm, kraon ngr dxpa',

X nzbz-krmq lc ninge.

Kxmule-esz' mc-kzx nzbz-krm

A' mctxpo me pipzne

Mz nivz lrm kc tqapule

Nyr kx nge zvz mz nabzm.

Kxmule-esz' nivz lrm etu

Nzmrlzti-krmq ninge,

A' drtqnge myatx zlww

Mz nivz linge kx topwz.

Napqtr mz drtwrge nim,

Murde nivz linge topwz

Na-etunepx zvz mz

Nzmrlzti-krnge nimq.

267 Mz Nzobqlvz-krnge

Kros Kxluli

When I Survey The Wondrous Cross

Mz nzobqlvz-krnge kros kxluli,

Kc tqbz-ngrm Mrlx Yawe,

Trau apumle dcvi bange,

Drtqnge mya nzglqlz-lzbq-krnge.

Trpnz'ngr nzglqpx-lzbq-krnge,
A' mz kros ngr Kxetu rnge.
Da kxtrka keng tqmrilm bange
Ayangrngape mepyr ngr Kraes.

Mz mqde, nanyode x narde
Yrle-zliom nivz x drtwr kxvz.
Mpe-kzamu kzdg kraon ngr
dxpa',
Nzlrtpx-krde kraon kxluli.
Tryatrpwou nzayzlu-krbo
Nivz lc tr x etu-esz'ngr.
A' narlrpx-ngrbo bade,
Nzlungr x nabzngc atwrngr.

268 Naglqlzku Jiszs
Kc Drtqde Tqetq
Glory Be To Jesus

Naglqlzku Jiszs
Kc drtqde tqetq
Mz nzpulio-krde
Mepyr ngrde.

Rmcti-zvzx
Nzlungr kxboi
X zmrlzkxmyalz
Mz mepyr ngrde.

Naabrtz-zvzku
Lue r mepyr ngrde.
Mz nzetqkr drtqde
Xpele nigu.

X mepyr ngr Ebol
Yrleo mz nrlc.
Rpibzle mz Gct
“Ken naayrplapx.”

A' mz nzyrleokr
Mepyr ngr Jiszs,
Rpibzle mz Gct
“Ipq leplz lncg.”

X mz nztwz-krdu
Mepyr ngr Jiszs,
Dwasz Setzn nigu
Mz nzmwx'lr-krde.

Mz nzrglqpx-krdu
Lr Hxl nz-mrcng.
A' lr Heven amrlx
Nz-abrtz-zlwzng.

Na-axvctrpzku
Badr leplz keng
Tzngr-kato-ngdr
Mepyr kxmrlz.

269 Nigu Doa Neng Kraes
Do No Sinful Action

Nigu doa neng Kraes,
Bzkq aleku alwx,
Bzkq drtwrgu ngya'
X rpibqtiku.

Kraes nide kxmrlz,
Nide kxtubq.
X naozlipwzku
Lrpzki rde.

Drka' kxnztrkang
Nzmnbcng mrga.
Nzatrkatizvzlr
Nzmrlz-krdu.

Kxmule-esz' rblx
Navz-zvzku
Nzalengr da kxmrlz,
Bzkq da kxtrka.

Napx-ngrgu Setzn
X nqm q krde.
Bzkq aolvele nigu
Mz nzmnc-krgru.

Navz-nqblqku Kraes
Mz vea lrde.
Murde Mqngrkxtr
Naokatrle nigu.

Kraes nide Lod rgu,
Kx-e-tu rgu.
Delc nzmnc-krgru
Natubq x natr.

270 Rlru Mz Newz Kalvari

There Is A Green Hill Far Away

Rlru mz newz Kalvari
Mz nibr Jerusalem,
Nztqlvtrngr Jiszs Kraes
Kc tqbz-ngrde nigu.

Rblxm bagu nzpi-krgru
Nz-etqkr drtqde.
A' do x bzomq mz kros
Naarlaxple nigu.

Bz-ngrde na-ipq Get nigu,
Bzkq aleku alwx,
X namncku badr Heven,
Murde mepyr ngrde.

Nide txpwz kx takitrde
Nz-xpengr alwx,
Nzlvxngr naonrx ngr Heven,
Vzmitrle nigu.

Namrlzti-kzku nide
Mz nzaodu-krde nigu.
Nabrti drtwrgu nide
Nzxpe-krde nigu.

Kzrs

271 Lod Nivz Lrm Kxetu

Lord, Your Love Is Big

Lod, nivz lrm kxetupxbz,
kx kame bagr,
Rlrpx-ngrm mrlxm kc esz'.
Nzbz-krde mz ncbz
mz newz Kalvari,
Mz nzarlax-krde nigr.

Lod, nivz lrm kxetu.
Trotwr drtwrm mrlxm kc esz'
Nzbz-krde nigr.
Lod, nivz lrm kxetu.
Trotwr drtwrm mrlxm kc esz'
Nzbz-krde nigr.

Nzbz-krde mz ncbz arlapxle nigu.
Nip-mougu ncblo kxmna.
Naoliqtiku nzlu-krgru x nabzgu,
Nyzluti-krmle nigu.

Nabz Negung

272 Alvr Mwekxtr Pipxle

Alvr mwekxtr pipxle.
Otipе bzo mz lozbq.
Nqngya wrlrn do mz ncbz.
Alvr mwekxtr pipxle.

273 Alvrn Kx Tztwzti Vea

Alvrn kx trtwzti vea.
 Mqm̄ natulr nipna'.
 Do mz nibr Kalvzri.
 Alvrn kx trtwzti vea.

274 Bzovea Yzlum E

Bzovea yzlum e.
 Tzpipxl̄r alvr̄nge.
 E nangq neni e.
 Bzovea yzlum e.

275 E Glqpele Nibrkxtr

E glqpele nibrkxtr
 Neni o mz alvzm x.
 Vealrm tzilvzo
 Glqpele nibrkxtr.

276 Narnibr Kx Aolvz

Narnibr kx aolvz
 Lrmq̄nge e ninge.
 Naxpetr̄ngr ncblo,
 Narnibr kx aolvz.

277 Twzpele Nibr Kxtr

Twzpele nibr kxtr.
 Tzpwxl̄r m̄zluenge.
 Vealrm tzilvzo.
 Twzpele nibr kxtr.

278 Tzrglqti Vealrm Mz Nrlc

Tzrglqti vealrm mz nrlc,
 Nrpa naokaix.
 Narlamil̄e ninge lrmq̄nge
 Tzrglqti vealrm mz nrlc.

**20 Nabz Ngr Nzapr̄lztqkr
Enjrl Gebrel Mxri****279 Glqlz-ngrgu Drtq Yawe**
For Mary, Mother Of Our Lord

Glqlz-ngrgu drtq Yawe
 Mxri, Lxe Mevalu.
 Mrlzti-kai Mxri Jiszs,
 Nzmc-krde mzte.

Lxngitile enjrl Gebrel
 Nzrpi-krbzle kx,
 “Nayrq mz Mq̄ngrkxtr,
 Nz̄mika-krm Kxetu.

Rlr-ngrbzle nr̄kr̄dr̄tq̄de
 Mz me pnz' dr̄twr Gct.
 Nz̄xngitr-krde kz zv̄etq
 Nz̄rnibq̄ngr mrl̄x̄de.

Mz nz̄vz-nq̄bl̄q-krgu Mxri
Nz̄abr̄tz̄ngr angidr
 X nz̄amrl̄z̄ngr nz̄vzbz̄ng
 Badr lr̄ mr̄nyz'gung.

“Mxri, Gct mrl̄z̄tile nim,
 X mrl̄xm namyalz,
 Nz̄ngini-krde Mrl̄x Gct,
 Tq̄yc, tq̄yc. Eu.”

**21 Nabz Ngr
Sade Kx Nzaya-glq̄ngr
Nabx Nzlu (Palm
Sunday)**

280 Glqlzkr X Angiokr

All Glory, Praise And Honour

Glqlzkr x angiokr
 Nimq Kx-arlax,
 Nim King kc tqmnc zvx
 Tqyc, tqyc, eu.

Nim King r lr Israel,
 Nim Mrlx King Devet,
 Vzme mz drtq Yawe,
 Gct kc tzglqlz-zvx.

Dzbe enjrl ngr Heven
 Nzglqlz-zvxlr nim.
 X a-mrlue-kzkr
 Nimq mz nrlc ka.

Lr Jiu nzayaglbzlr
 Nabx ncnzlu bam.
 X kabzkr bam nzawingr,
 Mz nabzgr atwrngr.

X doa kxnztopwzng
 Nzngrlvzlr nimq.
 X abrtzlvz-kzkr
 Nzmatq-krm Heven.

Aolvz-zvxq nidr
 Nzglqpx-krdr nim,
 Delc aolvz kz nigr.
 X xlrn natqgr.

Nabz Negung

281 Aveamle Nigr Lrmqng

Aveamle nigr lrmqng,
 Naotimqgr bam e dcngki.
 Kxtulr nqvi
 Aveamle nigr lrmqng.

282 E Bzkq Bxo Drtc'

E bzkq bxo drtc'
 Nanyc King e.
 Natuom mz lrpz,
 Nanyc King e.

283 Kabolvz Nzo-krde

Kabolvz nzo-krde
 King rgu mz lrpzki x.
 Leu yaglqpe mz mq ncblo.
 Kabolvz nzo-krde.

284 Naope Mz Lrbzlr

Naope mz lrbzlr
 Vealrde tzyrlq x.
 Tzkabolvz emwr King x.
 Naope mz lrbzlr.

285 Prlxo Prlxoamu E

Prlxo prlxoamu e
 Lrpzr nc King e.
 Sa tqvotrpq mz dcngki.
 Prlxo prlxoamu e.

22 Nabz Ngr**Zbq Krapwx Kxtr**

Nabz Negung

286 Tzkqle Kio Mz Nrlanc

Tzkqle kio mz nrlanc.
 Napipxpe Judz.
 Pita naglqle neni e.
 Tzkqle kio mz nrlanc.

23 Nabz Ngr Zbq Kranzlvqn Kxmrlz

287 Gct Kx Aoti Drtwrnge

Gct kx aoti drtwrnge
Nzmrlzvxikr nivz lrm,
Mz nzatwzlr-krme Mrlxm
Kc esz'txu mz nrlc.

Mz nzxpctr-krde ninge
Mz siu r alwx ngeng
Nanipxle mz kros
X nibqtrx elr.

Kosae, Mevalu kxmrlz
Atakipex nimq.
Wrlrpe-ngrn mepyr
Nanipeq ninge.

Kx aoti drtwrngele
Yrnitx-zlwz-ngrne.
Mrlxm kc tr-esz'ngr
Atrkati alwx ngeng.

Trte, okatrp ninge
Nalxngitix Jiszs.
X naipqq ninge
Mz alwx ngeng amrlx.

Tumilzpemle ninge
Mz nzlungr kxmrna.
Trte, abrm drtwrnge
Naptrr-kzx Heven.

288 Ncblo Kx Drtqde Etq

Man Of Sorrows

Ncblo kx drte etq.
Mrlx Gct vz-ngrmqle
Nzarlapx-krde nigu.
Mevalu kx myalz-esz'ngr.

Jiszs bz-ngrde nigu.
Xpele alwx rgung,
Nzyrlekr mepyr ngr
Mevalu kx myalz-esz'ngr.

Nabzgu blqki zlwz,
Mz nzale-krgu alwx.
A' nide kxtr zvz.
Mevalu kx myalz-esz'ngr.

Nztqlvztr nide mz kros.
A' tulzm mz nzbzng.
Sc tqvzdzpe Heven,
Mevalu kx myalz-esz'ngr.

Mz nzyzlukr-mouple,
Navzmile nigu Heven,
Mz nzglqlz-zvz-krgu
Mevalu kx myalz-esz'ngr.

Kzrzs

289 Jiszs Mrlztile Nigu

O How He Loves You And Me

Jiszs mrlztile nigu.
Jiszs mrlztile nigu.
Bz-ngrde nzarlapx-krde nigu.
Mrlztile nim, mrlztile ninge,
Jiszs mrlztile nigu.

Jiszs vzpe Kalvari
Mz nivz lrde kxetu.
Arlapxle x ipqle nigu.
Mrlztile nim, mrlztile ninge,
Jiszs mrlztile nigu.

Nabz Negung

290 Alwx R Nrlc Mzlepu

Alwx r nrlc mzlepu
Lrmqng taope,
Tulzm x glqpe mcule,
Alwx r nrlc mzlepu

291 Awibo Bam Dimzs E

Awibo bam Dimzs e,
Tqvz-nqblqme ninge
Mz z bqka Paradaes.
Awibo bam Dimzs e.

292 Bzopen Mz Narnewz

Bzopen mz narnewz
Obla kx trkrlizde.
Naymibu-rnamu olvi.
Bzopen mz narnewz.

293 Bzpxpe Mz Newz Lrde

Bzpxpe mz newz lrde,
Natulr nipna'.
Napipxpele alwx.
Bzpxpe mz newz lrde.

294 Bztipenge Lzyrnir

Bztipenge lzyrnir,
Metulrne mz newz.
Neinge e glqpe nimz.
Bztipenge lzyrnir.

295 Drlrmzke' Yrle-rde

Drlrmzke' yrle-rde.
King rnge e lvape.
Nanipxle ninge mz ncbr,
Drlrmzke' yrle-rde z.

296 Mepyr Taliom Mz Ncbr

Mepyr taliom mz ncbr,
Neinge e lvape.
Drlrmzke' nubla lue.
Mepyr taliom mz ncbr e.

297 Natq Simeon Ngidape

Natq Simeon ngidape
Lryrni-krnge.
Wzpe toki kx luplxtile ninge,
Natq Simeon ngidape.

298 Ninge Kraes Kxetu Rmu

Ninge Kraes, Kxetu rmu.
Nadoo-ngrmc mz ncbr.
Aelwapxx nivz lrnge,
Nabzo-ngrmc mz ncbr.

299 Nqngya Opxpem Mz Nzte

Nqngya opxpem mz nzte,
Nayrngrmipebz lrmqng.
Ncbr glqle me zkile,
Nqngya opxpem mz nzte.

300 Tulvz Rkapbr Nrlc

Tulvz rkapbr nrlc.
Nzmrmlzpxm x.
Jiszs, mrlxbne nim.
Tulvz rkapbr nrlc.

301 Ycmne Mz Ncbr Kxtr

Ycmne mz ncbr kxtr,
 Napile natqde esz'px.
 Jiszs mqde nzkaole,
 Ycmne mz ncbr kxtr e.

302 Yrpalepe X

Yrpalepe x
 Ngrlrnrlc mz newz,
 Ztrngade lrmqmngc mz ncbr
 Yrpalepe x.

303 Ztqlqbla Wrlrde

Ztqlqbla wrlrde.
 Lepu r olvi yrnipe.
 Glqle ncbr tamirole.
 Ztqlqbla wrlrde z.

**24 Nabz Ngr
Nztulz-moukr Kraes****304 Gct, Nigr Lr Jerusalem**
You Choirs Of New Jerusalem

Gct, nigr lr Jerusalem
 Nangrlvz-zvzkr
 Nz-aovxiokr Jiszs Kraes
 Zmatq ngr nzbzngr.

Laeon kc Juda, lupe-mouq,
 Aovxiopeq Drka'.
 Arlapxq leplz nemqng,
 Amrnaq nabzgr.

Wxbuome mz zluli,
 Nimq King r Heven.
 Lr Heven x lr nrlc kz
 Naatuobzng zpr bam.

Mz nzngrlvz-krgr nimq,
 Rlxtibzkr kx
 Namnc-alo-kzkr Heven
 Mz zmrlz ngrmq.

Glqlz-zvzkr nimq Trte,
 X nimq Mrlxde,
 Glqlzkr nim Mqngrkxtr,
 Tqyc, tqyc, Eu.

305 Gq Trlolvzleu

Low In The Grave He Lay

Gq trlolvzleu,
 Jiszs Kxarlapx.
 Mz z bq kratq,
 Kxetu mge-

Tulz mz nzbz-krde,
 Aovxiole zmatq kxtrka.
 Jiszs tulzpe mou mz nzbz-krde,
 X nzlu-zvzngq badr doa nedeng.
 Lupe mou, lupe mou,
 Awi Yawe, lupe mou!

Kxmule-esz' nzaolveir
 Jiszs Kxarlapx,
 Nzamqngilr gq lr
 Kxetu mge, A'...

Nzbzngr trmyaszpxleu
 Jiszs Kxarlapx.
 Drtqde opxpe, eu,
 Kxetu mge!

306 Jiszs Lupe Mou

Jesus Lives Again

Jiszs lupe mou, Jiszs lupe mou,
 Jiszs lupe mou, naglqlzku Gct.
 Prlxpxle nivz, vzm mz nrkrdrdq,
 Vec-ngrde nigu, aovxiole vea.

Nztulz-krm Jiszs, Setzn
yangrng. a.
Ngrlr vea nzmznc, drtwrd
mzgalr.
?Myx' me naokilr
nrlc ayongqngi Jiszs?
Trpnz'ngr kx rtunzli,
ngrlr vea Jiszs.
Natq ngr nzabrtzngr,
naxlr ngale nrlc,
Jiszs lupe mou, naglqlzku Gct.
Gq lrde mrmzpe. Lem Mxri nrpa.
Nzokratilr Pita, nidr ncdn Jon.
Narmq Jiszs, nzngrlelvz dxpa',
Mepyr ngrm yrle, taliom mz
kros.
Jiszs namnqox,
kap ngr mepyr ngrm,
Yrle ngrde ninge, nakrlz-kzpo
Gct.

Dalr nrlc amrlx, namalqlvzlr,
Nzodatikr Jiszs,
zmatq ngr nzbzngr.
Kxarlapx kxmrlz, xpetrle nigu,
Mz mepyr ngrde,
kc tqyrleom mz kros.

Abtzzamu! Rlapxpeku!
Aopxpebz Kraes, drtqgu amrlx.
Nzawi-ngrbzku mz Kxrpalz,
Nzatwzlr-krmle Mrlxde bagu.

307 Mevalu Rgr, Kxetu

The Fight Is Over - Battle Done

Mevalu rgr, Kx-e-tu,
Ao-vxio-alopeg alwx.
Delc ngrlvz-zvzkr nim -
Kc tqmyalz!

Zbz zmatq ngr nzbzngr
Trnamrilvzoleu nigr.
Abtzzlvz-zvzkr nim -
Kc tqmyalz!

Tulz-peme mz nzbz-krm
Mz zbq kratq mz gq.
Lupe-mouq mz zluli rm -
Kc tqmyalz!

Arlapx nigr, Kx-e-tu,
Mz nz-etqkr drtqm.
X naglqlz-zvzkr nim -
Kc tqmyalz!

308 Mz Zbqka Kraes

Lupe Mou

Jesus Christ Is Risen To-Day

Mz zbqka Kraes lupe mou,
Kx-e-tu, awibzkr bam.
Zbq ngr nzaovxio-krqu.
Kx-e-tu, awibzkr bam.

Bzo-ngrmle nigu mz kros,
Kx-e-tu, awibzkr bam.
Mz nzxpe-krde alwx.
Kx-e-tu, awibzkr bam.

Nangrlvz-zvzku Jiszs, Kx-e-tu...
Kraes kc tqngi King r Heven.
Kx-e-tu...

Drtqde nzaetq-zlwzbz Kx-e-tu...
Mz nz-arlapx-krde nigu. Kx-e-
tu...

Ipqpx Gct alwx rgung, Kx-e-tu...
Mz nzwzkr Kraes, Mrlxde.
Kx-e-tu...
Nzqlqlz lr Heven nide Kx-e-tu...
Mz nzmataq-zvz-krde. Kx-e-tu...

Gct, nimu leplz kcng tq Kx-e-tu...
X nim Gct kc esz'txu. Kx-e-tu...
Gct, aodu-zvzq nigr, Kx-e-tu...
X okatr-zvzq nigr. Kx-e-tu...

309 Trpnz'ngr Alwx Mou

This Joyful Eastertide

Trpnz'ngr alwx mou,
Trpnz'ngr nzwzkr dr-twr.
Murde Kxznzibq
Lupe mou mz nzbz-ngr.

Delc nz-xplrkr nzrlxngiti-krqu
Vzpxm mz nztulz-
Mou-krm Kraes mz nzbz-ngr. 4x

Kxmule-esz' nzbzngr
Twzle nrkrdrtgnge,
A' brti drtwrnge
Kx sa nalux He-ven.

Trmwx'lrti-mowxu
Zmatq ngr nzbzngr.
Murde Mevalu nge
Arlapxpele ni-nge.

310 Murde Alu-mouamu

Mz Kraes

Kolosia 3:1-2

If Ye Then Be Risen With Christ

Murde alu-mouamu mz Kraes
Naaoti nabzmu dalr Heven,
Mrgc tqwxhungr
Kraes me matq ngr Gct Trtede.

Naaoti drtwrmu dalr Heven
A' bzkq dalr mz nrlc,
Murde nzlu-krmu
Sc tqycpebz mz Kraes.
Nabz Negung

311 Alvrnge Prmilzm Rngalx

Alvrnge prmilzm rngalx
Nrlc ycngqngix
Ngrlrvea nabzde mei,
Alvrnge prmilzm rngalx.

312 Alvrnge Tzveatilr

Alvrnge tzveatilr.
Naprmlzm rngalx.
Namzgalrti nabz olvi.
Alvrnge tzveatilr e.

313 E Jiszs Lupe Mou

E Jiszs Lupe Mou.
Aycngqngipele nrlc.
Traovxiou lrbzlr x,
Jiszs lupe mou x

314 Jiszs E Lupe Mou E

Jiszs e lupe mou e
Nrpa'de nalepx.
Naxlr-ngalr nrlc,
Jiszs e lupe mou e.

315 Lepukxtr Elia

Lepukxtr elia
Lvzpele Jiszs e.
Alu-moupq Gct kxrlapx nrlc
Lepukxtr elia.

316 Lrmqnge Namqbrpe

Lrmqnge nambrpe
Kxnaveatibo bam x.
Kxtulz-moupq mz rngalx,
Lrmqnge nambrpe x.

317 Naglqlzku X Gct

Naglqlzku x Gct.
Alupe-mouple Jiszs
X mz zbqka.
Naglqlzku x Gct x.

318 Nrpa Kx Twzm Olvzto

Nrpa kx twzm olvzto
Maitrpe nabzm x.
Pita ngrlrpe mz nrlanc.
Nrpa kx twzm olvzto.

319 Olvi Yrni Mz Nrlanc

Olvi yrni mz nrlanc,
Trglxleu alvrnge.
Kxprmilz-atem nepi,
Olvi yrni mz nrlanc.

320 Prmilzm Paglx Nrlc

Prmilzm paglx nrlc.
Alvzm tzveati x.
Me odupxrnc mz kzlenge,
Prmilzm paglx nrlc.

25 Nabz Ngr Nzvzdzkr Jiszs Heven Mz Nzngini- krde King

321 Gct, Glqpxkr Nim Mz Zluli Rm

O Worship The King

Gct, glqpxkr nim, mz zluli rm,
Nangr-ngrgr nivz x zmatq ngrm.
Gct ke tqmnc-pnz', merlakitrkr,
Nzglqlz-krgr nao-ngalelvzle nim.

Gct kxrninr, mckr zmatq ngrm
Mz daamrlx kx nzmrlzng mz
nrlc.
Wz-ngrnq nrlc x yc me yc-ngrde.
X wz-ngrn kz prla, aulz, x lue.

Rblxmq bagr nzymne-krgr
Nzetu-zlwzkr zmrlz kxmyalz.
A' namctrkr mz zyzlr ngr nrlc,
X nepi x temz x newz x tewa.

Merlakitrkr, Kxarlapx nigr,
Nabzgr ngrgo, trxpkrku.
Abrtr-zvzbzkr drtwrgr bam,
Nz-r-yckr drtwrm tqyc-zvzpe.

Enjrl ngr Heven naabrtzlvzlr
Nzglqlz-krdr nim mz zyzlr ngrm.
Kxmule-esz' nigr leplz txneng,
A' naglqpxkr nim mz nabz
negrng.

322 Glqpxku Zmatq R

Drtq Jiszs!

All Hail The Power

Glqpxku zmatq r drtq Jiszs!

Enjrl naavzo-lz**ba**ng,

Enjrl naavzo-lz**ba**ng,

Nakabzlr *bade kraon scde*,

Mz *nz-angio-z-vz*ngr nide,

Jiszs, Jiszs, Jiszs

Mz nzangiongr King Kxetu.

O Jiszs, Jiszs, Jiszs, Jiszs,

Jiszs, Jiszs, Jiszs

Mz nzangiongr King Kxetu.

Nimu kxzn**ba**ng Jiszs,

Kx *nzmnc*l**z**ng mz nabz olta,

Nzmnc**l**zng mz nabz olta,

Glq**l**z-mou**am**u Mesaea *rmu*,

X nimu lr Israel kx**m**cp**x** Gct,

Kxnzrlap**x**ngq mz alwx,

Kxnzrlap**x**ngq mz alwx,

Awibzmu bade mz nivz *lrde*,

Nimu nq**yi** lr neidu Devet,

Naglq**p**x-kz-*amu* Jiszs,

Naglq**p**x-kz-*amu* Jiszs,

Kc tqngi Gct x Lod r mel**rmqmu**,

Nimu kxzn**z**ale-zv**z**ngq alwx,

Bzkq mrbrtr mz drtwrmu,

Bzkq mrbrtr mz drtwrm

Nz-atuo-krb**z**mu *zpr* mz *Jiszs*.

Nqvi lr neidu *amrlx* mz nrlc,

Naglq**l**z**am**u *zluli* rde,

Glq**l**z**am**u *zluli* rde,

Kxmyal**z**-es**z**'ngr x matq-es**z**'ngr,

X nigu badr kxzn**z**tr nedeng,

Naglq**p**x-zv**z**ku nide.

Naglq**p**xku nide.

Naangrlv**z**ku nide mz nabz

kxyrlvi,

323 Jiszs Sa Naaolve-zvzle

Jesus Shall Reign

Jiszs sa na-aolve-zv**z**

Mz zmatq mz nrlc tulvzo,

Nzangidati-zvz-krde

Me pnz' drtwrde kxtubq.

Leplz mz neidu *amrlx*

Naangrlv**z**lr nivz lrde.

X doa kxzn**z**topw**z**ngq

Naglq**l**zlr drte kxtr.

Amrlz Kraes leplz nedeng -

Aop**x**le *drtq kxmnc* mz presin,

Axplrlle kxyangrnga zv**z**,

Okatrlle kx drtwrde vz.

Nigu lr trmct**u** *amrlx*

Naglq**l**zku King rgu, Kraes.

Naangrlv**z**ku *zluli* rde

Tqvzpe, tqvzpe. Eu.

324 Leplz Naatuobzng

Zpr Mz Jiszs

At The Name Of Jesus

Leplz *naatuobzng* zpr mz Jiszs,

X napip**xlr** kx, nide Kx-e-*tu*.

Murde me pnz' drtwr,

Yawe Gct Trte

Nzglq**l**z-krgu Kraes,

kc tqngi *Natq* Gct.

Jiszs avzo-lzbq, mz nzvz-krmle
Mz nzarlapx-krde,
kxnzaleng alwx.
Murde naglqlzku, nide kxtubq
Nztulz-mou-krmle, mz nzbz-
krde.

Napiku drtqde, mz nivz kxxplr,
Mz nz-angiongr, nzmyatingr
nide.

Takitrde Jiszs, kc tqngi Kxetu,
X Mevalu rgu, nz-r-glqlzng.

Na-rlr-ngrbzku, bade nabzgu
Mz nzatr-krbzle, me pnz'
drtwrgu,
X mz nzaolve-krde, da kx aleku
Mz zyzlr ngrde, x nivz lrde.

Sa navzmqng badr, enjrl
nedengq,
Mz nzyzlu-krmle,
nzngini-krde King.,
Sa naaolve-alopele, lr nrlc amrlx,
Mz zmatq ngrde, tqvz, tqvzpe.

325 Mz Zbqka Abrtzlvzku, Glqpx Jiszs!

Hail The Day That Sees Him Rise

Mz zbqka abrtzlvzku,
Glqpx Jiszs!
Nzvzdzkr Kraes Heven,
Glqpx Jiszs!
X nzmnc-krde mz nrlc,
Glqpx Jiszs!
Nzarlapx-krde nigu.
Glqpx Jiszs!

Jiszs mnc mz zluli,
Nzaovxiongr nzbzng.
Lvpxbz bade nabzm.
King kx matq navztrp.

Kxmule-esz' vzdzpe Heven
Nzwxbuo-krmle mz tron,
Dcpx-zvz mz drtwrde
Leplz nedeng mz nrlc.

Glalzle mqde Heven
Nzkrka'-krde nigu.
Amrlzle lr makxtr
Mz nivz lrde kxetu.

Tubqbkzku mz mz Gct
Murde mepyr ngr Jiszs.
Oliqtibzle Heven
Me namnc-alo-ngrgu.

326 Mzlike Ena Nar Jiszs

The Head That Once

Mzlike ena nar Jiszs
Nzalaom kraon ngr dxpa'.
A' mzluka Ngrlr-vea
Twzpele kraon kxluli.

Me matq esz'ngr Heven
Nzkapebz bade,
Mz nzngini-krde Kxetu
R kxnzeturung amrlx.
Lr Heven x lr nrlc ka
Nzabrtzlvzlr nide.
Aelwa-ngrmle zmatq ngrde
X nivz lrde bagu.

Mz nzlxngiti-kr̄gu Kraes,
Axvctr-lzbq-kzku
Mz nzamya-ngrbz dr̄tqde
X zmrlz ngrde matq.

Mz nzwztr-kr̄bzku bade
Drtqgu naetq.
A' sa na-aolveku badr
Mz mzli kc navzmq.

X dr̄tqgu naye zvz
Mz Buk r Nzlungr,
X sa na-abrtzlvzku
Nzmnc-alo-kr̄gu Heven.

Kxmule-esz' Mevalu r̄gu
Nztqlvztr mz kros,
A' nrwx x nzlu-kr̄gu
Nzvzpxm mz kros ngrde.

Delc naglqlz-zvzku
King Kxetu kxmatq,
Kx aolve-zvzle nrlc,
Tqyc, *tqyc*. Eu.

327 Naabrtz-zlwzku Jiszs

Kraes Nide King

Rejoice The Lord Is King

Naabrtz-zlwzku,
Jiszs Kraes nide King.
Naawibzku bade,
Naglpqxku nide.

Naabrtzku! Naangrlvzku
Kxetu r̄gu mz nabzgu.

Kx-arlapx aolve,
Kxngi da angidr
Jiszs tulzpe mou,
X vzdzpe Heven.

Aolvepele Heven,
X aolvele nrlc.
Trpnz'ngr zmatq kx
Naaovxiole nide.

Murde ao-vxi-ole
Zmatq ngr nzbzng,
X nzlungr kxboi
Vzpxm mz Jiszs Kraes.

Wxbupe me matq,
Mz nrlar Gct kxrtc.
X enqmi rdeng
Nayznguobzng bade.

328 Nim King R King Amrlx

Crown Him With Many Crowns

Nim King r king amrlx,
Neisip kc tznibq.
Nzangrlvz-kato-kr̄gr nim
Myatxpx-esz'ngr.
Murde nabz negrng
Naglqlz-zvzlr nim,
Kc tqngi zvz king rgr,
Tqyc, tqyc. Eu.

Nim King x Mrlx Gct
Kc tqmnc, tqmnc alo.
X nimq kz Mrlx Lepz
Mz nzavzo-lzbq-krm.
Nzetqkr dr̄tqgr,
Nzvzkr dr̄twrgr,
Nzayrkrpxng mz nivz lrm,
Kc tqaodule nigr.

Nim King r nivz kx
Yc-ngalelvzle nigr,
Mz nzdcpxkr drtwrgr
Nzbz-krmq nigr.
Rblxbz badr enjrl
Nzglx-angidr-krdr
Kxmu nzmrlzti-krmq
Kxnz-aleng alwx.

Nim King r nzlungr.
Ao-vxi-oq nzbzngr.
Mz nztulzpe-mou-krme
Nzarlapxngr nigr.
Nim King r zluli
Kx lu zvz Heven.
Nzlungr kxboi vzpxm mz
Nzbz-krmq nigr.

Nim King Kxrpalz.
Aolveq mzli amrlx.
Wz-ngrn nrlc mzlike bqnc
Mz zmatq ngrmq.
Dakc tqwai-pnz'le,
Krlzmle mzlika,
Kxnamu-zvzpele lc,
Tqyc, tqyc. Eu.

Nabz Negung

329 Bongavz E Naglqwipxpe

Bongavz e naglqwipxpe,
Trpu yrni-ngalrpe,
Nceapu e tzoneli.
Bongavz e naglqwipxpe.

330 E Tzelialvzpe

E tzelialvzpe
Enjrl mz bongavz.
X King rdr prtz mou tron
Tzelialvzpe x.

331 E Vzpeq Mz Bongavz

E vzpeq mz bongavz,
Rlviolr mzke' x.
Mzte luli e navztr mz zbo,
Navzpeq mz bongavz.

332 Jiszs E Vz Mz Lilxlr

Jiszs e vz mz lilxlr,
Mzte luli e yrlq mzke'.
Mrbr mz dcbz kxpr.
Jiszs e vz mz lilxlr.

333 Mrbrtr Mz Zbo

Mrbrtr mz zbo,
Pwx-nqblqlzpekir x.
Oblalr bongavz yzlupe mrnyz'de.
Mrbrtr mz zbo.

334 Mzte Luli Obqnzbo

Mzte luli obqnzbo,
Mrbrtr mz ngalnengq x.
Ncaepu e naglq nenq.
Mzte luli obqnzbo z.

335 Prtz Mou Mz Tron Nyz'de

Prtz mou mz tron nyz'de,
King ngr bongavz.
Yzlu-atem mz vea,
Prtz mou mz tron nyz'de.

336 Vzdz Vzdpe

Vzdz vzdpe,
Mz lilxlr.
Nceapu e mrbr.
Mz lilxlr.

26 Nabz Ngr Nzvzo-krm Mqngrktr

337 Lue Ngr Nzlungr

There's A River Of Life

Lue ngr nzlungr yrlepxm bange
Mz nzamrlz-krde zyagox amrlx,
X mz nzaopx-krde drtq mz
presin.

Lue ngr nzlungr yrlepxm bange,

Lue, vaulzm mz nabznge,
Mz nz-alqngi-krm ninge.
Mqngrkxtr, krka'bo bamq,
Kam bange nzlu-krmq.

Mepyr yrlepxm mz blrir

Kxarlapx,

Mz nzipqpxngr alwx rngeng
amrlx.

Jiszs bz-ngrde nz-xpengr ninge.

Mepyr yrlepxm mz blrir

Kxarlapx.

Lu mou mz nzbzngr x vzdz

Heven,

Mz nzkrka'krde nigu leplz
nedeng,

X mz nzka-krmle bagu da
kxmrlz.

Lu mou mz nzbzngr x vzdz

Heven.

Mqngrkxtr nzatwzlo-ngrm
Heven.

Mz nzokatr-krde nigu
mz nzlu-krqu.

Aelwapxmle Jiszs bagu
mzlika mz nrlc.

Mqngrkxtr nzatwzlo
-ngrmq Heven.

Mz nzbrtikr drtwrgu Jiszs Kraes,
Rlr-ngrbzku bade da kxtrka
amrlx.

X arlapxle nigu mz zmatq sc
Setzn,

Mz nzbrtikr drtwrgu Jiszs Kraes.

Jiszs Kraes arlapx-zvzle nigu.

Mzlike pnz', mzlika,
x mzlikc navzm.

X narlr-lzbq-zvz-ngrbzku bade.

Jiszs Kraes arlapx-zvzle nigu.

338 Mqngrkxtr, Kxakrlz

Loving Spirit, Holy Ghost

Mqngrkxtr, Kxakrlz -

Mz nz-vzo-krme bagr

Naprtrq mz nabzgr

Nivz lr Trte.

Nivz aogle nzbzngr,

Mrlzti-zlwzle leplz,

Traleu da kxtrka.

Nivz angidr.

Natq propet sa namrbr

Mz zbq kx rmnr-ngrmq.

A' da kx yc zvz ngi

Nivz kxtubq.

Daleng tq naye-along:
Nzrlxngiti-angidrnr,
Nzbrtikr drtwr Gct,
X nivz kxtr.

Daleng tq nzmrlzbzng
Mz mz Gct Trte kc Heven.
A' da kx myatxpxbz
Nivz kx-e-tu.

339 Mzlikc Yawe

Tqwz-ngrde Nrlc

Spirit Of God In The Clear Running Water

Mzlikc Yawe tqwz-ngrde nrlc,
Mqngr, yalrlx-zliq prla,
Mz nznngini-krmq kz Kxrpalz.

Mzlika, krka'ngrne, navzme
bange.

Vzm, vzm Mqngrkxtr,
murde naozlix

Nzti r Trte.

Kxmule-esz' xlrz nzwqkr nenq,
A' trkrlzwxu me wqkipxmle,
X trkrlzwxu mrgc nawqkile.

X kxmu-kzle lc, mz nzwz-krmq
Murde trkrlzwxu da kx naaleq,
A' sa namclx mz nqm q kr leplz.

Mqngrkxtr, mncpex esz'-krnge
Mz nzaenzlingr x nzobqpxngr
Nzamqtr-krme nzvzkr drtwrnge.

340 Mzlikc Tqvzdzpengr

Our Blest Redeemer, When He Made

Mzlikc tqvzdzpengr
Kraes avzomle bagu
Kx-apqtrple drtwrgu,
X kxmailz.

Vz-om apule nyr kx vcu,
Naalvztrle nigu.
Murde nabrti drtwrgu
Kraes Mevalu.

Vz-om apule nenq kxetu,
A' trmckuu nide.
Puliomle zmatq ngrde
Mz nabzgu.

X vqti zvz drtqde
Nz-okatr-krde
Kx-a-veatimle nide
Mz nabzde.

Ycmne-lrpi-zvzm bagu
Mz nzao-krde nrwx,
X mz nzatubqti-krde
Nqm q krgu.

Da kxtubq mz drtwrgu,
X da amrlx kx-mr-lz
Kcng tqaleku nzvzpxmqng
Mz zmatq ngrde.

Mqngrkxtr, amqngiq
Nzrlxngiti-krgr,
Murde namncpx-alome
Mz nabzgr.

341 Vzm Bange, Mqngrkxtr

Breathe On Me, Breath Of God

Vzm bange, Mqngrkxtr.
 Nabznge amrna.
 Namrlzti x naalex
 Da kx suti-drtwrm.

Vzm bange, Mqngrkxtr.
 Murde nabznge natr,
 X navz zvz nzale-krnge
 Me pnz' zvz drtwrm.

Vzm bange, Mqngrkxtr.
 Nangi ninge doa nem,
 Kc tqabzle dalr nrlc
 Mz nyr pnrmq kxpq.

Vzm bange, Mqngrkxtr.
 Murde bzkq bzx,
 A' nalu-zvzbo bamq,
 Tqyc tqyc, eu.

Nabz Negung

342 E Lvcom Kio

E lvcom kio,
 Rkx r Mqngrkxtr x.
 Mz lepu kx naprmipxle
 natq lrmqnge,
 Lvcom kio e.

343 Kctipxpe Ngrlrnrlc

Kctipxpe Ngrlrnrlc.
 Aycmnepele lepu x.
 Mqngr kx vzom mz bongavz,
 Kctipxpe Ngrlrnrlc.

344 Lvcom Kio Mz Bongavz

Lvcom kio mz bongavz,
 Nalxnq luekxtr x.
 Vzom madxi nyz' lrmqnge,
 Lvcom kio mz bongavz.

345 Ma Nyz'm Ycngqngi Rde

Ma nyz'm ycngqngi rde.
 Mqngr vzom mz bongavz.
 Prsrle lepu kxodu.
 Ma nyz'm ncngqngi rde e.

346 Mqngrkxtr Nyr Kxngc

Mqngrkxtr, nyr kxngc,
 Mqmq vzom mz bongavz.
 Wouom mz nar lepu,
 Mqngrkxtr, nyr kxngc.

347 Nivz Lr Gct Vzom

Nivz lr Gct vzom.
 Wzpe nyr kxwou x.
 Zmatq kxxplr-esz'ngr,
 Nivz lr Gct vzom.

348 Prtrpq Mz Nabznge

Prtrpq mz nabznge,
 Mqngrkxtr kxrmailz.
 Nangi ma nyz'm ninge.
 Prtrpq mz nabznge e.

349 Wrlrn Zluli Rde X

Wrlrn zluli rde x
 Wzpe nyr kxngc.
 Navzom mz Pedikos.
 Wrlrn zluli rde e.

27 Nabz Ngr Tqtrbz (Trinity)

350 Dazpwx Kx Lxngiti-angidrx,

Firmly I Believe And Truly

Dazpwx kx lxngiti-angidrx,
Gct kcng tq ngi Gct kc esz'txu.
X krlz-angidr-kzx
Mrlxde vzm mz nrkrdrdq.

X brtitrpe drtwrnge
Jiszs kc tztqlvztr mz kros.
Tralepewxu alwx,
Murde Kraes bz-ngrde ninge.

X Gct okatrlle leplz nedeng,
Mz nzmrlz-krde kxmyalz.
Kam bange nzlungr kxboi,
X zyzlr ngr lrpzki.

X Gct apqtrple kz drtwrnge,
Mz nzvz-nqblqngr natqdeng.
Gct kx mrlzti-zlwzx,
Gct kxxplr, x Gct kxtr!

X mz nzmrlzti-krnge nide,
Amatq-kzx nzalvztrkr
Lrmakxtr nyz'de murde
Dalc ngi me pnz' drtwrde.

Na-awi-zyz-bzku bade,
Nigu badr enjrl ngr Heven.
Nagqlz-zvzku Yawe,
Trte, Mrlx, x Mqngrkxtr.

351 Gct Trte, X Gct Mrlxde

All Hail, Adored Trinity

Gct Trte, x Gct Mrlxde,
X nim Gct Mqngrkxtr,
Glqpxkr nimu, leplz kcng tq,
Mz nzesz'tikr drtwrmu.

Angrlvzkr nim mz zbqka.
X krka'-ngrbzkr bam kx,
Na-aolvzq nzwz-krgr
Mz nzglqpx-krgr nimq.

Yawe, nimu leplz kcng tq
X nim kz Gct kc esz'txu.
Yawe, nim lrpalvc nyz'gr,
X nim me rlakitrkr.

Tqtrbz, Gct esz'txu,
Mncmq bagr mz nabzgr,
Mz nzangrlvz-krgr nim
Mz nabz ne enjrl nemqng.

352 Opx Mz Mz Propet Asaea

Asaea 6:1-3

Bright The Vision

Opx mz mz Propet Asaea
Nzmnckr Yawe Heven.
Abrtzlvzle nzngngr
Kx xlrle mz zbq lc.

Mcle enjrl kcng tzmatqng
Nzglqlz-zvz-krdr Gct.
Nz-angio-zvzlr nide,
Nzrpi-zvz-krdr kx,

“Zluli rm kx yc alo
Esz'-ngrde nrle ka.
Yawe, nim Gct kxninr,
Drtmq tr-esz'ngr.”

Nzngkr-krdr vztx alo,
X nangr-zvz-kzku,
“Yawe, drtqm tr-esz'ngr,
Kx myatxlz-esz'ngr.”

Na-axvctr-lzbqbzku
Badr enjrl kx matq lcong,
Mz nzglqlz-krgr nide
Mz nzrpi-zvz-krgr kx,

“Zluli rm kx yc alo
Esz'-ngrde nrlc ka.
Yawe nim Gct kxrnr,
Drtqmq tr-esz'ngr.”

Gqlzkr nim Gct Trtegr,
Gqlzkr nim Mrlxde,
Gqlzkr nim Mqngkrxtr,
Navz, navztx alo.

353 Trte, Nim King Kx Matq

Come, Thou Almighty King

Trte, nim King kx matq.
Angrlvz-zvzkr nimq.
Gqlzkr nim: Trte kc tqluli,
Nim kxaovxio zvz.
Gct kc bqnc, aolvebz nabzgr.

Jiszs, nim Mrlx Trte,
X nim natqde kxlu.
Alqngibz nabzgr mz natqm
Murde natubqkr
Mz mz Yawe Trte, x mz mzpq.

Mqngkrxtr kxxplr, apqtr drtwrgr.
Kxokatr, namnc mz nabzgr.
Murde navz zvz
Nz-o-zli-krgr nztir Trte.

Yawe, tqtrbz alo, mz Gct kc
esz'txu.

Gqlzkr nim, x mrlztikr nim,
X angio-zvzkr nim,
Mzlika x tqyc, tqyc. Eu.

354 Yawe Gct Kxrnr, Drtqm Tr-esz'ngr

Holy, Holy, Holy

Yawe Gct kxrnr,
drtqm tr-esz'ngr.
X nourla kang kqlu,
nangr-zvz**bk**kr bam.
Yawe drtqm tr x
yc mz drtwrm leplz.
Nim leplz kxtq, Gct kc esz'txu.

Leplz kxtr nemqng,
nzglqlzlr drtqm kxtr
Nzka-olr kraon scdrng,
naangio-zvzlr nim.
Enjrl nemqng amrlx,
nzangio-alolr nim,
Nim kc tqmnc-pnz' x tqmnc zvz.

Drtqm tr-esz'ngr,
kxmule-esz' rblx
Nzrmcngr zluli rm,
murde alwx ngrgrng.
Gct, nim txpwz kxtr,
x trpnz'ngr mou kx
Tubq mz nivz, zmatq, x zlqngi.

Yawe Gct kxrninr,
drtqm tr-esz'ngr.
Da a-mr-lx **kx** wz-ngrn,
naglqpxlr drtqm.
Yawe, drtqm tr x
yc mz drtwrm leplz.
Nim leplz kxtq, Gct kc esz'txu.

355 Yawe, Angiokr Nim

Most Ancient Of All Mysteries

Yawe, angio-zvzkr nim,
Butqbr kc bqnc.
Lod, naye mz drtwrm nigr,
Tqtrbz, Gct esz'.

Yawe, nim kc tqmnc-pnz'-kai.
Trnzkrlzu nzyzuo-krm.
Trpnz'ngr da kx rblxbz bam,
Murde nim txp wz Gct.

Yawe, mnc-pnz'q esz'-krm
Mz zluli rm Heven.
X se tqwz-ate-ngrnq
Nrle mz zmatq ngrm.

Rblxm bagr nzkrlz-krgr
Nzetukr zluli rm.
A' mcpekr zluli lc
Mz dakcng tqwz-ngrn.

Yawe, angio-zvzkr nim,
Butqbr kc bqnc.
Lod, naye mz drtwrm nigr,
Tqtrbz, Gct esz'.

356 Yawe, Gct Kc Tqrninr

Holy, Holy

Yawe, Gct kc tqrninr
Drtqm kxtr, drtqm kxtr.
Naglalzkr mqgr Heven
X namrlztikr nim.
Drtqm kxtr, drtqm kxtr.

Gct Trte, Gct Trte,
Nigr abrtz-zlwzkr Trte.
Murde nigr doa nemqng
X namrlztikr nim,
Gct Trte, Gct Trte.

Kxetu Jiszs, Kxetu Jiszs.
Awibzkr bamq, Kxetu Jiszs.
Murde arlapxq nigr
X namrlztikr nim,
Kxetu Jiszs, Kxetu Jiszs.

Mqngrkxtr, Mqngrkxtr,
Vztrp mz nabzgr, Mqngrkxtr.
Nakrlzkr zmatq ngrmq,
X namrlztikr nim,
Mqngrkxtr, Mqngrkxtr.

Kzrsz

357 Gct Trte, Gct Trte

Father God

Gct Trte, Gct Trte
Gct Mrlxde, Gct Mrlxde
Gct Mqngrkxtr, Gct Mqngrkxtr
Gct Esz', Gct Esz'.

358 Mrlztiku Gct

Oh, How I Love Jesus

Mrlztiku Yawe,
Mrlztiku Gct Trtegu,
Mrlztiku Yawe,
X mrlzti-kaile nigu.

Mrlztiku Jiszs,
Mrlztiku Jiszs Kraes,
Mrlztiku Jiszs,
X mrlzti-kaile nigu.

Mrlztiku Mqngr,
Mrlztiku Mqngrkxtr,
Mrlztiku Mqngr,
X mrlzti-kaile nigu.

Mrlztiku Tqtrbz,
Mrlztiku Tqtrbz, eu.
Mrlztiku Tqtrbz,
X mrlzti-kaile nigu.

Mrlzti-lzbqgu,
Mrlzti-lzbqgu, eu,
Mrlzti-lzbqgu,
X mrlzti-kaile nigu.

Nabz Negung

359 E Ncblo Keng Tq

E ncblo keng tq
Mz Gct kc esz'txu, x.
Zbq scdr kaputrp mz Sade,
X ncblo keng tq x.

360 Gct Kc Esz' Matq-esz'ngr

Gct kc esz' matq-esz'ngr.
Trkr kxrme.
Apule nepi kxxplr,
Gct kc esz' matq-esz'ngr.

361 Gct Trte, Gct Mrlxde

Gct Trte, Gct Mrlxde,
Gct Mqngrkxtr.
Gct lc esz'txu,
Gct Trte, Gct Mrlxde

362 Mzte Luli Bongavz

Mzte luli bongavz
Yzlr mz lozbq x.
Angrlo Gct kc esz' vri,
Mzte luli bongavz e.

363 Obqzlibo Nrlc

Obqzlibo nrlc
Mzte luli esz'ngr x.
Brngrtio Gct kc esz'.
Obqzlibo nrlc.

**28 Nabz Ngr Nrkrdrdq
Jiszs Tekqtr-lzbq****364 Rpibz Pita Kx,**

How Good, Lord, To Be Here!

Rpibz Pita kx,
“Kxetu, mrlzm bange
Nzmc-krnge zluli rm
Kc tqpna'pr-zlwz.”

“Mzpq x nzkq sem
Nz-apulr nepi.
Zluli rm aovxiole
Nzlo r nrlckxbq.”

“Mrlz nzmc-krgr
Mosis x Elaejz,
Menrpa nemqng kcng bqnc,
Nztu-krdr mrga.”

“Zmatq ngr zluli rm
Aelwaxmle bagr
Nzatutr-krmq natq Gct,
Kc tzpipnz' propet.

“X brti drtwrgr
Kx mz zmatq lc
Narmctikr da kxmrlz
Nzarlapx-krm nigr.”

“Namnc-alopekr
Mz newz ka murde
Mcpokr elr nzmatqkr
Zluli kc tqmyalz.”

“A' narlasxkr newz,
Nzvz-nqblqngr nimq.
Delc rlxtibzkr bam,
Nzmnc-alo-krgr.”

Nabz Negung

365 Mosis, Elaeja

Mosis, Elaeja
Nzvzom mz newz.
Ngrlelvzpe zluli r lrmqnge,
Mosis, Elaeja e.

366 Mqbrtrpz E Mz Zluli E

Mqbrtrpz e mz zluli e
Alvz lrmqnge.
Tekqtrpele pna'pr,
Mqbrtrpz e mz zluli e.

367 Prtr-ngrpe Ncblo Kxtr

Prtr-ngrpe ncblo kxtr,
Zluli r nuzmztangi.
Mckr mz kzlenge,
Prtrpe ncblo kxtr.

368 Rpiom Gct Mz Dcbz E

Rpiom Gct mz dcbz e,
“Krlc Mrlxnge,
Xlrbzmu natqde.”
Rpiom Gct mz dcbz e.

29 Nabz Ngr Kros Kxtr

369 Nzryrngrkxtr

Insaet Buk Tabu

Nzryrngrkxtr
Alvztr-ngrde nigu
Kx Jiszs Kraes nayzlu-mouppq.
?Oliqpeq mz, nzyzlu-krmle?
?Nabzm lqngipe? ?Plzpxpeq
alwx?
Navz-nqblqku nzryrngrkxtr.

X mzli tnaboiu
Jiszs Kraes sa nayzlu-mouppq.
?Oliqpeq e trtingr?
Rlr-ngrmle mzli r
Nzplzpx-krgru alwx,
Mz nzoliqti-zvz-krgru nide.

A' nzryrngrkxtr
Trpipxleu mzli kx
Mevalu Jiszs nayzlu-ngrmle.
?Mz nourla ka, mzlike bea?
?Mz milzpq, e mz nrlckxbq?
Kxmule-esz', a' naoliq-zvzku.

Nabz Negung

370 E Glqlz Glqlz Yrwq X

E glqlz glqlz yrwq x.
Ncbr kxtr namailzle
Lepu r obla.
Glqlz glqlz yrwq x.

371 E Glq-nztiqlrne

E glq-nztiqlrne
Nangi dabo nenge.
Ncbr kxtr abrle nabznge
Glq-nztiqlrne.

372 E Ncbr Kxtr Luli E

E ncbr kxtr luli e,
Mailzle obla.
Kxbrti nabzde lrmqgi e.
Ncbr kxtr luli e.

373 Malex Ncbr Kxtr

Malex ncbr kxtr
Naprmipxbo mz vea.
Nangi pwrpa'lr nibrnge,
Malex ncbr kxtr e.

**C. Nabz Ngr Zbq Sc
Kxnztr Kcng Pnz'**

**30 Nabz Kx Nangrngr
Mz Zbq Kxtr Leng
Amrlx**

**374 Lepzl Kxnztr Leng
Nzaglqppz'ng**

How Bright These Glorious...

Lepzl kxnztr leng nzaglqppz'ng
Mz nzprkikr lrpzdr.
X nzwxbung me matq Heven
Mrgc trpnz'ngr nzlo.

Mzlika kxnzaetqbz drtqdr.
Nzmneng mz zyzlr.
X lrpzdr aglqppz'pe
Mz mepyr ngr Kraes.

Nztu-ngalelvzpelr tron,
Mz nzglqlz-krdr Gct.
Nzwztrpznge bade Heven
Nzmrlzti-krdr nide.

Nzxngi-krbzlr nide
Aelalz-ngrmle drtwrdr.
Batrpz nzangrlvz-krdr
Nide mz zbq kang kqlu.

Trnzngipelru nepi.
Trsutiu drtwrdr da.
A' Gct ngipe nepi nedr
Kc tqyzlr alo mz nrlc.

Neisip kc tqwxbuom mz tron
Na-aolvele nidr.
Narkabz dakxnzng kxtr.
X namailzle nidr.

Navzmileng mz lue kxvo,
Me yengr dakxznng.
X Gct kc tqngi Lod rdr
Naycpqbzle dlr mztr.

375 Leplz Kxnztrng Heven

The Saints All Crowned With Glory

Leplz kxnztrng Heven
Nzkrka'-pnz'-ngrbzlr
Mz Mevalu rgu Jiszs
Naarlaxle nigu.

Nzatrking Ir nrlc
Mzlegu kxnztrng.
A' leplz lcng ne Jiszs,
Namrlzti-zvzku.

X namrlzti-kzku
Mxri kxmckamelr,
X aposol ne Jiszs
Kcng tztubzng bade.

Mrlztiku kxnztrng
Kxnznibq-ngrdr Kraes,
Kxnzrpi-zvzng natqde,
X lxeng kxnzetung.

Lod, narlr-ngrbz mz Lxem
X kxnztrng amrlx
Kx nzkrka'-ngrbzlr
Nzmc-krgr Heven.

376 Leplz Kxnztrng Ne Jiszs

Who Are These?

Leplz kxnztrng ne Jiszs
Nztu-ngalelvzlr tron.
X nardr yco-ngrm kraon
Kxnzwzng m z gol.
X mz nabz kx yrlvi
Nzangrlvzlr King rdr.

Leplz lcng nzmncng mz zluli
Murde nabzdr lqngi.
X nzqng lrpz kxprki
Kxpna'pr x aglqpz'.
Dzbede lc tqluli ne Gct
Nzlolvzlr daangidr.

Nidr leplz kx trnzesamqng
Nzvz-nqblq-krdr Kraes.
Nzota-zvzng krlzbzle
Nzbzng x nzaovxiolr.
Trnzprtru mz alwx,
A' nztu-amqngingq.

Mrlx lcng nabzdr yrnibu
Mz zvetq x drtwr kx vz.
X nzkrka'bzng mz Yawe
Kc tqayzlumle natqdrng.
Ycpqebzle dlr mztr,
X drtqdr opxpe

Mzlikc ena nzalelr
Nzwz-krbzlr bade.
Nzkabzlr nrkrdrtrqdr,
X nabzdr mz Jiszs.
Mzlika nztutrpebzng
Mz mz Gct Mrgc Tqtr.

377 Leplz Ne Kraes Kcng

Tqbpeng

Palms Of Glory

Leplz ne Kraes kcng tzbzpeng
Nztu-ngalelvzlr tron,
Mz nzglqpx-krdr nide
X nzangio-krdr Trte.

Kabzle badr leplz nedeng
Nzwzng t q kx naalelr:
Nidr amrlx leplz ngr vea,
Nidr pris x nidr king!

Leplz ngr vea nzayaglng leu
Mz nzaovxio-krdr,
Pris nzkqng lrpz kxprki,
X king nardr lao-ngrm kraon.

Leplz ngr vea nzavzo-lzbqng
X nrtwzmqng leu mz tron.
Murde nzaovxio-krdr
Vzpxm mz nzabzng Neisip.

X pris nzatuobzng zpr bade,
Mz nzrpi-krbzlr kx,
“Nzprki-krgr vzpxm mz
Mepyr ngrm x nztubq-krm.”

X kraon sc king nztekqtrlr
Mz gita mz nzrglqpxngr,
Mz nzrpi-krbzlr kx,
“Nim King r King amrlx!”

Nigu kz apuku nidr.
X navznqbqku nidr.
Murde ni-kzgu leplz ngr vea,
Pris x king kalr Heven.

**378 Nigu Ami Ne Jiszs
Naptrku Mz Vea**

Onward, Christian Soldiers

Nigu ami ne Jiszs naptrku mz
vea.

X kros ngr Jiszs nartwayzm
bagu.

Kraes, Kxetu rgu, mailzle nigu
Mz nz-ota-krgr badr Enqmi rgu.

Nigu ami ne Jiszs naptrku mz
vea.

X kros ngr Jiszs nartwayzm
bagu.

Nztulz-moukr Kraes
ayangrngale Setzn.
X ami ne Setzn rlxbuliangr.
Drka' nedeng nzmwx'lr-
zlwzng mzlike
Doa neng Gct tzglqpx
-ngrdr Kxetu rdr.

Mz nzota-krgr badr
Setzn x ami nede
Vz-nqblqku lrpzki r leplz
kxnztrng.
Nigu lrmakxtr nrkrdrq Jiszs,
X naesz'ti mz drtwrgu
badr doa nedeng.

Kxmule-esz' gavmzn
x king nataong,
A' lrmakxtr nyz' Kraes
sa natu-amqngi.
Zmatq ngr nzbzng
trnaovxioleu,
Murde kros ngr Jiszs okatrle
nigu.

Na-angrlvzku Jiszs,
kc tqngi King rgu,
Murde aovxiole Setzn
mz nzbz-krde.
Zluli, nzangiongr, x nz-amatqng
Takitrde Jiszs, kc tqngi King rgu.

379 Nigu Kxnztrng Mz Nrlc

Let Saints On Earth Together Sing

Nigu kxnztrng mz nrlc
X kxnztrng Heven
Naangrlyvzku Kxetu rgu.
Nigu neidu kx esz'.

X nigu neidu kxesz'
Lr makxtr nyz' Kraes.
Kxmule-esz' kxznzlubeng
E kxznzbzpeng kz.

Nigu ami ne Gct kxlu.
Yrlqku natqdeng.
Kzdung nzmncpengq heven,
Kzdung trnzvzkang.

Jiszs, mailz zvz nigr
Mzlika mz nrlc.
X vzmi kz nigr Heven
Mz mzli_r nzbzngr.

380 Sa Nawztr-zvzbo Bam
Brother, Let Me Be Your Servant

Sa nawztr-zvzbo bam
Nzvz-nqblq-krnge Kraes.
X okatr-kzpq ninge
Mz da kx suti drtwrnge.

Mz nzvz-nqblqngr Jiszs,
Naoliqti-zvzki
Nz-okatr-lzbq-krngi
Mz da kx mrlzm bagi.

Mzlike tqmwx'lr-ngrnq
Natubo mz nibrmq.
X napi-zvzbo bamq
Natq ngr nrwx ngr Gct.

Mz nzymi-krm, yrni-kzx.
Abrtz-kzx nzabrtz-krm.
Mz nzoqli-krngi nnti
Namnc-aepztrpo bam.

Naglqlz-ngrngi Gct Heven,
Nabz negi kx yrlvi.
Navzpxm mz nzmnc-lxbl-
krngi mrga mz nrlc.

Sa nawztr-zvzbo bam
Nzvz-nqblq-krnge Kraes.
X okatr-kzpq ninge
Mz da kx suti drtwrnge.

Nabz Negung
381 E Bzo Kxitr

E bzo kxitr
Vzpxpe mz lzvecr.
Mzvea mwalebz Mrlx Gct,
E bzo kxitr x.

382 E Kqpe Lrpz Kxprki E

E kqpe lrpz kxprki e.
Lepu kx aovxiope.
Mz natq lrmqng e.
Kqpe lrpz kxprki e.

383 Glqlzkr Nim Gct Rgr

Glqlzkr nim, Gct rgr.
Myaszlzq e da amrlx
Mz nrlc x mz bongavz.
Glqlzkr nim, Gct rgr.

384 Nanipe Bzokxtr

Nanipe bzokxtr,
Lrmqng e mz nrlc.
Tzodati wrlrde mepyr,
Nanipe bzokxtr.

385 Prtr-rpe Ncblokxtr

Prtr-rpe ncblokxtr
Zluli rm, Jiszs.
Mckr mz kzlenge
Prtr-rpe ncblokxtr.

Nabz Ngr Kxnztrng Amrlx

386 Lod, Aolvz Nabz Negr

For All Your Saints, O Lord

Lod, aolvz nabz negr
Mz nzawi-krbzkr bam
Kxnztr nemqng amrlx
Kcng tzlxngitilr nim.

Nzvz-nqblqlr nim,
X nz-angiolr nim.
Nzlutr-zvzbzngq bam.
Nim txpwz Lod rdr.

Okatrng Mqngrkxtr
Mz da kx nzwz-ngrdr.
X mz nzetqkr drtqdr
Mzlike nzbz-ngrdr.

Naglqpxkr drtqm.
Nabrti drtwrgr nim.
Nalukr x nabztrpzkr
Bam mz nzmnc-krgr.

Angrlvzkr Trte
Mrlx x Mqngrkxtr.
Dake tqwai-pnz'le mz noude,
Tqvzpe, tqvzpe.

Nabz Ngr Adru Kxtr

387 Jiszs Kqle-zvzle Nigu

Jesus Calls Us

Jiszs kqle-zvzle nigu
Mz mzli r da kx prtz.
Nabrti drtwrgu nide.
Navz-nqblqku nide.

Jiszs kqlele Adru kxtr
Mzlike pnz' Gzlili.
Rlaszde lr mnyz'de,
Nzvz-nqblq-krde Kraes.

Bzkq angioku dalr nrlc:
Trau, zmatq, da kxkqlu.
A' Jiszs Kraes nangi da kx
Ayrnr mz nabzgu.

Kxmule-esz' abrtzku
E nabzgu talvzo,
A' Jiszs namyapxbz mz
Da amrlx mz drtwrgu.

Jiszs, okatr zvz nigr
Nzxlr-krgr natqmq,
Nzozli-krgr nzti rm,
X nzmrlzti-krgr nim.

Nabz Ngr Tomas Kxtr

388 Lod, Awi-zvzbzkr Bam

St. Thomas

Lod, awi-zvzbzkr bam,
Mz nqmq kr Tomas.
Murde aelwapxbzme bade,
Nivz lrm kc etu.

Tomas trlxngiti-kaileu,
Nztulz-mou-krme.
A' rpibzme bade kx,
“Mc mqnge x blrirnge.”

Kxmule-esz' trmckru nim,
A' narlxngitkr.
Bzkq rlrpx-ngrn nqm qkrgr,
Avzbzle drtwrm.

Nabrtitr kz drtwrgr,
Nim Lod x Gct rgr.
dake tqwai aposol Tomas,
Nalxngitkr Kraes.

Okatr nigr mzli kx,
Nabzgr ngrgo-ngrdr.
Murde nigr doa nemqng,
X trxplrkr.

389 Drtq Tomas E Mya'pe

Drtq Tomas e mya'pe
Rnzc rpipele e,
“Kxetu rnge x Gct rnge.”
Drtq Tomas e mya'pe.

390 Tomas E Tulz Vzm E

“Tomas, e tulz vzm e
Nanc angidr mzpq.
Metulr nilz mz mqnge.”
Tomas e tulz vzm e.

391 Tomas Obla Kx Lipxm

Tomas obla kx lipxm,
Nabzde abrlzm.
Jiszs e lupe mou.
Tomas obla kx lipxm e.

392 Trlxngitiu Tomas

Trlxngitiu Tomas
Nrpa kx vzm x.
Nanc-zpwxle bzmz nilz e.
Trlxngitiu Tomas e.

Nabz Ngr Stiven Kxtr

393 Mrlx Gct Prpx Mz Ve

The Son Of God Goes Forth To War

Mrlx Gct prpx mz vea,
Mz nzngi-krde King.
Glalzle ncnqngq kx pc.
Navz-nqblq nide!

Bzkq mw'lrtiq nzbzngr
X nzetqkr drtqm.
Mz nzglq-zvz-krm kros ngrm.
A' vz-nqblq nide!

Stiven nznibq-kai-ngrde
Nzplzpx-krde Kraes.
X rlxtibzle mz Lod,
“Arlapxbz ninge!”

Mrlx lc ipqle leplz
Kcng tznibqlr nide,
X nzaebrtilr mz rplz.
Navz-nqblq nide!

Mqngrkxtr nzavzom Heven
Mz aposol ne Kraes.
X nznibqti-kzng nidr
Mz kros rdrng x nyr.

Nznibqting mz toki r vea
X nqngi laeon kz.
Nzavzo-lzbqng mz nzbzngr.
Navz-nqblq nidr!

Murde nzlxngitilr Kraes,
Nidr ami nede.
X nztu-ngalelvzlr tron,
Nzqlqlzlr nide.

Mz nrlc ka mcpe-kzku
Nzkxpungr kx kqlu.
Lod, navz-nqblq-zvzkr
Nim badr leplz nem!

Nabz Ngr Jon Kxtr

394 Mz Nzokatrkr Mqngrkxtr

The Life Which

Mz nzokatrkr Mqngrkxtr
Ncblo tq nzyrlr
Drtwr ngr Natq Mevalu
Mzlike mz nrlc.

A' nzryrnrkxtr sc Jon
Myaszlzle nidr,
Mz nzlvclz-krde ewq
Krlzbzle tron nyz' Gct.

Mctrle da kx yckapqng:
Jiszs nide Natq Gct,
Alele me pnz' drtwrde.
Natq ncdrr Gct esz'.

Jiszs puliomle zmrlz
Namnclzbzku bade.
X mz nivz lr Jiszs Kraes,
Yzlumimle daangidr.

Mnc-aepztr-zvzpebz
Mz Kraes Kxetu rde.
Mrgc tq-r-mctipele
Da angidr ngrde.

X mzlile nivz lr Gct
Prtrp mz nabzde.
X nivz lc mctrpekr
Mz nz-ryr-krdeng.

Jiszs, mrlx Mxri kxtr,
Angio-zvzkr
Nimu ncdrr Gct Trtemq
X Mqngrkxtr kz.

Nabz Ngr Pol Kxtr

395 Mzlike Pol Tqvz-ngrde

We Sing The Glorious Victory

Mzlike Pol tqvz-ngrde
Mz nzatrkatikrde
Leplz nemqng kcng Damaskzs,
Rtwzbz zngya' badr.

A' tubrkir-ngrn nide
Mz lrpzki rde.
Murde nalxngitile
Nimq, Kx-aolve sip.

Zluli rm sc tqvzopem
Nzrmcti-krm lc nide.
Zyzlr pna'milxtile
Zngya' ngr drtwrde.
Natqm prtrpz mz nabzde.
Nivz lrm tekqtrle nide
Mz nznginipe-krde
Kxwz nem kxtubq.

Ycngr mz drtwrmq nide
Mz nivz lrm kxetu.
Vz-nqblqle me pnz' drtwrm,
Mz nzyrplapx-krm.
X nz-awxo-krde kc
Makxtr mzlík.
Mzlika lrtipxpele
Nzatulz-krdele.

Kxetu, zmatq ngrm krlzle
Nztekqtr-krde
Lepz kxngi enqmi ngrm
Mz kxwztrp bam.
Delc nakrka'-zvz-ngrgr
Nekeng nzvz-rbrng,
Mz nzngini-kzkrdr
Lepz nemqng kxtr.

396 Lepxle Natq Lrmqng E

Lepxle natq lrmqng e
Me turbe nrlo.
Pol e tziklati.
Lepxle natq lrmqng e.

397 Pol Rtcope

Pol rtcope
Zyzlr mz lrpzki x.
Bilvro nabzde x lrmqng e,
Pol rtcope a.

Nabz Ngr Mataeas Kxtr

398 Mcpxkr Mataeas e

Mcpxkr Mataeas e
Natekqtrpele
Judzs kc tqbz.
Mcpxkr Mataeas e.

Nabz Ngr Bisop Selwin

399 Lod, Lr Trmctu

Nzmnc-kaing

The Islands Waited, Lord For You

Lod, lr trmctu nzmnc-kaing
Mz nzlo ngr alwx.
Nz-aenzlilr nzvz-krm
Nrpa ngrmq badr.

Mzlika lxngitipekr
Nrpakxmrlz lc.
Aolveq nabzgr murde
Bzkq ota-zvzkr.

Maszn alilvne prla
Nzyapwxti-krbzle
Nrpa x nivz lrm badr
Lr Maori ngr Niu Silzn.

Kxmule-esz' nzrlxngiting
X namncng mz nrwx,
A' lr mztangi nzrtwzmqng
Pu ngr nz-otangr.

X atwzlr-ngrme Selwin
Mz nivz lrm kxetu.
Atulzle kolej nyz'de,
Alvztrle nigr.

X vzmile melrmqgrng,
Nzalvztr-krde nidr.
Murde nalxngitilr nim,
Nzrglqlzngr drtqm.

X sc tzyzlupe-mopwqng
Badr Bisop Patson.
A' trtegrng nzn**ibq**bzlr
Kxnxwz nemq leng.

Lr Maori x lr mztangi
Nzmnc-lxblrng mzlika.
X lr trmctu kzblengq
Nz-aodu-lzbq-kzng.

Okatr nigr doa nemqng
Nzxlr-krgr natqm,
Nzkqle-krm nigr murde
Namnc-zpwx-zvzkr.

Nabz Ngr Maki Kxtr

400 Maki Yrle Nrpa Kc Kai. The Saint Who First Found Grace To Pen

Maki yrle Nrpa kc kai.
Nrpa ngr Mevalu rde.
Murde nalxngiti-kzku
Kx Jiszs nide Mrlx Gct.
Mqngr mailz-zvzle nide
Mz nzsutikr drtwrde,
Kx nayrole nzlukr Kraes
Mz natq aposol nedeng.

Buk scde aelwapxbzle
Jiszs badr lr nrle ka.
X zmatq ngr natqdeng
Axplr-kzle nabzgu.

Alvztr-ngrde nigu kx
Zmatq ngr Jiszs Kraes
Amrlz-zvzle drtqgu,
X ipqle alwx ngrgung.

Glqlzku Gct, Kxrpalz.
Atwzlr-ngrmle Mrlxde.
Mqngrkxtr batrpzle
Nzryapwxkr Maki kxtr.

401 Nrpa Kx Leemle

Nrpa kx leemle
Opltrpem.
Maki malelvipe bzo,
Nrpa kx leemle.

Nabz Ngr Pilip X Jemes Kxtrng

402 Pilip X Jemes Nzozlilr Two Saints Went By The Road

Pilip x Jemes nzozlilr
Lrpzki r Jiszs.
Nzwztr-zvzkrbzlr bade
Elalz-ngrm drtwrde.
Rpibz Pilip bade kx,
“Aelwa-ngrm Trtemq.”
“Neke mcle ninge, mcle Trte,”
Rpibz Jiszs bade.

Jemes, mzlede Jiszs Kraes,
Alvztr-ngrde kx,
“Naaelwapxku nzrlxngiti-krgr
Mz da kx aleku.”

Lod Jiszs, naptrpzk
Mz dzbede lc esz',
Murde nakrlz-kzkr da angidr mz
Nzvz-nqblq-krgr nim.

Nabz Ngr Banabas Kxtr

403 Banabas, Kxokatr

Barnabas, The Kind Helper

Banabas, kxokatr,
Nide nqvi lr Livae.
Mqngrkxtr kabzle
Bade nzrlxngiti-krde.
Rlr-ngrbz Banabas
Dztudeng amrlx
Badr aposol neng Kraes
Mz makxtr nyz'de.

Banabas, kxokatr,
Mailzle leplz keng
Trnginidru lr Jiu
Nzlxngiti-krdr Kraes.
Delc tqngini-ngrgu
Kxnvz-nqblq nedeng,
Nzokatr-krgr leplz,
Dakc tqwai Banabas.

Banabas, kxokatr,
Vz-nqblqle Jiszs,
Mz nznibqngr nide,
X vzdzpe Heven.
Kxnzapulr nide,
Nidr doa neng Gct,
Kx nz-angio-zvzlr
Jiszs mz tron nyz'de.

Nabz Ngr Jon Kxawrkxtr

404 Enjrl Gebrel Rkabz Nrpa

The Great Prophet Of The New Morn

Enjrl Gebrel rkabz nrpa
Kx mz doa ncblo namc.
X itoto lc nangi Jon.
X nawztrpz mz Yawe.

Propet ngr z bq kxmna.
Rtwayz bz mz Kx-e-tu.
Abrtzlvzku mz z bqka
Nzwzkr Jon Kxawrkxtr.

Trpn'zngr kx myaszpxle
Jon lc mz nzrpi-krde kx,
“Oliqtiamu nabzmu
Mz nzvz-krm Kxetu rgu.”

Trte, angio-zvzkr nim.
Mrlxde, amatqkr nim.
Mqngrkxtr, glqlzkr nim,
Tqvzpe, tqvzpe. Eu.

405 Awr Awrkxtr E

Awr awrkxtr e
Leplz mz lue.
A' Jiszs alzu mz Mqngr x nyr.
Awr awrkxtr.

406 Rpibz Jon Kxawrkxtr

Rpibz Jon Kxawrkxtr
Badr Parzsi
“Nimu doa neng Mz.”
Rpibz Jon Kxawrkxtr.

Nabz Ngr Pita Kxtr

407 Lod, Bzkq Rlr-ngrbzme Mz Setzn

Seek Me Not, Satan

Lod, bzkq rlr-ngrbzme mz Setzn
Nzlolvz-krde ninge.
Murde ninge doa nemq,
X sa nalu-zvzx Heven.

Rpime kx navz-nqblqkr nim,
Nzatutr-krgr natqm.
Nawztr-zvzbzkr bam.
Nimq kc tqngi Gct angidr.

Pita, Adru, Jemes, Jon, x Matiu,
Tomas, Judzs, Batolomiu,
Jemes kxtpowz, Pilip, Saemon,
X Judzs kc tqamua'le Jiszs.

Rpibzme kx, "Neke ninge?"
X nzayzlubzlr natqm kx,
"Kzdung nzrpilr Propet."
A' rpibz Pita kx, "Nim Mrlx
Gct."

Nzwrde tq Pita rpile kx
Trkrlzleu nimq.
A' rpibzme bade kx,
"?Saemon, Mrlx Jon,
mrlztiq ninge?"

X natqmq ayzlubzle kx,
"Eu Kxetu, mrlztix nim.
Krlzq kx mrlztix nim.
Krlz-angidr q kx mrlztix nim."

"Pita, aolvebz leplz nengeng
Kcng tzapulr neisip.
Mailz-zvzbz sip nengeng.
Mz nzaolve-angidr-krm nidr."

Jiszs, navz-nqblq-kzkr Pita,
Nzplzpx-krgr alwx,
Nzmrlzti-krgr nim,
X nzokatr-lzbq-zvz-krgr.

408 Dcpx R Natqm Lrmqnge

Dcpx r natqm lrmqnge,
Kio kya' mz lozbq x.
Aoti nabz Pita yrni,
Dcpx r natqm lrmqnge.

409 Drtwrde Mrbrbe

Drtwrde mrbrbe,
Namailzpe enjrl x.
Pita mwi mzlr ngrlr vea.
Drtwrde mqbrbe a.

410 Kxtqngi Nim Kxetu Rnge

"Kxtqngi nim kxetu rnge,
Pim bange nrzkrbo
Bam mz dcpwe."
Kxtqngi nim kxetu rnge.

411 Mua'peq Mz Lozbq

Mua'peq mz lozbq,
Wrlrne rnalx.
Siu r nc kaobz lrmqnge,
Pita mua'peq mz lozbq x.

412 Ngrlxrox E Mz Saolo

Ngrlxrox e mz saolo,
A' mz natq lrmqnge.
Br krnge e napoo mou.
Ngrlxtrox e mz saolo.

413 Odu Mz Br Krm

“Odu mz br krm,”
Ycmnete lrmqgi x.
Kctipxpe Pita nc ngr dcpwe.
“Odu mz br krm x.”

414 Petiom Bc Makxtr

Petiobo makxtr
Mz nzlu-krm, Pita.
Traovxiou drka',
Petiobo makxtr.

415 Pipxpe Pita Jiszs E

Pipxpe Pita Jiszs e
Kx, “Nim Mesaea,
Mrlx Gct kc tqlu zvz.”
Pipxpe Pita Jiszs e.

416 Pita Kqlepxbo Mz Saolo

Pita, kqlepxbo mz saolo,
“Ma-nqblqm e ninge
Mua'bz nenge ncblo.”
Pita, kqlepxbo mz saolo.

417 Pita Mrlzti-zpwxpeq Ninge

“?Pita, mrlzti-zpwxpeq ninge
Myaszpxle kztemqng?
Naaputrpzme ncblo.
Pita, mrlzti-zpwxpeq ninge?”

418 Sen Opxpe Mz Mqde

Sen opxpe mz mqde.
Ameope enjrl x,
Pita mwi r ngrlrvea.
Sen opxpe mz mqde e.

419 Vzpe Kai Mz Dcpwe

Vzpe kai mz dcpwe.
Mwx'Irti-moule dxbu x.
Pita aboo-lzbq prla.
Vzpe kai mz dcpwe.

**Nabz Ngr Mxri Kc
Makdala****420 Mzlikc Tzmungr
Kxnzeturung**

Mzlikc tzmungr kxnzeturung,
Mxri kc Makdala vzm,
Nzycpq-krbzle nanyc
Kxetu mz drlr mzte'.
X amingrbzle nanycde
Mz nqnginarde kxboi.

Otibzle da kxlulwx,
Tolo kx mnrte sz'pq
Kx nabzde ngangr mz alwx
Aelupebzle nanyc
Kx nabzde lqngi-esz'ngr,
Kc tq-ipqle nide.

Kxetu ayzlubzle
Bade blz kxmrlz lc.
X aolvzle nide murde
Nzlxngiti-krde nide.
X okatr-zvzle nide
Nzayo-krde mz nrlc.

“Mxri, bzkq yrni-zlwzq.
Murde krlc tqrmctiq
Mz nrlanc Mevalu rm.
Bzpe kai, a' lupe mou.
Mz nzetukr nivz lrde
Amqtrpzle nabzm.”

Amatqkr x armyalzkr
Nim neisip kc tznibq.
Aovxiopeq mz nzbz-krm
Zmatq ngr nzbzng.
Tulzpe-moupe' mz nzbz-krm
Mz z bq kratq mz gq.

421 E Napixpebo Bam Lod

E napixpebo bam, Lod,
“X ninge Mxri tao mz nrlc,
Nqngq rlimz.”
Napixpebo bam Lod x.

422 Mxri Drtqde Opxpe

Mxri drtqde opxpe.
Drka' kcngr rlimz
Maszlrpxpebz lrmqng.
Mxri drtqde opxpe.

423 Mxri Mncpxm Mz Nabz Nrlo

Mxri mncpxm mz nabz nzlo.
Rtangrti lrmqng.
Vzmipxle mz zyzlr.
Mxri mncpxm mz nabz nzlo.

424 Mxri Trkrglxpele Alvrnge

Mxri trkrglxpele alvrnge,
Kxmna luli x.
Prtz-atem mz rngalx.
Mxri trkrglxpele alvrnge.

425 Yrni Rde Mz Nrlanc

Yrni rde mz nrlanc,
Alvrnge mrbrpe.
Lu-moupq trkrglxpeu Mxri.
Yrni rde mz nrlanc.

Nabz Ngr Jemes Kxtr

426 Rpibz Lxede Jemes X Jon St. James

Rpibz lxede Jemes x Jon kx,
“Rlr-ngrbz mz mrlxngeng
Nztaplxsr-krdr nrlar
Tron nyz'mq lc Heven.”

A' rpibz Jiszs badr kx,
“Krlzamu nzvz-nqblq-
-krmu ninge mz nzbz-krnge?”
X nzrpibzlr kx, “E-u.”

Rpibzle kx, “Sa tqmrlzye.
Nabz-ngmamu ninge.
A' ngi trtenge txpwz kc
Narkabz tron Heven.”

Kxetu Lod, mzlikc Heven
Krlzkr kx leplz nemqng
Sa na-axvctrpzng mz
Nzaolve-krm da amrlx.

A' mzluka mz nrlc ka
Okatr nzlu-krgr
Nawztr-zvzbzkr bam.
Murde bz-ngrn nigr.

Jiszs, navz-nqblqkr nim
X nzti rm kxtubq.
Murde na-ale-zvzkr
Me pnz' drtwr Trtem.

Namnc-aepztrpzkr bam
Murde naapukr nim,
X naaelwapxbzkr zyzlr
Ngrm badr lr nrlc.

Kxmule-esz' nznibq-kzgr
Dakc tzwai Jemes x Jon
A' nalxngiti-zvzkr
Nim x nivz lrmq.

427 Jemes Drtwrde Ngya'pe

Jemes Drtwrde Ngya'pe.
Nakqlz nyr mz bongavz,
Naodatile ncblo.
Jemes drtwrde ngya'pe.

428 Jemes Rngq Br Mz Saolo

Jemes rngq br mz saolo,
Kqlepxpe lrmqng.
“Tulzm namua'peq ncblo.”
Jemes rngq br mz saolo.

429 Takitrde Nigr Mz Kzlenge

“Takitrde nigr mz kzlenge
Lrbzlr kc x
Nabz-ngrn lrmqng.”
Takitrde nigr mz kzlenge.

430 Vzmimc Bam Mrlxngeng

“Vzmimc bam mrlxngeng.
Nawxbung me matq
Mz nrlarm rlilr.
E vzmimc bam mrlxngeng.”

Nabz Ngr Mxri Lxede Jiszs

431 Nigu Kxnzrlxngitingq

You That Have The Faith Of Jesus

Nigu kxnzrlxngitingq
Naaoti zvz drtwrgu
Gct Trte aovxiole alwx
Mz nivz lrde kc etu.
Mzlikc tqmikapxng
Kxmncamelr Jiszs.

Gct amrlz, Gct amrlz,
Gct amrlzle Mxri.

Gct amrlzle lr Israel,
Amrlzle drtc' nyz'de.
A' nzamrlz-krde Mxri
Myatxpxbz mz nidr.
Murde mcpxpele nide
Nangi lxede Jiszs Kraes.

A' nigu keng tqbrtipe
Drtwrgu mrlxde Kraes,
Na-amatq-kzku Mxri,
Lxe lr makxtr nyz'de.
X navz-nqblqku Mxri
Nzawi-krbzku mz Gct.

Trte armyalzle Mxri,
Nzmc-krde mz Jiszs,
Mz zmatq ngr Mqngrkxtr.
Yawe ngi leplz kcng tq.
A' ngi Gct kc esz'txu,
Tqvz, tqvzpe. Eu.

Nabz Ngr Batolomiu Kxtr

432 Nigu Leplz Ne Jiszs Kraes

Nigu leplz ne Jiszs Kraes
Napi-zvzku be ngr
Nzwzkr kxnztrng bqnc,
Nzokatr-krdr nigu.

Jiszs Kraes mcpyle ncblo
Nzpnue-sz' nrade li.
Nidr kcng tzipibz aposol,
Nzvz-nqblqlr nide.

Mz zbzq ka abrtzlvzku
Aposol Batolomiu.

Vz zvz nzvz-nqblq-krde
Mevalu rde, Jiszs.

Nigu kz navz-nqblqku
Me pnz' drtwr Mevalu,
X nawztrpzku bade
Nzmnc-krdu mz nrlc.

Trte, awi mz Batolomiu,
Kc tqngi ncblo ne Kraes.
Nigr doa nemqng amrlx
Armyalz-zvzkr nim.

433 Natziel Nim Angidr

“Natziel nim angidr
Doa lr Israel.
Trkrlzwq nzpokianger.”
Natziel nim angidr.

434 Pibelqppz Pilip Ninge Bam

“Pibelqppz Pilip ninge bam
Mc-kaipex nim
Me wxbulz-ngrn mz ncpik.”
Pibelqppz Pilip ninge bam.

435 Ribz Natziel

Rpibz Natziel,
“Nim angidr Mrlx Gct
King ngr Israel.”
Rpibz Natziel e.

436 ?Myx' Kxmu Nzkrz-krm Ninge?

“?Myx' kxmu nzkrz-
-krm ninge,
Mz nzycmnekim la lrmqng.”
Myx' kxmu nzkrz.

Nabz Ngr Bisop Patson

437 Gct, Awi Mz Bisop Patson

We Thank You Lord, For One Who Died

Gct, awi mz Bisop Patson,
Kxwz nemq kc tznibq
Mz nzaetq-ngrbz drtqde.
Brti zvz drtwrde nim.

Vz-ngrmle nrwx x nivz
Nzamrlz-krde nabzgr.
Rlrpx-ngrde nzlu-krde
Nz-okatr-krde nigr.

Mncm bagr mz mztea nyz'grng
Nzlee-krmlle nrpa ngr Kraes,
Murde naprsxp~~x~~kr nzlo,
X navztrkr mz zyzlr.

Rlaszmle drtqbr Inglzn,
X tryzlupeu mrnyz'de.
Murde abrtzlvz-zlwzle
Nzmn-c-zvz-krgr badr.

Gct, awi mz kztede kz,
Pris kc tgokatrle nide
Mz nzmrlzti-krdr nigr,
Mz nzetukr nivz lrmq.

X awi mz ncblo kratq,
Kc tznibq kz mz z~~b~~q lc.
Aelwaxmle nzti bagr
Murde navz-nqblqkr Kraes.

X trnzmwx'lr-tpnz'u
Mz nz-rnibqngr nidr.
Murde namnc-zpwx-kzkr
Mz nrpa ngrm kc tzlemlr.

Trtegr, krka'-ngrgr kx
Navz-nqblq-kzkr nidr
Mz nzprtr-krgr badr
Mz nzabrtz-zvzngr Heven.

Nabz Ngr Matiu Kxtr

438 Kqletr Jiszs Livae

Kqletr Jiszs Livae
Mz ma ngr opla.
Tulzm narlue yrlqtxde.
Kqle Jiszs Livae.

Nabz Ngr Lr Melanisiz

Kxzntr Kcng Pnz' X

Kxznibqng

Mz Nzrlxngiti-krdr

Mc Me Naobqtrngr Nabz

Nabz Ngr Maekol Kxtr

X Enjrl Amrlx

439 Enjrl Nztu-ngalelvzlr

Come, Let Us Join Our Cheerful Songs

Enjrl nztu-ngalelvzlr
Tron nzrglqlzngr Gct.
Nzmn-cng mz drtwr kxesz'
Nidr kcng nzkqlung.

Enjrl nzrpi-zvzlr kx,
“Neisip kc tznibq,
Takit~~r~~de nim nzrglqlzngr
Murde bz-ngm lr nrle.”

“Kxetu Jiszs, takitrde
Nzrglxngr zmatq ngrmq,
Zmrlz ngrm, nztubq-krm,
Mz nzrglqlz-zvzngr.”

Jiszs, drtqm tr-esz'ngr.
Neisip, glqlzkr nimq,
Mz nzwxbuo-krm m z tron,
Tqyc, tqyc. Eu.

440 Gct E Wxbuom Mz Tron

Gct e wxbuom m z tron,
Ngrlelvxpe enjrlng.
Tzangioldr nide.
Gct e wxbuom m z tron.

441 Trkrpe Nyz'de Nrlc E

Trkrpe nyz'de nrlc e
Rtco pem Maekol.
Setzn e mnc-lrlxlqpe,
Trkrpe nyz'de nrlc e.

442 Vea Kapu Mz Bongavz

Vea kapu m z bongavz.
Maekol naodape,
Neni-krm e ztrngalr.
Vea kapu m z bongavz.

Nabz Ngr Pransis Kxtr

443 Nzabrtzkr Pransis Kc Kai

The First Good Joy

Nzabrtzkr Pransis kc kai,
Nzabrtzlvzngr nrlc:
Zlqngi ngr da kx wz-ngrm,
Nzelalz-krm drtwr.
Nzelalz-krm drtwrde, Lod.

X angrlvz-zvz-kzkr
Trte, Mrlxde, x Mqngr,
Tqyc, tqyc. Eu.

Nzabrtzkr Pransis krali,
Nzrlr-krbzle m z
Jiszs Kraes dztudeng amrlx,
Nzvz-nqblq-krde,
Nzvz-nqblq-krde nim, Lod.

Nzabrtzkr Pransis kratq,
Trpnz'ngr nyz'de ma,
X nzrlxngr zvz dakxnzng,
Dakc tqwaiq m z nrlc,
Dakc tqwaiq m z nrlc ka, Lod.

Nzabrtzkr Pransis krapwx,
Nz-rpi-krbzle
Badr animol amrlx,
Naabrtzlvzlr nim,
Naabrtzlvzlr nimq, Lod.

Nzabrtz-krde kranzlvqn
Nzokatrngr Klea Kxtr
Murde nalxngitile Kraes,
Nzwztr-krbzle,
Nzwztr-krbzle bam, Lod.

Nzabrtz-krde kraesz'mz
Nzetqkr drtqde.
Murde rmctipele mz Kraes
Da kxmrlztingq,
Da kxmrlzting amrlx, Lod.

Nzabrtz-krde krarlimz
Nzbz-krde mz nrlc.
Murde navzdzpe Heven,
Mz nzmncr-krbzle,
Nzmncr-krbzle bam, Lod.

Nabz Ngr Luk Kxtr

444 Kraes, Amrlzpeq Leplz

Saviour, Who Did Healing Give

Kraes, amrlzpeq leplz
Mz zmatq ngr nzbz-krm.
Mailz nigr mz z bq ka,
Mz nzaxplr-mou-krm nigr.
Katxpxq ztrka
Mz nrkrdrdq kxnzyagoxng.
Nardrtq kxngq xlr mou da.
X mz kx trka opx mou.

Kxetu, atwzlr-ngrkz
Kxnzapu-kzlr Dokta Luk,
Kc tqryr Nrpakxmrlz.
Murde leplz lcng nangi kz
Kxnzawz nemqng mz nrlc,
Kxnzkrka'-zvz-ngrdr
Kxnzyagoxng nakrlzbzle
Nztwz-krdr zmatq ngrmq.

Aprcme zmatq ngrm
Bagr kxnzvz-nqblqlr nim,
Murde naamrlz-kzkr
Nrkrdrdq kxnzyagoxng.
Zmatq ngr Mqngrkxtr
Okatr-zvzle drtwrgr,
Nzglx-angidr-krgr kxmu
Nakrka'-ngrgr nidr.

Nabz Ngr Saemon X Judz Kxnztrng

445 Kxetu, Nzatwzlrpx-krmq

Thou Who Sentest Thine Apostles

Kxetu, nzatwzlrpx-krmq
Ncblo nem nzli-zvzng.
Murde nayapwxtipxbzlr
Nrpa ngrm badr leplz.
X naokatr-lzbq-kzng mz
Nzwztr-krbzlr bam.

Kxetu, awi mz kxtr nem,
Saemon kc Kenznq.
Mz nztekqr-krbzme
Drtwrde kx ngya' ani,
Murde navz-nqblqle nim
Mz drtqde kxvq zvz.

X awi mz mzlem Judz,
Mz nzbatr-krbzme
Nzlxngiti-krde nimq,
X yrle letz scde.
Murde bzkq vz-nqblqku
Natqdr kxnzpokiang.

Kabzme badr zmatq
Mz nzaodu-krdr leplz,
Mz nzale-krdr rxx,
Nzokatr-zvz-krdr,
X nzatubqti-krdr
Leplz kx nzvz-rbrng

Gct Trte, myalz-esz'ngrn.
Angio-zvzkr nimq.
Gct Mrlxde, Mevalu rgr,
Amatq-zvzkr nim.
Gct Mqngrkxtr kxluli,
Armyalz-zvzkr nim.

D. Nabz Ngr Nzrkangr Zmrlzkxmyalz Badr Leplz (Rites)

31 Nabz Ngr Nzawrkxtrngr

Mc Me Naobqtrngr Nabz

32 Nabz Ngr Nzlolvzng Nar Nekeng Nzplzpxlr Nzrlxngiti-krdr

Mc Me Naobqtrngr Nabz

33 Nabz Ngr Nzyrlzng

446 Gct Kc Tqwz-ngrde Nrlc

The Voice That Breathed O'er Eden

Gct kc tqwz-ngrde nrlc
Mzlike pnz' bqnc.
Amrlzle nzyrlzkr
Adam x olvz rde.

X mz z bqka vz zvz
Nzamrlz-kzkrde
Nzyrlzkr obla nede
Ncdr olvz rde.

Axvctrle doa lcnq
Mz nqvi kxmngi.
X trpnz'ngr mz nrlc
Kx nzakipx nidr.

Trte, kabz olvi lc
Mz obla kx mcpxq.
Dakc tqwaipebzme
Badr Adam x Iv.

Jiszs, mz nzngini-krm
Leplz x Gct angidr,
Axvctr-kzpz nidr
Mz drtwr kxesz'.

Mqngrkxtr, okatrpx
Nzmnc-krdr natubq.
Mz nzatr-krm Makxtr
Kc tqngi olvz r Kraes.

Tu-zvzbx mz nibrdr
Murde navz-nqblq-
Angidrlr nim mz nrlc,
Nakrlzbxle Heven.

Na-angio-zvzlr nim
Mz blz krdr kxtr,
Nzvzdz-krdr Heven
Badr olvz r Kraes.

**34 Nabz Ngr Nzlolvngr
Nar Nzngini-krde
Dikon E Mama**

447 Trtegr, Kqlepeq Ncblo Ka

Trtegr, kqlepeq ncblo ka
Mz nzwztr-krbzle bam.
Amrlz nzlolvzokr
Bisop narde mz z bqka.

Gct, amrlz nigr mz z bqka,
Murde na-angrlvzkr nimq.
X atwzlr-ngrm Mqngrkxtr
Kc tqngi nou zmatq ngrm.

Vzm Mqngrkxtr, nranq ngr
Heven,
X puliom zmatq ngrm,
Murde namailz-zvzq nigr
Badr ncblo ne Gct ka.

Okatr nigr mz zbq kalvz
Nzvz--nqblq-krgr natqm
Mz nzwzngr kx yrlqme bagr,
Murde drtqgr bzkq mya.

Kxetu Lord, namckr zluli rm
Mz nzangio-krgr nimq.
Murde nakrlz-angid~~kr~~ kx
Mncme bagr mz z bqka.

Gct, nawztr-zvzbzkr bam
Nakrlzbzle nzmnc-krgr
Heven murde naabrtzkr
Mz nz-rmcti-krgr nim.
Nabz Negung

448 E Prtrpe Mz Lepukxtr

E prtrpe mz lepukxtr.
Yrbzmu mz mzluzde x.
Kx luli r mzte e
Prtrpe mz lepukxtr.

449 Prtrpe Mz Lepukxtr

Processional

E prtrpe mz lepukxtr
Yrlqbmzmu mzluzde x.
Kx lulir mzte
Prtrpe mz lepukxtr.

450 Txavoum Mz Narnge

Txavoum mz narnge
Lulitrp mz alvrnge.
X mzluznge kxtr
Naprmipxpex.

451 Tzavoo Mz Narnge

Vestments

Tzavoo mz narnge
Navzo mz alvrnge.
X teinur drtqnge
Naomi luekxtr x.

452 Tzavoo Mz Narnge (2)

Vestments

Tzavoo mz narnge
Lulitrp mz alvrnge.
X mzluznge kxtr
Naprmipxpex.

453 Vzmitrpzki

Presentation By Parents

Vzmitrpzki
X neinge,
Kxznzaprzbzki e
Mz mq Benyrlr nrlc.

454 X Tzaprcm Bange E

Presentation Of Bible

X tzaprcm bange e
Buk r natq lrmqng.
X Nrpakxmrlz
Kx naleepx mz nrlc.

35 Nabz Ngr Nzamrlzngr Nrkrdrdq X Nabz Leplz

455 Nzamrlzngr Nrkrdrdq X Nabz Leplz

Healing Song

Mz drdq Jiszs, vzmq Mqngrkxtr,
Amrlz nrkrdrdq doa nemqng.

Mqng, aelwapxng kxmu
nzkrka'ngr,
Murde navz-nqblqkr me pnz'
drtwrn.
Pitrp mz nabzgr da kx naalekr,
X aetunepx nzrlxngiti-krgr.

Axvctr-lzbqgr mz drtwr Jiszs,
X mz nabzde x me pnz' drtwrde.
Nangi nigr nzti kx naozlibzme
Mz nrkrdrdq x nabz doa lc.

Vz-nqblqle natqm nzbxt-krgr
Drtqde murde na-amrlzq nide.

Aelwa-ngrbz nzmz kx alwx
ngrde

Batrpzle zyagox mz drdqde.

Ipq nigr amrlx mz alwx ngrgrng,
Murde aodu-zvzq nigr doa
nemqng.

Kxznzatrkatilr nigr ipq-kzkrng,
Murde natwz-kzkr nz-amrlz-krm.

Ayrkrpx-zvzkr nzpibqtingr,
Pekr drka' amrlx, mz drdq Jiszs.
Zyagox, nzetqkr drdq, x nzbzngr
Na-esaki-kzng, mz drdq Jiszs
Kraes.

Aolve nide, x tubz mz nibrde.
X amqngibz nzrlxngiti-krde.
Nim txpwz kx rngiscmq zmatq
Mz nzamrlzngr nrkrdrdq leplz.

Nim dokta kxmyalz, wz-ngrnq
nigr.

Krlzq kxmu nzatubqtingr nigr.
Yc mz drtrwm nide, amrlz nide,
Dakc tqwai-zvzle mzlikc pnz'.

Mzlika amrna mou nzlu-krde.
X aetunepx kz nz-xplr-krde.
Amqtrpz drtwrde mz nzaodu-
krm,
Murde nabzde trnatalvzo-zlwzu.

Amrlzkr nide mz nz-xplrngr,
Nzamrlzkr drtq, nzmnc-zpwxngr.
Awi-ngrbzkr bam nzayzlu-krme
Natqgr lcngr amrlx, mz drtq Jiszs.

**36 Nabz Ngr Mzli
Kx Nzbzngr**

Mc Me Naobqtrngr Nabz

E. Kzdung Kz Dzbe Nabz

**37 Nabz Ngr Nzelalz-krm
Drtwr**

Mc Me Naobqtrngr Nabz

**38 Nabz Ngr Nzmlztingr
Gct**

Mc Me Naobqtrngr Nabz

39 Nabz Ngr Nzangiongr

Mc Me Naobqtrngr Nabz

40 Nabz Ngr Gct Trte

Mc Me Naobqtrngr Nabz

41 Nabz Ngr Mrlx Gct

Mc Me Naobqtrngr Nabz

42 Nabz Ngr Mqngrkxtr

Mc Me Naobqtrngr Nabz

**43 Nabz Ngr Nzkgngr
Doa Murde
Narlxngiting**

Mc Me Naobqtrngr Nabz

**44 Nabz Ngr Nzrplzpxnr
X Nzipqpxngr Alwx**

Mc Me Naobqtrngr Nabz

**45 Nabz Ngr Nabrtikr
Drtwr Gct**

Mc Me Naobqtrngr Nabz

**46 Nabz Ngr Nzlungr
Kxboi**

Mc Me Naobqtrngr Nabz

**47 Nabz Ngr Vz-nqblqngr
Jiszs**

Mc Me Naobqtrngr Nabz

**48 Nabz Ngr Leplz Neng
Gct**

Mc Me Naobqtrngr Nabz

49 Nabz Ngr Nzarlzpxngr

Mc Me Naobqtrngr Nabz

**50 Nabz Ngr
Nzrlxngiti-angidrngr**

Mc Me Naobqtrngr Nabz

51 Nabz Ngr Nzkrka'ngr

Mc Me Naobqtrngr Nabz

**52 Nabz Ngr Nzwztrbz
Mz Kxetu**

Mc Me Naobqtrngr Nabz

**53 Nabz Ngr Nzlepxngr
Nrpakxmlz**

Mc Me Naobqtrngr Nabz

54 Nabz Ngr Vea Kxtr

Mc Me Naobqtrngr Nabz

Me Naobqtrngr Nabz

A. Nabz Ngr Zbq Kang Kqlu

1 Nabz Kcng Kai

Him: 1-3; Mc Kz Him:

31 Nzabrtzlvz-krgr - We Love The Place, O God

*194 Navz-nqblqku Jiszs, Nigu Ami Nede - Stand Up, Stand Up
For Jesus*

341 Vzm Bange, Mqngrkxtr - Breathe On Me, Breath Of God

*378 Nigu Ami Ne Jiszs Naprtrku Mz Vea - Onward, Christian
Soldiers*

Kzrzs: 4-5; Mc Kz Kzrzs

85 Vzm Mqngrkxtr - Come, Holy Spirit

Nabz Negu: 6

2 Nabz Ngr Kxrmnr-ngrbz

Him: 7-8; Mc Kz Him:

*194 Navz-nqblqku Jiszs, Nigu Ami Nede - Stand Up, Stand Up
For Jesus*

*378 Nigu Ami Ne Jiszs Naprtrku Mz Vea - Onward, Christian
Soldiers*

Kzrzs: 9

3 Nabz Ngr Nourla

Him: 10-14; Mc Kz Him:

*8 Kxetu, Prpxx Mz Drtqm - Forth In Your Name, O Lord, I
Go*

Kzrzs: 15

Nabz Negung: 16-19

4 Nabz Ngr Milzp

Him: 20-26; Mc Kz Him:

59 Lod, Namnc-aepztrpo Bam - Nearer, My God, To Thee

Nabz Negung: 27-28

5 Nabz Ngr Zbq Sc Kxetu

Him: 29-32; Mc Kz Him:

3 Yawe, Namailz-zvzq Nigr - Guide Me, O My Great Redeemer

36 Axplr Mou Nzwz-krm, Kx Lod - Revive Your Work

304 Gct, Nigr Lr Jerusalem - You Choirs Of New Jerusalem

306 Jiszs Lupe Mou - Jesus Lives Again

Mc Kzrzs:

15 Krlc Zbq - This Is The Day

132 Glqpxku Yawe - Come, Bless The Lord

Nabz Negung: 33-35; Mc Kz Nabz Negung:

174 Naglqpxku Yawe! - Let Us Praise Yahweh

359 E Ncblo Kcng Tq

6 Nabz Ngr Nrpakxmriz

Him: 36-43; Mc Kz Him:

243 Yawe Kxrpalz, Wz-ngrn - The Maker Of The Sun & Moon
337 Lue Ngr Nzlungr - There's A River Of Life

Kzrzs: 44-46; Mc Kz Kzrzs:

144 Lod, Krlzq Daamrlx - I Will Run To You

Nabz Negu: 47; Mc Kz Nabz Negu:

368 Rpiom Gct Mz Dcbz E

7 Nabz Ngr Nzrkangr

Mz Mzli R Nzrkangr Nabz Kx Nangrngrng Namc Mrgc 9 Nabz Ngr Nzawingr X
11 Nabz Ngr Nzamqngitr-lzbq-mou-ngrpwz

8 Nabz Ngr Nzmungrkxtr

Him: 48-74; Mc Kz Him:

30 Jiszs Nide Nctrpou Ngr Makxtr Nyz Gct - The Church's
One Foundation
105 Jiszs Mrlzti-zvzle Ninge - His Banner Over Me Is Love
112 Mqngrkxtr Vzmq - Rushing Wind
119 Nzmingrtikr Drtwrnge Nim - As The Deer Panteth For The
Water
188 Lod, Aolve X Mailz Ninge - Be You My Guardian & My
Guide
190 Lod, Rlrpx-lzbqbo Bam - Take My Life
268 Naglqlzku Jiszs Kc Drtqde Tqetq - Glory Be To Jesus
306 Jiszs Lupe Mou - Jesus Lives Again
338 Mqngrkxtr, Kxakrlz - Loving Spirit, Holy Ghost
339 Mzlikc Yawe Tqwz-ngrde Nrlc - Spirit Of God In The Clear
Water
340 Mzlilc Tqvzdzpengr - Our Blest Redeemer, When He Made
341 Vzm Bange, Mqngrkxtr - Breathe On Me, Breath Of God
352 Opx Mz Mz Propet Asaea - Bright The Vision

Kzrzs: 75-85; Mc Kz Kzrzs:

136 Jiszs - Jesus
143 Krlz-zpwxx Kx Sa Navz Zvz - Surely Goodness And Mercy

146 Lod, Naangio-zvzx Nim - Tis My Desire
151 Naaoti Drtwrgu Jiszs - Turn Your Eyes Upon Jesus
161 Sutiix Drtwrnge Nzkrz-krnge Nim. - The Greatest Thing In My Life
196 Lod, Atutr Zvz Me Pnz' Drtwrm - Have Thine Own Way, Lord
198 Gct, Tekqtrpz Nabznge - Create In Me A Clean Heart
271 Lod Nivz Lrm Kxetu - Lord, Your Love Is Big

Nabz Negung: 86-88; Mc Kz Nabz Negung:

97 Gct, Awitx-zlwzbzkr Bam
215 Nabzm Oliqlrpx E
348 Prtrpq Mz Nabznge
9 Nabz Ngr Nzawingr

Him: 89-94; Mc Kz Him:

12 Gct, Awi-zvz-ngrbo Bam - My Father For Another Night
67 Nzluli-zlwzkr Nrlc - For The Beauty Of The Earth
122 Yawe, Glqlzkr Nim Nzngini-krm Kxrpaz - Praise To The Lord,

Kzrzs: 95; Mc Kz Kzrzs:

4 Mz Nzvztr-krngu Mz Naobz X Makoa - I Will Enter His Gates
15 Krlc Zbq - This Is The Day
127 Gct, Alrtibzme - You Have Turned My Mourning Into Dancing
145 Lod, Mrlztikr Nim - Lord, We Love You
169 Yawe, Rlr-ngrbzkr Bam - We Bring The Sacrifice Of Praise

Nabz Negung: 96-97

10 Nabz Ngr Nzglqpxngr

Him: 98-124; Mc Kz Him:

2 Nigu Lr Nrlc Amrlx - All People That On Earth Do Dwell
7 Glqpxku Gct - Praise God From Whom All Blessings Flow
12 Gct, Awi-zvz-ngrbo Bam - My Father For Another Night

13 *Mzlika Nrlc Ngrlxpe - Now That The Daylight Fills The Sky*
 14 *Yawe Gct Rnge, Nim Kxrpalz - Morning Has Broken*
 21 *Kxetu, Nepi Taope - As Now, O Lord, The Sun Has Set*
 90 *Gct, Awibzkr Bam - Now Thank We All Our God*
 93 *Nigr Lr Trmctu Amrlx - Let All The Islands Rise And Sing*
 213 *X Mcpeku Zluli R Nzvzkr Kxetu Rgu - My Eyes Have Seen The Glory*
 280 *Glqlzkr X Angiokr - All Glory, Praise And Honour*
 321 *Gct, Glqpxkr Nim Mz Zluli Rm - O Worship The King*
 322 *Glqpxku Zmatq R Drtq Jiszs! - All Hail The Power*
 323 *Jiszs Sa Naaolve-zvzle - Jesus Shall Reign*
 324 *Leplz Naatuobzng Zpr Mz Jiszs - At The Name Of Jesus*
 325 *Mz zbqka Abrtzlvzku, Glqpx Jiszs! - Hail The Day That Sees Him Rise*
 326 *Mzlikc Ena Nar Jiszs - The Head That Once*
 327 *Naabrtz-zlwzku Jiszs Kraes Nide King - Rejoice The Lord Is King*
 328 *Nim King R King Amrlx - Crown Him With Many Crowns*
 337 *Lue Ngr Nzlungr - There's A River Of Life*
 350 *Dazpwx Kx Lxngiti-angidrx, - Firmly I Believe And Truly*
 351 *Gct Trte, X Gct Mrlxde - All Hail, Adored Trinity*
 353 *Trte, Nim King Kx Matq - Come, Thou Almighty King*
 354 *Yawe Gct Kxrninr, Drtqm Tr-esz'ngr - Holy, Holy, Holy*

Kzrzs: 125-169; Mc Kz Kzrzs:

4 *Mz Nzvztr-krgru Mz Naobz X Makoa - I Will Enter His Gates*
 9 *Murde Ni-zvzde King - Now Unto The King Eternal*
 75 *Awi Yawe - Hallelujah*
 95 *Yawe, Naawibo Bam - I Will Give Thanks To Thee*
 271 *Lod Nivz Lrm Kxetu - Lord, Your Love Is Big*

Nabz Negung: 170-179; Mc Kz Nabz Negung:

6 *Nangr-katobzku Bade*
 87 *Sam 23*
 97 *Gct, Awitx-zlwzbzkr Bam*

383 *Glqlzkr Nim Gct Rgr*

415 *Pipxpe Pita Jiszs E*

11 Nabz Ngr Nzamqngitr-lzbq-mou-ngrpwz

Him: 180-195; Mc Kz Him:

10 Bzkq Aykrpx Ninge - Dismiss Me Not Your Service, Lord

12 Gct, Awi-zvz-ngrbo Bam - My Father For Another Night

57 Lod, Krka'zvzbzkr Bam - Strengthen For Service, Lord The Hands

Kzrzs: 196-199; Mc Kz Kzrzs:

78 Ma Namncku Mz Zyzlr - If We Walk In The Light

146 Lod, Naangio-zvzx Nim - Tis My Desire

167 Yawe, Kabo Bam - Unto Thee O Lord

12 Nabz Neng Doa Kxnztopwzng

Kzrzs: 200-206; Mc Kz Kzrzs:

128 Gct Mrlztile Nigu - Behold, What Manner Of Love

B. Nabz Kx Nangrngr Mz Zbq Kxetu (The Church Year)

13 Nabz Ngr Nzvz-ngrm (Advent)

Him: 207-213; Mc Kz Him:

118 Nigu Lr Nrlc X Lr Heven - The Lord Is King, Lift Up Your Voice

183 Gct, Nivz Lrm Myapx-esz'ngr - Love Divine, All Loves Excelling

Nabz Negung: 214-218; Mc Kz Nabz Negu:

19 Yawe, Kqle-zvzx Nim

14 Nabz Ngr Krismas

Him: 219-245

Nabz Negung: 246-253

15 Nabz Ngr Nzylqzbzlr Drtq Jiszs

Mc Him:

70 Trte, Angiokr x Mrlztikr Nim. - Glorify Thy Name
106 Jiszsz, Apqtr Drtwrnge - Jesus, The Very Thought Of Thee
114 Mz Zmatq R Drtq Jiszsz! - All Hail The Power
124 ?Neke Aodule Ninge? - Who Is This?

Mc Kzrzsz:

126 Drtqde Mrlzvxi - His Name Is Wonderful
130 Glqlzku Zluli R Kraes - Majesty
134 Glqpxx Drtq Jiszsz - Praise The Name Of Jesus
135 Glqpxx Yawe - Bless His Holy Name
140 Jiszsz, Drtq Kxmyalz - Jesus, Name Above All Names
153 Naglqlzku Jiszsz Wq - We Will Lift Jesus Higher
154 Naglqpxx Yawe - Bless The Lord, O My Soul
166 Yawe, Glqlzx Drtqm - Lord, I Lift Your Name On High

**16 Nabz Ngr Nzaelwapx-ngrbz Jiszs Badr Leplz Kcng
Trngiu Lr Jiu (Epiphany)**

Him: 254-256; Mc Kz Him:

3 Yawe, Namailz-zvzq Nigr - Guide Me, O My Great Redeemer

Nabz Negung: 257-261

17 Nabz Ngr Nzwrkxtrkr Jiszs

Him: 262

Nabz Negung: 263

18 Nabz Ngr Jiszs Nzprmitr Makxtrdau

Him: 264

19 Nabz Ngr Nzoliqtingr Nabz Leplz (Lent)

Him: 265-270; Mc Kz Him:

52 Kxmule-esz' Alex Alwx - Just As I Am

53 Kxmule-esz' Nabzngc Yc-zvz Mz Nrwx - It Is Well With My Soul

54 Lod, Aoti-zvz Drtwrgr - According To Your Gracious Word

55 Lod, Butqbr Kc Bqnc - Rock Of Ages

61 Mepyr Ngr Kraes Apule Lue - There Is A Fountain

62 Mnc-aepztrpo Mz Kros - Jesus, Keep Me Near The Cross

68 Nzryckr Drtwr, X Nrwx - To Mercy, Pity, Peace, And Love

74 ?Myx' Kxmu, Brtipengr Drtwrm Jiszs? - Have You Been To Jesus?

184 Glqlz Kros Ngrm - Take Up Your Cross

287 Gct Kx Aoti Drtwrnge

288 Ncblo Kx Drtqde Etq - Man Of Sorrows

Kzrzs: 271; Mc Kz Kzrzs:

84 Trte, Aesz'ti Nigr - Father, Make Us One

Nabz Negung: 272-278

20 Nabz Ngr Nzapriltqkr Enjrl Gebrel Mxri

Him: 279

21 Nabz Ngr Sade Kx Nzaya-glqngn Nabx Nzlu (Palm Sunday)

Him: 280

Nabz Negung: 281-285

22 Nabz Ngr Zbq Krapwx Kxtr

Mc Him:

69 Trtegr, Nzmungrkxtr - My God, And Is Your Table Spread

Nabz Negu: 286; Mc Kz Nabz Negu:

408 Dcpx R Natqm Lrmqng

23 Nabz Ngr Zbq Kranzlvqn Kxmrlz

Him: 287-288; Mc Kz Him:

*48 Da Kx Ipqlx Alwx Ngi Txpwx Mepyr Ngr Jiszs - Nothing
But The Blood Of Jesus*

62 Mnc-aepztrpo Mz Kros - Jesus, Keep Me Near The Cross

266 Krlc Da Kx Mrlz-esz'ngr - It Is A Thing Most Wonderful

*267 Mz Nzobqlvz-krnge Kros Kxluli - When I Survey The
Wondrous Cross*

268 Naglqlzku Jiszs Kc Drtqde Tqetq - Glory Be To Jesus

270 Rlru Mz Newz Kalvari - There Is A Green Hill Far Away

Kzrzs: 289; Mc Kz Kzrzs:

271 Lod Nivz Lrm Kxetu - Lord, Your Love Is Big

Nabz Negung: 290-303

24 Nabz Ngr Nztulz-moukr Kraes

Him: 304-309; Mc Kz Him:

29 Atwzlr-ngrm Gct Mrlxde Jiszs - God Sent His Son

*32 Sade Ngi Zbq Kx Myapxbz Mz Nrlc - The Lord's Day Is
Our Great Delight*

37 Be Kc Pnz' Nide Sele - I Heard An Old, Old Story

100 Elax Mzlikc Tqwz-ngrde Nrlc - I Danced In The Morning

325 Mz zbqka Abrtzlvzku, Glqpx Jiszs! - Hail The Day That Sees Him Rise

Kzrzs: 310

Nabz Negung: 311-320; Mc Kz Nabz Negu:

35 Sade Zbqkxtr

25 Nabz Ngr Nzvzdzkr Jiszs Heven Mz Nzngini-krde King

Him: 321-328; Mc Kz Him:

98 Armyalzkr Nimq, King R King - We Will Glorify The King Of Kings

99 Da Amrlx Nzyclzbzng Mz Zmatq Gct - The Glorious King

107 Jiszs, Glqlz-zvzkr Nim - Praise My Soul, The King Of Heaven

114 Mz Zmatq R Drtq Jiszs! - All Hail The Power

207 Kraes Tumilzm Zmatq - Your Kingdom Come, O God

304 Gct, Nigr Lr Jerusalem - You Choirs Of New Jerusalem

Mc Kzrzs:

130 Glqlzku Zluli R Kraes - Majesty

142 King R King Amrlx - He Is The King Of Kings

Nabz Negung: 329-336

26 Nabz Ngr Nzvzo-krm Mqngrktr

Him: 337-341; Mc Kz Him:

36 Axplr Mou Nzvz-krm, Kx Lod - Revive Your Work

112 Mqngrkxtr Vzmq - Rushing Wind

Mc Kzrzs:

80 Mqngrkxtr, Gct Kxlu - Spirit Of The Living God

85 Vzm Mqngrkxtr - Come, Holy Spirit

199 Trvz-nqblqewxu Alwx - It's No Longer I That Liveth

Nabz Negung: 342-349; Mc Kz Nabz Negung:

33 Mqngrkxtr Vzom Mz Sade

47 E Prpxamu Mz Nrlc
27 Nabz Ngr Tqtrbz (Trinity)

Him: 350-356; Mc Kz Him:

2 Nigu Lr Nrlc Amrlx - All People That On Earth Do Dwell
7 Glqpxku Gct - Praise God From Whom All Blessings Flow
70 Trte, Angiokr x Mrlztikr Nim. - Glorify Thy Name
89 Da Amrlx Kx Wzngr Gct - All Creatures Of Our God And
King
90 Gct, Awibzkr Bam - Now Thank We All Our God
93 Nigr Lr Trmctu Amrlx - Let All The Islands Rise And Sing
118 Nigu Lr Nrlc X Lr Heven - The Lord Is King, Lift Up Your
Voice
241 Vzm, Kxarlapx R Lr Nrlc - Come Thou Redeemer Of The
Earth
304 Gct, Nigr Lr Jerusalem - You Choirs Of New Jerusalem

Kzrzs: 357-358; Mc Kz Kzrzs:

76 Gct Trte, Naawibo Bamq - Heavenly Father, I Appreciate
You
84 Trte, Aesz'ti Nigr - Father, Make Us One
163 Trte, Mrlztix Nim - Father, I Adore You

Nabz Negung: 359-363

28 Nabz Ngr Nrkrdrdq Jiszs Tekqtr-lzbq

Him: 364

Nabz Negung: 365-368

29 Nabz Ngr Kros Kxtr

Him: 369; Mc Kz Him:

62 Mnc-aepztrpo Mz Kros - Jesus, Keep Me Near The Cross
184 Glqlz Kros Ngrm - Take Up Your Cross
267 Mz Nzobqlvz-krnge Kros Kxluli - When I Survey The
Wondrous Cross

378 Nigu Ami Ne Jiszs Naptrku Mz Vea - Onward, Christian Soldiers

Nabz Negung: 370-373

C. Nabz Ngr Zbq Sc Kxnztr Kcng Pnz'

30 Nabz Kx Nangr-rgr Mz Zbq Kxtr Lcng Amrlx

Him: 374-380; Mc Kz Him:

30 Jiszs Nide Nctrpou Ngr Makxtr Nyz Gct - The Church's One Foundation

42 Ngr Makxtr Nyz Jiszs - What Ship Is This

49 Gct, Nim Kxokatr Kc Bqnc - O God, Our Help In Ages Past

326 Mzlikc Ena Nar Jiszs - The Head That Once

386 Lod, Aolvz Nabz Negr - For All Your Saints, O Lord

393 Mrlx Gct Prpx Mz Vea - The Son Of God Goes Forth To War

Nabz Negung: 381-385; Mc Kz Nabz Negu:

176 Ngrgzpe Nzaspwale

1Nov Kxnztrng Amrlx - Balo

Him: 386

30 Nov Adru Kxtr - Ncole

Him: 387

21 Dec Tomas Kxtr - Bznwz

Him: 388

Nabz Negung: 389-392

26 Dec Stiven Kxtr - Neo

Him: 393

27 Dec Jon Kxtr - Vxngz

Him: 394; Mc Kz Him:

426 Rpibz Lxede Jemes X Jon - St. James

25 Jan Pol Kxtr - Ncu

Him: 395

Nabz Negung: 396-397

24 Feb Mataeas Kxtr

Nabz Negu: 398

11 Apr Bisop Selwin - Selwyn College

Him: 399

25 Apr Maki Kxtr - Banyr

Him: 400

Nabz Negu: 401

1 May Pilip X Jemes Kxtrng - Neba

Him: 402

11 Jun Banabas Kxtr - Mzlo

Him: 403

24 Jun Jon Kxawrkxtr - Noipx

Him: 404

Nabz Negung: 405-406

29 Jun Pita Kxtr - Nea

Him: 407

Nabz Negung: 408-419

22 Jul Mxri Kc Makdala - Ncnia

Him: 420

Nabz Negung: 421-425; Mc Kz Nabz Negu:

319 Olvi Yrni Mz Nrlanc

25 Jul Jemes Kxtr - Naban

Him: 426

Nabz Negung: 427-430

15 Aug Mxri Lxede Jiszs - Nookz

Him: 431

24 Aug Batolomiu Kxtr - Nanggu

Him: 432

Nabz Negung: 433-436

20 Sep Bisop Patson - Kohimarama

Him: 437

21 Sep Matiu Kxtr

Nabz Negu: 438

27 Sep Lr Melanisiz Kxnztr Kcng Pnz' X
Kxnznibqng Mz Nzrlxngiti-krdr

Mc Him:

*399 Lod, Lr Trmctu Nzmc-kaing - The Islands Waited, Lord
For You*

*437 Gct, Awi Mz Bisop Patson - We Thank You Lord, For One
Who Died*

29 Sep Maekol Kxtr X Enjrl Amrlx - Wia

Him: 439

Nabz Negung: 440-442

4 Oct Pransis Kxtr - Nrlwz

Him: 443

18 Oct Luk Kxtr - Luovz & Bibr

Him: 444

28 Oct Saemon X Judz Kxnztrng - Neboi

Him: 445

D. Ngmq Ngr Nzrkangr Zmrlzkxmyalz Badr Leplz (Rites)

31 Nabz Ngr Nzawrkxtrngr

Mc Nabz Negu:

47 E Prpxamu Mz Nrlc

32 Nabz Ngr Nzlolvzongr Nar Nekeng Nzplzpxlr Nzrlxngiti-krdr

Mc Him:

60 Lod, Oliqti Zvz Nabznge - Lord, Prepare Me To Be A Sanctuary

66 Nrwx Ngr Yawe Gct Apule Lue - Like A River Glorious

182 Gct, Kxarlapx Rnge - My Faith Looks Up To Thee

184 Glqlz Kros Ngrm - Take Up Your Cross

186 Jiszs, Nawztr-zvzbo Bam - O Jesus, I Have Promised

189 Lod, Navz-nqblqx Nim - Just A Closer Walk With Thee

191 Ma Navz-nqblqku Gct - Trust And Obey

Mc Kzrsz:

80 Mqngrkxtr, Gct Kxlu - Spirit Of The Living God

199 Trvz-nqblqewxu Alwx - It's No Longer I That Liveth

33 Nabz Ngr Nzrylzng

Him: 446; Mc Kz Him:

30 Jiszs Nide Nctrpou Ngr Makxtr Nyz Gct - The Church's One Foundation

72 Yrlwr-lxblramu Makxtr - Fill My House

92 Kxetu, Aodu-zvzq Ninge - Lord I Accept Your Gentle Care

183 Gct, Nivz Lrm Myapx-esz'ngr - Love Divine, All Loves Excelling

338 Mqngrkxtr, Kxakrlz - Loving Spirit, Holy Ghost

Mc Kzrzs:

168 Yawe, Nivz Lrm Tqvzpe - The Steadfast Love Of The Lord

34 Nabz Ngr Nzlolvzongr Nar Nznginingr Dikon E Mama

Him: 447; Mc Kz Him:

60 Lod, Oliqti Zvz Nabznge - Lord, Prepare Me To Be A Sanctuary

182 Gct, Kxarlapx Rnge - My Faith Looks Up To Thee

186 Jiszs, Nawztr-zvzbo Bam - O Jesus, I Have Promised

189 Lod, Navz-nqblqx Nim - Just A Closer Walk With Thee

Mc Kzrzs:

196 Lod, Atutr Zvz Me Pnz' Drtwrm - Have Thine Own Way, Lord

Nabz Negung: 448-454

35 Nabz Ngr Nzamrlznggr Nrkrdrdq X Nabz Leplz

Him: 455; Mc Kz Him:

53 Kxmule-esz' Nabznge Yc-zvz Mz Nrwx - It Is Well With My Soul

106 Jiszs, Apqtr Drtwrnge - Jesus, The Very Thought Of Thee

120 Nzodutr-lxblnrgr, Nzabrtz-zlwznggr - Leaning On The Everlasting Arms

444 Kraes, Amrlzpeq Leplz - Saviour, Who Did Healing Give

Mc Kzrzs:

79 Mnc-lrpiamu X Glxamu Kx - Be Still And Know

81 Neke Aenzlile Lod - They That Wait Upon The Lord

153 Naglqlzku Jiszs Wq - We Will Lift Jesus Higher

155 Nalolvz Mrlx Gct Nigu - Spirit Song

36 Nabz Ngr Mzli Kx Nzbngr

Mc Him:

21 Kxetu, Nepi Taope - As Now, O Lord, The Sun Has Set

22 Merlakitrx, Mnc-zvzm Bange - Abide With Me

*30 Jiszs Nide Nctrpou Ngr Makxtr Nyz Gct - The Church's
One Foundation*

43 Nigu Kxnzlxngitilr Jiszs Kraes - How Firm A Foundation

49 Gct, Nim Kxokatr Kc Bqnc - O God, Our Help In Ages Past

*53 Kxmule-esz' Nabznge Yc-zvz Mz Nrwx - It Is Well With My
Soul*

55 Lod, Butqbr Kc Bqnc - Rock Of Ages

59 Lod, Namnc-aepztrpo Bam - Nearer, My God, To Thee

62 Mnc-aepztrpo Mz Kros - Jesus, Keep Me Near The Cross

66 Nrwx Ngr Yawe Gct Apule Lue - Like A River Glorious

106 Jiszs, Apqtr Drtwrnge - Jesus, The Very Thought Of Thee

*108 Jiszs, Ninge Doa Nem X Mrlztix Nim. - My Jesus, I Love
You*

113 Mrlz Nzmnk-krgr Badr - For You Are My God

182 Gct, Kxarlapx Rnge - My Faith Looks Up To Thee

186 Jiszs, Nawztr-zvzbo Bam - O Jesus, I Have Promised

187 Kxmule-esz' Nabznge - My Spirit Longs For Thee

189 Lod, Navz-nqblqx Nim - Just A Closer Walk With Thee

309 Trpnz'ngr Alwx Mou - This Joyful Eastertide

*375 Lepz Kxnztrng Heven - The Saints All Crowned With
Glory*

376 Lepz Kxnztrng Ne Jiszs - Who Are These?

377 Lepz Ne Kraes Kcng Tqzpeng - Palms Of Glory

Mc Kzrz:

*82 Neke Brtipe Drtwrde Nim - Thou Shalt Keep Him In
Perfect Peace*

E. Kzdung Kz Dzbe Nabz

37 Nabz Ngr Nzalalz-krm Drtwr

Mc Him:

*32 Sade Ngi Zbq Kx Myapxbz Mz Nrlc - The Lord's Day Is
Our Great Delight*

100 Elax Mzlikc Tqwez-ngrde Nrlc - I Danced In The Morning

*103 Gct, Nimq King R Heven - Praise The Lord Who Reigns
Above*

122 Yawe, Glqlzkr Nim Nzngini-krm Kxrpalz - Praise To The Lord, The Almighty

Mc Kzrz:

4 Mz Nzvztr-krqu Mz Naobz X Makoa - I Will Enter His Gates With Thanksgiving

127 Gct, Alrtibzme - You Have Turned My Mourning Into Dancing

143 Krlz-zpwxx Kx Sa Navz Zvz - Surely Goodness And Mercy Shall Follow Me

152 Naelalz-zvz-ngrm Drtwrmu - Rejoice In The Lord Always

158 Nim Kxmatq! - The Lord Reigneth

164 Tulzamu X Ngramu - Stand Up And Sing

166 Yawe, Glqlzx Drtqm - Lord, I Lift Your Name On High

169 Yawe, Rlr-ngrbzkr Bam - We Bring The Sacrifice Of Praise

199 Trvz-nqblqewxu Alwx - It's No Longer I That Liveth

271 Lod Nivz Lrm Kxetu - Lord, Your Love Is Big

38 Nabz Ngr Nzmlztingr Gct

Mc Him:

- 14 Yawe Gct Rnge, Nim Kxrpalz - Morning Has Broken
51 Jiszs Vz-zvzmc Bamq - In The Garden
70 Trte, Angiokr x Mrlztikr Nim. - Glorify Thy Name
90 Gct, Awibzkr Bam - Now Thank We All Our God
102 Gct, Leplz Trnamc-zpwxlru Nimq - Immortal, Invisible,
God Only Wise
104 Jiszs Kztegu Kxmyapxbz - What A Friend We Have In Jesus
106 Jiszs, Apqtr Drtwrnge - Jesus, The Very Thought Of Thee
108 Jiszs, Ninge Doa Nem X Mrlztix Nim. - My Jesus, I Love
You
109 Kxrpalz, Mzlikc Namc-ngrne - Oh Lord, My God
113 Mrlz Nzmmc-krgr Badr - For You Are My God
120 Nzodutr-lxblnrgr, Nzabrtz-zlwzngr - Leaning On The
Everlasting Arms
121 Nzrlxngiti-krnge Mqngipe - Blessed Assurance
123 Yawe, Nipem Gct Rgr - Thou Art Worthy
124 ?Neke Aodule Ninge? - Who Is This?
353 Trte, Nim King Kx Matq - Come, Thou Almighty King
356 Yawe, Gct Kc Tqrnir - Holy, Holy

Mc Kzrzs:

- 75 Awi Yawe - Hallelujah
76 Gct Trte, Naawibo Bamq - Heavenly Father, I Appreciate
You
126 Drtqde Mrlzvxi - His Name Is Wonderful
130 Glqlzku Zluli R Kraes - Majesty
131 Glqlz-zvzx Yawe - To God Be The Glory For The Things
He Has Done
133 Glqpxku Yawe, Kxetu - Let's Just Praise The Lord
135 Glqpxx Yawe - Bless His Holy Name
136 Jiszs - Jesus
137 Jiszs Kraes, Lqngipx - Isn't He?
140 Jiszs, Drtq Kxmyalz - Jesus, Name Above All Names
144 Lod, Krlzq Daamrlx - I Will Run To You

145 Lod, Mrlztikr Nim - Lord, We Love You
 147 Lod, Okatr Nigr - Open Our Eyes, Lord, We Want To See
 Jesus
 149 Mrgc Wq Mz Newz Kalvari - There Up On Mt. Calvary
 150 Myaszpxq Siu R Silvz - Lord, You Are, More Precious Than
 Silver
 151 Naaoti Drtwrgu Jiszs - Turn Your Eyes Upon Jesus
 153 Naglqlzku Jiszs Wq - We Will Lift Jesus Higher
 154 Naglqpxx Yawe - Bless The Lord, O My Soul
 155 Nalolvz Mrlx Gct Nigu - Spirit Song
 159 Nimla King Jiszs - All Hail King Jesus
 160 Nivz Lr Yawe Kxetu-esz'ngr - I Will Sing Of The Mercies
 161 Sutitx Drtwrnge Nzkrz-krnge Nim. - The Greatest Thing In
 All My Life Is Knowing You
 162 Trpnz'ngr Dalr Heven - Whom Have I In Heaven But Thee
 163 Trte, Mrlztix Nim - Father, I Adore You
 167 Yawe, Kabo Bam - Unto Thee O Lord
 168 Yawe, Nivz Lrm Tqvzpe - The Steadfast Love Of The Lord
 Never Ceases
 289 Jiszs Mrlztile Nigu - O How He Loves You And Me
 358 Mrlztiku Gct - Oh, How I Love Jesus

39 Nabz Ngr Nzangiong

Mc Him:

60 Lod, Oliqti Zvz Nabznge - Lord, Prepare Me To Be A
 Sanctuary
 70 Trte, Angiokr x Mrlztikr Nim. - Glorify Thy Name
 98 Armyalzkr Nimq, King R King - We Will Glorify The King
 Of Kings
 110 Lod, Glqlzkr Nimq Mz Nabzgr - Lift Up Your Hearts
 111 Lod, Vzbo Bamq Amrna-zvz Nabznge - The Power Of Your
 Love
 112 Mqngrkxtr Vzmq - Rushing Wind
 114 Mz Zmatq R Drtq Jiszs! - All Hail The Power
 119 Nzmingrtikr Drtwrnge Nim - As The Deer Panteth For The
 Water
 123 Yawe, Nipem Gct Rgr - Thou Art Worthy

193 *Namncx Naapux Doa Ne Gct - I Want To Walk As A Child Of The Light*
322 *Glqpxku Zmatq R Drtq Jiszs! - All Hail The Power*
338 *Mqngrkxtr, Kxakrlz - Loving Spirit, Holy Ghost*
339 *Mzlikc Yawe Tqwz-ngrde Nrlc - Spirit Of God In The Clear Running Water*
340 *Mzlilc Tqvzdzpengr - Our Blest Redeemer, When He Made*
341 *Vzm Bange, Mqngrkxtr - Breathe On Me, Breath Of God*
356 *Yawe, Gct Kc Tqrninr - Holy, Holy*

Mc Kzrzs:

9 *Murde Ni-zvzde King - Now Unto The King Eternal*
80 *Mqngrkxtr, Gct Kxlu - Spirit Of The Living God*
126 *Drtqde Mrlzvxi - His Name Is Wonderful*
146 *Lod, Naangio-zvzx Nim - Tis My Desire*
163 *Trte, Mrlztix Nim - Father, I Adore You*
165 *Yawe Nim King, Kxmyalz-esz'ngr - We Exalt Thee*
196 *Lod, Atutr Zvz Me Pnz' Drtwrm - Have Thine Own Way, Lord*

40 Nabz Ngr Gct Trte

Mc Kzrzs:

138 *Jiszs Ngi Lrpzki - Jesus Is The Way*
139 *Jiszs Ngi Lrpzki Ma Nyz Trtenge - To My Father's House*
148 *Lxngitiku Jiszs - Praise Him*
162 *Trpnz'ngr Dalr Heven - Whom Have I In Heaven But Thee*

41 Nabz Ngr Mrlx Gct

Mc Him:

29 *Atwzlr-ngrm Gct Mrlxde Jiszs - God Sent His Son*
30 *Jiszs Nide Nctrpou Ngr Makxtr - The Church's One Foundation*
48 *Da Kx Ipqlx Alwx Ngi Txpwz Mepyr - Nothing But The Blood*
50 *Jiszs Bz-ngrde Nigu Amrlx - Once, Only Once*
98 *Armyalzkr Nimq, King R King - We Will Glorify The King Of Kings*
100 *Elax Mzlikc Tqwz-ngrde Nrlc - I Danced In The Morning*

101 Gct Esz'txu X Mesaea - True Faith
 106 Jiszs, Apqtr Drtwrnge - Jesus, The Very Thought Of Thee
 107 Jiszs, Glqlz-zvzkr Nim - Praise My Soul, The King Of
 Heaven
 117 Naonge Nakqlu-pwz Elx - O, For A Thousand Tongues
 119 Nzmingrtikr Drtwrnge Nim - As The Deer Panteth For The
 Water
 120 Nzodutr-lxblnrgr, Nzabrtz-zlwzngr - Leaning On The
 Everlasting Arms
 123 Yawe, Nipem Gct Rgr - Thou Art Worthy
 124 ?Neke Aodule Ninge? - Who Is This?
 182 Gct, Kxarlapx Rnge - My Faith Looks Up To Thee
 207 Kraes Tumilzm Zmatq - Your Kingdom Come, O God
 243 Yawe Kxrpalz, Wz-ngrn - The Maker Of The Sun & Moon
 288 Ncblo Kx Drtqde Etq - Man Of Sorrows
 322 Glqpxku Zmatq R Drtq Jiszs! - All Hail The Power
 323 Jiszs Sa Naaolve-zvzle - Jesus Shall Reign
 324 Leplz Naatuobzng Zpr Mz Jiszs - At The Name Of Jesus
 326 Mzlikc Ena Nar Jiszs - The Head That Once
 327 Naabrtz-zlwzku Jiszs Kraes Nide King - Rejoice The Lord
 Is King
 328 Nim King R King Amrlx - Crown Him With Many Crowns
 378 Nigu Ami Ne Jiszs Naprtrku Mz Vea - Onward, Christian
 Soldiers

Mc Kzrzs:

126 Drtqde Mrlzvxi - His Name Is Wonderful
 129 Glqlz Jiszs Wq - Lift Jesus Higher
 130 Glqlzku Zluli R Kraes - Majesty
 134 Glqpxx Drtq Jiszs - Praise The Name Of Jesus
 140 Jiszs, Drtq Kxmyalz - Jesus, Name Above All Names
 141 King R King - King Of Kings & Lord Of Lords
 142 King R King Amrlx - He Is The King Of Kings
 151 Naaoti Drtwrgu Jiszs - Turn Your Eyes Upon Jesus
 159 Nimla King Jiszs - All Hail King Jesus
 289 Jiszs Mrlztile Nigu - O How He Loves You And Me
 358 Mrlztiku Gct - Oh, How I Love Jesus

Mc Nabz Negung:

368 Rpiom Gct Mz Dcbz E

415 Pipxpe Pita Jiszs E

42 Nabz Ngr Mqngrkxtr

Mc Him:

22 Merlakitrx, Mnc-zvzm Bange - Abide With Me

36 Axplr Mou Nzww-krm, Kx Lod - Revive Your Work

112 Mqngrkxtr Vzmq - Rushing Wind

337 Lue Ngr Nzlungr - There's A River Of Life

338 Mqngrkxtr, Kxakrlz - Loving Spirit, Holy Ghost

339 Mzlikc Yawe Tqww-ngrde Nrlc - Spirit Of God In The Clear Water

340 Mzlilc Tqvzdzpengr - Our Blest Redeemer, When He Made

Mc Kzrzs:

44 Jiszs Natqm Ngi Lrpzki X Daangidr - Jesus Your Word Is The Way

80 Mqngrkxtr, Gct Kxlu - Spirit Of The Living God

85 Vzm Mqngrkxtr - Come, Holy Spirit

155 Nalolvz Mrlx Gct Nigu - Spirit Song

Mc Nabz Negung:

33 Mqngrkxtr Vzom Mz Sade

348 Prtrpq Mz Nabznge

43 Nabz Ngr Nzqnggr Doa Murde Narlxngiting

Mc Him:

1 Navztrpamu Makxtr - Enter, Rejoice, And Come In

42 Nigr Makxtr Nyz Jiszs - What Ship Is This

52 Kxmule-esz' Alex Alwx - Just As I Am

74 ?Myx' Kxmu, Brtipengr Drtwrm Jiszs? - Have You Been To Jesus?

189 Lod, Navz-nqblqx Nim - Just A Closer Walk With Thee

194 Navz-nqblqku Jiszs, Nigu Ami Nede - Stand Up, Stand Up For Jesus

265 *Kraes, Rlrpx-lzbqme Bagr - All You Who Seek A Comfort Sure*

369 *Nzryrngrkxtr - Insaet Buk Tabu*

44 Nabz Ngr Nzrpzpxnr X Nzipqpxngr Alwx

Mc Kzrs:

198 *Gct, Tekqtrpz Nabznge - Create In Me A Clean Heart*

45 Nabz Ngr Nabrtikr Drtwr Gct

Mc Him:

66 *Nrwx Ngr Yawe Gct Apule Lue - Like A River Glorious*

72 *Yrlwr-lxblramu Makxtr - Fill My House*

121 *Nzrlxngiti-krnge Mqngipe - Blessed Assurance*

192 *Nabznge, Nalalztq - Hark, My Soul! It Is The Lord.*

211 *Mzlikc Nayzlu-ngrm Jiszs - When The Roll Is Called Up Yonder*

46 Nabz Ngr Nzlungr Kxboi

Mc Him:

49 *Gct, Nim Kxokatr Kc Bqnc - O God, Our Help In Ages Past*

59 *Lod, Namnc-aepztrpo Bam - Nearer, My God, To Thee*

65 *Ninge Dakxnzng Ngr Nzlungr - I Am The Bread Of Life*

183 *Gct, Nivz Lrm Myapx-esz'ngr - Love Divine, All Loves Excelling*

194 *Navz-nqblqku Jiszs, Nigu Ami Nede - Stand Up, Stand Up For Jesus*

211 *Mzlikc Nayzlu-ngrm Jiszs - When The Roll Is Called Up Yonder*

Mc Kzrs:

143 *Krlz-zpwxx Kx Sa Navz Zvz - Surely Goodness And Mercy*

310 *Murde Alu-mouamu Mz Kraes - If Ye Then Be Risen With Christ*

47 Nabz Ngr Vz-nqblqngr Jiszs

Mc Him:

8 *Kxetu, Prpxx Mz Drtqm - Forth In Your Name, O Lord, I Go*

36 *Axplr Mou Nzwz-krm, Kx Lod - Revive Your Work*
43 *Nigu Kxnlxngitlr Jiszs Kraes - How Firm A Foundation*
68 *Nzryckr Drtwr, XNrwx - To Mercy, Pity, Peace, And Love*
180 *Aolve-zvzq Sip Nemqng - Loving Shepherd Of Your Sheep*
191 *Ma Navz-nqblqku Gct - Trust And Obey*
192 *Nabznge, Nalalztq - Hark, My Soul! It Is The Lord.*
195 *Neipz' Kx Nabzdr Lqngi - Blest Are The Pure In Heart*
269 *Nigu Doa Neng Kraes - Do No Sinful Action*
380 *Sa Nawztr-zvzbo Bam - Brother, Let Me Be Your Servant*

Mc Kzrzs:

46 *Rtangrti Kai - Seek Ye First*
78 *Ma Namncku Mz Zyzlr - If We Walk In The Light*
81 *Neke Aenzlile Lod - They That Wait Upon The Lord*
128 *Gct Mrlztile Nigu - Behold, What Manner Of Love*
197 *Mz Zmatq Ngr Kraes - He Gives Me Strength*
310 *Murde Alu-mouamu Mz Kraes - If Ye Then Be Risen With Christ*

48 Nabz Ngr Leplz Neng Gct

Mc Him:

30 *Jiszs Nide Nctrpou Ngr Makxtr Nyz Gct - The Church's One Foundation*
36 *Axplr Mou Nzwz-krm, Kx Lod - Revive Your Work*
380 *Sa Nawztr-zvzbo Bam - Brother, Let Me Be Your Servant*
84 *Trte, Aesz'ti Nigr - Father, Make Us One*

Mc Kzrzs:

128 *Gct Mrlztile Nigu - Behold, What Manner Of Love*
203 *Nigu Amrlx Neidu Kxesz' - We Are One Big Happy Family*
49 Nabz Ngr Nzarlaxngr

Mc Him:

29 *Atwzlr-ngrm Gct Mrlxde Jiszs - God Sent His Son*
37 *Be Kc Pnz' Nide Sele - I Heard An Old, Old Story*
38 *Eu Zmrlz Ngr Jiszs Kxmyalz - The Wonderful Grace*
40 *Lod, Natqm Okatrle - Lord, Your Word Inspires Us*

41 *Nangr-ngr-mopwa'mu Bange - Sing Them Over Again To Me*
 43 *Nigu Kxnzlxngitlr Jiszs Kraes - How Firm A Foundation*
 48 *Da Kx Ipqlx Alwx Ngi Txpwz Mepyr Ngr Jiszs - Nothing But The Blood Of Jesus*
 50 *Jiszs Bz-ngrde Nigu Amrlx - Once, Only Once*
 54 *Lod, Aoti-zvz Drtwrgr - According To Your Gracious Word*
 65 *Ninge Dakxnzng Ngr Nzlungr - I Am The Bread Of Life*
 66 *Nrwx Ngr Yawe Gct Apule Lue - Like A River Glorious*
 73 *Zmrlzkxmyalz - Amazing Grace*
 101 *Gct Esz'txu X Mesaea - True Faith*
 120 *Nzodutr-lxblrngr, Nzabrtz-zlwzng - Leaning On The Everlasting Arms*
 121 *Nzrlxngiti-krnge Mqngipe - Blessed Assurance*
 180 *Aolve-zvzq Sip Nemqng - Loving Shepherd Of Your Sheep*
 243 *Yawe Kxrpalz, Wz-ngrn - The Maker Of The Sun & Moon*
 266 *Krlc Da Kx Mrlz-esz'ngr - It Is A Thing Most Wonderful*
 267 *Mz Nzobqlvz-krnge Kros Kxluli - When I Survey The Wondrous Cross*
 270 *Rlru Mz Newz Kalvari - There Is A Green Hill Far Away*
 288 *Ncblo Kx Drtqde Etq - Man Of Sorrows*
 337 *Lue Ngr Nzlungr - There's A River Of Life*

Mc Kzrz:

79 *Mnc-lrpiamu X Glxamu Kx - Be Still And Know*
 82 *Neke Brtipe Drtwrde Nim - Thou Shalt Keep Him In Perfect Peace*
 149 *Mrgc Wq Mz Newz Kalvari - There Up On Mt. Calvary*
 155 *Nalolvz Mrlx Gct Nigu - Spirit Song*
 289 *Jiszs Mrlztile Nigu - O How He Loves You And Me*

Mc Nabz Negu:

47 *E Prpxamu Mz Nrlc*
50 Nabz Ngr Nzrlxngiti-angidrngr

Mc Him:

*48 Da Kx Ipqlx Alwx Ngi Txpwz Mepyr Ngr Jiszs - Nothing
But The Blood Of Jesus*

*66 Nrwx Ngr Yawe Gct Apule Lue - Like A River Glorious
182 Gct, Kxarlapx Rnge - My Faith Looks Up To Thee
184 Glqlz Kros Ngrm - Take Up Your Cross
191 Ma Navz-nqblqku Gct - Trust And Obey*

Mc Kzrzs:

81 Neke Aenzlile Lod - They That Wait Upon The Lord
51 Nabz Ngr Nzkrka'ngr

Mc Him:

*71 Yawe, Aolve-zvzq Ninge - The King Of Love My Shepherd
Is
104 Jiszs Kztegu Kxmyapxbz - What A Friend We Have In Jesus
192 Nabzng, Nalalztq - Hark, My Soul! It Is The Lord.
5 Yawe Naxlrq Natqng - Give Ear To My Words O Lord*

Mc Kzrzs:

*45 Natqm Nide Lam Kx Rmailz - Thy Word Is A Lamp Unto
My Feet*

Mc Nabz Negung:

19 Yawe, Kqle-zvzx Nim
52 Nabz Ngr Nzwztrbz Mz Kxetu

Mc Him:

*8 Kxetu, Prpxx Mz Drtqm - Forth In Your Name, O Lord, I
Go
10 Bzkq Aykrpx Ninge - Dismiss Me Not Your Service, Lord
36 Axplr Mou Nzwz-krm, Kx Lod - Revive Your Work
380 Sa Nawztr-zvzbo Bam - Brother, Let Me Be Your Servant*

Mc Kzrzs:

197 Mz Zmatq Ngr Kraes - He Gives Me Strength
53 Nabz Ngr Nzlepxngr Nrpakxmrlz

Mc Him:

36 Axplr Mou Nzww-krm, Kx Lod - Revive Your Work

Mc Kzrzs:

129 Glqlz Jiszs Wq - Lift Jesus Higher

Mc Nabz Negu:

47 E Prpxamu Mz Nrlc

54 Nabz Ngr Vea Kxtr

Mc Kz Him:

188 Lod, Aolve X Mailz Ninge - Be You My Guardian & My Guide

194 Navz-nqblqku Jiszs, Nigu Ami Nede - Stand Up, Stand Up For Jesus

268 Naglqlzku Jiszs Kc Drtqde Tqetq - Glory Be To Jesus

378 Nigu Ami Ne Jiszs Naprtrku Mz Vea - Onward, Christian Soldiers

393 Mrlx Gct Prpx Mz Vea - The Son Of God Goes Forth To War

Mc Kz Kzrzs

156 Nangrbo Mz Gct Rnge - I Will Sing Unto The Lord

Mc Kz Nabz Negu

197 Mz Zmatq Ngr Kraes - He Gives Me Strength

Me Naobqtrngr Nabz Mz Natqgu

Alvr Mwekxtr Pipxle	272
Alvrn Kx Tztwzti Vea	273
Alvrnge Prmilzm Rngalx	311
Alvrnge Tzveatilr	312
Alwx R Nrlc Mzlep	290
Amnzo Mxri Mz Nabr	246
Amwile Ninge Lrmqng	27
Aodu-zvzle Nigu - Psalm 136	170
Aolve-zvzq Sip Nemqng - Loving Shepherd Of Your Sheep	180
Armyalzkr Nimq, King R King - We Will Glorify The King Of Kings	98
Atwzlr-ngrm Gct Mrlxde Jiszs - God Sent His Son	29

Aveamle Nigr Lrmqng	281
Awi Gct, Awi Gct, Awi Gct, Awi Yawe - <i>Praise Ye The Lord, Alleluia</i>	125
Awi Yawe - <i>Hallelujah</i>	75
Awibo Bam Dimzs E	291
Awr Awrkxtr E	405
Axplr Mou Nzww-krm, Kx Lod - <i>Revive Your Work</i>	36
Banabas, Kxokatr - <i>Barnabas, The Kind Helper</i>	403
Benyr Kaputrpem	247
Be Kc Pnz' Nide Sele - <i>I Heard An Old, Old Story</i>	37
Bongavz E Naglqwpxpe	329
Bongavz Puliom E Mqng	96
Bzkq Aykrpx Ninge - <i>Dismiss Me Not Your Service, Lord</i>	10
Bzkq Mwipeamu E	214
Bzopen Mz Narnewz	292
Bzovea Yzlum E	274
Bzpxpe Mz Newz Lrde	293
Bztipenge Lzyrnir	294
Da Amrlx Kx Wzngr Gct - <i>All Creatures Of Our God And King</i>	89
Da Amrlx Nzyclzbzng Mz Zmatq Gct - <i>The Glorious King</i>	99
Da Kx Ipqlx Alwx Ngi Txpwx Mepyr Ngr Jisz - <i>Nothing But The Blood</i>	48
Dak Tqwai Ncbl Kc Bqnc - <i>As With Gladness Men Of Old</i>	254
Dazpwx Kx Lxngiti-angidrx, - <i>Firmly I Believe And Truly</i>	350
Dcpx R Natqm Lrmqng	408
Doa Kxtpwx Mzte Nzmc - <i>A Little Child (Susani)</i>	219
Doa Kxtr Mzte Nzmc - <i>He Is Born, The Divine Infant</i>	220
Drlrmzke' Yrle-rde	295
Drtq Tomas E Mya'pe	389
Drtqde Mrlzvxi - <i>His Name Is Wonderful</i>	126
Drtwrde Mrbrbe	409
E Bzkq Bxo Drtc'	282
E Bzo Kxitr	381
E Glqlz Glqlz Yrwq X	370
E Glq-nztiqlrne	371
E Glqpele Ncbrkxtr	275
E Gol, Bulxipwr, Teinu E	257
E Jisz Lupe Mou	313
E Kqpe Lrpz Kxprki E	382
E Lvcom Kio	342
E Ma-nqblqmgr Vri	258
E Napipxpebo Bam Lod	421
E Ncbl Kcng Tq	359
E Ncbr Kxtr Luli E	372
E Prpxamu Mz Nrlc	47
E Prtrpe Mz Lepukxtr	448

E Tzelialvzpe	330
E Vzpeq Mz Bongavz	331
Elax Mzlikc Tqwz-ngrde Nrlc - <i>I Danced In The Morning</i>	100
Enjrl Gebrel Rkabz Nrpa - <i>The Great Prophet Of The New Morn</i>	404
Enjrl Nemqng Nzaolveir - <i>Through The Night Your Angels Kept</i>	11
Enjrl Nztu-ngalelvzlr - <i>Come, Let Us Join Our Cheerful Songs</i>	439
Eu Zmrlz Ngr Jiszs Kxmyalz - <i>The Wonderful Grace</i>	38
Gct, Alrtibzme - <i>You Have Turned My Mourning Into Dancing</i>	127
Gct, Awi Mz Bisop Patson - <i>We Thank You Lord, For One Who Died</i>	437
Gct, Awibzkr Bam - <i>Now Thank We All Our God</i>	90
Gct, Awitx-zlwzbzkr Bam	97
Gct, Awi-zvz-ngrbo Bam - <i>My Father For Another Night</i>	12
Gct E Wxbuom Mz Tron	440
Gct Esz'txu X Mesaea - <i>True Faith</i>	101
Gct, Glqpxkr Nim Mz Zluli Rm - <i>O Worship The King</i>	321
Gct, Kam Bagr Zmatq - <i>God Gives His People Strength</i>	181
Gct Kc Esz' Matq-esz'ngr	360
Gct Kc Tqwz-ngrde Nrlc - <i>The Voice That Breathed O'er Eden</i>	446
Gct Kx Aoti Drtwrnge	287
Gct, Kxarlapx Rnge - <i>My Faith Looks Up To Thee</i>	182
Gct Kxrpax Nrlc	171
Gct, Leplz Trnamec-zpwxlr Nimq - <i>Immortal, Invisible, God Only Wise</i>	102
Gct Mrlztile Nigu - <i>Behold, What Manner Of Love</i>	128
Gct, Nigr Lr Jerusalem - <i>You Choirs Of New Jerusalem</i>	304
Gct, Nim Kxokatr Kc Bqnc - <i>O God, Our Help In Ages Past</i>	49
Gct, Nimq King R Heven - <i>Praise The Lord Who Reigns Above</i>	103
Gct, Nivz Lrm Myapx-esz'ngr - <i>Love Divine, All Loves Excelling</i>	183
Gct Rgne Etu - <i>My God Is So Big</i>	200
Gct Trte, Gct Mrlxde	361
Gct Trte, Gct Trte - <i>Father God</i>	357
Gct Trte, Naawibo Bamq - <i>Heavenly Father, I Appreciate You</i>	76
Gct Trte, X Gct Mrlxde - <i>All Hail, Adored Trinity</i>	351
Glqlz Jiszs Wq - <i>Lift Jesus Higher</i>	129
Glqlz Kros Ngrm - <i>Take Up Your Cross</i>	184
Glqlzkr Glqlzkr Nim	172
Glqlzkr Nim Gct Rgr	383
Glqlzkr X Angiokr - <i>All Glory, Praise And Honour</i>	280
Glqlzku Zluli R Kraes - <i>Majesty</i>	130
Glqlz-ngrgu Drtq Yawe - <i>For Mary, Mother Of Our Lord</i>	279
Glqlz-zvzx Yawe - <i>To God Be The Glory For The Things He Has Done</i>	131
Glqpxku Gct - <i>Praise God From Whom All Blessings Flow</i>	7
Glqpxku Yawe - <i>Come, Bless The Lord</i>	132
Glqpxku Yawe, Kxetu - <i>Let's Just Praise The Lord</i>	133
Glqpxku Zmatq R Drtq Jiszs! - <i>All Hail The Power</i>	322
Glqpxx Drtq Jiszs - <i>Praise The Name Of Jesus</i>	134

Glqpxx Yawe - <i>Bless His Holy Name</i>	135
Gq Trlolvzleu - <i>Low In The Grave He Lay</i>	305
Itoto Jiszs Mzte Nzmc - <i>Baby Jesus</i>	221
Itoto Nzangrlvz	248
Itoto Nzamikam Bagu - <i>Unto Us A Boy Is Born</i>	222
Jemes Drtwrde Ngya'pe	427
Jemes Rngq Br Mz Saolo	428
Jiszs - <i>Jesus</i>	136
Jiszs, Apqtr Drtwrnge - <i>Jesus, The Very Thought Of Thee</i>	106
Jiszs Bz-ngrde Nigu Amrlx - <i>Once, Only Once</i>	50
Jiszs, Drtq Kxmyalz - <i>Jesus, Name Above All Names</i>	140
Jiszs E Lupe Mou E	314
Jiszs E Vz Mzlilxlr	332
Jiszs E Yzlr Mz Nzlo	28
Jiszs, Glqlz-zvzkr Nim - <i>Praise My Soul, The King Of Heaven</i>	107
Jiszs, Kabo Bam Da Amrlx, - <i>I Surrender All</i>	185
Jiszs Kqle-zvzle Nigu - <i>Jesus Calls Us</i>	387
Jiszs Kraes, Lqngipx - <i>Isn't He?</i>	137
Jiszs Kx Traleu Alwx - <i>The Sinless One To Jordan Came</i>	262
Jiszs Kztegu Kxmyapxbz - <i>What A Friend We Have In Jesus</i>	104
Jiszs Lupe Mou - <i>Jesus Lives Again</i>	306
Jiszs Mrlztile Nigu - <i>O How He Loves You And Me</i>	289
Jiszs Mrlzti-zvzle Ninge - <i>His Banner Over Me Is Love</i>	105
Jiszs Mzpq Nzmc Mz Zbq Ka - <i>White Coral Bells</i>	223
Jiszs Natqm Ngilr Lrpzki X Daangidr - <i>Jesus Your Word Is The Way</i>	44
Jiszs, Nawztr-zvzbo Bam - <i>O Jesus, I Have Promised</i>	186
Jiszs Ngilr Lrpzki - <i>Jesus Is The Way</i>	138
Jiszs Ngilr Lrpzki Ma Nyz Trtenge - <i>To My Father's House</i>	139
Jiszs Nide Lod Kxaolve Nrlc - <i>Give Thanks To The Risen Lord</i>	91
Jiszs Nide Nctrpou Ngr Makxtr Nyz Gct - <i>The Church's One Foundation</i>	30
Jiszs, Ninge Doa Nem X Mrlztix Nim. - <i>My Jesus, I Love You</i>	108
Jiszs, Nzmlz-esz'ngr-krm - <i>Jesus, Good Above All Other</i>	39
Jiszs Rnge, Xlrm Natqng - <i>Jesus, Tender Shepherd Hear Me</i>	20
Jiszs Sa Naaolve-zvzle - <i>Jesus Shall Reign</i>	323
Jiszs Vz-zvzmc Bamq - <i>In The Garden</i>	51
Kabolvz Nzo-krde	283
Kaputrpq Mz Lozbq	249
Kctipxpe Ngrlrrlc	343
King Kxtpwz Jiszs, Mzte Nzmc - <i>Away In A Manger</i>	224
King R King - <i>King Of Kings & Lord Of Lords</i>	141
King R King Amrlx - <i>He Is The King Of Kings</i>	142
Kqletr Jiszs Livae	438
Kraes, Amrlzpeq Lepz - <i>Saviour, Who Did Healing Give</i>	444
Kraes, Rlrpx-lzbqme Bagr - <i>All You Who Seek A Comfort Sure</i>	265
Kraes Tumilzm Zmatq - <i>Your Kingdom Come, O God</i>	207

Krlc Bret Nam - <i>We Bring You Bread</i>	77
Krlc Da Kx Mrlz-esz'ngr - <i>It Is A Thing Most Wonderful</i>	266
Krlc Nzmungrkxtr	86
Krlc Zbq - <i>This Is The Day</i>	15
Krlz-zpwx Kx Sa Navz Zvz - <i>Surely Goodness And Mercy Shall Follow</i>	143
Kxetu, Aodu-zvzq Ninge - <i>Lord I Accept Your Gentle Care</i>	92
Kxetu, Nepi Taope - <i>As Now, O Lord, The Sun Has Set</i>	21
Kxetu, Nzatzlrxp-krmq - <i>Thou Who Sentest Thine Apostles</i>	445
Kxetu, Prpx Mz Drtqm - <i>Forth In Your Name, O Lord, I Go</i>	8
Kxmule-esz' Alex Alwx - <i>Just As I Am</i>	52
Kxmule-esz' Nabzng - <i>My Spirit Longs For Thee</i>	187
Kxmule-esz' Nabzng Yc-zvz Mz Nrwx - <i>It Is Well With My Soul</i>	53
Kxnzaolveir Sipq Nedrng - <i>While Shepherds Watched</i>	225
Kxnzawz Neng Gct - <i>You Servants Of The Lord</i>	208
Kxrpalz, Mzlikc Namc-ngrne - <i>Oh Lord, My God</i>	109
Kxtqngi Nim Kxetu Rnge	410
Kzdz Mzli Kzdz kc Olvz - <i>Once In Royal David's City</i>	226
Lalztqamu Natq Enjrl! - <i>Hark! A Herald Voice Is Calling</i>	209
Leepxam Nrpade	250
Lepzl Amrlx Mz Nrlc Ka - <i>From East To West</i>	227
Lepzl Kxnztr Lcng Nzaglqpz'ng - <i>How Bright These Glorious...</i>	374
Lepzl Kxnztrng Heven - <i>The Saints All Crowned With Glory</i>	375
Lepzl Kxnztrng Ne Jisz - <i>Who Are These?</i>	376
Lepzl Naatuobzng Zpr Mz Jisz - <i>At The Name Of Jesus</i>	324
Lepzl Ne Kraes, Abtzamu - <i>Good Christian Men, Rejoice</i>	228
Lepzl Ne Kraes Kcng Tqzpeng - <i>Palms Of Glory</i>	377
Lepu Rde Om E	251
Lepukxtr Elia	315
Lepukxtr	173
Lepxle Natq Lrmqng E	396
Lod, Aolve X Mailz Ninge - <i>Be You My Guardian & My Guide</i>	188
Lod, Aolvz Nabz Negr - <i>For All Your Saints, O Lord</i>	386
Lod, Aoti-zvz Drtwrgr - <i>According To Your Gracious Word</i>	54
Lod, Atutr Zvz Me Pnz' Drtwrm - <i>Have Thine Own Way, Lord</i>	196
Lod, Awi-zvzbzkr Bam - <i>St. Thomas</i>	388
Lod, Butqbr Kc Bqnc - <i>Rock Of Ages</i>	55
Lod, Bzkq Rlr-ngrbzme Mz Setzn - <i>Seek Me Not, Satan</i>	407
Lod, Glqlzkr Nimq Mz Nabzgr - <i>Lift Up Your Hearts</i>	110
Lod, Kalzbzkr Bam - <i>We Offer You, O Lord, Bread And Wine</i>	56
Lod, Krka'zvzbzkr Bam - <i>Strengthen For Service, Lord The Hands</i>	57
Lod, Krlzq Daamlx - <i>I Will Run To You</i>	144
Lod, Lr Trmctu Nzmnc-kaing - <i>The Islands Waited, Lord For You</i>	399
Lod, Mrlztikr Nim - <i>Lord, We Love You</i>	145
Lod, Mz Nzmungrkxtr - <i>Here, O My Lord, I See You Face To Face</i>	58

Lod, Naangio-zvzx Nim - <i>Tis My Desire</i>	146
Lod, Namnc-aepztrpo Bam - <i>Nearer, My God, To Thee</i>	59
Lod, Natqm Okatrle - <i>Lord, Your Word Inspires Us</i>	40
Lod, Navz-nqblqx Nim - <i>Just A Closer Walk With Thee</i>	189
Lod Nivz Lrm Kxetu - <i>Lord, Your Love Is Big</i>	271
Lod, Okatr Nigr - <i>Open Our Eyes, Lord, We Want To See Jesus</i>	147
Lod, Oliqti Zvz Nabznge - <i>Lord, Prepare Me To Be A Sanctuary</i>	60
Lod, Rlrpx-lzbqbo Bam - <i>Take My Life</i>	190
Lod, Vzbo Bamq Amrna-zvz Nabznge - <i>The Power Of Your Love</i>	111
Lrmqngce Namqbrpe	316
Lue Ngr Nzlungr - <i>There's A River Of Life</i>	337
Lvcom Kio Mz Bongavz	344
Lxngitiku Jiszs - <i>Praise Him</i>	148
Ma Namncku Mz Zyzlr - <i>If We Walk In The Light</i>	78
Ma Navz-nqblqku Gct - <i>Trust And Obey</i>	191
Ma Nyz Kzu ycnqngipe	252
Ma Nyzm Ycnqngi Rde	345
Maki Yrle Nrpa Kc Kai. - <i>The Saint Who First Found Grace To Pen</i>	400
Malex Ncbr Kxtr	373
Ma-nqblqn Vri Kxpztzm E	259
Mcpxkr Mataeas e	398
Memwitzmc Jiszs E	16
Mepyr Ngr Kraes Apule Lue - <i>There Is A Fountain</i>	61
Mepyr Taliom Mz Ncbr	296
Merlakitrx, Mnc-zvzm Bange - <i>Abide With Me</i>	22
Mevalu Rgr, Kxetu - <i>The Fight Is Over - Battle Done</i>	307
Mevzlu Rgr, Vz-anim Bagr! - <i>O Come, O Come Immanuel</i>	210
Mnc-aepztrpo Mz Kros - <i>Jesus, Keep Me Near The Cross</i>	62
Mnc-lrpamu X Glxamu Kx - <i>Be Still And Know</i>	79
Mosis, Elaeja	365
Mqbrtrpz E Mz Zluli E	366
Mqngrkxtr, Gct Kxlu - <i>Spirit Of The Living God</i>	80
Mqngrkxtr, Kxakrlz - <i>Loving Spirit, Holy Ghost</i>	338
Mqngrkxtr Nyr Kxngc	346
Mqngrkxtr Vzmq - <i>Rushing Wind</i>	112
Mqngrkxtr Vzom Mz Sade	33
Mrbtr Mz Zbo	333
Mrgc Wq Mz Newz Kalvari - <i>There Up On Mt. Calvary</i>	149
Mrlx Gct Prpx Mz Vea - <i>The Son Of God Goes Forth To War</i>	393
Mrlz Nzmnc-krgr Badr - <i>For You Are My God</i>	113
Mrlzti Jiszs Doa Kxnztopwzng - <i>Jesus, He Loves The Little Children</i>	201
Mrlzti Jiszs Doa Kxtopwz X Ninge - <i>Jesus Loves The Little Ones Like Me</i>	202
Mrlztiku Gct - <i>Oh, How I Love Jesus</i>	358
Mua'peq Mz Lozbq	411

Murde Ni-zvzde King - <i>Now Unto The King Eternal</i>	9
Murde Alu-mouamu Mz Kraes - <i>If Ye Then Be Risen With Christ</i>	310
Mxri Drtqde Opxpe	422
Mxri Mncpxm Mz Nabz Nrlo	423
Mxri Trkrqlxpele Alvrnge	424
Myaszpxq Siu R Silvz - <i>Lord, You Are, More Precious Than Silver</i>	150
?Myx' Kxmu, Brtipengr Drtwrm Jiszs? - <i>Have You Been To Jesus?</i>	74
?Myx' Kxmu Nzkriz-krm Ninge?	436
Mz Nrle Rlapxpe	253
Mz Nrlecx bq, Lozbq Kxtr - <i>Silent Night</i>	229
Mz Nzobqlvz-krnge Kros Kxluli - <i>When I Survey The Wondrous Cross</i>	267
Mz Nzokatrkr Mqngrkxtr - <i>The Life Which</i>	394
Mz Nzvztr-krngu Mz Naobz X Makoa - <i>I Will Enter His Gates</i>	4
Mz Zbqka Abrtzlvzku, Glqpx Jiszs! - <i>Hail The Day That Sees Him Rise</i>	325
Mz Zbqka Da Kx Nzkc tipx - <i>A Great And Mighty Wonder</i>	230
Mz Zbqka Kraes Lupe Mou - <i>Jesus Christ Is Risen To-Day</i>	308
Mz Zmatq Ngr Kraes - <i>He Gives Me Strength</i>	197
Mz Zmatq R Drtq Jiszs! - <i>All Hail The Power</i>	114
Mzlika Nrle Ngrlxpe - <i>Now That The Daylight Fills The Sky</i>	13
Mzlikc Ena Nar Jiszs - <i>The Head That Once</i>	326
Mzlikc Nayzlu-ngrm Jiszs - <i>When The Roll Is Called Up Yonder</i>	211
Mzlikc Pnz' Mz Nrle Ka - <i>It Came Upon The Midnight Clear</i>	231
Mzlikc Pol Tqvz-ngrde - <i>We Sing The Glorious Victory</i>	395
Mzlikc Tzmungr Kxnzeturng	420
Mzlikc Yawe Tqwz-ngrde Nrle - <i>Spirit Of God In The Clear Water</i>	339
Mzliic Tqvzdzpengr - <i>Our Blest Redeemer, When He Made</i>	340
Mzte Luli Bongavz	362
Mzte Luli Obqzbo	334
Mzte Luli Rla	17
Mzte Lulipe Rla E	18
Mztea Kc Topwz Betleem - <i>O Little Town Of Bethlehem</i>	232
Naabrtz-zlvzku Jiszs Kraes Nide King - <i>Rejoice The Lord Is King</i>	327
Naaoti Drtwrgu Jiszs - <i>Turn Your Eyes Upon Jesus</i>	151
Nabzm Oliqlrpx E	215
Nabzngc, Nalalztq - <i>Hark, My Soul! It Is The Lord.</i>	192
Naelalz-zvz-ngrm Drtwrmu - <i>Rejoice In The Lord Always</i>	152
Naglqlzku Jiszs Kc Drtqde Tqetq - <i>Glory Be To Jesus</i>	268
Naglqlzku Jiszs Wq - <i>We Will Lift Jesus Higher</i>	153
Naglqlzku X Gct	317
Naglqpxku Kxetu Yawe - <i>Let Us With A Gladsome</i>	115
Naglqpxku Yawe! - <i>Let Us Praise Yahweh</i>	174
Naglqpxku Yawe Kx Matq-esz'ngr. - <i>To God Be The Glory</i>	116
Naglqpxx Yawe - <i>Bless The Lord, O My Soul</i>	154
Nagqpxku Yawe	175
Nalolvz Mrlx Gct Nigu - <i>Spirit Song</i>	155

Namncx Naapux Doa Ne Gct - <i>I Want To Walk As A Child Of The Light</i>	193
Nangq-lxblrkr Dakxnzng Kxtr - <i>Let Us Break Bread Together</i>	63
Nangrbo Mz Gct Rnge - <i>I Will Sing Unto The Lord</i>	156
Nangr-katobzku Bade	6
Nangr-ngr-mopwa'mu Bange - <i>Sing Them Over Again To Me</i>	41
Nanipe Bzokxtr	384
Naonge Nakqlu-pwz Elx - <i>O, For A Thousand Tongues</i>	117
Naope Mz Lrbzlr	284
Narnebr Kx Aolvz	276
Natq Enjrl Nide Sele - <i>Hark The Herald Angels Sing</i>	233
Natq Simeon Ngidape	297
Natqm Nide Lam Kx Rmailz - <i>Thy Word Is A Lamp Unto My Feet</i>	45
Natzniel Nim Angidr	433
Navz-nqblqku Jiszs, Nigu Ami Nede - <i>Stand Up, Stand Up For Jesus</i>	194
Navztrpamu Makxtr - <i>Enter, Rejoice, And Come In</i>	1
Ncblo Kx Drtqde Etq - <i>Man Of Sorrows</i>	288
Neipz' Kx Nabzdr Lqngi - <i>Blest Are The Pure In Heart</i>	195
Neke Aenzlile Lod - <i>They That Wait Upon The Lord</i>	81
?Neke Aodule Ninge? - <i>Who Is This?</i>	124
Neke Brtipe Drtwrde Nim - <i>Thou Shalt Keep Him In Perfect Peace</i>	82
Ngrgzpe Nzasrpwale	176
Ngrlx Yrkrpxpe - <i>Now The Day Is Over</i>	23
Ngrlxrox E Mz Saolo	412
Nide Lod - <i>He Is Lord</i>	157
Nigr King Vz-nqblqkr Vri - <i>We Three Kings</i>	255
Nigr Lr Trmctu Amrlx - <i>Let All The Islands Rise And Sing</i>	93
Nigr Makxtr Nyz Jiszs - <i>What Ship Is This</i>	42
Nigu Ami Ne Jiszs Naptrku Mz Vea - <i>Onward, Christian Soldiers</i>	378
Nigu Amrlx Neidu Kxesz' - <i>We Are One Big Happy Family</i>	203
Nigu Doa Neng Kraes - <i>Do No Sinful Action</i>	269
Nigu Kxnzlxngitilr Jiszs Kraes - <i>How Firm A Foundation</i>	43
Nigu Kxnzrlxngiting - <i>O Come All You Faithful</i>	234
Nigu Kxnzrlxngitingq - <i>You That Have The Faith Of Jesus</i>	431
Nigu Kxnztrng Mz Nrlc - <i>Let Saints On Earth Together Sing</i>	379
Nigu Leplz, Namnc-zpwxng - <i>God Rest You Merry, Gentlemen</i>	235
Nigu Leplz Ne Jiszs Kraes	432
Nigu Lr Nrlc Amrlx - <i>All People That On Earth Do Dwell</i>	2
Nigu Lr Nrlc X Lr Heven - <i>The Lord Is King, Lift Up Your Voice</i>	118
Nigu Neidu Kxesz' - <i>Sons Of God, Hear His Holy Word</i>	64
Nim King R King Amrlx - <i>Crown Him With Many Crowns</i>	328
Nim Kxmatq! - <i>The Lord Reigneth</i>	158
Nim Zyzlr Rnge - <i>Round Me Falls The Night</i>	24
Nimla King Jiszs - <i>All Hail King Jesus</i>	159
Nimu Doa, Naglqlzamu Jiszs - <i>Praise Him, Praise Him, All Ye Children</i>	204
Nimu Enjrl Ne Gct Heven - <i>Angels From The Lands Of Glory</i>	236

Ninge Dakxnzng Ngr Nzlungr - <i>I Am The Bread Of Life</i>	65
Ninge Kraes Kxetu Rmu	298
Nivz Apule Lue - <i>I've Got Peace Like A River</i>	83
Nivz Lr Gct Vzom	347
Nivz Lr Yawe Kxetu-esz'ngr - <i>I Will Sing Of The Mercies</i>	160
Nivz Vzom Mz Krismas - <i>Love Came Down At Christmas</i>	237
Noa X Lcsu - <i>The Flood</i>	205
Nqngya Opxpem Mz Nzte	299
Nrpa Ayrnrngr Lemq Enjrl Ne Gct - <i>The First Nowell</i>	238
Nrpa Kx Leemle	401
Nrpa Kx Twzm Olvzto	318
Nrwx Ngr Yawe Gct Apule Lue - <i>Like A River Glorious</i>	66
Nzabrtzkr Pransis Kc Kai - <i>The First Good Joy</i>	443
Nzabrtzlvz-krgr - <i>We Love The Place, O God</i>	31
Nzabrtzngr Vzm Mz Nrlc - <i>Joy To The World</i>	239
Nzamrlzngr Nrkrdrdq X Nabz Leplz - <i>Healing Song</i>	455
Nzluli-zlwzkr Nrlc - <i>For The Beauty Of The Earth</i>	67
Nzmingrtikr Drtwrnge Nim - <i>As The Deer Panteth For The Water</i>	119
Nzodutr-lxblnrg, Nzabrtz-zlwzngr - <i>Leaning On The Everlasting Arms</i>	120
Nzrglqlz-zvzngr Yawe	177
Nzrlxngiti-krnge Mqngipe - <i>Blessed Assurance</i>	121
Nzryckr Drtwr, X Nrwx - <i>To Mercy, Pity, Peace, And Love</i>	68
Nzrymngkxtr - <i>Insaet Buk Tabu</i>	369
Obqlz Mz Nzrnewz	216
Obqzlibo Nrlc	363
Odu Mz Br Krm	413
Olvi Yrni Mz Nrlanc	319
Opx Mz Mz Propet Asaea - <i>Bright The Vision</i>	352
Petiom Bc Makxtr	414
Pibelqz Pilip Ninge Bam	434
Pilip X Jemes Nzozlilr - <i>Two Saints Went By The Road</i>	402
Pipxpe Pita Jiszs E	415
Pita Kqlepxbo Mz Saolo	416
Pita Mrlzti-zpwxpeq Ninge	417
Pol Rtcope	397
Prlxo Prlxoamu E	285
Pmilzm Paglx Nrlc	320
Prtr-ngrpe Ncblo Kxtr	367
Prtrpe Mz Lepukxtr - <i>Processional</i>	449
Prtrpq Mz Nabznge	348
Prtr-rpe Ncblokxtr	385
Prtz Mou Mz Tron Nyzde	335
Prtzm Vri Kxngrlxl	260
Ribz Natziel	435
Rlru Mz Newz Kalvari - <i>There Is A Green Hill Far Away</i>	270

Rpibz Jon Kxawrkxtr	406
Rpibz Lxede Jemes X Jon - <i>St. James</i>	426
Rpibz Pita Kx, - <i>How Good, Lord, To Be Here!</i>	364
Rpiom Gct Mz Dcbz E	368
Rtangrti Kai - <i>Seek Ye First</i>	46
Sa Nawztr-zvzbo Bam - <i>Brother, Let Me Be Your Servant</i>	380
Sade Ngi Zbq Kx Myapxbz Mz Nrlc - <i>The Lord's Day Is Our Delight</i>	32
Sade Zbq Sc Gct	34
Sade Zbqkxtr	35
Sam 23	87
Sen Opxpe Mz Mqde	418
Silc Ningya' Drtqnge	88
Sutitx Drtwrnge Nzkrlyz-krnge Nim. - <i>The Greatest Thing In All My Life</i>	161
Takitrde Nigr Mz Kzlenge	429
Tekqtramu Drtwrmu E	217
Gct, Tekqtrpz Nabznge - <i>Create In Me A Clean Heart</i>	198
Tomas E Tulz Vzm E	390
Tomas Obla Kx Lipxm	391
Trkrpe Nyzde Nrlc E	441
Trlipu E Vzo Mz Dcpwe	178
Trlxngitiu Tomas	392
Trpnz'ngr Alwx Mou - <i>This Joyful Eastertide</i>	309
Trpnz'ngr Dalr Heven - <i>Whom Have I In Heaven But Thee</i>	162
Trte, Aesz'ti Nigr - <i>Father, Make Us One</i>	84
Trte, Angiokr x Mrlztikr Nim. - <i>Glorify Thy Name</i>	70
Trte, Mrlztix Nim - <i>Father, I Adore You</i>	163
Trte, Nim King Kx Matq - <i>Come, Thou Almighty King</i>	353
Trtegr, Kqlepeq Ncblo Ka	447
Trtegr, Nzmungrkxtr - <i>My God, And Is Your Table Spread</i>	69
Trvz-nqblqpewxu Alwx - <i>It's No Longer I That Liveth</i>	199
Tulvz Rkapbr Nrlc	300
Tulzamu X Ngramu - <i>Stand Up And Sing</i>	164
Twzpele Ncbr Kxtr	277
Txavoum Mz Narng	450
Tzavoo Mz Narng - <i>Vestments</i>	451
Tzavoo Mz Narng (2) - <i>Vestments</i>	452
Tzqkle Kio Mz Nrlanc	286
Tzleem Nrpa	218
Tzrglqi Vea Mz Nrlc	278
Vzmitrpzki - <i>Presentation By Parents</i>	453
Vea Kapu Mz Bongavz	442
Vri Kx Lqngipx Ngr Betleem - <i>Oh Beautiful Star Of Bethlehem</i>	256
Vz-anim, Mevalu Rgr - <i>Come, Thou Long-Expected Jesus</i>	212
Vzbz Mz Lepz Amrlx - <i>Go Tell It On The Mountain</i>	240
Vzdz Vzdpe	336

Vzkingr Meprkilzm Nepi	261
Vzm Bange, Mqngrkxtr - <i>Breathe On Me, Breath Of God</i>	341
Vzm, Kxarlapx R Lr Nrlc - <i>Come Thou Redeemer Of The Earth</i>	241
Vzm Mqngrkxtr - <i>Come, Holy Spirit</i>	85
Vzmimc Bam Mrlxngeng	430
Vzpe Kai Mz Dcpwe	419
Wiki Esz'mz Mz Nzluqr Kraes - <i>See This Child But Six Weeks Old</i>	264
Wrlrn X Luekxtr	263
Wrlrn Zluli Rde X	349
Wzpe-ngrn Drtc', Bongavz - <i>God Who Made The Earth & Heaven</i>	25
X Mcpeku Zluli R Nzvzkr Kxetu Rgu - <i>Mine Eyes Have Seen The Glory</i>	213
X Tzaprcm Bange E - <i>Presentation Of Bible</i>	454
Xlrku Enjrl Neng Gct - <i>Angels We Have Heard On High</i>	242
Yawe, Angiokr Nim - <i>Most Ancient Of All Mysteries</i>	355
Yawe, Aolve-zvzq Ninge - <i>The King Of Love My Shepherd Is</i>	71
Yawe, Gct Kc Tqrnir - <i>Holy, Holy</i>	356
Yawe Gct Kxrnr, Drtqm Tr-esz'ngr - <i>Holy, Holy, Holy</i>	354
Yawe Gct Rnge, Nim Kxrpalz - <i>Morning Has Broken</i>	14
Yawe, Glqlzkr Nim Nzngini-krm Kxrpalz - <i>Praise To The Lord,</i>	122
Yawe, Glqlzx Drtqm - <i>Lord, I Lift Your Name On High</i>	166
Yawe, Kabo Bam - <i>Unto Thee O Lord</i>	167
Yawe, Kqle-zvzx Nim	19
Yawe, Kxrpalz Nrlc - <i>Before The Ending Of The Day</i>	26
Yawe Kxrpalz, Wz-ngrn - <i>The Maker Of The Sun & Moon</i>	243
Yawe Mrlz - <i>God Is So Good</i>	206
Yawe, Naawibo Bam - <i>I Will Give Thanks To Thee</i>	95
Yawe, Naglqlzkr Zluli Rm - <i>O Lord Of Heaven And Earth And Sea</i>	94
Yawe, Namailz-zvzq Nigr - <i>Guide Me, O My Great Redeemer</i>	3
Yawe Naxlrq Natqng - <i>Give Ear To My Words O Lord</i>	5
Yawe Nim King, Kxmyalz-esz'ngr - <i>We Exalt Thee</i>	165
Yawe, Nipem Gct Rgr - <i>Thou Art Worthy</i>	123
Yawe, Nivz Lrm Tqvzpe - <i>The Steadfast Love Of The Lord</i>	168
Yawe, Rlr-ngrbzkr Bam - <i>We Bring The Sacrifice Of Praise</i>	169
Ycmne Mz Ncbr Kxtr	301
Ycmnpxme Mz Zbo	179
Yrlwr-lxblramu Makxtr - <i>Fill My House</i>	72
Yrni Rde Mz Nrlanc	425
Yrpalepe X	302
Zbq R Zluli - <i>O Sanctissima</i>	244
Zmrlzcxmyalz - <i>Amazing Grace</i>	73
Ztqlqbla Wrlrde	303
Zvz Mz Krismas Kang Kqlu - <i>I Heard The Bells On Christmas Day</i>	245

Me Naobqtrngr Nabz Mz Englis

A Great And Mighty Wonder - <i>Mz Zbqka Da Kx Nzkcitpx</i>	230
A Little Child (Susani) - <i>Doa Kxtpowz Mzte Nzmc</i>	219
Abide With Me - <i>Merlakitr, Mnc-zvzm Bange</i>	22
According To Your Gracious Word - <i>Lod, Aoti-zvz Drtwrgr</i>	54
All Creatures Of Our God And King - <i>Da Amrlx Kx Wzngr Gct</i>	89
All Glory, Praise And Honour - <i>Gqlzkr X Angiokr</i>	280
All Hail King Jesus - <i>Nimla King Jiszs</i>	159
All Hail The Power - <i>Mz Zmatq R Drtq Jiszs!</i>	114
All Hail The Power - <i>Glqpxku Zmatq R Drtq Jiszs!</i>	322
All Hail, Adored Trinity - <i>Gct Trte, X Gct Mrlxde</i>	351
All People That On Earth Do Dwell - <i>Nigu Lr Nrlc Amrlx</i>	2
All You Who Seek A Comfort Sure - <i>Kraes, Rlrpx-lzbqme Bagr</i>	265
Amazing Grace - <i>Zmrlzkxmyalz</i>	73
Angels From The Lands Of Glory - <i>Nimu Enjrl Ne Gct Heven</i>	236
Angels We Have Heard On High - <i>Xlrku Enjrl Neng Gct</i>	242
As Now, O Lord, The Sun Has Set - <i>Kxetu, Nepi Taope</i>	21
As The Deer Panteth For The Water - <i>Nzmingrtikr Drtwrnge Nim</i>	119
As With Gladness Men Of Old - <i>Dakc Tqwai Ncblo Kc Bqnc</i>	254
At The Name Of Jesus - <i>Leplz Naatuobzng Zpr Mz Jiszs</i>	324
Away In A Manger - <i>King Kxtpowz Jiszs, Mzte Nzmc</i>	224
Baby Jesus - <i>Itoto Jiszs Mzte Nzmc</i>	221
Barnabas, The Kind Helper - <i>Banabas, Kxokatr</i>	403
Be Still And Know - <i>Mnc-lrpianu X Glxamu Kx</i>	79
Be You My Guardian & My Guide - <i>Lod, Aolve X Mailz Ninge</i>	188
Before The Ending Of The Day - <i>Yawe, Kxrpalz Nrlc</i>	26
Behold, What Manner Of Love - <i>Gct Mrlztile Nigu</i>	128
Bless His Holy Name - <i>Glqpxx Yawe</i>	135
Bless The Lord, O My Soul - <i>Naglqpxx Yawe</i>	154
Blessed Assurance - <i>Nzrlxngiti-krnge Mqngipe</i>	121
Blest Are The Pure In Heart - <i>Neipz' Kx Nabzdr Lqngi</i>	195
Breathe On Me, Breath Of God - <i>Vzm Bange, Mqngrkxtr</i>	341
Bright The Vision - <i>Opx Mz Mz Propet Asaea</i>	352
Brother, Let Me Be Your Servant - <i>Sa Nawztr-zvzbo Bam</i>	380
Come Thou Redeemer Of The Earth - <i>Vzm, Kxarlapx R Lr Nrlc</i>	241
Come, Bless The Lord - <i>Glqpxku Yawe</i>	132
Come, Holy Spirit - <i>Vzm Mqngrkxtr</i>	85
Come, Let Us Join Our Cheerful Songs - <i>Enjrl Nztu-ngalelvzlr</i>	439
Come, Thou Almighty King - <i>Trte, Nim King Kx Matq</i>	353
Come, Thou Long-Expected Jesus - <i>Vz-anim, Mevalu Rgr</i>	212
Create In Me A Clean Heart - <i>Gct, Tekqtrpz Nabznge</i>	198
Crown Him With Many Crowns - <i>Nim King R King Amrlx</i>	328
Dismiss Me Not Your Service, Lord - <i>Bzkq Aykrpx Ninge</i>	10
Do No Sinful Action - <i>Nigu Doa Neng Kraes</i>	269
Enter, Rejoice, And Come In - <i>Navztrpamu Makxtr</i>	1
Father God - <i>Gct Trte, Gct Trte</i>	357

Father, I Adore You - <i>Trte, Mrlztix Nim</i>	163
Father, Make Us One - <i>Trte, Aesz'ti Nigr</i>	84
Fill My House - <i>Yrlwr-lxblramu Makxtr</i>	72
Firmly I Believe And Truly - <i>Dazpwx Kx Lxngiti-angidrx,</i>	350
For All Your Saints, O Lord - <i>Lod, Aolvz Nabz Negr</i>	386
For Mary, Mother Of Our Lord - <i>Gqlz-ngrgu Drtq Yawe</i>	279
For The Beauty Of The Earth - <i>Nzluli-zlwzkr Nrlc</i>	67
For You Are My God - <i>Mrlz Nzmc-krgr Badr</i>	113
Forth In Your Name, O Lord, I Go - <i>Kxetu, Prpxx Mz Drtqm</i>	8
From East To West - <i>Lepz Amrlx Mz Nrlc Ka</i>	227
Give Ear To My Words O Lord - <i>Yawe Naxlrq Natqng</i>	5
Give Thanks To The Risen Lord - <i>Jiszs Nide Lod Kxaolve Nrlc</i>	91
Glorify Thy Name - <i>Trte, Angiokr x Mrlztikr Nim.</i>	70
Glory Be To Jesus - <i>Nagqlzku Jiszs Kc Drtqde Tqetq</i>	268
Go Tell It On The Mountain - <i>Vzbz Mz Lepz Amrlx</i>	240
God Gives His People Strength - <i>Gct, Kam Bagr Zmatq</i>	181
God Is So Good - <i>Yawe Mrlz</i>	206
God Rest You Merry, Gentlemen - <i>Nigu Lepz, Namnc-zpwxng</i>	235
God Sent His Son - <i>Atwzlr-ngrm Gct Mrlxde Jiszs</i>	29
God Who Made The Earth & Heaven - <i>Wzpe-ngrn Drtc', Bongavz</i>	25
Good Christian Men, Rejoice - <i>Lepz Ne Kraes, Abrtzamu</i>	228
Guide Me, O My Great Redeemer - <i>Yawe, Namailz-zvzq Nigr</i>	3
Hail The Day That Sees Him Rise - <i>Mz Zbqka Abrtzlvzku, Glqpx Jiszs!</i>	325
Hallelujah - <i>Awi Yawe</i>	75
Hark The Herald Angels Sing - <i>Natq Enjrl Nide Sele</i>	233
Hark! A Herald Voice Is Calling - <i>Lalztqamu Natq Enjrl!</i>	209
Hark, My Soul! It Is The Lord. - <i>Nabzng, Nalalztq</i>	192
Have Thine Own Way, Lord - <i>Lod, Atutr Zvz Me Pnz' Drtwrm</i>	196
Have You Been To Jesus? - <i>?Myx' Kxmu, Brtipengr Drtwrm Jiszs?</i>	74
He Gives Me Strength - <i>Mz Zmatq Ngr Kraes</i>	197
He Is Born, The Divine Infant - <i>Doa Kxtr Mzte Nzmc</i>	220
He Is Lord - <i>Nide Lod</i>	157
He Is The King Of Kings - <i>King R King Amrlx</i>	142
Healing Song - <i>Nzamrlzngr Nrkrdrdq X Nabz Lepz</i>	455
Heavenly Father, I Appreciate You - <i>Gct Trte, Naawibo Bamq</i>	76
Here, O My Lord, I See You Face To Face - <i>Lod, Mz Nzmungrkxtr</i>	58
His Banner Over Me Is Love - <i>Jiszs Mrlzti-zvzle Ninge</i>	105
His Name Is Wonderful - <i>Drtqde Mrlzvxi</i>	126
Holy, Holy - <i>Yawe, Gct Kc Tqrminr</i>	356
Holy, Holy, Holy - <i>Yawe Gct Kxrninr, Drtqm Tr-esz'ngr</i>	354
How Bright These Glorious... - <i>Lepz Kxnztr Lcng Nzaglpz'ng</i>	374
How Firm A Foundation - <i>Nigu Kxnzlxngitilr Jiszs Kraes</i>	43
How Good, Lord, To Be Here! - <i>Rpibz Pita Kx,</i>	364
I Am The Bread Of Life - <i>Ninge Dakxnzng Ngr Nzlungr</i>	65
I Danced In The Morning - <i>Elax Mzlikc Tqwz-ngrde Nrlc</i>	100

I Heard An Old, Old Story - <i>Be Kc Pnz' Nide Sele</i>	37
I Heard The Bells On Christmas Day - <i>Zvz Mz Krismas Kang Kqlu</i>	245
I Surrender All - <i>Jiszs, Kabo Bam Da Amrlx,</i>	185
I Want To Walk As A Child - <i>Namncx Naapux Doa Ne Gct</i>	193
I Will Enter His Gates - <i>Mz Nzvztr-krgru Mz Naobz X Makoa</i>	4
I Will Give Thanks To Thee - <i>Yawe, Naawibo Bam</i>	95
I Will Run To You - <i>Lod, Krlzq Daamrlx</i>	144
I Will Sing Of The Mercies - <i>Nivz Lr Yawe Kxetu-esz'ngr</i>	160
I Will Sing Unto The Lord - <i>Nangrbo Mz Gct Rnge</i>	156
If We Walk In The Light - <i>Ma Namncku Mz Zyzlr</i>	78
If Ye Then Be Risen With Christ - <i>Murde Alu-mouamu Mz Kraes</i>	310
Immortal, Invisible, God Only Wise - <i>Gct, Leplz Trnamec-zpwxlr</i>	102
In The Garden - <i>Jiszs Vz-zvzmc Bamq</i>	51
Insaet Buk Tabu - <i>Nzryrngrkxtr</i>	369
Isn't He? - <i>Jiszs Kraes, Lqngipx</i>	137
It Came Upon The Midnight Clear - <i>Mzlikc Pnz' Mz Nrlc Ka</i>	231
It Is A Thing Most Wonderful - <i>Krlc Da Kx Mrlz-esz'ngr</i>	266
It Is Well With My Soul - <i>Kxmule-esz' Nabznge Yc-zvz Mz Nrwx</i>	53
It's No Longer I That Liveth - <i>Trvz-nqblqpewxu Alwx</i>	199
I've Got Peace Like A River - <i>Nivz Apule Lue</i>	83
Jesus - <i>Jiszs</i>	136
Jesus Calls Us - <i>Jiszs Kqle-zvzle Nigu</i>	387
Jesus Christ Is Risen To-Day - <i>Mz Zbqka Kraes Lupe Mou</i>	308
Jesus Is The Way - <i>Jiszs Ngi Lrpzki</i>	138
Jesus Lives Again - <i>Jiszs Lupe Mou</i>	306
Jesus Loves The Little Ones - <i>Mrlzti Jiszs Doa Kxtpwz X Ninge</i>	202
Jesus Shall Reign - <i>Jiszs Sa Naaolve-zvzle</i>	323
Jesus Your Word Is The Way - <i>Jiszs Natqm Ngi Lrpzki X Daangidr</i>	44
Jesus, Good Above All Other - <i>Jiszs, Nzmlz-esz'ngr-krm</i>	39
Jesus, He Loves The Little Children - <i>Mrlzti Jiszs Doa Kxnztopwzng</i>	201
Jesus, Keep Me Near The Cross - <i>Mnc-aepztrpo Mz Kros</i>	62
Jesus, Name Above All Names - <i>Jiszs, Drtq Kxmyalz</i>	140
Jesus, Tender Shepherd Hear Me - <i>Jiszs Rnge, Xlrm Natqnge</i>	20
Jesus, The Very Thought Of Thee - <i>Jiszs, Apqtr Drtwrnge</i>	106
Joy To The World - <i>Nzabrtzngr Vzm Mz Nrlc</i>	239
Just A Closer Walk With Thee - <i>Lod, Navz-nqblqx Nim</i>	189
Just As I Am - <i>Kxmule-esz' Alex Alwx</i>	52
King Of Kings & Lord Of Lords - <i>King R King</i>	141
Leaning On The Everlasting Arms - <i>Nzodutr-lxblnrgr, Nzabrtz-zlwzng</i>	120
Let All The Islands Rise And Sing - <i>Nigr Lr Trmctu Amrlx</i>	93
Let Saints On Earth Together Sing - <i>Nigu Kxnztrng Mz Nrlc</i>	379
Let Us Break Bread Together - <i>Nangq-lxblrkr Dakxnzng Kxtr</i>	63
Let Us Praise Yahweh - <i>Naglqpxku Yawe!</i>	174
Let Us With A Gladsome - <i>Naglqpxku Kxetu Yawe</i>	115
Let's Just Praise The Lord - <i>Glqpxku Yawe, Kxetu</i>	133

Lift Jesus Higher - <i>Glqlz Jiszs Wq</i>	129
Lift Up Your Hearts - <i>Lod, Glqlzkr Nimq Mz Nabzgr</i>	110
Like A River Glorious - <i>Nrwx Ngr Yawe Gct Apule Lue</i>	66
Lord I Accept Your Gentle Care - <i>Kxetu, Aodu-zvzq Ninge</i>	92
Lord, I Lift Your Name On High - <i>Yawe, Glqlzx Drtqm</i>	166
Lord, Prepare Me To Be A Sanctuary - <i>Lod, Oliqti Zvz Nabznge</i>	60
Lord, We Love You - <i>Lod, Mrlztikr Nim</i>	145
Lord, You Are, More Precious Than Silver - <i>Myaszpxq Siu R Silvz</i>	150
Lord, Your Love Is Big - <i>Lod Nivz Lrm Kxetu</i>	271
Lord, Your Word Inspires Us - <i>Lod, Natqm Okatrle</i>	40
Love Came Down At Christmas - <i>Nivz Vzom Mz Krismas</i>	237
Love Divine, All Loves Excelling - <i>Gct, Nivz Lrm Myapx-esz'ngr</i>	183
Loving Shepherd Of Your Sheep - <i>Aolve-zvzq Sip Nemqng</i>	180
Loving Spirit, Holy Ghost - <i>Mqngrkxtr, Kxakrlz</i>	338
Low In The Grave He Lay - <i>Gq Trlolvzleu</i>	305
Majesty - <i>Glqlzku Zluli R Kraes</i>	130
Man Of Sorrows - <i>Ncblo Kx Drtqde Etq</i>	288
Mine Eyes Have Seen The Glory - <i>X Mcpeku Zluli R Nzvzkr Kxetu Rgu</i>	213
Morning Has Broken - <i>Yawe Gct Rnge, Nim Kxrpalz</i>	14
Most Ancient Of All Mysteries - <i>Yawe, Angiokr Nim</i>	355
My Faith Looks Up To Thee - <i>Gct, Kxarlapx Rnge</i>	182
My Father For Another Night - <i>Gct, Awi-zvz-ngrbo Bam</i>	12
My God Is So Big - <i>Gct Rgne Etu</i>	200
My God, And Is Your Table Spread - <i>Trtegr, Nzmungrkxtr</i>	69
My Jesus, I Love You - <i>Jiszs, Ninge Doa Nem X Mrlztix Nim.</i>	108
My Spirit Longs For Thee - <i>Kxmule-esz' Nabznge</i>	187
Nearer, My God, To Thee - <i>Lod, Namnc-aepztrpo Bam</i>	59
Nothing But The Blood - <i>Da Kx Ipqlx Alwx Ngi Txpwz Mepyr</i>	48
Now Thank We All Our God - <i>Gct, Awibzkr Bam</i>	90
Now That The Daylight Fills The Sky - <i>Mzlika Nrlc Ngrlxpe</i>	13
Now The Day Is Over - <i>Ngrlx Yrkrpxpe</i>	23
Now Unto The King Eternal - <i>Murde Ni-zvzde King</i>	9
O Come All You Faithful - <i>Nigu Kxnzrlxngiting</i>	234
O Come, O Come Immanuel - <i>Mevzlu Rgr, Vz-anim Bagr!</i>	210
O God, Our Help In Ages Past - <i>Gct, Nim Kxokatr Kc Bqnc</i>	49
O How He Loves You And Me - <i>Jiszs Mrlztile Nigu</i>	289
O Jesus, I Have Promised - <i>Jiszs, Nawztr-zvzbo Bam</i>	186
O Little Town Of Bethlehem - <i>Mztea Kc Topwz Betleem</i>	232
O Lord Of Heaven And Earth And Sea - <i>Yawe, Naglqlzkr Zluli Rm</i>	94
O Sanctissima - <i>Zbq R Zluli</i>	244
O Worship The King - <i>Gct, Glqpxkr Nim Mz Zluli Rm</i>	321
Oh Beautiful Star Of Bethlehem - <i>Vri Kx Lqngipx Ngr Betleem</i>	256
Oh Lord, My God - <i>Kxrpalz, Mzlikc Namc-ngrne</i>	109
Oh, How I Love Jesus - <i>Mrlztiku Gct</i>	358
Once In Royal David's City - <i>Kzdzq Mzli Kzdzq kc Olvz</i>	226

Once, Only Once - <i>Jiszs Bz-ngrde Nigu Amrlx</i>	50
Onward, Christian Soldiers - <i>Nigu Ami Ne Jiszs Naprtrku Mz Vea</i>	378
Open Our Eyes, Lord, We Want To See Jesus - <i>Lod, Okatr Nigr</i>	147
Our Blest Redeemer, When He Made - <i>Mzlllc Tqvzdzpengr</i>	340
O, For A Thousand Tongues - <i>Naonge Nakqlu-pwz Elx</i>	117
Palms Of Glory - <i>Leplz Ne Kraes Kcng Tqzpeng</i>	377
Praise God From Whom All Blessings Flow - <i>Glqpxku Gct</i>	7
Praise Him - <i>Lxngitiku Jiszs</i>	148
Praise Him, Praise Him, All Ye Children - <i>Nimu Doa, Naglqlzamu Jiszs</i>	204
Praise My Soul, The King Of Heaven - <i>Jiszs, Glqlz-zvzkr Nim</i>	107
Praise The Lord Who Reigns Above - <i>Gct, Nimq King R Heven</i>	103
Praise The Name Of Jesus - <i>Glqpxx Drtq Jiszs</i>	134
Praise To The Lord, - <i>Yawe, Glqlzkr Nim Nzngini-krm Kxrpalz</i>	122
Praise Ye The Lord, Alleluia - <i>Awi Gct, Awi Gct, Awi Gct, Awi Yawe</i>	125
Presentation By Parents - <i>Vzmitrpzki</i>	453
Presentation Of Bible - <i>X Tzaprcm Bange E</i>	454
Processional - <i>Prtrpe Mz Lepukxtr</i>	449
Psalms 136 - <i>Aodu-zvzle Nigu</i>	170
Rejoice In The Lord Always - <i>Naelalz-zvz-ngrm Drtwrmu</i>	152
Rejoice The Lord Is King - <i>Naabrtz-zhwzku Jiszs Kraes Nide King</i>	327
Revive Your Work - <i>Axplr Mou Nzww-krm, Kx Lod</i>	36
Rock Of Ages - <i>Lod, Butqbr Kc Bqnc</i>	55
Round Me Falls The Night - <i>Nim Zyzlr Rnge</i>	24
Rushing Wind - <i>Mqngrkxtr Vzmq</i>	112
Saviour, Who Did Healing Give - <i>Kraes, Amrlzpeq Leplz</i>	444
See This Child But Six Weeks Old - <i>Wiki Esz'mz Mz Nzlukr Kraes</i>	264
Seek Me Not, Satan - <i>Lod, Bzqk Rlr-ngrbzme Mz Setzn</i>	407
Seek Ye First - <i>Rtangrti Kai</i>	46
Silent Night - <i>Mz Nrlckxbq, Lozbq Kxtr</i>	229
Sing Them Over Again To Me - <i>Nangr-ngr-mopwa'mu Bange</i>	41
Sons Of God, Hear His Holy Word - <i>Nigu Neidu Kxesz'</i>	64
Spirit Of God In The Clear Water - <i>Mzlikc Yawe Tqwz-ngrde Nrlc</i>	339
Spirit Of The Living God - <i>Mqngrkxtr, Gct Kxlu</i>	80
Spirit Song - <i>Nalolvz Mrlx Gct Nigu</i>	155
Stand Up And Sing - <i>Tulzamu X Ngramu</i>	164
Stand Up, Stand Up For Jesus - <i>Navz-nqblqku Jiszs, Nigu Ami Nede</i>	194
Strengthen For Service, Lord The Hands - <i>Lod, Krka'zvzbzkr Bam</i>	57
St. James - <i>Rpibz Lxede Jemes X Jon</i>	426
St. Thomas - <i>Lod, Awi-zvzbzkr Bam</i>	388
Surely Goodness And Mercy - <i>Krlz-zpwxx Kx Sa Navz Zvz</i>	143
Take My Life - <i>Lod, Rlrpx-lzbqbo Bam</i>	190
Take Up Your Cross - <i>Glqlz Kros Ngrm</i>	184
The Church's One Foundation - <i>Jiszs Nide Nctrpou Ngr Makxtr Nyz Gct</i>	30
The Fight Is Over - <i>Battle Done - Mevalu Rgr, Kxetu</i>	307
The First Good Joy - <i>Nzabrtzkr Pransis Kc Kai</i>	443

The First Nowell - <i>Nrpa Ayrnrngr Lemq Enjrl Ne Gct</i>	238
The Flood - <i>Noa X Lcsu</i>	205
The Glorious King - <i>Da Amrlx Nzyclzbzng Mz Zmatq Gct</i>	99
The Great Prophet Of The New Morn - <i>Enjrl Gebrel Rkabz Nrpa</i>	404
The Greatest Thing In All My Life - <i>Sutitx Drtwrnge Nzkrlz-krnge Nim.</i>	161
The Head That Once - <i>Mzlikc Ena Nar Jiszs</i>	326
The Islands Waited, Lord For You - <i>Lod, Lr Trmctu Nzmnck-kaing</i>	399
The King Of Love My Shepherd Is - <i>Yawe, Aolve-zvzq Ninge</i>	71
The Life Which - <i>Mz Nzokatrkr Mqngrkxtr</i>	394
The Lord Is King, Lift Up Your Voice - <i>Nigu Lr Nrlc X Lr Heven</i>	118
The Lord Reigneth - <i>Nim Kxmatq!</i>	158
The Lord's Day Is Our Delight - <i>Sade Ngi Zbq Kx Myapxbz Mz Nrlc</i>	32
The Maker Of The Sun & Moon - <i>Yawe Kxrpalz, Wz-ngrn</i>	243
The Power Of Your Love - <i>Lod, Vzbo Bamq Amrna-zvz Nabznge</i>	111
The Saint Who First Found Grace To Pen - <i>Maki Yrle Nrpa Kc Kai.</i>	400
The Saints All Crowned With Glory - <i>Leplz Kxnztrng Heven</i>	375
The Sinless One To Jordan Came - <i>Jiszs Kx Traleu Alwx</i>	262
The Son Of God Goes Forth To War - <i>Mrlx Gct Prpx Mz Vea</i>	393
The Steadfast Love Of The Lord - <i>Yawe, Nivz Lrm Tqvzpe</i>	168
The Voice That Breathed O'er Eden - <i>Gct Kc Tqwz-ngrde Nrlc</i>	446
The Wonderful Grace - <i>Eu Zmrlz Ngr Jiszs Kxmyalz</i>	38
There Is A Fountain - <i>Mepyr Ngr Kraes Apule Lue</i>	61
There Is A Green Hill Far Away - <i>Rlru Mz Newz Kalvari</i>	270
There Up On Mt. Calvary - <i>Mrgc Wq Mz Newz Kalvari</i>	149
There's A River Of Life - <i>Lue Ngr Nzlungr</i>	337
They That Wait Upon The Lord - <i>Neke Aenzlile Lod</i>	81
This Is The Day - <i>Krlc Zbq</i>	15
This Joyful Eastertide - <i>Trpnz'ngr Alwx Mou</i>	309
Thou Art Worthy - <i>Yawe, Nipem Gct Rgr</i>	123
Thou Shalt Keep Him In Perfect Peace - <i>Neke Brtipe Drtwrde Nim</i>	82
Thou Who Sentest Thine Apostles - <i>Kxetu, Nzatzwlrpx-krmq</i>	445
Through The Night Your Angels Kept - <i>Enjrl Nemqng Nzaolvehr</i>	11
Thy Word Is A Lamp Unto My Feet - <i>Natqm Nide Lam Kx Rmailz</i>	45
Tis My Desire - <i>Lod, Naangio-zvzx Nim</i>	146
To God Be The Glory - <i>Naglpqxku Yawe Kx Matq-esz'ngr.</i>	116
To God Be The Glory For The Things He Has Done - <i>Glqlz-zvzx Yawe</i>	131
To Mercy, Pity, Peace, And Love - <i>Nzryckr Drtwr, X Nrwx</i>	68
To My Father's House - <i>Jiszs Ngi Lrpzki Ma Nyz Trtenge</i>	139
True Faith - <i>Gct Esz'txu X Mesaea</i>	101
Trust And Obey - <i>Ma Navz-nqblqku Gct</i>	191
Turn Your Eyes Upon Jesus - <i>Naaoti Drtwrgu Jiszs</i>	151
Two Saints Went By The Road - <i>Pilip X Jemes Nzozlilr</i>	402
Unto Thee O Lord - <i>Yawe, Kabo Bam</i>	167
Unto Us A Boy Is Born - <i>Itoto Nzmikam Bagu</i>	222
We Are One Big Happy Family - <i>Nigu Amrlx Neidu Kxesz'</i>	203

We Bring The Sacrifice Of Praise - <i>Yawe, Rlr-ngrbzkr Bam</i>	169
We Bring You Bread - <i>Krlc Bret Nam</i>	77
We Exalt Thee - <i>Yawe Nim King, Kxmyalz-esz'ngr</i>	165
We Love The Place, O God - <i>Nzabrtzlvz-krgr</i>	31
We Offer You, O Lord, Bread And Wine - <i>Lod, Kalzbzkr Bam</i>	56
We Sing The Glorious Victory - <i>Mzlikc Pol Tqvz-ngrde</i>	395
We Thank You Lord, For One Who Died - <i>Gct, Awi Mz Bisop Patson</i>	437
We Three Kings - <i>Nigr King Vz-nqblqkr Vri</i>	255
We Will Glorify The King Of Kings - <i>Armyalzkr Nimq, King R King</i>	98
We Will Lift Jesus Higher - <i>Naglqlzku Jiszs Wq</i>	153
What A Friend We Have In Jesus - <i>Jiszs Kztegu Kxmyapxbz</i>	104
What Ship Is This - <i>Nigr Makxtr Nyz Jiszs</i>	42
When I Survey The Wondrous Cross - <i>Mz Nzobqlvz-krnge Kros Kxluli</i>	267
When The Roll Is Called Up Yonder - <i>Mzlikc Nayzlu-ngrm Jiszs</i>	211
While Shepherds Watched - <i>Kxnzaolvevr Sipq Nedrng</i>	225
White Coral Bells - <i>Jiszs Mzpq Nzmc Mz Zbq Ka</i>	223
Who Are These? - <i>Leplz Kxnztrng Ne Jiszs</i>	376
Who Is This? - <i>?Neke Aodule Ninge?</i>	124
Whom Have I In Heaven But Thee - <i>Trpnz'ngr Dalr Heven</i>	162
You Choirs Of New Jerusalem - <i>Gct, Nigr Lr Jerusalem</i>	304
You Have Turned My Mourning Into Dancing - <i>Gct, Alrtibzme</i>	127
You Servants Of The Lord - <i>Kxnzawz Neng Gct</i>	208
You That Have The Faith Of Jesus - <i>Nigu Kxnzrlxngitingq</i>	431
Your Kingdom Come, O God - <i>Kraes Tumilzm Zmatq</i>	207